

কান্তকবি-রচনাসম্ভার

রজনীকান্ত সেন

শ্রীপ্রমথনাথ বিশী

সম্পাদিত

সিদ্ধি ও সোম

১০ শ্যামাচরণ দে স্ট্রীট, কলিকাতা-১২

প্রথম প্রকাশ, ভাদ্র ১৩৩৭

মিঃ ও বোম্ব, ১০ স্তামাচরণ মে ট্রাট, কলিকাতা-১২ হইতে এস. এন. রায় কর্তৃক প্রকাশিত
ও প্রিন্টার্স প্রিন্টিং ওয়ার্কস, ৩৭-বি বেনিগাটোলা লেন, কলিকাতা ৯ হইতে
শ্রীপ্রদোষকুমার পাল কর্তৃক মুদ্রিত

সূচীপত্র

	পৃষ্ঠা
ভূমিকা	/০
বাণী	১
আলাপে	৪
বিলাপে	৪০
প্রলাপে	৪৯
কল্যাণী	৬৬
অমৃত	১৫৩
আনন্দময়ী	১৭৫
আগমনী	১৭৭
বিজয়া	২০৪
বিশ্রাম	২৩৩
কৌতুক	২৩৫
পরিণয়-মঙ্গল	২৬৬
অভয়া	২৯৭
তত্ত্ব সঙ্গীত	২৯৯
বিবিধ সঙ্গীত	৩৩৬
সস্তাব কুসুম	৩৬৩
শেষদান	৩৯৭
১।	৩৯৯
২।	৪১৬
৩।	৪২৮
৪।	৪৪৭

রজনীকান্ত সেন

১৮৬৫—১৯১০

১২৭২ সালের ১২ই শ্রাবণ (২৬শে জুলাই ১৮৬৫ খৃঃ) বুধবার প্রত্যুষে পাবনা জেলার সিরাজগঞ্জ মহকুমার ভাঙ্গাবাড়ী গ্রামে বৈষ্ণব-বংশে কাস্তকবি রজনীকান্ত জন্মগ্রহণ করেন ।

ভাঙ্গাবাড়ী একখানি ক্ষুদ্র পল্লী । রাজারাম সেন ও রাজেন্দ্ররাম সেন নামে তাঁহার দুইজন পূর্বপুরুষ এইস্থানে সর্বপ্রথম আগমন করেন । কবির জন্মকালে তাঁহার জন্মগ্রামখানি বিশেষ জনবহুল ও উন্নত ছিল, কিন্তু কালক্রমে তাহার অবস্থা শোচনীয়রূপ ধারণ করে ।

রজনীকান্তের পিতা গুরুপ্রসাদ সেন ও মাতা মনোমোহিনী দেবী, তাঁহার জ্যেষ্ঠভাত গোবিন্দনাথের সহিত তাঁহারা একাদমবর্তী পরিবারে বসবাস করিতেন । রজনীকান্তের পিতা গুরুপ্রসাদ সেন ঢাকার মুন্সেফ ছিলেন পরে বরিশালে তিনি সাব-জজ্ পদ প্রাপ্ত হন । সংস্কৃত, পার্শী ও ইংরাজী ভাষাতেও তাঁহার বিশেষ অধিকার ছিল । মাতা মনোমোহিনী দেবীও বিশেষ গুণবতী ও নির্ভাবতী মহিলা ছিলেন ।

রজনীকান্ত তাঁহাদের তৃতীয় সন্তান । শৈশব হইতেই তাঁহার চরিত্রে সঙ্গীতপ্রিয়তা আবৃত্তিপটুতা ও রহস্যাত্মিনয় দক্ষতার পরিচয় পাওয়া যায় । স্মৃতিশক্তিও তাঁহার অনন্যসাধারণ ছিল । অশুশীলনের দ্বারা তাহা প্রথরতর হইয়া উঠে ।

বাল্যকালে রজনীকান্ত গ্রাম্যপাঠশালায় পড়েন নাই, একেবারেই বোয়ালিয়া স্কুলে ভর্তি হন । ১৮৮২ খৃঃ আঠারো বৎসর বয়সে তিনি এন্ট্রান্স পাশ করিয়া বৃত্তিপ্ৰাপ্ত হন । সেইসঙ্গে রাজসাহী বিভাগের মধ্যে সর্বোৎকৃষ্ট ইংরাজী প্রবন্ধ রচনার জন্য 'প্রমথনাথ-বৃত্তি' লাভ করেন । এন্ট্রান্স পাশের পরে ঢাকা মাণিকগঞ্জের তারকনাথ সেন মহাশয়ের কন্যা হিরণ্ময়ী দেবীর সহিত তাঁহার বিবাহ হয় ।

বাল্যকালে রজনীকান্ত অভিশয় অশাস্ত, উদ্ধত ও দুর্দান্ত প্রকৃতির ছিলেন, কালক্রমে তাঁহার সেই স্বভাব শাস্ত হইয়া আসে কিন্তু মনের সেই সদাচঞ্চলতা ও পরিহাসপ্রিয়তা জীবনের শেষদিন অবধি বিদ্যমান ছিল। নিজের প্রতিভা সম্বন্ধে তিনি বলিয়াছেন—“আমি যদি প’ড়তাম তবে স্পর্ধা করে বলতে পারি যে, কেউ আমার সঙ্গে compete ক’স্তে পারতো না। আমি গান গেয়ে নেচে হেসে পাশ হয়েছি। I was never a bork-worm, for I was blessed with very brilliant parts.”

বয়োবৃদ্ধির সহিত তাঁহার মধুর চরিত্র ও অন্তর্নিহিত প্রতিভা সুপরিষ্কৃত হইতে লাগিল। তাঁহার আদর্শ চরিত্র পল্লীর নৈতিক চরিত্র উন্নয়নে প্রভূত সাহায্য করে। গল্পকাহিনী চিত্তাকর্ষক ভাবে বলিবার ক্ষমতা পল্লীর আবালবৃদ্ধ নরনারীকে আকর্ষণ করিয়া আনিতে। ইহা ব্যতীত সঙ্গীতে তাঁহার প্রতিভা অসাধারণ ছিল। বাল্যবন্ধু তারকেশ্বর চক্রবর্তীই তাঁহার সঙ্গীত-গুরু ছিলেন। ক্রমে তাঁহার সঙ্গীতে খ্যাতি দেশব্যাপী হইয়া পড়িয়াছিল। দেবদত্ত সুমিষ্ট কণ্ঠে ক্রমাগত পাঁচ ছয় ঘণ্টা একসঙ্গে গান গাহিয়াও তিনি কখনও ক্লান্তিবোধ করেন নাই। পরবর্তীকালে তাঁহার মৃত্যুরোগ গলক্কত (ক্যান্সার) হইবার প্রধান কারণ এই অসাধারণ সঙ্গীতপ্রিয়তা বলিয়া অনুমান করা হয়।

রোগে শোকে কখনও তিনি হতাশ হইয়া ঘটনাস্রোতে আত্মসমর্পণ করেন নাই। বাল্যকাল হইতেই তাঁহাদের সাংসারিক অর্থকৃচ্ছ্রতা ও বহুবিধ শোক সহ্য করিতে হয়। জ্যেষ্ঠতাত গোবিন্দনাথ, পিতা গুরুপ্রসাদ, ভ্রাতা উমাশঙ্কর, ভগিনী, নিজ পুত্রকন্যাদির মৃত্যু তাঁহাকে বারংবার কঠিন আঘাত করিয়াছে কিন্তু তাঁহার মনের সেই সহজ প্রফুল্লতাকে দূর করিতে পারে নাই। ছাত্রজীবনে তিনি শিক্ষকবৃন্দের সম্বন্ধে নানাপ্রকার সংস্কৃত ব্যঙ্গ কবিতা রচনা করিয়াছেন।

রজনীকান্তের বি. এল. পরীক্ষা দিবার পূর্বেই তাঁহার প্রথম কবিতা ‘আশা’ “আশালতা” নামক একখানি মাসিকপত্রে প্রকাশিত হয়। ১৩০৪ সালের বৈশাখ মাসে রাজসাহী হইতে “উৎসাহ” নামে অপর

একটি সঙ্গ প্রকাশিত মাসিকপত্রে নিয়মিতভাবে রজনীকান্তের কয়েকটি কবিতা প্রকাশিত হয়। রজনীকান্তের সর্বপ্রথম কবিতা রচনা প্রয়াসের যথার্থ সময় নির্ধারণ করা যায় না, তবে অতি বালককালেই তাঁহার কবিপ্রতিভা স্ফুর্তি লাভ করে। প্রথমজীবনে তিনি পয়ার ও সংস্কৃত শ্লোক রচনা করিতেন, তাহার পরে নানাবিধ অল্পুঠানে স্বরচিত গান গাহিয়াই তিনি প্রসিদ্ধি অর্জন করেন। সেই সময়ে ১৩০২ সালে প্রকাশিত দ্বিজেন্দ্রলাল রায়ের ‘আমরা ও তোমরা’ নামক হাস্যরসাত্মক প্যারডির দ্বারা প্রভাবিত হইয়া তিনি সর্বপ্রথম ‘তোমরা ও আমরা’ নামে তাহার প্রত্যুত্তর রচনা করেন। তাহার পর অবিরাম গতিতে ব্যঙ্গ কবিতার স্রোত তাঁহার লেখনীমুখে বহির্গত হয়। তবে সে সকল ব্যঙ্গে কুত্রাপি ব্যক্তিগত বিদ্বেষ বা আক্রোশের লেশমাত্রও ছিল না।

রজনীকান্ত বি. এল্. পাশ করিয়া ওকালতি ব্যবসাতে প্রবেশ করিলেও তাহাতে মনোনিবেশ করিতে পারেন নাই। তিনি স্বয়ং লিখিয়াছেন—“আমি আইন ব্যবসায়ী কিন্তু ব্যবসায় করিতে পারি নাই।...আমি শিশুকাল হইতে সাহিত্য ভাল বাসিতাম,...আমার চিন্তা তাই লইয়াই জীবিত ছিল।...” বাহা হউক ১৯০২ খৃঃ তাঁহার ‘বাগী’ কাব্যটি প্রকাশিত হয়।

১৯০৫ খৃঃ বঙ্গভঙ্গ আন্দোলন যখন বাংলার ঘরে ঘরে পরিব্যাপ্ত হইয়া পড়িতেছিল সেইসময়ে রজনীকান্তও তাহাতে সক্রিয় অংশ গ্রহণ করেন। তাঁহার রচিত—

“মাঘের দেওরা মোটা কাপড়

মাথায় তুলে নেরে ভাই...”

গানটি বঙ্গভঙ্গ আন্দোলনের ইতিহাসে ওতোপ্রোত ভাবে জড়িত হইয়া গিয়াছে। এই একটিমাত্র গানই বাঙ্গালীকে দেশজ শিল্পের প্রতি উদ্বুদ্ধ করিতে সাহায্য করে। এই একটিমাত্র গানেই রজনীকান্ত দেশবিখ্যাত হইয়া পড়েন। কেবল এই গানেই নহে। রজনীকান্তের স্বদেশবিষয়ক সকল সঙ্গীতেই এমনি দেশাত্মবোধের ব্যঞ্জনা বিরাজমান।

১০১৩ সালে ৪১ বৎসর বয়সে তিনি সহসা মূত্রকৃচ্ছ রোগে আক্রান্ত হন। সেই সাথে ম্যালেরিয়াও আক্রমণ করে। চিকিৎসকের পরামর্শে কটকে বায়ুপরিবর্তনের জন্য যাত্রা করেন কিন্তু তাহাতে স্থায়ীফল লাভ হয় না। ইহার মাত্র কয়েক বৎসরের মধ্যেই তিনি গলক্ষতে পীড়িত হইয়া পড়েন, অতি সামান্য সূচনাকে অগ্রাহ্য করিয়া তিনি রঙ্গপুর প্রবাসকালে স্বাভাবিকভাবে দীর্ঘকালব্যাপী গান করেন। কবি রোজনামচায় জানান—“হঠাৎ হাসতে হাসতে গলায় ষা হ’ল। তাই নিয়ে রঙ্গপুরে গিয়ে তিনদিন গান করতে হ’ল, তার পর থেকেই এই দশা।” রোগ দ্রুত বৃদ্ধি পাইতে লাগিল; কলিকাতা, কাশী প্রভৃতি নানাস্থানে নানাবিধ চিকিৎসাতে কোন ফলোদয় না হওয়াতে পুনরায় কলিকাতায় আনীত হইলেন। মুম্বু কবিকে মেডিকেল কলেজে স্থানান্তরিত করা হইল।

॥ ২ ॥

অদৃষ্টবিধাতা কোন কোন স্বনির্বাচিত পুরুষের জন্য স্বহস্তে গোরবের মুকুট প্রস্তুত করিয়া থাকেন, সে মুকুটের উপাদান বেদনার স্বর্ণ ও অশ্রুর মুকুতা। চর্মচক্ষের অভিজ্ঞতায় মনে হয় যে সেই দুইই সৌভাগ্যের ভারে হতভাগ্যের সমস্ত জীবন ও যাবতীয় আশাভরসা পুড়িয়া ছাই হইয়া গেল, তখন বিধাতা যে কা আত্মপ্রসাদ লাভ করেন কে বলিবে। তবে কখনো কখনো বিধাতার মর্মজ্ঞ ব্যক্তির চোখে এ হেন দৃশ্য পড়িলে তিনি প্রকৃত অর্থ বুঝিতে পারেন, তিনি দেখেন যে বিধাতাপুরুষ মানবাত্মার মহত্বের যাচাই করিয়া লইতেছেন, দেহ ও আত্মার প্রতিদ্বন্দ্বিতায় আত্মার জয় দেখিয়া তাঁহার আনন্দের সীমাপরিসীমা থাকিতেছে না।

ক্যানসার-রোগাক্রান্ত নিশ্চিতমৃত্যু রজনীকান্তকে দেখিয়া রবীন্দ্রনাথ যে চিঠিখানি লিখিয়াছিলেন তাহা বিধাতার মর্মগ্রাহিতায় পূর্ণ। রবীন্দ্রনাথ লিখিতেছেন—

“ଶ୍ରୀତିପୂର୍ଣ୍ଣ ନମସ୍କାରପୂର୍ବକ ନିবেଦନ—ସେদিন ଆପনার ରୋଗଶୟାର
 পার୍শ୍বে ବସିয়া, মানବାହାର একটি ଜ୍ୟୋତିର୍ବିମ୍ବ ପ୍ରକାଶ ଦେখିয়া আসିয়াছি ।
 শরীর তাহাকে আপনার সমস্ত অস্থি-মাংস, স্নায়ু-পেশী দিয়া চারিদিকে
 বেষ্টন করিয়া ধରିয়াও কোনোমতে বন্দী করিতে পারিতেছে না, ইহাই
 আমি প্রত্যক্ষ দেখিতে পাইলাম । মনে আছে, সেদিন আপনি আমার
 ‘রাজা ও রাণী’ নাটক হইতে প্রসঙ্গক্রমে নিম্নলিখিত অংশটি উদ্ধৃত
 করিয়াছিলেন—

এ রাজ্যেতে

যত সৈନ୍ଧ, যত দুର୍গ, যত কারাগার,
 যত লোহার শৃঙ্খল আছে, সব দিবে
 পারে নাকি বাঁধিয়া রাখিতে দৃঢ় বলে
 ক্ষୁদ্র এক নারীর হৃদয ?

ଏ কথা হইতে আমার মনে হইতেছিল, সুখদুঃখ-বেদনার পরিপୂର୍ଣ୍ଣ
 এই সংসারের প্রভୂତ শক্তির দ্বারাও কি ছোট এই মানুষটির আত্মাকে
 বাঁধিয়া রাখিতে পারিতেছে না ? শরীর হার মানিয়াছে, কিন্তু চিত্তকে
 পବାভୂତ করিতে পারে নাই—কণ୍ଠ বিদୀର୍ଣ୍ଣ হইয়াছে, কিন্তু সঙ্গীতকে
 নিবୃତ୍ତ করিতে পারে নাই—পৃথিবীর সমস্ত আরাম ও আশা ধূলিসାৎ
 হইয়াছে, কিন্তু ভୂমার প্রতি ভক্তি ও বিশ্বাসকে ସ୍ଥାନ করিতে পারে
 নাই । কাঠ যতই পୁড়িতেছে, অগ্নি আরো তত বেশি করিয়াই
 জଳিতেছে । আত্মার এই মুକ୍ତ স্বরূপ দেখିবার সুযোগ কি সহজে
 ঘটে ? মানুষের আত্মার সত্য-প্রতিষ্ঠা যে কোথায়, তাহা যে অস্থি-
 মাংস ও ক্ষୁধা-ତৃষ্ণার মধ্যে নহে, তাহা সেদিন সুস্পষ্ট উপলব্ধি করিয়া
 আমি ধନ୍ୟ হইয়াছি । সহিদ্র বাঁশির ভিতর হইতে পরিপୂର୍ଣ୍ଣ সঙ্গীতের
 আবির্ভাব স্বরূপ, আপনার রোগক্ষত, বেদনাপୂର୍ଣ୍ଣ শরীরের অন্তরাল
 হইতে অপরাঙ্কিত আনন্দের প্রকাশও সেইরূপ আশ্ଚର୍ଯ୍ୟ ।...

“আপনি যে গানটি [‘আমায় সকল রকমে...’] পাঠাইয়াছেন
 তাহা শিরোধାର্য করিয়া লইলাম । সিদ্ধিদাতা তো আপনার কিছুই
 অবশিষ্ট রাখেন নাই, সমস্তই তো তিনি নিজের হাতে লইয়াছেন—

আপনার প্রাণ, আপনার গান, আপনার আনন্দ, সমস্তই তো তাঁহাকেই অবলম্বন করিয়া রহিয়াছে—অন্য সমস্ত আশ্রয় ও উপকরণ তো একেবারে তুচ্ছ হইয়া গিয়াছে। ঈশ্বর যঁাহাকে রিক্ত করেন, তাঁহাকে কেমন গভীরভাবে পূর্ণ করিয়া থাকেন; আজ আপনার জীবন-সঙ্গীতে তাহাই ধ্বনিত হইতেছে ও আপনার ভাষা-সঙ্গীত তাহারই প্রতিধ্বনি বহন করিতেছে।”

রবীন্দ্রনাথের পত্র নিশ্চিতমুত্থাপথযাত্রীকে বৃথা সাস্তুনা দান নয়, রুগ্ন কবি সম্বন্ধে অবধারিত সত্য। ছুরারোগ্য ব্যাধিতে আক্রান্ত কবি যে প্রফুল্লতা, ধীরতা ও শান্তি দেখাইয়াছেন তাহা ভগবানে গভীর বিশ্বাস ব্যতীত সম্ভব নয়। জীবনের আর সব সম্বল যখন ফুরাইয়া যায়, তখন ঐটুকুই হাতে থাকে, যাহার হাতে থাকে সত্যই সে পরম সৌভাগ্যবান। মৃত্যুশয্যায় শয়ান স্মার ওয়ান্টার স্কট জামাতাকে সম্বোধন করিয়া বলিয়াছিলেন—বৎস, এই অবস্থায় উপস্থিত হইলে পবিত্র জীবনের স্মৃতি ছাড়া আর কিছুতেই সাস্তুনা পাইবে না। ‘সকল রকমে কাঙাল’ রজনীকান্তও শেষ শয্যায় উপনীত হইয়া একমাত্র পবিত্র জীবনের স্মৃতির উপর নির্ভর করিয়াই ধীরতা রক্ষা করিতে সক্ষম হইয়াছিলেন। সে-সময় হাসপাতালে তাঁহাকে যঁাহারা দেখিয়াছেন তাঁহারাই রবীন্দ্রনাথের মত মুগ্ধ বিস্ময় অনুভব করিয়াছেন। কান্তকবি স্বদেশী গানের কবি, হাসির গানের কবি, আবার ভক্তি-সঙ্গীতের কবি। কিন্তু জীবনের দুর্বহ শেষ কটি মাস প্রমাণ করিয়া দিল তাঁহার যথার্থ শক্তি কোথায়। ঐ ভক্তির মূল অস্তিত্বের গভীরে নিহিত ছিল বলিয়াই কবিকে খাড়া করিয়া রাখিয়াছিল, তুলনায় সামান্য আঘাতে অনেক অন্তঃসারশূন্য মহীরুহ ভাঙিয়া পড়ে। দুর্বহ অস্তিম এই কয়টি মাসকেই তাঁহার জীবনের অক্ষয় কিরীট বলিয়া বর্ণনা করিয়াছি। কী প্রয়োজন ছিল এই কণ্টক-মুকুটের? বিধাতা বোধ করি মাঝে মাঝে নিজের সৃষ্টির শক্তি যাচাই করিয়া দেখেন।

রজনীকান্ত মূলতঃ পাবনার অধিবাসী হইলেও রাজসাহীর লোক বলিয়াই পরিচিত ছিলেন, তিনি নিজেও সেইরূপ মনে করিতেন। তাঁহার জ্যেষ্ঠভ্রাতা গোবিন্দনাথ সেন রাজসাহীর খ্যাতনামা উকিল ছিলেন, সেই স্মৃতিতে রাজসাহী তাঁহার আপন স্থান হইয়া উঠিল। কালক্রমে তিনি রাজসাহীর প্রধান অলঙ্কারে পরিণত হইলেন।

রজনীকান্ত প্রভূত মেধার অধিকারী হওয়া সত্ত্বেও স্কুল-কলেজের পাঠে কখনও মনোযোগী ছিলেন না—তাই পরীক্ষাগুলি কোনরকমে পাশ করিয়া রাজসাহী শহরে ওকালতি ব্যবসা শুরু করিলেন।

ওকালতি আরম্ভ হইল, সেই সঙ্গে আরম্ভ হইল প্রবল সাহিত্য-সাধনা। একটা পেশা, অন্যটা নেশা। নেশার কাছে পেশা পারিবে কেন? এই বিসদৃশ অবস্থা সত্ত্বেও তিনি দিঘাপতিয়ার কুমার শরৎ-কুমারকে লিখিতেছেন—

“কুমার, আমি আইন-ব্যবসায়ী, কিন্তু আমি ব্যবসায় করিতে পারি নাই। কোন্‌ দুর্লভ্য অদৃষ্ট আমাকে ঐ ব্যবসায়ের সহিত বাঁধিয়া দিয়াছিল কিন্তু আমার চিত্ত উহাতে প্রবেশ লাভ করিতে পারে নাই। আমি শিশুকাল হইতে সাহিত্য ভালবাসিতাম, কবিতার পূজা করিতাম, কল্পনার আরাধনা করিতাম। আমার চিত্ত তাই লইয়া জীবিত ছিল।”

মধুসূদনও এই রকমটি লিখিলে লিখিতে পারিতেন। ওকালতির সাহায্যে সাহিত্য ও সঙ্গীতের উৎস অবলম্বন করিয়া তিনি দিনগত পাপক্ষয় করিতে লাগিলেন।

এই সময়ে ঐতিহাসিক ও সাহিত্যরসিক অক্ষয়কুমার মৈত্রেয়র

১৮৮৩ এন্ট্রান্স, তৃতীয় বিভাগ কুচবিহার জেনকিন্স স্কুল, ১৭ বৎসর বয়স

১৮৮৫ এফ. এ দ্বিতীয় বিভাগ রাজসাহী কলেজ

১৮৮৯ বি. এ. সিটি কলেজ

১৮৯১ বি. এল. দ্বিতীয় বিভাগ সিটি কলেজ

সহিত তাঁহার ঘনিষ্ঠ বন্ধুত্ব জন্মে। তিনিও রজনীকান্তের মত অল্প জেলার লোক হইয়াও রাজসাহীর অধিবাসী বলিয়া পরিচিত। অক্ষয়কুমার পেশায় উকিল, নেশায় প্রভুতত্ত্ববিদ, তার উপরে সাহিত্যিক। তাঁহার কাছে উৎসাহ ও প্রশ্রয় পাইয়া রজনীকান্ত সাকল্যের পথে চলিলেন। এই রাজসাহী শহরেই আর ছুইজন ব্যক্তির সহিত তাঁহার পরিচয় ঘটে, যাঁহাদের প্রভাব অস্বাভিক পরিমাণে তাঁহাকে প্রভাবিত করিয়াছিল। তাঁহারা দ্বিজেন্দ্রলাল রায় ও জলধর সেন।

রাজসাহীতে আসিয়া স্থায়ীভাবে বসিবার সঙ্গেই রজনীকান্ত রাজসাহী শহরের ‘উৎসবরাজে’ পরিণত হইলেন। সাহিত্যসভা, গানের মজলিশ, লাইব্রেরি, সাহিত্য-সম্মিলন, সর্বত্র রজনীকান্তকে চাই। বিশিষ্ট ব্যক্তিদের বিদায়- বা সংবর্ধনা-সভায় গান লিখিয়া দিতে রজনীকান্তকে চাই।

“এক রবিবারে রাজসাহীর লাইব্রেরীতে কিসের জন্ত যেন একটা সভা হইবার কথা ছিল। রজনী বেলা প্রায় তিনটার সময় অক্ষয়ের (মৈত্রেয়) বাসায় আসিল। অক্ষয় বলিল, ‘রজনীভায়া, খালি হাতে সভায় যাইবে। একটা গান বাঁধিয়া লও না।’ রজনী যে গান বাঁধিতে পারিত, তাহা আমি জানিতাম না; আমি জানিতাম, সে গান গাহিতেই পারে। আমি বলিলাম, ‘এক ঘণ্টা পরে সভা হইবে, এখন কি আর গান বাঁধিবার সময় আছে?’ অক্ষয় বলিল, ‘রজনী একটু বসিলেই গান বাঁধিতে পারে।’ রজনী অক্ষয়কে বড় ভক্তি করিত। সে তখন একখানি চেয়ার টানিয়া অল্পক্ষণের জন্ত চুপ করিয়া বসিয়া থাকিল। তাহার পরেই কাগজ টানিয়া লইয়া একটা গান লিখিয়া ফেলিল। আমি তো অবাক। গানটা চাহিয়া লইয়া পড়িয়া দেখি, অতি সুন্দর রচনা হইয়াছে। গানটি এখন সর্বজন-পরিচিত—

তব, চরণ-নিম্নে, উৎসবরঙ্গী শ্রাম-ধরণী সরস।”

অকালে অকস্মাৎ যে-কোন উপলক্ষে গান বাঁধিয়া দিতে ও গান গাহিয়া আসর মাত করিতে রজনীকান্তকে চাই। ক্রমে তিনি রাজসাহীর আনন্দ, উৎসাহ, প্রাণ হইয়া উঠিলেন। এমন লোককে 'উৎসবরাজ' বলিয়া বোধ করি অগ্নায় করি নাই।

এইভাবে সাহিত্য, সঙ্গীত এবং ওকালতির নেশায় পেশায় যখন তাঁহার জীবন চলিতেছিল এমন সময়ে ১৯০৯ সালের গ্রীষ্মকালে তাঁহার গলায় ক্যানসার রোগ দেখা দিল। এবারে শুরু হইল তাঁহার জীবনমরণের দ্বন্দ্ব, আরম্ভ হইল ছরুহ সৌভাগ্যের মুকুটধারণের পালা।

জীবনের শেষ কয় মাস মেডিকেল কলেজে কাটাইয়া দীর্ঘ দেড় বৎসর রোগভোগের পরে ১৯১০ সালের ১৩ই সেপ্টেম্বর রজনীকান্ত সাধনোচিত ধামে প্রস্থান করিলেন।

মেডিকেল কলেজে বাসকালে দেশের ছোট বড় অসংখ্য লোকের যে স্নেহ-করুণা তাঁহার উপরে বর্ষিত হইয়াছিল তাহাতে বুকিতে পারা যায় যে কান্তকবির রচনা দেশের মনকে ব্যাপকভাবে স্পর্শ করিয়াছিল, তিনি যে লিখিয়াছিলেন—

‘ভাবিতাম আমি লিখি বুকি বেশ

আমার সঙ্গীত ভালোবাসে দেশ’

তাহা আদৌ অলীক বা অভ্যক্তি নয়। কাশিমবাজারের মহারাজা মণীন্দ্রচন্দ্র নন্দী, দিঘাপতিয়ার কুমার শরৎকুমার রায় শ্রেষ্ঠ ভূস্বামী-গণ, মধ্যবিন্দুসম্প্রদায়ের ব্যবসায়ী, সমব্যবসায়ী ও বন্ধুগণ, মেডিকেল কলেজের চিকিৎসক ও শিক্ষার্থীগণ সকলেই নিজ নিজ সাধ্যানুসারে মৃত্যুপথযাত্রীর পথ সুগম ও ছুশিস্তা লাঘব করিতে চেষ্টা করিয়াছিলেন। আর এ সহৃদয়তা তাঁহার মৃত্যুর সঙ্গেই অবসিত হয় নাই। প্রথমোক্ত ছই মহানুভব ব্যক্তির বদামৃত্যু স্বর্গত কবির অনাথ পরিবারবর্গকে পরিত্যাগ করে নাই। লক্ষ্মী সরস্বতীর কলহ সর্বথা সত্য নয়।^১

^১ বাঙালীসমাজের আর যে ক্রটিই থাক বাণীর সেবকগণকে বাঙালী পথে মরিতে দেয় নাই। মধুসূদনের “দাতব্য চিকিৎসালয়ে...মরণ” লইয়া বাঙালী

রজনীকান্তের সাহিত্যসৃষ্টির পরিমাণ খুব বেশী নহে। মৃত্যুর পূর্বে তিনখানি এবং মৃত্যুর পরে পাঁচখানি পুস্তক প্রকাশিত হইয়াছিল।^৩

কবি খেদ করিলেও সেই "দাতব্য চিকিৎসালয়ের" ব্যয় বহন করিতে হইয়াছিল মহারাণী অর্ণময়ী, মনোমোহন ঘোষ প্রভৃতিকে। একথা কবি নিজে কৃতজ্ঞতার সঙ্গে স্মরণ করিয়া গিয়াছেন। প্রেসিডেন্সি জেনারেল হাসপাতাল দাতব্য চিকিৎসালয় নয়—ব্যয়বহুল প্রতিষ্ঠান। সেখানে মরিতে পাওয়া অনেকেই সৌভাগ্য মনে করিত।

হেমচন্দ্র শেখরসে অঙ্ক হইয়া অর্থাভাবে পড়িলে বাঙালী ধনিব্যক্তিগণ তাঁহাকে নিয়মিত সাহায্য করিয়াছেন।

গোবিন্দচন্দ্র দাসের অন্তিম চিকিৎসার ব্যয় বহন করিয়াছেন দেশবন্ধু চিত্তরঞ্জন দাশ। দেশ স্বাধীন হওয়ার পরে এরকম ক্ষেত্রে জনসাধারণের সাহায্যের স্থলে স্বাভাবিকভাবেই আসিয়াছে সরকারী সাহায্য। দৃষ্টান্ত সুবিদিত।

রজনী সেনের ক্ষেত্রে বৈশিষ্ট্য এই যে তাঁহার চিকিৎসার ব্যয় প্রধানতঃ ধনী ব্যক্তিগণ বহন করিলেও নিতান্ত মধ্যবিশ্বে দানের পরিমাণও কম নয়। বরিশালের উকীলগণ নিজেদের মধ্যে টাঁদা তুলিয়া তাঁহার সাহায্যার্থে পাঠাইয়াছেন। এমন দৃষ্টান্ত আরো আছে। চিরকাল যে দায়িত্ব ধনীর ছিল তাহা বহন করিবার জন্ত মধ্যবিশ্বের অগ্রসর হইয়া আসা সমাজের অর্ধশক্তির বিবর্তনের একটি শুভলক্ষণ।

৩ ১. বাণী (কাব্য) । ১৯০২

২. কল্যাণী (কাব্য) । ১৯০৫

৩. অমৃত (নীতিকবিতা) । ১৯১০

মৃত্যুর পরে প্রকাশিত :

৪. আনন্দময়ী (আগমনী ও বিজ্ঞানসঙ্গীত) । ১৯১০

৫. বিশ্রাম (কাব্য) । ১৯১০

৬. অভয়া (কাব্য) । ১৯১০

৭. সত্তাব-কুসুম (নীতিকবিতা) । ১৯১৩

৮. শেষ দান (কাব্য) । ১৯২৭

তাঁহার সমস্ত রচনাই পড়ে, তাহার অধিকাংশই আবার গীত। গীত বা গীতিকবিতাকেই তাঁহার প্রতিভার প্রধান বাহন বলা যাইতে পারে।

তাঁহার রচিত গানগুলি সাধারণতঃ তিন শ্রেণীর—ভক্তিমূলক, স্বদেশী গান ও হাসির গান। অমৃত ও সন্ধ্যাব-কুসুম গান নয়, নীতিকবিতা, কবির স্বীকৃতি অনুসারে রবীন্দ্রনাথের কণিকার আদর্শে রচিত।

লেখকের বহুবিধ প্রবণতার মধ্যে মুখ্য ও গৌণে প্রভেদ করা সমালোচকের একটি প্রধান কর্তব্য। গোড়াতে এই ভাগটা করিয়া লইলে পরিণামে অনেক ভুল বোঝার হাত হইতে নিষ্কৃতি পাওয়া যায়।

রচনার উৎকর্ষ ও পরিমাণ হিসাব করিলে স্বীকার কবিতে হয় যে ভক্তিমূলক গানেই কবির প্রতিভার প্রকৃষ্টতম প্রকাশ, ইহাই তাঁহার মুখ্য প্রবণতা। স্বদেশী গান, হাসির গান ও নীতিকবিতা তুলনায় গৌণ। গৌণের বিচার আগে সারিয়া লওয়া যাইতে পারে, স্বভাবতঃই তাহা সংক্ষিপ্ত হইবে।

রাজসাহায়ে দ্বিজেন্দ্রলালের সহিত পরিচয় রজনীকান্তকে হাসির গান রচনায় প্রেরণা দেয়, স্পষ্টতঃ এখানে দ্বিজেন্দ্রলালের হাসির গান তাঁহার আদর্শ। সাহিত্যে হাসির সীমানা কালে কালে ও দেশে দেশে বদল হইয়া থাকে। এক দেশ যে বিষয়কে হাস্যকর মনে করে অন্য দেশ তাহা নাও করিতে পারে, এক যুগ যে বিষয়কে হাস্যকর মনে করে অন্য যুগ তাহা না করিতেও পারে। দ্বিজেন্দ্রলালের হাসির গানের জৌলুস এক সময়ে যেমন ছিল এখন আর তেমন নাই। যুগাত্ম্যে রুচির বদল হইয়াছে, সে যুগের তুলনায় বর্তমান কাল কিছু গম্ভীর ও আত্মসচেতন হইয়া পড়িয়াছে—সাহিত্যে হাসি এখন সম্পূর্ণ taboo না হইলেও তাহার স্থান সঙ্কীর্ণ। রজনীকান্তের হাসির গান সম্বন্ধেও এ কথা সম্পূর্ণ প্রযোজ্য। দ্বিজেন্দ্রলাল বা রজনীকান্ত

কাহারও হাসির গান এখন বড় শুনিতে পাওয়া যায় না। তবে পুনরায় যুগান্তরে যে হাসির গানের আদর বাড়িবে না এমন বলা যায় না। তবে ছজনের হাসির গানের মধ্যে তুলনা করিলে বলা চলে যে, দ্বিজেন্দ্রলালের হাসির গানের সংখ্যা ও বৈচিত্র্য অধিক হইলেও উৎকর্ষে রজনীকান্তের হাসির গান ন্যূন নহে। তাঁহার হাসির গান মূলে দ্বিজেন্দ্রলালের দ্বারা প্রভাবিত ও প্রেরণাপ্রাপ্ত হওয়া সত্ত্বেও এক জায়গায় রজনীকান্তের জিত—তাঁহার হাসিতে করুণায় যেমন মাখামাখি দ্বিজেন্দ্রলালের তেমন নয়। দ্বিজেন্দ্রলালের হাসির গান যদি শুষ্ক শীতের বাতাস হয়, রজনীকান্তের হাসির গান বর্ষার জলভরাক্রান্ত পূবে বাতাস।

॥ ৫ ॥

স্বদেশী যুগে স্বদেশী গান লেখেন নাই এমন বাঙালী কবি বোধ হয় ছিলেন না। রজনীকান্তও লিখিয়াছেন। এ ক্ষেত্রে সবচেয়ে প্রবল প্রভাবটা সেই যুগের হাওয়ার, তার পরেই রবীন্দ্রনাথ ও দ্বিজেন্দ্রলালের। রজনীকান্তের স্বদেশী গানে অগ্রজ কবিদ্বয়ের প্রভাব অত্যন্ত স্পষ্ট।

রবীন্দ্রনাথের স্বদেশী গান সর্বত্র লিরিক্যাল, গানের সোমানা ত্যাগ করিয়া বক্তৃতার সোমানায় কখনও পদার্পণ করে নাই। দ্বিজেন্দ্রলালের স্বদেশী গান সর্বত্র oratorical, তাহা যেন গানে বক্তৃতা। এগুলির তৎকালীন জনপ্রিয়তার মূল এখানে, বক্তৃতার প্রেরণা যেমন সহজ, গানের প্রেরণা তেমন নয়। আবার এগুলির বর্তমান অনাদরের মূলও এখানে, বক্তৃতা যত শীঘ্র পুরাতন হয় গান তেমন হয় না। এখন রজনীকান্তের স্বদেশী গানে এ ছুটি গুণই দেখিতে পাওয়া যায়।

মায়ের দেওয়া মোটা কাপড়

মাথায় তুলে নেরে ভাই

দীন দুধিনী মা যে মোদের

তার বেশী আর সাধ্য নাই—

এ রচনার ছাঁচ লিরিক্যাল, সুরে গীত না হইলেও এ গান।

আবার—

রাম-যুষ্টিগির ছূপ-অলঙ্কৃত,
অর্জুন ভীষ্ম শরাসন টঙ্কৃত,
বীর প্রতাপে চরাচর শঙ্কিত।

এ রচনা “মিশ্র পরোজ-কাওয়ালী” রাগিণীতে গীত হইলেও লিরিক নয়, বক্তৃতা।

দ্বিজেন্দ্রলালের স্বদেশী গানের আদর যে কমিয়াছে, স্বদেশী যুগের অবসান তাহার কারণ নয়—উহার বক্তৃতাত্মক ছাঁচটাই কারণ। ঐ একই কারণে রজনীকান্তের স্বদেশী গানের সে আদর আর নাই, কাল ও ছাঁচ দুই-ই চিরকালীন সমাদরের অন্তরায়।

॥ ৬ ॥

রজনীকান্তের নীতিকবিতাগুলির বর্তমান অনাদরের কারণ বুঝিতে পারি না। এ গুলি স্পষ্টতঃ (কবি কর্তৃক স্বীকৃতও বটে) কণিকার আদর্শে লিখিত হইলেও ইহার সরসতায়, ভূয়োদর্শনে ও মৌলিকতার ‘কণিকা’র অমুজ। খুব সম্ভব অনাদরের কারণ হইতেছে সাধারণ ভাবে রজনীকান্তের কাব্য সম্বন্ধে পাঠকের অবহেলা ও বিস্মৃতি। কবির ভক্তিসঙ্গীতগুলির পরেই, হাসির গান ও স্বদেশী গানের উপরে, নীতিকবিতাগুলির আসন।

॥ ৭ ॥

বাংলা দেশের ভক্তিসাধনার একটি নিজস্ব ধারা আছে, বহুকালের প্রাচীন এই ধারা। এই ভক্তিসাধনার প্রকৃতি হইতেছে ভগবানের কাছে আত্মসমর্পণ। আত্মসমর্পিত-প্রাণ ভক্তকে ভগবানের অপার করুণা রক্ষা করে, ছুর্গম পথে চালনা করে এবং শেষ পর্যন্ত চরম

সার্থকতায় পৌঁছাইয়া দেয়। প্রধানতঃ সঙ্গীতে ভক্ত আত্মনিবেদন করিয়া থাকে। সঙ্গীত এখানে মন্ত্রের স্থান অধিকার করিয়াছে। তাই দেখিতে পাই ভক্তিসাধনার সমাস্তুরালে একটি সঙ্গীতের প্রবাহ সৃষ্টি হইয়াছে। বৈষ্ণব পদাবলী, শাক্ত পদাবলী, বাউল ও অন্যান্য লোকসঙ্গীত—সমস্তই এই ধারার অন্তর্গত। ব্রহ্মসঙ্গীত ও রবীন্দ্রনাথের ধর্মসঙ্গীতকেও এই ধারার অন্ততম রূপ বলিয়া গ্রহণ করা যাইতে পারে।

রজনীকান্তের কাস্তপদাবলীও এই ভক্তিসঙ্গীতধারার অন্তর্গত। ভক্ত ও ভগবান সম্পর্কিত নূতন কোন তত্ত্ব বা পন্থা তিনি উদ্ভাবন করেন নাই; বোধ করি ভক্তির প্রকৃত এই যে তত্ত্ব বা নূতন পন্থার দিকে তাহা কোঁকে না, চোখ বুজিয়া আত্মসমর্পণ করিয়া কৃতার্থ হয়। কাজেই কাস্তপদাবলীর তাত্ত্বিক ভিত্তি আলোচনা নিরর্থক। ভক্তির অকৃত্রিমতাই উহার প্রধান সম্পদ।

বাণী ও কল্যাণী হইতে অনেক পদ উদ্ধার করিয়া বিষয়টি প্রমাণ করা যায়। কিন্তু তাহার প্রয়োজন আছে মনে করি না। ভক্তির মূলে আছে বিশ্বাস। বিশ্বাস না থাকিলে ভক্তি সম্ভব নয়। কাজেই তাঁহার বিশ্বাসছোতক সঙ্গীতের সংখ্যাও প্রচুর।

কেন বঞ্চিত হব চরণে ?

আমি, কত আশা ক'রে ব'সে আছি,

পাব জীবনে, না হ'ব মরণে।

কিংবা—

তুমি অরূপ সরূপ, সত্ত্ব নিস্তর্প,

দয়াল ভয়াল হরি হে ;

আমি কিবা বুঝি, আমি কিবা জানি,

আমি কেন ভেবে মরি হে।...

তাই বলে ডাকি যাহা প্রাণ চায়

ডাকিতে ডাকিতে হৃদয় জুড়ায়—

ইহাই তাঁহার ভক্তির অন্তর্নিহিত কথা। বিশ্বাস ও ভক্তি প্রাণে

ধাকিলে ভক্তের সংসার-পথ সুগম হইয়া আসে, তখন মৃত্যুভেদে সে অনায়াসে বলিতে পারে—

তোমারি দেওয়া প্রাণে তোমারি দেওয়া হৃৎ ।...

তোমারি দেওয়া নিধি, তোমারি কেড়ে নেওয়া,

তখন মৃত্যুকেও 'তোমার রসাল নন্দন' বলিয়া মনে হয় ।

কাস্ত কবির ভগবদ্বিধ্বাসে এতটুকু কৃত্রিমতা ছিল না বলিয়াই তিনি ছর্ব্বহ পীড়ার অন্তিম মাস কয়েকটি গৌরব-কিরীটের মত অনায়াসে শিরে বহন করিতে সক্ষম হইয়াছিলেন ।

এ কথা বলিলে কুটিল ভবিষ্যদ্বাণী উচ্চারণ করিবার দায়িত্ব গ্রহণ করা হইবে না যে, কাস্তকবির ভক্তিসঙ্গীতগুলি বাংলা ভক্তিপদাবলীর জাহ্নবীতে যে একটি চির সলিলা উপনদীরূপে যুক্ত হইয়া আমাদের মানসিক সম্পদকে চিরদিনের জন্য বাড়াইয়া দিয়াছে তাহা অবিনশ্বর ।

শ্রীপ্রমথনাথ বিশী

বাণী

কাহারও বাণী গড়ে, কাহারও পড়ে, কাহারও বা সঙ্গীতে
আঁতব্যক্ত । রজনীকান্তের কাস্ত-পদাবলী কেবল সঙ্গীত ।
এই কথা বলিবার জুড়ে এই সংক্ষিপ্ত নীরম গল্পের
অবতারণা ।

শ্রীঅক্ষয়কুমার মৈত্রেয়

উদ্বোধন

ভৈরবী—কাণ্ডমালা

ভারতকাব্যনিকুঞ্জে—

জাগ সুমঙ্গলময়ি মা !

মুঞ্জরি তরু, পিক গাহি',

করুক প্রচারিত মহিমা !

তুলে লহ নীরব বীণা, গীত-হীনা,

অতি দীনা ;—

হে ভারত, চির-ছথ-শয়ন-বিলীনা ;

নীতি-ধর্ম-ময় দীপক মস্ত্রে,

জীবিত কর সঞ্জীবনমস্ত্রে,

জাগিবে রাতুল-চরণ-তলে,

ঘড, লুপ্ত পুরাতন গরিমা ।

[আলাপে]

সূচনা

গৌরী—একতারা

- সেথা আমি কি গাহিব গান ?
- যেথা, গভীর ওঙ্কারে, সাম-ঝঙ্কারে,
কাঁপিত দূর বিমান ।
- যেথা, সুরসম্মুখে বাঁধিয়া বীণা,
বাণী শুভ্রকমলাসীনা,
রোধি' তটিনী-জল-প্রবাহ,
তুলিত মোহন তান ।
- যেথা, আলোড়ি' চন্দ্রালোক শারদ,
করি' হরিগুণগান নারদ,
মধুমুগ্ধ করিত ভুবন,
টলাইত ভগবান ।
- যেথা, যোগীশ্বর-পুণ্যপরশে,
মূর্ত্ত রাগ উদিল হরষে ;
মুগ্ধ কমলাকাস্ত চরণে
জাহ্নবী জনম পান ।
- যেথা, বৃন্দাবন-কেলিকুঞ্জে,
সুরলী-রবে পুঞ্জে পুঞ্জে,
পুলকে শিহরি' কুটিত কুসুম,
যমুনা যেত উজ্জান ।
- আর কি ভারতে আছে সে যন্ত্র,
আর কি আছে সে মোহন মন্ত্র,
আর কি আছে সে মধুর কণ্ঠ,
আর কি আছে সে শ্রাণ ?

কান্তকবি-রচনাসভার

বাণী

মোহিনী মিত্র—কাওরালী

পীষ্ম-সিঞ্চিত-সমীর-চঞ্চল
কাঞ্চন-অঞ্চল দোলেরে !
সংশয়-নিরসন, ধীস্থিতি-বিতরণ
চরণে, জন-মন ভোলেরে ।
চম্পক-অঞ্জুলি-সকরণ-পরশে
বাণী পঞ্চমে বোলেরে ;
জ্যোতিষ-দরশন-বেদ-গণিত-কবিতা
শোভে কোমল কোলেরে ।
শুভ্র-রঞ্জিত-গিরি-কিরণ-বিকিরণে,
অন্ধ-নয়ন-মুগ খোলেরে,
মাতিল ত্রিভুবন, বাক্য-বিধায়িনী-
বাণী জয়-রব-বোলেরে ।

শান্তক-সম্ভাষণ

শৈরবী—জলদ এক ঠালা

তব, চরণ-নিম্নে, উৎসবময়ী শ্যাম-ধরণী সরলা ;
উর্ধ্বে চাহ, অগণিত-মণি-রঞ্জিত-নভো-নীলাঞ্চলা
সৌম্য-মধুর-দিব্যাক্ষনা, শাস্ত-কুশল-দরশা ।
দূরে হের চন্দ্র-কিরণ-উদ্ভাসিত গলা,
নৃত্য-পুলক-গীতি-মুখর-কলুমহর-ভরলা ;
ধায় মস্ত-হরষে সাগরপদ-পরশে,
কূলে কূলে করি' পন্নিবেশন মঙ্গলময় বরষা ।

কিরে দিশি দিশি মলয় মন্দ, কুম্ভ-গন্ধ বহিয়া,
আর্য্যগরিমা-কীর্ত্তিকাহিনী মুক্ জগতে কহিয়া,
হাসিছে দিগ্‌বালিকা, কণ্ঠে বিজয়মালিকা,

নবজীবন-পুষ্পবৃষ্টি করিছে শূণ্য-হরষা ।

ওই হের, স্নিগ্ধ সবিতা উদিছে পূর্ব-গগনে
কান্তোজ্জ্বল কিরণ বিতরি', ডাকিছে সৃষ্টি-মগনে ;

- নিভ্রাণস-নয়নে, এখনও রবে কি শয়নে ?

জাগাও, বিশ্ব-পুলক-পরশে, বন্ধে তরুণ ভরসা ।

জন্মভূমি

বিশ্ব পরোক্ষ—কাওরালী

জয় জয় জনমভূমি, জননি !

যাঁর, স্তম্ভসুখাময় শোণিত ধমনী ;

কীর্ত্তি-গীতিজিত, স্তম্ভিত, অবনত,

মুক্, লুক্, এই সুবিপুল ধরণী !

উজ্জ্বল-কানন-হীরক-মুক্তা-

মণিময়-হার-বিভূষণ-মুক্তা ;

শ্যামল-শস্য-পুষ্প-ফল-পুরিত,

লকল-দেশ-জয়-মুকুটমণি !

সর্ব-শৈল-জিত, হিমগিরি-শৃঙ্গে,

মধুর-গীতি-চির-মুখরিত স্তম্ভে, .

সাহস-বিক্রম-বীর্য্য-বিমণ্ডিত,

সঞ্চিত-পরিণত-জ্ঞান-ধনি !

জননী-তুল্য তব কে মর-জগতে ?

কোটা কণ্ঠে কহ, “জয় মা ! বরদে !”

দীর্ঘ বক্ষ হ’তে, ভগ্ন রক্ত ভুলি’
দেহ পদে, তবে ধন্য গণি !

ভারতভূমি

ভৈরবী—কাওয়ালী

শ্যামল-শশ্য-ভরা !
(চির) শাস্তি-বিরাজিত, পুণ্যময়ী ;
ফল-কুল-পুরিত, নিত্য-সুশোভিত,
যমুনা-সরস্বতী-গঙ্গা-বিরাজিত ।
ধূর্জটী-বাহিত-হিমাত্রি-মণ্ডিত,
সিন্ধু-গোদাবরী-মাল্য-বিলম্বিত,
অলিকুল-গুঞ্জিত-সরসিজ রঞ্জিত ।
রাম-বুধিষ্ঠির-ভূপ-অলঙ্কৃত,
অর্জুন-ভীষ্ম-শরাসন-টঙ্কৃত,
বীরপ্রতাপে চরাচর শঙ্কিত ।
সমগান-রত-আর্য্য-তপোধন,
শাস্তি-সুখাষিত কোটী তপোবন,
রোগ-শোক-হুখ-পাপ-বিমোচন ।
ওই সুদূরে সে নীর-নিধি—
যার, ভীরে হের, হুখ-দিব্ধ-হৃদি,
কাঁদে, ওই সে ভারত, হায় বিধি !

৯৫

মিশ্র ইন্দু—তেওরা

স্নেহ-বিহ্বল, করুণা-হলাহল,
 শিয়রে জাগে কার আঁধারে !
 মিটিল সব ক্ষুধা, সঞ্জীবনী সুধা
 এনেছে, অশরণ লাগিরে ।
 শ্রান্ত অবিরত যামিনী-জাগরণে,
 অবশ কৃশ তনু মলিন অনশনে ;
 আত্মহারা, সদা বিমুখী নিজ সুখে,
 তপ্ত তনু মম, করুণা-ভরা বুকে
 টানিয়া লয় ভুলি', যাতনা-তাপ ভুলি',
 বদন-পানে চেয়ে থাকিরে !
 করুণে বরষিছে মধুর সান্বনা,
 শাস্ত করি' মম গভীর যন্ত্রণা ;
 স্নেহ-অঞ্চলে মুছায়ে আঁধিজল,
 ব্যাধিত মস্তক চুসে অবিরল,
 চরণ-ধূলি সাথে, আশীষ রাখে মাথে,
 সুপ্ত হৃদি উঠে জাগিরে ।
 আপনি মঙ্গলা, মাতুরূপে আসি',
 শিয়রে দিল দেখা পুণ্য-স্নেহ-রাশি,
 বন্ধে ধরি' চির-পীষ্ম-নিব'র,
 নিরাশ্রয়-শিশু-অসীম-নির্ভর ;
 নমো নমো নমঃ, জননী দেবি মম !
 অচলা মতি পদে মাগিরে ।

আশা

শ্রীঃ ইন্দু—কাওরালী

ধ'রে তোল, কোথা আছ কে আমার !

এ কি বিভীষিকাময় অন্ধকার !

কি এক রাক্ষসী মায়া, নয়নমোহন-রূপে,

ভুলায়ে আনিরে মোরে ফেলে গেল মহাকূপে !

শ্রমে অবসন্ন কায় কণ্টক বিঁধিছে তায়,

বৃশ্চিক দংশিছে, অনিবার !

পিপাসায় শুষ্ক কণ্ঠে, শরীর কর্দমলীন,

আর যে উঠিতে নারি, হইয়াছি বলহীন ;

এ বিপন্ন, পথভ্রাস্ত, অন্ধ, দীন, নিরুপায়,

দেখিয়া, কাহারো দয়া হ'লনারে হায় হায় !

হীন-স্বার্থময় ধরা, শুধু নিষ্ঠুরতা ভরা ;

শুধু প্রবঞ্চনা, অবিচার ।

আজ শুধু মনে হয়, শুনিয়াছি লোকমুখে,

আছে মাত্র একজন, চিরবন্ধু হুখে-সুখে ;

বিপন্নের ত্রাণকর্তা, নিরাশ প্রাণের আশা,

পাপপথে পরিশ্রাস্ত ভ্রাস্ত পথিকের বাসা ;

কাঁদিলে সে কোলে করে, মুছে অশ্রু নিজ করে,

(আজি) সেই যদি করে গো উদ্ধার !

নির্ভয়

তৈরবী—রসন একতালা

ভূমি, নির্মল কর, মঙ্গল-করে

মলিন মর্শ্ব মুছায়ে ;

তব, পুণ্যকিরণ দিয়ে ষাক্, মোর

মোহ-কালিমা ঘুচায়ে ।

লক্ষ্য-শূন্য লক্ষ বাসনা

ছুটিছে গভীর আধারে,

জানি না কখন ডুবে যাবে কোন্

অকুল-গরল-পাথারে !

প্রভু, বিশ্ববিপদহস্তা,

ভূমি, দাঁড়াও রুধিয়া পদ্মা,

তব শ্রীচরণতলে নিয়ে এস, মোর

মস্ত-বাসনা গুছায়ে ।

আছ, অনল-অনিলে, চিরনভোনীলে,

ভূধরসলিলে, গহনে,

আছ, বিটপিলতায়, জলদের গায়,

শশিতারকায় তপনে,

আমি, নয়নে বসন বাঁধিয়া,

ব'সে, আধারে মরিগো কাঁদিয়া ;

আমি, দেখি নাই কিছু, বুঝি নাই কিছু,

দাও হে দেখায়ে বুঝায়ে ।

স্বপ্না

মিশ্ৰ কাব্য—একতাল

আমি তো তোমাৰে চাহিনি জীৱনে,
 তুমি অভাগাৰে চেৱেছ ;
 আমি না ডাকিতে, হৃদয়-মাৰাৰে
 নিজে এসে দেখা দিৱেছ !
 চিৰ-আদৰেৰ বিনিময়ে, সখা,
 চিৰ-অবহেলা পেৱেছ ;
 (আমি) দূৰে ছুটে যেতে, হুঁহাত পসারি',
 ধ'ৰে টেনে কোলে নিৱেছ !
 “ওপথে যেওনা, ফিৰে এস” ব'লে
 কাণে কাণে কত ক'ৱেছ ;
 (আমি) তবু চ'লে গেছি ; ফিৰায়ে আনিতে
 পাছে পাছে ছুটে গিৱেছ ।
 (এই) চিৰ-অপরাধী পাতকীৰ বোঝা
 হাসি-মুখে তুমি ব'ৱেছ ;
 (আমাৰ) নিজহাতে গড়া বিপদেৰ মাঝে,
 বুকু ক'ৰে নিয়ে ৰ'ৱেছ !

সুস্তিক্কাঅৰ্ঘ্য

মিশ্ৰ ইন্দু—তেওৱা

ওই, বধিৰ যবনিকা তুলিয়া, মোৰে প্ৰভু,
 দেখাও তব চিৰ-আলোক-লোক ।
 ওপাৰে সবই ভাল, কেবল সুখ-আলো,
 এ পাৰে সবই ব্যথা, আঁধাৰ, শোক ।

মাঝে ছুস্তর কঠিন অন্তর,
 শ্রাস্ত পথিকেরে বলিছে 'সর সর',
 ওই, ভোরণপাদদেশে, পিপাসাতুর এসে,
 ফিরে কি যাবে, ল'য়ে চির-বিয়োগ ?
 ওই নিঠুর অর্গল, করুণ শুভ-করে,
 মুক্তি করি' দেহ, আতুর-দীন-তরে ;
 পিপাসা দিলে তুমি, তুমিই দিলে ক্ষুধা,
 তোম্মরি কাছে আছে শাস্তি-সুখ-সুধা ;
 পাবে, অধীর ব্যাকুলতা, তোমাতে সফলতা,
 হউক তব-সনে অমৃতযোগ ।

শান্তিদেবনা

নিপট কণ্ট তু হ গব-হর

তব, করুণা-অমিয় করি' পান—
 যত, পাপ, তাপ, ছঃখ, মোহ, বিষণ্ণতা,
 নিরাশ, নিরুত্থম, পায় অবসান ।
 এই, পাপ-চিস্ত, সদা তাপ-লিপ্ত রহি',
 এনেছে ছরপনেয় মৃত্যুবিকার বহি',
 দিতেছে দারুণ দাহ হৃদয়-দেহ দহি',
 দেবতা গো, দয়া করি' কর পরিত্রাণ ।
 তব, অমৃতপানে এই বিকৃত প্রাণে মম,
 স্থানভেদে হয় কালকূট-সম,
 হৃদয়ে বহ্নিঝালা, নয়নে অন্ধ-তমঃ
 কোথা শাস্তিনিদান, কর শাস্তিবিধান ।

কল্পকণাময়

বেহাগ—একতাল

(আমি) অকৃতী অধম ব'লেও তো, কিছু

কম ক'রে মোরে দাওনি !

যা' দিয়েছ তারি অযোগ্য ভাবিয়া,

কেড়েও তো কিছু নাওনি !

(তব) আশীষ-কুসুম ধরি নাই শিরে,

পায়ে দ'লে গেছি, চাহি নাই কিরে ;

তবু দয়া ক'রে কেবলি দিয়েছ,

প্রতিদান কিছু চাওনি ।

(আমি) ছুটিয়া বেড়াই জানি না কি আশে,

সুধা-পান ক'রে, মরি গো পিয়াসে ;

তবু, যাহা চাই সকলি পেয়েছি ;

তুমি তো কিছুই পাওনি ।

(আমায়) রাখিতে চাও গো, বাঁধনে আঁটিয়া,

শত-বার যাই বাঁধন কাটিয়া,

ভাবি, ছেড়ে গেছ,—কিরে চেয়ে দেখি,

এক পা-ও ছেড়ে যাওনি ।

ব্রাহ্মি

মিশ্র বিভাস—বাঁপতাল

লোকে বলিত তুমি আছ,

ভেবে দেখিনি আছ কি না,

তখন আমি বুঝিনি, প্রভু,

নাস্তি গতি তোমা বিনা ।

তোমারি গৃহে বসতি করি,
 খেয়েছি তোমারি অন্ন,
 তোমারি বায়ু দিতেছে আয়ু,
 বেঁচে আছি তোমার জন্ত ;
 ক্ষুধা হ'রেছে তব ফলে,
 পিপাসা গেছে তব জলে ;
 সে কি ভুল, যে ভুলে ভুলে',
 প্রভু, তোমারি নাম করি না !
 তোমারি মেঘে শস্য আনে,
 চালি' পীষু-জল-ধারা,
 অবিরত দিতেছে আলো,
 তোমারি রবি-শশি-তারা,
 শীতল তব বৃক্ষচ্ছায়া,
 সেবে নিয়ত, ক্লান্ত কায়া,
 (তবু) তোমারি দেওয়া মন র'য়েছে
 ভুলে তোমারি গুণ-গরিমা ।

প্রার্থনা

বারোঁতা—ঠুংরি

(ওরা)—চাহিতে জানে না, দয়াময় !
 চাহে ধন, জন, আয়ুঃ, আরোগ্য, বিজয় ।
 করুণার সিন্ধু-কূলে বসিয়া, মনের ভুলে
 এক বিন্দু বারি ভুলে, মুখে নাহি লয় ;
 তীরে করি' ছুটাছুটি, ধূলি বাঁধে মুঠি-মুঠি,
 পিয়াসে আকুল হিয়া, আরো ক্লিষ্ট হয় ।

কি ছাই মাগিয়ে নিয়ে, কি ছাই করে তা' দিয়ে,
 ছ'দিনের মোহ, ভেঙ্গে চুরমার হয় ;
 ভথাপি নিলাজ হিয়া, মহাব্যস্ত তাই নিয়া,
 ভাঙ্গিতে গড়িতে, হ'য়ে পড়ে অসময় ।
 আহা ! ওরা জানে না ত, করুণানির্ঝর নাথ,
 না চাহিতে নিরস্তুর ঝর-ঝর বয় ;
 চির-তৃপ্তি আছে যাহে, তা' যদি গো নাহি চাহে,
 তাই দিও দীনে, যা'তে পিয়াসা না রয় ।

পুত্র হৃৎস্থ

ভারবোঁ—একতাল।

সম্পদের কোলে বসাইয়ে, হরি,
 সুখ দিয়ে এ পরীক্ষে !
 (আমি) সুখের মাঝে তোমায় ভুলে থাকি,
 (অমনি) ছুখ দিয়ে দাও শিক্ষে ।
 মত্ত হ'য়ে সদা পুত্র-পরিবারে,
 ধন-রত্ন-মণি-মাণিক্যে,
 (আমি) ধুয়ে মুছে ফেলি তোমার নামগন্ধ,
 ম'জে তার চাক্‌চিক্যে ।
 নিলাজ হৃদয় ভেঙ্গে সব লও,
 ছুখ দিয়ে দাও দীক্ষে ;
 (আমার) বাধা গুলো নিয়ে, অভয় চরণ,
 (আর) ভিক্ষার কুলি, দাও ভিক্ষে ।

তোমারি

আগেরা বিজ্ঞ—তেওরা

তোমারি দেওয়া প্রাণে, তোমারি দেওয়া চুঃখ,
 তোমারি দেওয়া বৃকে, তোমারি অহুভব ।
 তোমারি ছুঁনয়নে, তোমারি শোকবারি,
 তোমারি ব্যাকুলতা, তোমারি হা হা রব ।
 তোমারি দেওয়া নিধি, তোমারি কেড়ে নেওয়া,
 তোমারি শঙ্কিত আকুল পথ চাওয়া ।
 তোমারি নিরঞ্নে ভাবনা আনমনে,
 তোমারি সাস্বনা, শীতলসৌরভ ।
 আমিও তোমারি গো, তোমারি সকলি ত,
 জানিয়ে জানে না, এ মোহ-হত চিত্ত
 আমারি ব'লে কেন, ভ্রাস্তি হ'ল হেন,
 ভাঙ্গ এ অহমিকা, মিথ্যা গৌরব ।

আশ্রয়

গৌরী—একতলা

কার কোলে ধরা লভে পরিণতি ?
 (সেই) অপার কারণসিন্ধু ।
 কার জ্যোতিঃ-কণা ব্রহ্মাণ্ড উজ্জলে ?
 (সেই) চিরনির্মল ইন্দু ।
 কার পানে ছোট্টে রবি-শশি-তারার ?
 নাহি পথ-ভ্রাস্তি, স্থির আখিতারার ?
 ভ্রমে মেঘ বায়ু হ'য়ে আত্মহারার ?
 (সে) সচ্চিদানন্দবিন্দু ।

কার নাম 'অরি' ছুখে পাই শান্তি ?
 বিপদে পাই অভয়, মোহে যায় ভ্রান্তি ?
 কার মুখকান্তি, হরে ভব-শ্রান্তি ?
 (সেই) নিখিল-পরমবন্ধু ।

শব্দানন্দ

হরট মদার—হরকাক

(সে যে) পরম-প্রেম-সুন্দর
 জ্ঞান-নয়ন-নন্দন ;
 পুণ্য মধুর নিরমল,
 জ্যোতিঃ জগত-বন্দন !
 নিত্য-পুলক-চেতন, শান্তি-চির-নিকেতন,
 ঢাল চরণে, রে মন, ভকতি-কুসুম-চন্দন ।

বিশ্ব-রচনা

মিত্র ইন্দু-কাণ্ডালী

যবে, স্জনবাসনা-কণা, ল'য়ে কৃপা-ঐশি-কোণে,
 চাহিলে, হে রাজ-অধিরাজ !
 অমনি, নিমেষে বিরোট বিশ্ব, চরণে করিয়া নতি,
 মহাশূন্যে করিল বিরাজ !

মহালোক-সিন্ধু হ'তে এক বিন্দু ল'য়ে করে,
প্রক্ষেপ করিলে, বিভূ, অঙ্ককার চরাচরে ;
অমনি চরণতলে, আলোকমণ্ডিত বিশ্ব,

সস্তুরিল জ্যোতিঃপ্রোতোমাঝ ;

মহাশক্তি-ভূণ হ'তে হেলায় একটি বাণ
নিষ্কেপিলে, জড়বিশ্ব অমনি পাইল প্রাণ ;
হ'ল মহাবেগে ঘূর্ণ্যমান, আলোড়ি' মহাবিমান,
অগণিত জ্যোতিষ্কসমাজ ।

আনন্দ-কণিকামাত্র পড়িল ব্রহ্মাণ্ডশিরে,
হাসিল এ চরাচর পুঙ্কে শিহরি' ধীরে
বহিল আনন্দধারা, জড়-জীব মাতোয়ারা,
পরি' তব আরতির সাজ ;

চিরপ্রেম-নির্বারের একটি বুদ্ধদ ল'য়ে
ফেলে দিলে, প্রেমধারা চলিল অশ্রাস্ত ব'য়ে,
অমনি, জননী করিল স্নেহ, সতীপ্রেমে পূর্ণ গেহ,
গ্রহ ছুটে এ উহার পাছ ।

হেলায় ছিটায় দিলে, অক্ষয়-সৌন্দর্য্য-তুলি,
ভাবচ্ছটা উজ্জলিল মোহন বদন তুলি',
অমনি, অনন্ত বরণ আসি', ছড়াইল শোভারশি ।
ধন্য তব নিত্যকারুকাঙ্ক্ষ !

তুমি কি মহান, বিভূ, আমি কি মলিন, ক্ষুদ্র,
আমি পঙ্কিল সলিলবিন্দু, তুমি যে সুধাসমুদ্র !
তবু, তুমি মোরে ভালবাস, ডাকিলে হৃদয়ে এস,
তাই এত অযোগ্যের লাজ ।

উষা-বিকাশ

বারোঁয়া—একতারা

তব, শাস্তি-অরুণ-শাস্ত-করুণ-
 কনক-কিরণ-পরশে,
 জাগে প্রভাত হ্রদি-মন্দিরে,
 চরণে নমিয়া হরষে !
 আরতি উঠে বাজিয়া ধীরে,
 সৌরভ ছুটে যুহু সমীরে,
 প্রেম-কমল হাসে, ভাসে
 শাস্ত-মরম-সরসে !
 সংশয়, দ্বিধা, তর্ক, দ্বন্দ্ব,
 দূরে যায়, বিমলানন্দ ,
 পানে, জ্ঞান-নয়ন, সফল,
 প্রীতি-অশ্রু বরষে !

আর চাহিব না

হাধীর—কাওরালী

(আমি) দেখেছি জীবন ভ'রে চাহিয়া কত ;
 (তুমি) আমারে যা' দাও, সবই তোমারি মত ।
 আকুল হইয়ে মিছে, চেয়ে মরি কত কি যে,
 (কাঁদে) পদতলে নিষ্ফল বাসনা শত ।
 কিসে মোর ভাল হয়, তুমি জান, দয়াময়,
 (তবু) নির্ভর জানে না, এ অবিনত ।
 আমি কেন চেয়ে মরি, তুমি জান কিসে, হরি,
 সফল হইবে মম জীবন-ব্রত ।

চাহিব না কিছু আর, দিব শ্রীচরণে ভার,
হে দয়াল, সদা মম কুশল-ব্রত ।

হৃদয়ের কুসুম

বাউলের হর—গড় খেঁচা

তার, মঙ্গল আরতির বেজে উঠে শাঁক !
সেই, প্রেম-অরুণের হেম-কিরণে ফুটে থাক্ ।
দেখে শোভা, পিয়ে সুধা,
মিটে যাক্ নিখিলের ক্ষুধা,
আপনা বিলিয়ে দে রে,
সব ভূষাতুর (সে সুধা)

লুটে থাক্ ।

স্নিগ্ধ মলয় ব'য়ে মন্দ,
ছড়িয়ে দিক্ তোর বিমল গন্ধ,
অরুণপানে চেয়ে চেয়ে,
দলগুলি তোর, (ও হৃদি ফুল,) (ধীরে ধীরে ,
টুটে যাক্ ।

প্রেমারঞ্জন

ভৈরবী—একতারা

যে দিন তোমারে হৃদয় ভরিয়া ডাকি,
শাসন-বাক্য মাথায় করিয়া রাখি ;
কে যেন সেদিন আঁখি-তারকায়,
মোহন তুলিকা ব্লাইয়া যায়,

সুন্দর, তব সুন্দর সব,
 যে দিকে ফিরাই আঁখি !
 ফুটতর ঐ নভোনীলিমায়,
 উজ্জ্বলতর শশধর ভায়,
 সুমধুরতর পঞ্চম গায়
 কুঞ্জভবনে পাখী ।
 দেহে হৃদয়ে পাই নব বল,
 দূরে যায় ক্ষুদ্রতা ছল
 কে যেন বিশ্ব-প্রেম সরল,
 প্রাণ দিয়ে যায় মাখি' ।
 যেন তোমার পুণ্যপরশ,
 ক'রে তোলে এই চিন্ত সরস,
 উখলিয়া উঠে বক্ষে হরষ,
 বিবশ হইয়া থাকি !

বহিরসুন্দর

কীৰ্তনের ভাঙ্গা হর—গড় খেঁচা

যেমন, তীব্র জ্যোতির আধার রবিরে,
 প্রভাতে তুলিয়া ধর,
 আর, কিরণ-ছটায় ভাসাইয়া দিয়া,
 এ ধরণী আলো কর ;
 নিশার আঁধারে হইয়া আবৃত,
 লুকায় ধরায় বঞ্চনা, অনৃত,
 প্রভাতে তাদের নগ্নতা প্রকাশি',
 লাজে কর জড়সড়' ;

তেমনি, নিবিড় মোহের আঁধারে, আমার
 হৃদয় ডুবিয়া আছে ;
 কত পাপ, কত ছরভিসন্ধি,
 আঁধারে লুকায়ে বাঁচে ;
 দিব্য আলোক ! প্রাণে এস, নাথ !
 হউক আমার মঙ্গল-প্রভাত—
 তাদের লুকাবার স্থান, ভাঙ্গ, ভগবান্,
 তারা লাজে হোক মরমর ।

সফল-সুকৃত্ত

বিভাব—একতালা

কোন্ শুভগ্রহালোকে, কি মঙ্গল-যোগে,
 চকিতে যেন গো, পাই দরশন !
 সেই, ক্ষুদ্র একপল, কৃতার্থ সফল,
 রোমাঞ্চিত শুধু, ঝরে ছ'নয়ন ।
 আয়ঃ যদি হ'ত সেই এক বিন্দু,
 কে চাহিত দীর্ঘ বিষাদের সিদ্ধু ?
 তোমায় দেখিতে দেখিতে, ফুরা'ত চকিতে
 ভবের বিপদ, সম্পদ, হরষ, রোদন ।
 আঁধি মুদি', আমার নিখিল উজল,
 আঁধি মেলি', আমার আঁধার সকল,
 কোন্ পুণ্যে পাই, কি পাপে হারাই,
 তুমি জান গো, সাধক-শরণ ।

তব যাত্রা-সনে, যদি হয় লোপ
 ধরণীর মায়া, নাহি রয় ক্ষোভ,
 সবই ফিরে আসে, ভাঙ্গাহুদিপাশে,
 কেবল, হারাইয়া যায় সাধনার ধন ;
 দেবতা, আমারে কেন দুঃখ দাও,
 'দাঁড়াও' বলিতে, দূরে চ'লে যাও,
 ডেকে ডেকে মরি, ফিরে নাহি চাও,
 দয়াময় ! কেন নিদয় এমন ?

এস

চৌধুরী, ভৈরবী—একতাল

বিবেকবিমলজ্যোতিঃ

জ্বলেছিলে তুমি হৃদয়-কুটারে ;
 তোমারি আলোকে তোমারে দেখেছি ;
 তোমারি চরণ ধ'রেছি শিরে !
 যৌবনে, হরি, ছাইল ভীষণ
 অবিশ্বাস ঘনমেঘে ;
 বহিল প্রবল পাপ-পবন ;
 ডুবাইল ঘোর অন্ধ ভিমিরে ।
 আরো একবার এস, প্রভু এস,
 দীপ্ত মিহির-রূপে ;
 পাপ-যামিনী পোহাইবে, উষা
 উদিকে পুণ্য-কিরণে, ধীরে ।

আত্মা

বসন্ত বাহার—একতালি

মাগো আমার সকলি ভ্রান্তি ।

মিথ্যা জগতে, মিথ্যা মমতা ;

মরু-ভূমি শুধু, করিতেছে ধু ধু !

হেথা কেবলি পিয়াসা কেবলি শ্রান্তি ।

যবে, অরুণ-কিরণে নব দিবা জাগে,

ফোটে নব ফুল, নব অহুরাগে,

ভুলি মা তখন কি কাল ভীষণ

ঔধারে ডুববে কনক-কান্তি ।

পুঞ্জ-পরিঞ্জে হ'য়ে পরিবৃত্ত,

ভাবি, এ আনন্দ অনন্ত, অমৃত ;

মনে নাহি হয়, মরণ-সময়

“হৃদয়বান্ধবা বিমুখা যাস্তি” ।

দিনে দিনে দীনের ফুরাইল দিন,

দীনতারা, ঘুচাও দীনের জ্বলিন,

‘আশা’ রূপে মাগো, নিরাশ প্রাণে জাগো,

দিয়ে ও চরণ, অক্ষয়শান্তি ।

মোহ

নিপট কপট-ভূঁহ ভাব—২য়

(মাগো) এ পাতকী ডুবে যদি যায়,

অন্ধকারচিরমরণসিন্ধু-নীরে—

তোমার মহিমা কিছু বাড়িবে না তার ;

- (কত) জ্ঞান, বুদ্ধি, বল, স্নেহ, করুণা, দেহ,
স্বাস্থ্য, সাধু-জন-সঙ্গ, বন্ধু, গেহ,
নিষ্কলঙ্ক মন, মধুময় পরিজন,
পুণ্য-চরণ-ধূলি দিয়েছ আমায় ।
- (মম) স্তম্ভহৃদয় করি' নয়ন-নিম্নীলন,
না করিল তব করুণা-অনুশীলন ;
মোহ ঘিরিল মোরে, রহি' চির-ঘুম-ঘোরে,
ব্যর্থজীবন গেল ফুরাইয়ে, হায় !
- (এসো) দীনদয়াময়ি ! রক্ষ রক্ষ, লহ
কোলে ; ভীত, হেরি' নরক ভয়াবহ ;
ছড়কৃত এ পতিতে, হবে গো স্থান দিতে,
অশরণের শরণ স্ত্রীচরণ-ছায় ।

খেলা-ভঙ্গ

তোরবী-বাঁপতাল

কোলের ছেলে, ধুলো ঝেড়ে, তুলে নে কোলে,
কেলিস্ নে মা, ধুলো-কাদা মেখেছি ব'লে ।
সারা দিনটে ক'রে খেলা, ফিরেছি মা সাঁঝের বেলা
(আমার) খেলার সাথী, যে যার মত, গিয়েছে চ'লে !
কত আঘাত লেগেছে গায়, কত কাঁটা ফুটেছে পায়,
(কত) প'ড়ে গেছি, গেছে সবাই, চরণ দ'লে ।
কেউ তো আর চাইলে না ফিরে, নিশার আঁধার
এল ঘিরে,
(তখন) মনে হ'ল মায়ের কথা, নয়নের জলে !

আশ্রয়-ভিক্ষা

কীর্তনের সর—কাঁপতাল

নাথ, ধর হাত, চল সাথ, চিরসাথি হে !
 ভ্রাস্তচিত্রিত শ্রাস্তপদ, ঘিরিল ছুখরাতি হে !
 শ্রমজ-জল-বিন্দু ঝরে ব্যথিত এ গলাটে হে ;
 ছিন্ন রুধিরাক্ত পদ, কষ্টকিত বাটে হে !
 ক্ষীণ হ'ল দৃষ্টি, অতিভীত তনুবেদনা ;
 ক্ষণে তোমারে পড়িছে মনে, ক্ষণে রহিত চেতনা ।
 ভগ্নহৃদে কম্পবুকে পড়িয়া পথপাশে গো ;
 দূর হ'তে তীর পরিহাসে কে ও হাসে গো !
 ক্ষেমময় ! প্রেমময় ! তার নিরুপায়ে হে ;
 মরণদুঃখহরণ ! চিরশরণ দেহ পায়ে হে !

জয় দেব

নট বেহাগ—কাঁপতাল

জয় নিখিল-সৃজনলয়কারী, নিরাময় !
 জয় এক, জয় অনেক, অসীম-মহিমময় !
 জয় পুন্দ্র, সুল, জয় অস্ত্র মূল
 জয় স্মায়নিয়মি, কৃত-কলুষ-কুপাময় !
 জয় হে ভয়ঙ্কর ! জয় পরমসুন্দর !
 জয় ভক্ত-হৃদয়-পরিপ্লাবি-শুধাময় !
 জয় হৃদয়রঞ্জন ! জয় বিপদভঞ্জন !
 জয় পাপহরণ ! চিরশরণ ! করুণাময় !

কল্লোলস্বপ্নীতি

বাউলের হর—কাহারোর

কুলু কুলু কুলু নদী ব'য়ে যায় রে ভাই !
 তীরে ব'সে ভাব'ছ বুঝি, কি বলে ছাই ?
 তা' নয়, তোরা ভাল ক'রে শুনবি যদি কাছে আয়,
 ভারি একটা মজার গান নেচে নেচে গেয়ে যায় !
 সবারি কি আছে কাণ ? কেমন ক'রে শুনবে গান ?
 যেমন নাচে তেমনি গায় সে—

কোথায় লাগে নাটক, যাত্রা, খেমটা বাই ?

নদী বলে, “আমি মস্ত গিরি রাজার মেয়ে গো !
 বাবা তো নামান না মাথা, কারো কাছে যেয়ে গো !
 নিশি দিন উর্কে চান, মেঘে তাঁর করায় স্নান,
 যোগি-ঋষিদের দেন স্থান—

নিজে মহাযোগী, বাহুজ্ঞান তো নাই ।

‘ভরঙ্গিণী’ নামটি বাবা আদর ক'রে দিয়েছে
 একাগ্রতা, একনিষ্ঠা, যতনে শিখিয়েছে,
 বাবার কাছে সাগরের, রূপগুণ শুনেছি ঢের,
 তাইতে স্বয়ম্বর হ'তে—

সে প্রশান্ত সাগর পানে ছুটে যাই ।

কূলে তোরা সংসার পেতে, মায়ায় ভুলে রয়েছিস্,
 কত ফল, আর ফুলের বাগান, দালান কোঠা ক'রেছিস্,
 আমি গিয়ে লাগাই গোল, পেতে দি' এই নিষ্ঠুর কোল,
 একটি মাত্র কুল রাখি, আর—

কাঁদিয়ে তোদের, আর এক কূলের মাথা খাই ।

আমার সঙ্গে পারবি তোরা ? আমার ধ'রে রাখ'বি কেউ,
 কি টানে টেনেছে আমার, উঠ'ছে বুকে প্রেমের ঢেউ,

(আমার) প্রাণের গানে সুধা ঢেলে
 প্রাণের ময়লা নীচে ফেলে,
 বাধা ভেঙ্গে চুরে ঠেলে,—
 কেমন ক'রে যাচ্ছি চ'লে দেখ না তাই !”

সিন্ধু-সঙ্কীৰ্ত

মিশ্র গৌরী— কাওয়ালী

নীল সিন্ধু ওই গর্জে গভীর ;
 ভৈরব-রাগ-মুখর করি' তীর ।
 অতল-উচ্চ-চল-উশ্মি-মালশত-
 শুভ্র ফেণ-যুত, রঙ্গ অধীর ;
 ভীতি-বিবর্দ্ধন, তাণ্ডব নৰ্ত্তন,
 ভীম রোলে করি শ্রবণ বধির ।
 সিন্ধু কহে, “তব ভূমিখণ্ড কত
 ক্ষুদ্র, হের মম বিপুল শরীর ;
 তীব্র হরষে মম অঙ্গ পরশে,
 কি তরঙ্গ তুলিয়া, চির-সঙ্গি-সমীর ।
 রত্ন-রাজি কত, যত্ন-সুরক্ষিত,
 সঙ্কিত কোষ লুব্ধ ধরণীর ;
 সার্থকতা লভে মুঞ্চ তরঙ্গিণী,
 . আসি' পদে মিলি', পতি জলধির !
 (আনি) ইন্দ্রচাপ-নিভ-স্নিগ্ধ মনোহর
 বর্ণে সুরঞ্জিত, কিরণে রবির ;
 পারিজাত তরু, অমৃত, সুধাকর,
 মম্বনে তুলিল সুরাসুর বীর ।

(কত) অর্ণবপোত পণ্য ভরি' ধাইছে,
 কর্ণে সুপরিচিত নাবিক ধার ;
 ভগ্ন-শেষ কত, করিছে প্রমাণিত,
 ক্রব-পরিহাস নিষ্ঠুর নিয়তির ।

(যবে) অমৃত-ধারে ভরি' পিতৃবক্ষ, হয়
 উদয় মনোরম পূর্ণ শশীর ;
 মস্ত হরষে, যেন বীচি-হস্তে ধরি',
 আনি' আলো করি হৃদয়-কুটীর
 চন্দ্র-বিরহে পুনঃ উদ্বেলিত চিত,
 আবৃত করে ঘন-ছঃখ-তিমির ;
 করি, সজ্জিত, সুন্দর, প্রচুর-পুষ্প-ফল
 শস্ত্র-রাশি দিয়ে দেহ মহীর ।
 লক্ষ-পুরাতন-সন্ধি-সমর-ইতি-
 হাস বিমিশ্রিত এ বিপুল নীর ;
 দীনে দান কত করিহু অকাতরে,
 সম্পদ লয়ে গবিত নৃপতির ।

(তব) শক্তিপুঞ্জ মম মুক্তি হেরি',
 হয় শুভিত, ভীত, পদানত শির ;
 সর্ব গর্ব মম য়াঁর কৃপাবলে,
 নমি সে স্তম্ভল-পদে প্রভুজীর ।”

বক্ষমাভা

হরট মন্ডার—একতাল

নমো নমো নমো জননি বঙ্গ !
 উত্তরে ঐ অশ্রুভেদী,
 অতুল, বিপুল, গিরি অলঙ্ঘ্য ।

দক্ষিণে সুবিশাল জলধি,
 চুম্বে চরণ-তল নিরবধি,
 মধ্যে পুত-জাহ্নবী-জল-
 ধৌত শ্যাম-ক্ষেত্র-সভ্য ।
 বনে বনে ছুটে ফুল-পরিমল,
 প্রতি সরোবরে লক্ষ কমল,
 অমৃতবারি সিঞ্জে, কোটি
 তটিনী, মস্ত, খর-তরঙ্গ ;
 কোটি কুঞ্জে মধুপ গুঞ্জে,
 নব কিশলয় পুঞ্জে পুঞ্জে,
 ফল-ভর-নত শাখি-বৃন্দে
 নিত্য শোভিত অমল অঙ্গ !

আম্বু-ভিক্ষা

স্বপ্নগুণলবণং - ২৪

আজি, শিথিল সব ইন্দ্রিয়, চরণ কর নিক্রিয়,
 তিমিরময় প্রাণপ্রিয় গেহ ;
 কে, শাস্তি-সুখ দূর করি', বজ্রকরে কেশ ধরি',
 বেগভরে শূন্যে তোলে দেহ !
 হে, পুঞ্জ-অলি-গুঞ্জরণ-মঞ্জুল-নিকুঞ্জ-বন !
 সজ্জিত-বিলাস-গৃহ রম্য !
 দাস-গণ জুট, পরিপূরিত সুগীত-রবে,
 দীনজন-চির-অনধিগন্য ।
 হে-হেমমুকুট ! মণি-রঞ্জিত সুমঞ্চ শত !
 দীপ্ত মতি-হীরক-প্রবালে ;

চন্দন-প্রলিপ্ত যুগনাভি ! হে কস্তুরি !
 সুরভিত সুগন্ধি-ফুল-মালে ।
 কমল-কুল-মণ্ডিত, মধুপ-কল-গুঞ্জিত,
 নির্মল, প্রশাস্ত, শতবাপি ।
 বন-ভবন-চারি-সুকসারী-পিক-পাপিয়া !
 পুচ্ছধর সুন্দর কলাপি !
 হে রাজছত্র ! হে রাজপদ-গৌরব !
 হে হর্ম্য ! রত্ন-গজ-রাজি !
 (আজি) বিপলমিত-আয়ু কর দান, চিরসেবিত
 বন্ধু মম, হে বিভবরাজি !

শেষ দিন

বসন্ত মিশু—একতালা

যে দিন উপজিবে শ্বাসকষ্ট ;
 বায়ু-পিত্ত-কফের নাড়ী হয়ে ক্ষীণ,
 হবে নিজ নিজ স্থান-ভ্রষ্ট ।
 ইচ্ছাশক্তির ক্রিয়া থাকবে না হাত-পায়ে,
 রসনা হবে আড়ষ্ট ; *
 যকুৎ, প্লীহা, হৃৎপিণ্ড, পাকস্থলী,
 মূত্রাশয় হবে ছষ্ট ;
 বাইরের প্রতিবিশ্ব পড়বে না নয়নে,
 হবি কাল-তন্দ্রাবিষ্ট ;
 কানের কাছে কামান দাপ্লে গুন্বি নারে,
 প'ড়ে রইবি যেন সরল কাষ্ঠ !
 গায়ে ঠেসে ধরুলে জলন্ত অঙ্গার,
 'উছ' বল্‌বি না নিশ্চেষ্ট ;

কেবল, বুকের কাছে একটু থাক্বেরে ধুক্ধুকি :

আর, ঈষৎ নড়্বে শুক্ ওষ্ঠ ।

মাথা চিরে দিবে সত্ত্ব কালকূট,

কিন্তু হায়রে, বিধাতা ক্লষ্ট,

শেষ ঔষধের ক্রিয়া বিফল হ'লে, বৈত

জবাব দিয়ে যাবে স্পষ্ট ।

দাসদাসী পত্নী-পুত্র-পুত্রবধু-

আদি পরিজনজুষ্ট—

মলমূত্রে, কফে, জ'ড়ে প'ড়ে, রবে,

এই, সোণার শরীর পরিপুষ্ট ।

“ধনে প্রাণে বিনাশ ক'রে গেলে” ব'লে,

কাঁদবেন পুত্র পিতৃনিষ্ঠ ;

আর আমরণ বৈধবোর ক্লেশ ভেবে পত্নী

কাঁদবেন পার্শ্ব উপবিষ্ট ।

পণ্ডিতেরা বলবেন, “প্রায়শ্চিত্ত করাও,

একটু রক্ত হয়েছিল দৃষ্ট ;

একটু গাভী এনে, স্তরা করাও বৈতরণী,

বাঁচামরা সব অদৃষ্ট !”

ঘরে, তেল, চূর্ণ, চাট, পাচন, প্রলেপ, বটী,

কবল, ঘৃত, আর অরিষ্ট,

তুলসী, বেলের পাতা, মধু, পিঁপুল, আদা,

সবি বিফল, সবই নষ্ট ।

কান্ত বলে, ভ্রাস্ত মনরে, বলি শোন,

এখন, লাগ্ছে না এ কথা মিষ্ট ;

কিন্তু সকল সত্যের চেয়ে এইটে সত্যি কথা,

দিন তো গেল, ভাব্ রে ইষ্ট

শক্তিপান্ন

বাউলের হয়—খেণ্টা

যা' হয়েছে, হচ্ছে যা', আর যা' হবে, সব জানি রে,
আমার, প্রাণের মাঝে, তোর কথা নিয়ে,
হচ্ছে কাণাকানি রে !

যেমন ক'রেই হোক,
আনুব টাকা, লুটবো মজা, এই ছিল তোর রোধ্ ;
তা', সিঁদ দিয়ে, কি পকেট কেটে, ক'রে রাহাজানি রে ।
বাড়্বে কিসে, আয়,
খসড়া-পাকা জমাখরচ হিসেব সেরেস্তায় ;
রোজ্, সন্ধ্যাবেলা আধলা নিয়ে করিস্ টানাটানি রে ।
তোর কি কসুরে জেল ?
মাথার ঘাম, ছ'পায়ে ফেলে, কেন ভাঙ্গিস্ তেল ?
তুই সারাজীবন টেনে মলি, পরের তেলের ঘানি রে ।
ঐ দেখ্ আস্ছে সে দিন,
যে দিন কফের নাড়ী উঠ্বে জেগে, বায়ু-পিত্ত ক্ষীণ ;
সে দিন কস্তুরীভৈরবে হালে পাবে না আর পানি রে ।
বস্বে ঘিরে মাগ্-ছেলে ;
বল্বে, "ব'লে যাও গো, কোন্ সিঁদ্ধকে
কি রেখে গেলে",
গুন্বি 'টাকা', কাণে কেউ দেবে না
তারক-ব্রহ্মবাণী রে ।

বোধ হয়, বুঝ্তে পাচ্ছ বেশ,
যে, তোমার জন্তে তোয়ের হচ্ছে
কেমন মজার দেশ !
সেখা, চাইবি না তুই যেতে, তবু
নিয়ে যাবে টানি' রে ।

শ্লোক

কালোড়া—আড়বেণ্টা

যোগ কর প্রাণ মনে ;
 আর কাজ কি ভবের ভাগ-পুরণে ?
 হ'রো না কান্তর বিরোগে হাস্বে লোকে,
 দেখে শুনে ।

আগে নে' মনকথা কসি',
 করিস্নে মন-কসাকসি,
 সরল কর্বে জটিল রাশি, থাকিস্নে বসি',
 ভবের, মিথ্যা-মিশ্র-সঙ্কলনে ।

লখিষ্ঠ-গরিষ্ঠ-ভেদে,
 কেন মিছে মরিস্ কেঁদে,
 ম'জ্ঞে আছ ভগ্নাংশেতে, কোন্ রসেতে ?
 চল শুভঙ্করীর নিয়ম মেনে ।

কাজ কি রে তোর সের ছটাকে ;
 বেঁধে নে' দেহের হ'টাকে
 শিখে নে রে পরিমিতির নিয়মটাকে ;
 রাখ, চতুর্ভুজের গুণটি জেনে ।
 কর হ্রদি-ক্ষেত্র কালী ;
 সার ভবক্ষেত্রে, কালী ;
 তোর জ্ঞান-নেত্রে কালী কে দিলে রে চালি' ;
 তাইতে, ঠিকের ঘরটা ঠিক দেখিনে ।

কান্ত বলে ব্যাপার বিষম,
 ভুলে আদি যোগের নিয়ম,
 পৌনঃপুনিক হচ্ছে জনম, ও মন অধম !
 এবার, পরীক্ষাতে পাশ পাবিনে ।

একে পর্যাযমান

মিশ্র ভাষার—খেন্টা

সে, এক বটে, তার শক্তি বহু একাধারে ;
 তার, বিচিত্রতা কি বিপুল, ভেবে দেখ্নারে !
 জগতে কত কোটি লোক দেখ্ ;
 আন্ বেছে তুই ছ'টো মালুষ,
 সব রকমে এক ;

লক্ষ প্রভেদ দেহ-মনে,
 কার জানা আছে, কে রেখেছে গণে,
 কোন্ দরশনে ?
 গোটা ছই ভেদ বুঝে তুই গর্বে অধীর,
 বৈজ্ঞানিক-বীর, একেবারে,
 হাতে নে' ছ'টো গোলাপ ফুল,
 পাপড়ি, রঙ্গ, ওজন, ঢঙ্গে,
 নয়কো সমতুল ।

তুলে আন্ ছ'টো বেল-পাতা,
 এক প্রশালীতে ঠিক ছ'টো গাঁথা,
 গোড়া থেকে মাথা ;
 তবু ঐ, ক্ষেত্রে, শিরায় ভেদ কত তায়,
 মিলবে না তার চারিধারে ।

চেয়ে দেখ্, তড়িৎ, আলো, তাপ,
 গ্রহের গতি, আকর্ষণ, আর
 জড়ের আবির্ভাব ;

ঐ, শক্তি নদীর ঢেউগুলি,
 ক'ঙ্গে যেন গো সদা কোলাকুলি
 উঠ'ছে মাথা তুলি' ;

ওরা ঐ, এক হ'তে আসে, ভিন্ন বিকাশে
মেশে গিয়ে এক পারাবারে !

শিবরত্ন

তোর নাম রেখেছি হরিবোলা—হর

ডাক দেখি তোর বৈজ্ঞানিকে ;

দেখুবো সে উপাধি নিলে,

ক'টা 'কেন'র জবাব শিখে ।

ধরা কেন কেন্দ্র পানে, ছোট বড় সবকে টানে,

বোঁটা-ছেঁড়া ফলটি কেন সে,

দেয় না যেতে অন্য দিকে ?

কোকিল কেন কুহু বলে, জোনাকীটে কেন জ্বলে,

রোদ্দ, বৃষ্টি, শিশির মিলে,

কেন ফুটায় কুসুমটিকে ?

চিনি কেন মিষ্টি লাগে, চাতক কেন বৃষ্টি মাগে ;

চুকোরে চায় চন্দ্রমাকে,

কমল কেন চায় রবিকে ?

বায়ু কেন শব্দ বহে, অনল-শিখা কেন দহে,

চুষক কেন লৌহ টানে,

টানে না মণি মানিকে ?

ইক্ষু কেন সুরস এত, নিম্টে কেন এমন তেতো,

ময়ূর কেন মেঘের ডাকে,

মেলে মোহন পুচ্ছটিকে ?

কান্ত বলে, আছে জেনো, 'কেন'র 'কেন', তস্য 'কেন'

যাও, নিখিল 'কেন'র মূল কারণে,

সে, রেখেছে কালের খাতায় লিখে ।

শুধু প্রেম

বাউলের হর—গড় ধেহুটা

প্রেমে জল হ'য়ে যাও গ'লে ;
কঠিনে মেশে না সে, মেশেরে সে তরল হ'লে ।
অবিরাম হ'য়ে নত, চ'লে যাও নদীর মত,
কল্কলে অবিরত 'জয় জগদীশ' ব'লে ;
বিশ্বাসের তরল তুলে, মোহ পাড়ি ভাঙ্গ' সমূলে ;
চেও না কোন কূলে,

শুধু নেচে গেয়ে যাওরে চ'লে ।

সে জলে নাইবে যা'রা, থাকবে না মৃত্যু-জরা,
পানে পিপাসা যাবে, ময়লা যাবে ধূ'লে ;
যা'রা সঁাতার ভুলে নামতে পারে,
 (তাদের) টেনে নে যাও, একেবারে,
ভেসে যাও, ভাসিয়ে নে' যাও,
 সেই পরিণাম-সিন্ধু-জলে ।

অিলন

সংকীর্ভন—গড় ধেহুটা

আয় ছুটে ভাই, হিন্দু-মুসলমান !
 ঐ দেখ করুছে মায়ের হু-নয়ান ।
আজ, এক ক'রে সে সন্ধ্যা-নমাজ,
 মিশিয়ে দে আজ, বেদ-কোরাণ !
(জ্ঞাতিকর্ন ভুলে গিয়ে রে) (হিংসাবিষেম ভুলে
 গিয়ে রে)

ধাকি একই মায়ের কোলে, করি

একই মায়ের শুশ্রূপান ।

(এক মায়ের কোল জুড়ে আছি রে) (এক মায়ের
ছধ খেয়ে বাঁচি রে)

আমরা পাশাপাশি, প্রতিবাসী,

ছই গোলারি একই ধান ।

(একই ক্ষেতে সে ধান ফলে রে) (একই ভাতে
একই রক্ত ব'য়ে যায়)

এক ভাই না খেতে পেলে,

কীদে না কোন ভায়ের প্রাণ ?

(এমন পাষণ কেবা আছে রে) (এমন কঠিন কেবা
আছে রে)

বিলেত ভারত ছ'টো বটে, ছয়েরি এক ভগবান্ ।

(ছই চ'খে যে ছ'দেশ দেখে না) (তার কাছে তো সবাই
সমান রে)

তাতী-ভাই

“রে গলাঘাই—প্রাতে ধরশন দে—হর কাহারোথা

রে তাতী ভাই, একটা কথা মন লাগিয়ে শুনিস্ ;

যরে তাত যে ক'টা আছে রে,

তোরা স্ত্রী-পুরুষে বুনিস্ ।

এবার যে ভাই তোদের পালা,

যরে ব'লে, ক'লে মাকু চালা ;

কলের কাপড় বিশ হবে রে,

না হয় তোদের হবে উনিশ !

তোদের সেই পুরাণো তাঁড়ে,
কাপড় বুনে দিবি নিজের হাতে,
আমরা মাথায় ক'রে নিয়ে যাব রে,
টাকা ঘরে ব'সে গুণিস্ !

(বিলাপে)

শব্দমালা

মিশ্র মল্লার—কাওয়ালী

প্রাণের পথ ব'য়ে গিয়েছে সে গো ;
 চরণ-চির-রেখা আঁকিয়ে যে গো ।
 লুটায় আশা-ধূলে, মোহন অঞ্চল,
 নুপুর-মুখরিত-চরণ চঞ্চল,
 ছ'ধারে ফুটাইয়ে বাসনা-ফুল-রাশি,
 আধেক প্রেম-গাথা শুনাইয়ে গো ।
 একটু সুখা-হাসি, আধেক প্রেমগান,
 কামনা-ফুল ছ'টি, শুষ্ক হীন-প্রাণ,
 এখনও প'ড়ে আছে, চরণ-রেখা পাশে,
 মুক্ হ'য়ে আছি, তাই নিয়ে গো ।

সেই মুখখানি

মিশ্রবেহাগ—কাঁপ্তাল

মধুর সে মুখখানি কখনও কি ভোলা যায় !^১
 জমায়ে চাঁদের সুখা, বিধি গ'ড়েছিল তায় !
 মৃত্ত-সরলতা মাখা, তুলিতে নয়ন আঁকা,
 চাহিলে করুণে, ধরা চরণে বিকাতে চায় ।
 অধরে সারাটি বেলা, হাসি করে ছেলে-খেলা,
 নীরবে নিশীথে ধীরে, অধরে পড়ি' ঘুমায় ;
 যদি ছ'টি কথা কহে, প্রাণে সুখা-নদী বহে,
 নিমেষে নিখিল ধরা, মোহন সঙ্গীত-ময় ।

১ "মধুর ! সে মুখখানি কখনও কি ভোলা যায়"—একটিই সিদ্ধ সঙ্গীত ;

এই গানটি পানপুরণ মাত্র ।

স্বপ্ন-পুলক

মিশ্র; কানেড়া—একতাল

স্বপনে তাহারে কুড়ায়ে পেয়েছি,
 রেখেছি স্বপনে ঢাকিয়া ;
 স্বপনে তাহারি মুখানি নিরখি,
 স্বপন-কুহেলি মাখিয়া !
 (কারে) বর-মালা দিহু স্বপনে,
 (হ'ল) হৃদি-বিনিময় গোপনে,
 স্বপনে হুঁজনে প্রেম-আলাপনে
 যাপি সারা-নিশি জাগিয়া ।
 (করি) স্বপ্নে মিলন-সুখ-গান,
 (করি) স্বপ্নে প্রণয়-অভিমান,
 (হয়) স্বপ্নে প্রেম-কলহ, যায় গো
 স্বপনেরি সনে ভাঙ্গিয়া ;
 যা কিছু আমার দিতে পারি সব
 সুখ-স্বপনেরি লাগিয়া ।

পূর্ব-রাগ

মিশ্র হুগালী—কাওয়ালী

সখিরে ! মরম পরশে তারি গান,
 অধীর আকুল করে প্রাণ ;
 জ্যোছনা উছলি' ওঠে, মলয়া মূরছি' পড়ে,
 কুঞ্জে কুঞ্জে ফুল ফুটে ওঠে ধরে ধরে,
 বিশ্ব-বিমোহন ভান ।

আঁধি জলে হাসি মাখা, কি করুণ বেদনা !
 হেসে কেঁদে, নেচে নেচে, বলে, 'আর কেঁদ না' ;
 হৃদয় দিয়েছি প্রতিদান ।

ছিন্ন মুকুন্দ

লাউনি—কাওরানী

ফুটিতে পারিত গো, ফুটিল না সে ।
 মরমে ম'রে গেল, মুকুলে ঝ'রে গেল,
 প্রাণ-ভরা-আশা-সমাধি-পাশে ।
 নীরসতা-ভরা, এ নিরদয় ধরা,
 শুকাবে দিল কলি, উষ্ণ থাকে ;
 ছ'দিন এসেছিল, ছ'দিন হেসেছিল,
 ছ'দিন ভেসেছিল, সুখ-বিলাসে ।
 না হ'তে পাতা ছ'টি, নীরবে গেল টুটি,
 বাসনা-ময় প্রাণ শুধু পিয়াসে ;
 সুখ-স্বপন সম, তপ্ত বৃকে মম,
 বেদনা-বিজড়িত স্মৃতিটি ভাসে ।

অসমস্ক্র

বিল কি'বিট—একতাল

নয়নের বারি নয়নে রেখেছি,
 হৃদয়ে রেখেছি আলা ।
 শুকাবে গিয়েছে প্রাণের হরষ,
 শুকাবে গিয়েছে মালা ।

দেখা দিবে বলে কেন দিলে আশা,
 আশা-পথ পানে চেয়ে রই ;
 (আমার) ভেঙ্গে গেছে বুক, ভেঙ্গেছে পরাণ,
 সময় থাকিতে আসিলে কই !
 এলে যদি, সখা, ব'স ভাঙ্গা বুক,
 ভাঙ্গা-হৃদয়ের যাতনা লও,
 মুখ পানে চেয়ে, ছুখ ভুলাইয়ে,
 ভাল ক'রে আজ কথাটি কও ।

ব্যথ প্রতীক্ষা

রূপসি নগর-বাসিনি !^১
 শূন্য-কক্ষে কেন একাকিনী, বিষাদিনী !
 দীন-নয়নে বিকল-শয়নে, কার পথ চাহি', মানিনি ?
 দীপ মলিন, শুক মালিকা,
 মুক মুখর শুক-সারিকা,
 যতন-হীনা, নীরব বীণা, কর-পরশ-পিপাসিনী ।
 শিশির-সিক্ত আত্ম-কাননে,
 বাজিছে প্রভাতী বিহগ-কুঞ্জে,
 ধারে ধীরে জাগে উষা, কনক-জলদ-কিরীটিনী ;
 উদ্ভ্রাহীন যুগল নয়নে,
 মন্দাকিনী করিছে সঘনে,
 জীবন-মরণ, কার চরণ আশে, বিকল যামিনী ?

জ্বালিনী

বেহাগ—একতাল

পরশ-লালসে, অবশ আলসে,
 চলিয়া পড়িত আমারি সঙ্গে ।
 মিছে ভালবাসা, শুধু যাওয়া-আসা,
 রূপমোহ গেছে রূপেরি সঙ্গে ।
 সে মধু-আদর, এই অযতন,
 সে সুখ-স্বরগ, আজি এ পতন,
 মনে হয়, সখি, সকলি স্বপন,
 কে বাঁচে এমন ভরসা-ভঙ্গে ?
 চন্দন, সখি, হ'ল বিষতরু,
 নন্দন-বন হ'ল ঘোর মরু,
 উদাস-নয়নে, বিরহ-শয়নে,
 ভাসিতেছি আঁখি-নীর-তরঙ্গে ।

সংস্কৃত অরণ

লাউনি—ঝাপ্ তাল

এস এস কাছে, দূরে কি গো সাজে,
 বিছায়ে রেখেছি হৃদয়-আসন !
 চরণের ধূলি, দেহ মাথে তুলি',
 আজি অভাগীর কি সুখ-মরণ !
 এস প্রাণ-সার্থী, আজি শেষ রাত্তি,
 ভাল ক'রে আজি করি দরশন !
 জীবন-নাথ ! পুত্রিল সাধ,
 ডুলেছি যত অনাদর অযতন ;

পদে মাথা রাখি', পদধূলি মাখি',
সফল জন্ম আজি, সফল মরণ !

চির-মিলন

বেহাগ—কাওয়ালী

আর কি আমাকে দিতে পারে সে মনোবেদনা ?
সখি রে, ভালবাসিতে, আসিতে, আর সেধ না ।
নিশীথে মাধবীবনে, দেখা হ'ল সখা-সনে,
(অমনি) প্রাণে সে রহিয়া গেল, বিরহ আর হ'ল না ।
দিও না তাহারে বাধা, 'এস' ব'লে কেন সাধা ?
(আমার) চির-মিলনের দেশে, নাহি বিরহ-যাতনা ;
ঐখি মুদি' হিয়া-মাঝে, সে মধু মাধুরী রাজে,
মানসে চরণ পূজি, পরশে নাহি বাসনা ।

সংকল্প

মুলতান—গড় খেমটা

মায়ের দেওয়া মোটা কাপড়
মাথায় তুলে নে রে ভাই ;
দীন-ছঃখিনী মা যে তোদের
তার বেশি আর সাধ্য নাই ।
ঐ মোটা সূতোর সঙ্গে, মায়ের
অপার স্নেহ দেখতে পাই ;
আমরা, এমনি পাষণ, তাই ফেলে ঐ
পরের দোরে ভিক্ষে চাই ।

ঐ ছুখী মায়ের ঘরে, ভোদের
 সবার প্রচুর অন্ন নাই,
 তবু, ভাই বেচে কাঁচ, সাবান, মোজা,
 কিনে কল্লি ঘর বোঝাই ।
 আয় রে আমরা মায়ের নামে
 এই প্রতিজ্ঞা করুব ভাই ;
 পরের জিনিস কিনবো না, যদি
 মায়ের ঘরের জিনিস পাই ।

ভাই ভালো

অলো—কাহারোয়

ভাই ভালো, মোদের
 মায়ের ঘরের শুধু ভাত ,
 মায়ের ঘরের বি-সৈন্ধব,
 মার বাগানের কলার পাত ।
 ভিকার চালে কাজ নাই, সে বড় অপমান ;
 মোটা হোক, সে সোণা মোদের মায়ের ক্ষেতের ধান !
 সে যে মায়ের ক্ষেতের ধান ! .
 মিহি কাপড় প'রুব না আর যেচে পরের কাছে ;
 মায়ের ঘরের মোটা কাপড় প'রুলে কেমন সাজে ;
 দেখ্তো প'রুলে কেমন সাজে !
 ও ভাই চাষী, ও ভাই তাঁতী, আজকে সুপ্রভাত ;
 ক'সে লাঙ্গল ধর ভাই রে, ক'সে চালাও তাঁত ।
 ক'সে চালাও ঘরের তাঁত !

আমরা

কিন্তু বারোটা—কাওয়ালী

আমরা, নেহাৎ গরীব, আমরা নেহাৎ ছোট ;

তবু, আজি সাত কোটি ভাই, জেগে ওঠ !

জুড়ে দে ঘরের তাঁত, সাজা দোকান ;

বিদেশে না যায় ভাই, গোলারি ধান ;

আমরা, মোটা খাব, ভাই রে প'র্ব মোটা,

মাখ'ব না ল্যাভেণ্ডার চাইনে 'অটো' ।

নিয়ে যায় মায়ের দুধ পরে ছুয়ে,

আমরা, র'ব কি উপোসী ঘরে শুয়ে ?

হারাসুনে ভাই রে আর এমন সুদিন ;

মায়ের পায়ের কাছে এসে যোটো ।

ঘরের দি়ে, আমরা পরের মেজে,

কিন্বো না ঠুনকো কাঁচ, যায় যে ভেঙ্গে ;

থাকলে, গরীব হ'য়ে, ভাই রে, গরীব চালে,

তাতে হবে নাকো মান খাটো ।

বেক্সা হান্স

বাউলের হর—বেমটা

আর কি ভাবিসু মাঝি ব'সে ?

এই ঠাতাসে পাল তুলে দি়ে,

হাল ধরে থাক ক'সে ।

এই হাওয়া প'ড়ে গেলে, স্রোতে যে ভাই নেবে ঠেলে,

কুল পাবিনে, ভেসে যাবি,

মরুবি যে মনের আপ'শোসে ।

মিছে বকিস্ আনাড়ি, এই বেলা ধরুরে পাড়ি,
 “পাঁচপীর বদর” ব’লে, পুরো মনের খোসে ;
 এমন বাতাস আর র’বে না, পারে যাওয়া আর হবে না,
 মরণ-সিদ্ধ মাঝে গিয়ে,
 পড়’বি রে নিজ কর্মদোষে ।

প্রলাপে

ভিন্‌কড়ি শর্মা

ভেরবী—গড় খেদটা

- (আমি) যাহা কিছু বলি—সবি বজুতা ;
যাহা লিখি,—মহাকাব্য ;
- (আর) সূক্ষ্ম-তত্ত্ব-অনুপ্রাণিত-
দর্শন,—যাহা ভাব্‌ব ।
- (দেখ) আমি যেটা বলি মন্দ,
সেটা অতি বদ, নাহি মন্দ,
- (আর) আমি যা'র সনে বলিনে বাক্য,
সে নয় কারো আলাপ্য ।
- (দেখ) আমি যেটা বলি সোজা,
সেটা জলবৎ যায় বোঝা,
- (আর) আমি যেটা বলি 'উ'ছ না', তার
মানে করা কি সম্ভাব্য ?
- (আমি) যা খাই সেইটে খাও ;
আর যা বাজাই সেটা বাও ;
- (আর) আমি যদি বলি 'এইটে উছ',
সেইখানে সেটা যাপ্য ।
- (আমি) চেষ্টিয়ে যা বলি, গান তাই,
তাতে পুরো অথারিটি বান্দাই ;
- (আর) ক'ন্তে হয় না ওজন সেটাকে,
নিজহাতে যেটা মাপ্‌ব ;
- (এই) মাথাটা কি প্রকাণ্ড,
(এই) অসীম জ্ঞানের ভাণ্ড !

- (দেখ) আমি যা'রে যাহা খুসী হ'য়ে দেই,
তাই তার নিট প্রাপ্য ।
- (আমি) করি যা'র হিত ইচ্ছে,
তা'রে পৃথিবীশুদ্ধ দিচ্ছে,
- (দেখো) কক্ষণো তার বংশ রবে না,
ঘরে ব'লে যা'রে শাপ্‌ব ।
- (আমি) যেটা ব'লে যাব মিথ্যে,
(তুমি) যতই ফলাও বিত্তে,
(দেখো) কক্ষণো সেটা সত্যি হবে না,
তর্কই হবে লভ্য ।
- (এই) ছ'খানি রাতুল ত্রীচরণ,
দিরে, যেখানে করিব বিচরণ,
- (ছাখো) সেটা যদি তুমি তোমার বলিবে,
ভূত হ'য়ে ঘাড়ে চাপ্‌ব !
- (ছাখো) আমি তিনকড়ি শর্মা,
(এই) ধরাধামে ক্ষণজন্মা,
(দেখো) তখনি সে নদী হবে ভাগীরথী,
আমি যা'র জলে নাব্‌ব ।
- (দান) কাস্ত বলিছে ভাই রে,
(অতি) তোফা ! বালহারি যাই রে,
(আমি) তোমার নামটা "হাম্‌বড়া" প্রেসে,
সোণার আখরে ছাপ্‌ব ।

জ্যেষ্ঠের ক্রান্ত

মিশ্র বিভাগ -- কাওরালী

মানুষের মধ্যে জ্যেষ্ঠ সেই, যে পুরো পাঁচ হাত লম্বা ;
 সাধু সেই, যে পরের টাকা নিয়ে, দেখায় রজ্জা !
 ধার্মিক বটে সেই, যে দিন রাত কোঁটা ভিলক কাটে ;
 ভক্ত সেই, যে আজন্মকাল চৈতন নাহি ছাটে ।
 সেই মহাশয়, সংগোপনে যে মদটা আসটা টানে ;
 নির্ভাবানু যে কুকুট-মাংসের মধুর আশ্বাদ জানে ।
 রসিক সেই, যার ষাটবছরে আছে পঞ্চম পক্ষ,
 সেই কাজের লোক, চব্বিশ ঘণ্টা হুকো যার উপলক্ষ
 সেই কপালে', বিয়ে ক'রে যে পায় বিশ হাজার পণ ;
 নারীর মধ্যে সেই সুখী, যার কস্তে হয় না রক্তন ।
 সেই নিরীহ, রামের কথা শ্যামের কাছে দেয় বলে ;
 সেই বাবু, যে কোঁচা হাতে জামায় ফু' দিয়ে চলে ;
 ভক্ত সেই, যার ফরসা ধুতি, ফুটফুটে যার জামা ;
 দেশহিতৈষী সেই, যার পায়ে "ডসনের" বিনামা ।
 মদ খেয়ে, যা' ভুলে থাকতে হয় সেই আদত বিচ্ছেদ ;
 কালো ফিতে ধারণ আছে যার, তারেই বলি খেদ ।
 বেহুঁস হয়ে ড়েনে প'ড়ে রয়, সে অতি সন্ন্যাস্ত ;
 সাদা কালোয় ভেদ না রাখে, সে হাকিম কি ভ্রাস্ত ;
 'এম অর্ঘ্যং' যে বলে, সেই দশকর্মাধিত ;
 সেই বেদজ্ঞ, ফলারের নামে যে ভারি আনন্দিত ।
 'রাজ-লক্ষণ আছে আমার', যে কয়, সে জ্যোতিষী ;
 লম্বা-দাড়ী, গেরুয়াধারী, সেই ত আদত ঋষি ;
 'সর্ট-সাইটেড্' চস্মা নিলেই, বুঝবে ছোকরা ভাল ;
 বাপকে যে কয় 'ঈডিরট' তার গুণে বংশ আলো !

সেই গুরু, যিনি বৎসরান্তে আসেন বার্ষিক নিতে ;
 বদান্ত যে একদম লাখ্ দেয়—উপাধি কিনিতে ।
 আসল তন্ত্রী সেই, যে সদাই আঙড়ায় মুখে 'ফ্রম্ফট' ;
 সেই আদত বীর, সাহেব দেখলেই যে দেয় সোজা চম্পট !
 সে কালের সব নিরেট বোকা এ সত্য কি জানত—
 যে লেখক বলেই বুঝতে হবে, এই ধুরন্ধর 'কান্ত' ?

জাতীয় উন্নতি

বসন্ত বাহার—মলদ একতারা

হয় নি কি ধারণা, বুঝিতে পার না,
 ক্রমে উঠে দেশ উচ্ছে !
 যেহেতু, যে গুলি রুচিত না আগে,
 এখন সে গুলো রুচ্ছে ।
 কেন না, আমাদের বেড়ে মাথা সাক্,
 'গ্যানো' খুলে পড়্ছি 'বিদ্যায়' 'আলো' 'তাপ',
 মাপ্ছি স্কোরার ফুটে বায়ুরাশির চাপ
 (আর) মনের অন্ধকার ঘুচ্ছে ।

যেহেতু, বুঝেছি বিপ্লুট কেমন মধুর,
 কুন্সুট-অস্থি কেমন স্বাধ ;
 (আর) ক্রমে মদিরায় যার মতি যায়,
 কেমনে সে হয় সাধু ;
 (আর) যেহেতু আমাদের মনে মুখে হুই,
 (যাকে) বলতে হবে 'আপনি' তাকে বলি 'তুই'
 চাকুরি দেবে বলে চরণ তলে শুই,
 আর ঘৃণা করি গরীব তুচ্ছে ।

যেহেতু আমরা 'ছাটে' ঢাকি টিকি,
 সদা জামা রাখি শরীরে ;
 (আর) 'শ্যান্টপো' বলি 'শান্তিপূর'কে,
 'ছারি' ব'লে ডুকি 'হরি'রে ;
 যেহেতু আমরা ছেড়েছি একান্ত,
 কীট-দষ্ট বাতুলতা বেদ-বেদান্ত,
 (মোদের) অস্থিমজ্জাগত সাহেবী দৃষ্টান্ত
 দেখ না অমুক বাঁড়ুয্যে ।

(কারণ) ধর্ম-হীনতাটা ধর্ম আমাদের,
 কোনও ধর্মের নাই আস্থা,
 কি হবে ও ছাই ভস্ম গুলো ভেবে ?
 মস্তিষ্কটা নয় সস্তা ;
 অণুবীক্ষণ আর দূরবীক্ষণ ধ'রে,
 বাইরের আঁখি ছুটো ফুটোচ্ছি বেশ ক'রে ;
 মনশ্চক্ষু অন্ধ, তার খবর কে করে ?
 সে বেচারী আঁধারে ঘুরছে ।

(আর) যেহেতু আমরা নেশা করি,
 কিন্তু 'প্রাইভেট ক্যারেক্টর দেখ' না ;
 কংগ্রেসে যা বলি তাই মনে রেখো,
 আর কিছু মনে রেখো না,
 বাপকে করি ঘৃণা, মাকে দেই না অন্ন,
 বাইরের আবরণটা রাখি পরিচ্ছন্ন,
 কোট পেণ্টালুনে ঢাকি কৃষ্ণ-বর্ণ
 যেন দাঁড়কাক ময়ূর-পুচ্ছে

(আর) যেহেতু আমরা পত্নী-আজ্ঞাকারী,
 প্রাণপণে যোগাই গহনা ;

আরে বাপ্‌রে ! তাঁর রুট আঁখি-তাপে,
শুকায় প্রেম-নদীর মোহনা ।

(সে যে) মাকে বলে 'বেটী', হেসে দেই উড়িয়ে
(তার) পিতৃবংশ নিয়ে আসি সব কুড়িয়ে
(মোদের) চিনিয়ে দিতে হয় 'এ মাসী, খুড়ী এ',
ভুলে প্রণাম করি না পুজ্যে ।

(কারণ) খবরের কাগজ, সাইন বোর্ড, আর
বিজ্ঞাপনের বেজায় ছড়াছড়ি,
(জাঁতে) দেখ্বে যথাক্রমে 'পঞ্চানন্দ', আর
'তিনকড়ি কবিরেজ', 'প্রেম বড়ি' ;
আর যেহেতু আমাদের সাহস অতুল,
সাহেব দেখ্লে, হয় পিতৃ-নামটা ভুল,
(দেশটা) সংক্রান্তি-পুরুষের হাত, পা, মাথা ছেড়ে,
ধ'রেছিল বুঝি, " " !

হজরতী গুলি

কীর্তন-ভাষা হর-গড় বেহটা

আঃ যা কর, বাবা, আন্তে, ধীরে—

যা কর কেন খুঁচিয়ে ?

পাতলা একটা ঘবনিকা আছে,

কাজ কি সেটাকে ঘুচিয়ে ?

ফেলো না পৈতে, কেটো না টিকিটে,

সর্ব-বিভাগে প্রবেশ-টিকিট এ,

নেহাৎ পক্ষে টাকাটা সিকিটে

মেলেও ত স্কাকা বুঝিয়ে ।

কালিরা কাবাব্, চপ্ কাটলেট্,
টিকি ঝাড়, আর খাও ভরপেট,
পৈতেটা কাণে তুলে নিয়ে ব'স,
নামাবলীখানা কুঁচিয়ে ।

মূর্খশাস্ত্র অতি বিদগ্ধটে !
অকারণ অভিশাপ কুরুটে !
বলা তো যায় না কিছু মুখ কুটে,
যা' কর নয়ন বুজিয়ে ।

শঙ্খবটী বা নৃপবল্লভে,
এমন হজম কখন কি হবে ?
পাচকের সেরা পৈতেটা ছেঁড়া,
টিকি কাটা কি কুরুচি, এ !

বরের বন্দন

'কাঁকে কাঁকে লাখে লাখে ডাকে ঐ গাৰী !' বর—মতিরার

কম্বাদায়ে বিব্রত হ'য়েছ বিলক্ষণ ;
তাই বুঝি' সংক্ষেপে কর্ছি কর্দ সমাপন ।

নগদে চাই তিনটি হাজার,
তাতেই আবার গিন্না বেজার,
বলেন, এবার বরের বাজার কসা কি রকম !
(কিন্তু) তোমার কাছে চকুলজ্জা লাগে যে বিষম ।
(আর) পড়ার খরচ মাসে তিরিশ',
হয় না কমে, বহুলা 'সিরিশ',
কাজেই সেটা, হ্যাঁ, হ্যাঁ, বেশী বলা অকারণ ;

সোণার চেন্ ঘড়ি, আইভরি ছড়ি,
 ডায়মণ্ডকাটা সোণার বোতাম,
 দিও এক সেট, কতই বা দাম ?
 বিলিভি বুট, ভাল স্লিপার, বরের প্রয়োজন ;
 কুল্ এষ্টকিং, রেসমী রুমাল, দিও হ'ডজন ।

ছাতি, বুকস, আয়না, চিরুণ,
 ফুলকাটা সার্ট, কোট পেণ্টালুন,
 হু'জোড়া শাল, সার্জের চাদর, গরদ সূচিকণ ;
 জম্‌কালো র‍্যাপার, আতর ল্যাভেগার,
 খান পনের দিলি ধুতি, রেসমী না হয়, দিও সূতি ;
 ছান্দ্যাখো ধরি নি 'চস্মা'—কেমন ভুলো মন !
 ছেলে, ঠুলি পেলে খুসি, একটু খাটো-দরশন ।

খাট, চৌকী, মশারি, গদি, এর মধ্যে নেই 'পারি যদি'
 তাকিয়া, তোষক, বালিশাদি দস্তুর-মতন ;
 হবে ছ'প্রান্ত, শয্যা প্রশস্ত,
 (আর) টেবিল, চেয়ার, আলনা, ডেক্স,
 হাতীর দাঁতের হাত-বাক্স,
 ষ্টীলট্রাক খুব বড় হ'টো, যা, দেশের চলন ;
 (আর) তারি সঙ্গে পুরো এক সেট রূপোরি বাসন ।

গিন্নি বলেন, বাউটি স্টে, রূপ লাভণ্য ওঠে কুটে,
 একশ' ভরি হ'লেই হবে একটি সেট উত্তম ;
 ঘেন অলঙ্কার দেখে নিশ্চয় করে না লোকে,
 দিও বারাণসী বোম্বাই,—কর্দ কিছু হ'ল লম্বাই ;
 তা, তোমার মেয়ে, তোমার জামাই, তোমার আকিঞ্চন ;
 আমার কি ভাই ? আজ বাদে কা'ল মুদ্ব হ'নয়ন ।

(আর) দিও যাতায়াতের খরচ,
 না হয় কিছু হবে করজ,
 তা'—মেয়ের বিয়ে, তোমার গরজ, তোমার প্রয়োজন ;
 আবার আসবে কুলীন-দল, তাদের চাই বিলিতি জল,
 ডজন বিশেক 'ছইস্কি' রেখো,
 নইলে বড় প্রমাদ, দেখো !
 কি ক'র্ব ভাই, দেশের আজকাল এমনি চালচলন ;
 কেবল চক্ষু-লজ্জায় বাধ' বাধ' ঠেকছে যে কেমন !

ছেলেটি মোর নব কার্তিক,
 ভাবটি আবার খাঁটি সান্ত্বিক,
 এই বয়সে ভার ভাস্কিক, কস্তাদের মতন ;
 যদি দিতেন একটি 'পাশ', তবে লাগিয়ে দিতেম ত্রাস,
 ফেল্ ছেলে, তাই এত কম পণ,
 এতেই তোমার উঠ্ ল কম্পন ?
 কেবল তোমার বাজার যাচাই—বকা'লে অকারণ,
 দেশের দশা হেরে 'কান্ত' করে অশ্রু-বরিষণ !

বেহায়া বেহাই

মুলতান—একতাল্লা

(বেহাই) কুটুম্বিতের স্থলে, বউ দেবো না ব'লে,
 বেশি কসাকসি ভাল নয় ;
 (বিশেষ) বউমাটি দিনেরেতে, কাঁদেন নাইতে খেতে,
 আহা ! বালিকা, তার কত নয় !

তবে কিনা, ভাই, তুলে যখন কথা,
 দায়ে প'ড়ে একটু দিতে হচ্ছে ব্যথা,
 (তোমার) ব্যাভার মনে হ'লে শরীরটে যায় জ্ব'লে,
 রুক্মারি ক'রেছি মনে হয় !

এসেছিল ছেলের দু'হাজার সপ্তক,
 নেহাৎ পোড়ারমুখো বিধাতার নিৰ্বন্ধ,
 নেশা খেয়ে কল্লম এই বিয়ে পছন্দ,
 গুণ্ধুরি ক'রেছি অতিশয় ;
 তোমার মতন জোঁচোর, বদমায়েস, বাটুপাড়,
 দম্বাজ, এ ছুনিয়ায় দেখিনিকো আর !
 এত কথাবার্তা সবই ফক্কিকার,
 কুলের দোষের গুটা পরিচয় ;

আগে যদি জান্তেম এমনতর হবে,
 পাওয়া খোয়ার দফায় শূন্নি প'ড়ে যাবে,
 ক'র্ন্তে যাই কি এমন আহাম্মকি তবে,
 ফেলে ভাল কার্য্য সমুদয় ?
 আগে জানলে পরে, বেড়ে দেখে শুনে,
 নিতাম ফর্দের মত কড়ায় গণ্ডায় গুণে,
 (এখন) শঠের পাল্লায় প'ড়ে পুড়ি মনাশুনে,
 কি ঘোর কলির হ'য়েছে উদয় !

(তোমার) খাটে পুড়িং দে'য়া, তোষক গদি খাটো,
 টেবিল চেয়ার হাঙ্কা, তক্তপোষটি ছোট,
 কলসী ষ্টি দু'টো বেজায়-রকম ফুটো,
 'সকেগুছাগু' জিনিস সমুদয় ;

বাঁধা হ'কো ভাঙ্গা, শাল জোড়াটা রো'গো,
আলনা, বাস্ক, ডেক্স, সব মড়া-থেকো,
এখানকার সমাজে বে'র করি নে লাজে
পাছে কাণ-মলা খেতে হয় ।

এ সব ত' ধরি নে হ'ক্গে যেমন তেমন,
বাছার চেন-ছড়াটি হয়নি মনের মতন,
সাড়ে চৌদ্দ ভরি দিলাম ফর্দে ধরি',
ওজনে এক ভরি কমতি হয় ;
(আর) আনুতেই চায়ের সেটটি পেয়ে গেছে গয়া,
ছি'ড়েছে মশারি, খাটের গেছে পায়,
(এমন) চ'থের পর্দা-শূঁচ বেহদ বেহায়,
(আর) আছে কিনা, সন্দ সে বিষয় !

গয়না দেখেই গিন্নীর অঙ্গ গেছে জ্ব'লে,
একশ' ভরির কথা স্বীকার হ'য়ে গেলে,
ষোলো টাকা ভরির সোণা সবাই বলে,
পিতল কি সে সোণা, চেনা দায় ;
সেই পিতলে আবার আধাআধি খা'দ,
ওজন ক'রে পেলাম ভরি দেড়েক বাদ,
চন্দ্রহার ছড়াটা, নয়কো ডায়মণ্ড-কাটা,
কত বল্ব, পুঁথি বেড়ে যায় !

হীরের আংটা কোথা ? ঝুঁটো মতি দে'য়া !
(এসব) বিলিতি জোচ্চুরি কোথায় শিখলে ভায়া ?
পরসার মমতায়, না কল্পে মেয়ের মায়া,
(ও তার) দিবানিশি কথা শুন্তে হয় ;

নগদটাতেও রকম-ফেরি আছে, ভাই,
 হাজারে ছ'তিনটি মেকি দেখতে পাই,
 বিশ্বাস ক'রে তখন বাজিয়ে নেই নি, ভাই—
 এমনি ক'রেই আক্কেল দিতে হয় !

[কন্নার পিতার অশ্রু-মোচন]

বাপ্ বেটীরই দেখ্ছি সাধা চোখের জল,
 মনে করলেই ধারা বহে অবিরল,
 তবু হয়নি শেষ ; মেয়েটিও বেশ,
 নাইক' লাজ-লজ্জা, সরম-ভয় ;
 (আর) তোমার মত অষ্টাবক্র, হায়রে বিধি !
 তারি কন্না, কতই হবে রূপের নিধি !
 রূপে গুণে সমা, লোকে বলে “ওমা,
 এমন চাঁদেরো এমন পেত্নী হয় !”
 (তোমার) মায়া-কান্নায় কিছু আসে যায় না আমার,
 (আমি) বেশ বুঝেছি তুমি ভদ্র-বেশী চামার,
 বাইরে যত জাঁক-জমক জুতো, জামার ;
 কিন্তু তুমি অতি নীচাশয় ;
 বারণ ক'ন্তে চাই নে, যাও হে মেয়ে নিয়ে,
 রেখে যেয়ো আবার খরচ-পত্র দিয়ে ;
 নইলে জেনো চাঁদের আবার দিবো বিয়ে,
 স্তনে কান্ত অবাক্ হ'য়ে রয় !

বৈয়াকরণ-
দম্পতীর বিরহ

[পত্র]

কীর্তনের হর—মনম একতারা

কবে হবে তোমাতে আমাতে সন্ধি ;
যাবে বিরহের ভোগ, হবে শুভ-যোগ,
দ্বন্দ্ব সমাসে হইব বন্দী ।
তুমি মূল ধাতু, আমি হে প্রত্যয়,
তোমাযোগে আমার সার্থকতা হয়,
কবে, 'স্মৃতি, স্মৃতঃ, স্মৃস্তি'র ঘুচে যাবে ভয়,
হবে বর্তমানের 'তিপ্, তস্, অস্তি' !
আমি অবলা-কবিতা, তুমি অলঙ্কার,
তোমা বিনে আমার কিসের অহঙ্কার,
করিছে, অনঙ্গ, ছন্দোযতিভঙ্গ,
এসে সংশোধনের করহে ফলি ।

[উত্তর]

কালোড়া—কাণ্ডহালী

প্রিয়ে, হ'য়ে আছি বিরহে হসন্ত ;
শুধু আধখানা কোনমতে রয়েছি জীবন্ত ।
কি কব ধাতুর ভোগ, নানা উপসর্গ রোগ,
জীবনে কি লাগায়েছে বিসর্গ অনন্ত !
প্রেয়সী প্রকৃতি তুমি, প্রত্যয়ের লীলাভূমি,
তোমা বিনে কে আমারে ব্যাকরণে মান্ত ?
অধ্যয়ন উঠেছে চাঙ্গে, রেতে যখন নিদ্রা ভাঙ্গে,
লুপ্ত "অ"কারের মত ম'রে থাকি জ্যান্ত ।

এ যে, সন্ধি-বিচ্ছেদের রাজ্য, কবে হব কর্তৃবাচ্য,
 বিরহ অসমাপিকা ক্রিয়া পাই নে অন্ত ।
 প্রিয়ে, তুমি আছ কুত্র, খেয়েছি সব মূল পুত্র
 পেয়ে তোমার প্রেমপত্র, কচ্ছি “হা হা হস্ত” !

কিছু হ'ল না

মিশ্র বিভাস-কাওয়ালী

আমি পার হ'তে চাই, ওরা আমার দেয় না
 পারের কড়ি ;
 আমি বলি লিখ্ব, ওরা দেয় না হাতে খড়ি ;
 কিছু হ'ল না ।
 ওরা খায় ক্ষীরনবনী, আমি বজ্জা ছধ,
 আমি করি তেজারতি, ওরা খায় সুদ ;
 কিছু হ'ল না ।
 আমার গাছে ফল ধরে, ওরা সবি খায় পেড়ে,
 আমি একটি হাতে ক'ল্লেই, এসে নিয়ে যায় কেড়ে ;
 কিছু হ'ল না ।
 আমি, আনি বাজার ক'রে, ওরা খায় রে'ধে,
 ওরা করে রং-তামাসা, আমি মরি কেঁদে ;
 কিছু হ'ল না । ;
 আমি নৌকা বাঁধি, ওরা বাহার দিয়ে চড়ে,
 আমি করি কড়ার হিসাব, ওরা ধরে গড়ে ;
 কিছু হ'ল না ।

হরি ভ'জ্ব ব'লে নয়ন মুদি, ওরা সবাই হাসে,
আমি চাই নিরালা, ওরা কাছে ব'সে কাসে ;

কিছু হ'ল না ।

আমি যদি শ্রদীপ জ্বালি, ওরা মারে ফুঁ,
আমার যা'তে 'না, না', ওদের তা'তে 'হুঁ' ;

কিছু হ'ল না ।

আমি আনি মাছ মাংস, ওরা মারে ছোঁ,
আমি বলি বুঝে দেখ, ওরা ধরে গোঁ ;

কিছু হ'ল না ।

আমি করি ফুলের বাগান, ওরা তোলে ফুল,
আমি কিনি পাকা সোনা, ওরা পরে ছল ;

কিছু হ'ল না !

আমি বলি 'সময় গেল', ওরা বলে 'আছে',
(আমি) কাপড় কিনে দিই, ওরা স্চাংটো হ'য়ে নাচে ।

কিছু হ'ল না ।

আমি বলি 'বাপু' 'সোণা', ওরা মারে চড়,
আমি চাই ঝিঝিরে বাতাস, ওরা বহায় ঝড় ।

কিছু হ'ল না ।

আমার যাত্রার সময়, ওরা খোবা নাপিত ডাকে,
(আমি) কাণা কড়ি দাম বলি, ওরা লক্ষ টাকা হাঁকে ;

কিছু হ'ল না ।

তোমরা দশঠাকুরে মিলে, আমার কর একটা সালিশ ;
কোন্ হুজুরের জুরিস্‌ডিক্‌সন, কোথায় ক'র'ব নাশিশ ;

কিছু বুঝি নে ।

'কম্পেন্সেসন', 'চিটিং' কিংবা, হবে স্বত্বের মামলা ;
কোন্ আইনে কি বলে, ভাই, বড় বড় সামলা !

আমার ব'লে দাও ।

কত বারো বৎসর গেল, হ'ল বৃষ্টি তামাদি,
কান্ত বলে বিচার হবে, হ'লে পরে সমাধি ;
কিছু ভেব না ।

শ্রীকান্ত

বাউলের হর-- গড় খেঁচা

আর আমি থাকুবো নারে, তলুপী তোলা ;
সয় কি ভাই, দিবানিশি গণ্ডগোল !
খেয়ে বামুনের রান্না, ভাই আমার আসে কান্না,
তবু পাক-ঘরে যান না, গিল্লির আগুন ছুলেই গোল ;
(আবার) ডালের সঙ্গে জল মেশে না,
বেগুনপোড়া, নিমপটোল ।

(হায় ছ'বেলা ।)

প'ড়েছি কি পাপফেরে, গিল্লিটি যে আবদেরে,
'কাপড় দে, গয়না দে' ফরমাসেতে হই পাগল ;
'পারি নে' ব'লে, চ'ল্লেন বাপের বাড়ী,
ঘুরিয়ে স্বর্ণ-নথ সুগোল ।

(মুখের কাছে ।)

গৃহ-দেবতার আদেশে, যদি বা দুঃখ ক্রেশে,
সোণা দেই, সর্ব্বনেশে কর্ম্মকারের নানান ভোল ;
মজুরি ষোল আনাই ; বাজার যাচাই
ক'রে দেখি সব পিতল !

ধৈর্য্য আর ক'দিন টেকে ? সাদা রং বজায় রেখে,
গোয়লা মনের সুখে, জল ঢেলে ছুধ করে ষোল ;
করে নিত্য গুরুদেবের কিরে,
(আবার) আদায় করে সুদ আসল !

(হিসেব ক'রে ।)

কাপুড়ে সাল্লে দফা, দামের নাই আপোস রফা,
টাকায় টাকা মুনাফা, মুখে বলেন “হরি বোল” ;
(আবার) সাঁচা খুঁটা যায় না বোঝা,
হায়রে কি বজ্‌নিশ নকল ।

(কার সাধ্য চিনে ?)

ধোবা তিরিশ খান দরে, কাপড় দেয় ছ’মাস পরে,
ভদ্রতা কেমন ক’রে রাখ’ব, ভাবি তাই কেবল,
(আবার) নাগুে নবীন, বর্ষে ছ’দিন,
দেখা দিয়ে করেন প্রাণ শীতল ।

কি সখ্য ঝি-চাকরে, ডা’নে বাঁয়ে চুরি করে,
তাই আবার ব’ল্লে পরে, বাজায় অপযশের ঢোল ;
(আবার) চৌকিদারী কি ঝক্‌মারি,
না দিলে কয় ‘ঘটা তোল !’

(নবাবের বেটা ।)

ছেলেদের জ্যাঠামিটে, দেখলে দেই কড়া মিঠে,
প’ড়েছে কড়া পিটে, তথাপি বেজায় বিটোল ;
(আবার) পিঁউলি পরা, পান্না বাবা,
ওরা খাবেন রুই-কাতোল ।

(মর বাঁচ ।)

সবাই নিজেরটি বোঝে, যা’ পায় তাই ট্যাঁকে গোঁজে,
শুধু পরের খরচে পরের মাথায় ঢালে ঘোল ;
কান্ত বলে সবাই মিলে, একবার কৃষ্ণানন্দে হরি বোল ।
(ছ’বাহ তুলে ।)

कलगी

ভক্তি-ধারা

মিশ্র গৌরী—কাণ্ডালী

আর,—

কত দূরে আছ, প্রভু, প্রেম-পারাবার ?
শুনিতে কি পাবে মুছ বিলাপ আমার ?
তোমারি চরণ আশে, ধীরে ধীরে নেমে আসে,
ভক্তি-প্রবাহ, দীন ক্ষীণ জলধার ।
কঠিন বন্ধুর পথ, পলে পলে বাধা শত,
অচল হইয়া, প্রভু, পড়ে বারবার !
নীরস নিষ্ঠুর ধরা, শুষে লয় বারি-ধারা,
কেমনে ছুস্তর মরু হ'য়ে যাবে পার ?
বড় আশা ছিল প্রাণে, ছুটিয়া তোমারি পানে,
এক বিন্দু বারি দিবে চরণে তোমার ।
পরিশ্রান্ত পথহারা, নিরাশ দুর্বল ধারা,—
করুণা-কল্লোলে, তারে ডাক একবার !

হৃদয়-পঞ্চল

মনোহর সাই—জলদ একতালা

এই,—

ক্ষুদ্র হৃদয়-পঞ্চল-জল, আবিলাপ-পঙ্কে ;
অদেয়-অপেয়, তুষার স্পর্শ করে না কেহ আতঙ্কে !
চৌদিকে বেড়া কঠিন ভূমি, মধ্যে হয়েছি বন্দী ;
(ওহে) প্রেম-সিন্ধু ! আর কেমনে মিলিব তোমার সঙ্গে ?

(তব) মিলন-আশে, সাধু সৃজন, প্রেম-তরঙ্গ তুলিয়া,
বহিয়া গিয়াছে, দীন অধমে দূর-সৈকতে ফেলিয়া ;
প্রভু, বসে না তীরে জলবিহঙ্গ, মলয় করে না খেলা ;
ঝঞ্জা শৃঙ্গে গো নদী-তরঙ্গ, আমারে করে সে হেলা !

প্রভু ফোটে না এ জলে ভক্তি-কমল, চলে না পুণ্যতরঙ্গী ;
চির-নির্বাসিত ক'রেছে আমারে কোলাহলময় ধরণী ;
(কবে) শুকাইয়া যাবে এ মলিন বারি, শেষ রবে না বিন্দু !
(বড়) দুঃখ, বন্ধে বিম্বিত হ'লোনা, নির্মল প্রেম-ইন্দু ।

নিষ্কলতা

“তোমার কথা হেথা কেহ ত কহে না”—হর

আমি, সকল কাজের পাই হে সময়,
তোমারে ডাকিতে পাইনে ;
আমি, চাহি দারা-সুত-সুখ-সন্মিলন,
তব সঙ্গ-সুখ চাইনে ।
আমি, কতই যে করি বৃথা পর্যটন,
তোমার কাছে তো যাইনে ;
আমি, কত কি যে খাই, ভস্ম আর ছাই,
তব প্রেমামৃত খাইনে ।
আমি, কত গান গাহি, মনের হরষে,
তোমার মহিমা গাইনে ;
আমি, বাহিরের ছটো আঁধি মেলে চাই,
জ্ঞান-আঁধি মেলে চাইনে ;

আমি, কার তরে দেই আপনা বিলায়ে,
 ও পদতলে বিকাইনে ;
 আমি, সবারে শিখাই কত নীতি-কথা,
 মনেরে শুধু শিখাইনে !

হুর্গতি

মিঃ বাখার—একতলা

- আর কত দিন ভবে থাকিব মা ?
 পথ চেয়ে কত ডাকিব মা ?
 (তুমি) দেখা তো দিলে না, কোলে তো নিলে না,
 কি আশে পরাণ রাখিব মা ?
- (আমায়) কেহ তো আদর করে না গো,
 পতিতে তুলিয়া ধরে না গো,
 (মম) ছুখে কারো আঁখি ঝরে না গো ;—
 (তবু) মোহ নাহি টুটে, ঘুম নাহি ছুটে,
 আর কত দিনে জাগিব মা ?
- (আমি) শত নিষ্ঠুরতা সহিয়া গো,
 হৃদয় বেদনা বহিয়া গো,
 (কত) কেঁদেছি তোমারে কহিয়া গো,
 (আমি) আঁধারে পড়িয়া, কাঁদিয়া কাঁদিয়া,
 আর কত ধুলো মাখিব মা ?

হৃৎলম্বা

মিশ্র ভৈরবী—আড় কাণ্ডরাণী

এত কোলাহলে প্রভু, ভাঙ্গিল না ঘুম ;
 কি ঘোর তামসী নিশা, নয়নে আনিল মোহ,
 এ জীবন নীরব নিরুস !

শ্রেমিক হৃদয়গুলি, প্রেমানল-শিখা তুলি' ;
 “জয় প্রেমময় !” বলি', তব পানে ধায় ;—
 সে বহ্নি-পরশে মম, সিক্ত ইন্দন-সম,
 হৃদি হ'তে উঠে শুধু ধূম ।

সবারি পরাণ, নব অরুণ কিরণে তব,
 ফুটিয়া ছলিয়া হাসি', সুরভি বিলায় ;—
 মোহালস টুটিল না, সে কিরণে ফুটিল না
 আমারি এ হৃদয়-কুসুম ।

পাতকী

মিশ্র বেহাগ—১৭

পাতকী বলিয়ে কি গো, পায়ে ঠেলা ভাল হয় ?
 তবে কেন পাপী ত্যাপী, এত আশা করে রয় ?
 করিতে এ ধূলাখেলা, অবসান হ'ল বেলা,
 যারা এসেছিল সাথে, ফেলে গেল অসময় ।
 হারাইয়ে লাভে মূলে, মরণের সিদ্ধ-কূলে
 পথজ্ঞাস্ত দেহখানি টানিয়া এনেছি হায় !
 জীবনে কখন আমি ডাকিনি, হৃদয়-স্বামি !

(তাই) এ অধিনে এ অধীনে ত্যজিবে কি দয়াময় ?

স্কন্ধা

খিঁঝিট—৫৭

তব, করুণামৃত পারাবারে কেন ডুবালে, দয়াময় ?
 এ অযোগ্য অধমেরে, মলিনেরে, কেন এত দয়া হয় ?
 (চিত) কাতর করুণা-ভারে, বহিতে আর নাহি পারে,
 দুর্বল হয়েছে পাপে, এত দয়া নাহি সয় !
 তোমার কথা হেলা ক'রে, পাপ করিয়া ফিরি ঘরে,
 (তুমি) হেসে ব'স কোলে ক'রে, দেখে কত লজ্জা হয় ।
 নাহি ঘৃণা, নাহি রোষ, নাহি হিংসা, অসন্তোষ,
 শুধু দয়া, শুধু স্কন্ধা, শুধু অভয়-পদাশ্রয় !

কেন ?

মন্ত্র ধাওয়াজ—কাওয়ালী

যদি, মরমে লুকায়ে রবে, হৃদয়ে শুকায়ে যাবে,
 কেন প্রাণভরা আশা দিলে গো ?
 তব, চরণ-শরণ-তরে, এত ব্যাকুলতা-ভরে,
 কেন ধাই, যদি নাহি মিলে গো ?
 পাপী তাপী কেন সবে, তোমারে ডাকিয়া ক'বে,
 মনোব্যথা তুমি না শুনিলে গো ?
 যদি, মধুর সাস্তনা-ভরে, তুমি না মুছাবে করে,
 কেন ভাসি নয়ন-সলিলে গো ?
 আনন্দে অনন্ত প্রাণ, করিছে বন্দনা-গান,
 অবিশ্রান্ত অনন্ত নিখিলে গো ;
 ওগো, সকলি কি অর্থহীন ! শূন্য, শূন্য হবে লীন ?
 তবে কেন সে গীত সৃজিলে গো ?

এতই আবেগ প্রভু, ব্যর্থ কি হইবে কভু,
 একান্ত ও চরণে সঁপিলে গো ?
 যদি, পাতকী না পায় গতি, কেন, ত্রিভুবন-পতি,
 পতিত-পাবন নাম নিলে গো ?

বিশ্বাস

মিশ্র ষাষাঙ্ক—মলদ একতাল।

কেন বঞ্চিত হব চরণে ?
 আমি, কত আশা ক'রে বসে আছি,
 পাব জীবনে, না হয় মরণে !
 আহা, তাই যদি নাহি হবে গো,—
 পাতকি-তারণ-ভরীতে, তাপিত
 আত্মরে তুলে' না লবে গো ;
 হ'য়ে, পথের ধূলায় অন্ধ,
 এসে, দেখিব কি খেয়া বন্ধ ?
 তবে, পারে ব'সে, “পার কর” ব'লে, পাৰ্পী
 কেন ডাকে দীন-শরণে ?
 আমি শুনেছি, হে তৃষা-হারি !
 তুমি, এনে দাও তারে প্রেম-অমৃত,
 তুমিত যে চাহে বারি ;
 তুমি, আপনা হইতে হও আপনার,
 যার কেহ নাই, তুমি আছ তার ;
 এ কি, সব মিছে কথা ? ভাবিতে যে ব্যথা
 বড় বাজে, প্রভু, মরমে !

কবে ২

বেহাগ—কাওয়ালী

কবে, তৃষিত এ মরু, ছাড়িয়া যাইব,
 তোমারি রসাল নন্দনে ;
 কবে, তাপিত এ চিত, করিব শীতল,
 তোমারি করুণা-চন্দনে !

কবে, তোমাতে হ'য়ে যাব, আমার আমি-হারা,
 তোমারি নাম নিতে নয়নে ব'বে ধারা,
 এ দেহ শিহরিবে, ব্যাকুল হবে প্রাণ
 বিপুল পুলক-স্পন্দনে !

কবে, ভবের সুখ ছুখ চরণে দলিয়া,
 যাত্রা করিব গো, শ্রীহরি বলিয়া,
 চরণ টলিবে না, হৃদয় গলিবে না,
 কাহারো আঁকুল ক্রন্দনে ।

বিচার

শৈরবী—কাওয়ালী

জ্ঞান-মুকুট পরি', ছায়-দণ্ড করে ধরি',
 বিচার-আসনে যবে বসিবে, হে বিশ্বপতি ;
 “জয় রাজেশ্বর !” রবে, ব্রহ্মাণ্ড ধ্বনিত হবে,
 জল স্থল মহাব্যোম, চরণে করিবে নতি !

একান্ত জানিয়া এই খুলদেহ-পরিণাম,
 বিলাস-বিমুখ, যারা করে সদা হরিণাম,
 সরল ব্যাকুল প্রাণে কেবলি তোমারে চায়,
 মুখ হুখে সমভাবে তোমারি মহিমা গায়,—
 ধর্মলোকে সমুজ্জল, ছুটিবে সাধকদল,
 প্রাণ রাখি, পদতলে, করিবে তব আরতি !

আজ্ঞমম পাপ-লিপ্ত, ল'য়ে এ তাপিত চিত,
 দূরে রব দাঁড়াইয়া, লজ্জিত কম্পিত ভীত ;
 সব হারাইয়া প্রভু, হ'য়েছি ভিখারী দীন,
 তোমারে ভুলিয়া, হায়, নিরানন্দ কি মলিন ;
 কোন্ লাজে দিব পায় ? এ হৃদি কি দেওয়া যায় ?
 সে দিন আমার গতি কি হবে, হে দীনগতি !

স্বশ্ৰী

গুরনী—একতালা

তোমার নয়নের আড়াল হ'তে চাই আমি,
 তোমারি ভবনে করি বাস ;
 তোমারি তো আমি খাই পারি, তবু
 তোমারেই করি পরিহাস !

তুমিই দিয়েছ জ্ঞান-ভকতি,
 তুমিই দিয়েছ ইচ্ছা-শক্তি,
 তবু, তোমারে জানিনে, চরণ চাহিনে,
 নাহিক তোমতে অভিলাষ !

করিনে তোমার আজ্ঞাপালন,
মানিনে তোমার মঙ্গলশাসন,
তোমার, সেবা নাহি করি, তবু কেন, হরি,
লোকে বলে মোরে 'হরিদাস' !

নিরুপায়

মলিন-বিভাস—একতাল

নিরুপায়, সব যে যায়, আর কে ফিরায় তোমা ভিন্ন !
দেখ্লাম জেগে, ভীষণ মেঘে, আমার আকাশ সমাকীর্ণ ;
আর কে রাখে, পাপের পাকে, আর কি থাকে, তরী জীর্ণ ?

(আমি) ডুব্লাম হরি তুমি থাকতে, দয়াময়, পারুলে না রাখতে,
তবু একবার নিরাশ প্রাণে হও দেখি হে অবতীর্ণ ;
দেহ মনের কোনও কোণে, নাইক তোমার কোন চিহ্ন ;
এমনি হ'য়ে, গেছি ব'য়ে, ভাবতে যে প্রাণ হয় বিদীর্ণ ।

(এই) মলিন মনের অন্তরালে, দেখা দিও অন্তকালে,
একবার তোমায় দেখে মরি, এই বাসনা কর পূর্ণ ;
সময় থাকতে, তোমায় ডাকতে, হয়নি মতি, মতিচ্ছন্ন ;
তাই কি ঠেলে, দিবে ফেলে, মহাপাপী, ঘোর বিপন্ন !

আর কেন হ

চৌড়ী—একতাল

(মা, আর,) আমারে আদর ক'রো না ক'রো না,
 নিও না নিও না কোলে ;
 ব্যথা, পেয়ো না পেয়ো না, ফেলো না অশ্রু,
 (এই) ব'য়ে-যাওয়া ছেলে ম'লে ।

আগুনে পুড়িয়া হ'য়ে গেছি ছাই,
 ধুলো ছাড়া আর কোথা আছে ঠাই ?
 একেবারে গেছে শুকাইয়ে প্রাণ,

তুখে পাপে তাপে জ'লে !

কত যে করেছ, কত যে মেরেছ,
 কত যে কয়েছ, কত যে সয়েছ,
 যত কেশে ধ'রে টেনেছ উপরে,

(তত) ডুবেছি অতল জলে !

ফেলে যাও, আর ক'রো না যতন,
 ফিরাও বদন, সরাও চরণ,
 ছাড় মোর আশা, মোছ ভালবাসা,

(বৃকে) লাধি মেরে যাও চ'লে ।

পুণ্ড্রিকা

পূর্ববী দ্বিজ—কাওয়ালী

হরি, প্রেম-গগনে চির-রাকা ।
 চির-প্রসন্ন কি মাধুরী-মাখা ।

সুপ্ত জগতে, চির-জাগ্রত প্রহরী,
বরষিছ চির-করণামৃত-লহরী ;—
(মম) অন্ধ আঁখি, মোহে ঢাকা !

সাধু ভকত জন পিয়ে মকরন্দ,
এ হরি, মম মন-গতি অতি মন্দ ;
উড়ে যেতে নাইক পাখা !

এসেছি ফিরিয়া

সিদ্ধু-খান্না - আড় কাণ্ডালী

তারা মোরে রেখেছিল ভুলাইয়ে—
হুঁদিনের মোহ-মাথা হাসি-খুসি দিয়ে ;

নিজ-সুখ-তরে, মম সুখ-দুখ-ভাগী,
তারা শুধু চাহে মোরে তাহাদেরি লাগি' ;
মিছে আশা দিয়ে কত করে অহুরাগী ;
(শেষে) দূরে দাঁড়াইয়া হাসে, সরবস নিয়ে ।

দেখা হ'লে, আর কথা কহে না কহে না,
এ ছলনা আর, প্রভু, সহে না সহে না ;
শ্রান্ত চরণ, আর দেহ যে বহে না ;
(আজ) ভাঙ্গিয়াছে ঘুমঘোর, এসেছি ফিরিয়ে ।

কি সুন্দর

মিশ্র ভূগানী—কাওয়ালী

ধীর সমীরে, চঞ্চল নীরে,

খেলে যবে মন্দ হিলোল,—

বিগলিত-কাঞ্চন-সম্মিত শশধর,

জলমাঝে খেলে মুছ দোল ;—

যবে, কনকপ্রভাতে, নবরবি সাথে,

জাগে সুষুপ্ত ধরা,—

পরিমল-পূরিত কুসুমিত কাননে,

পাখী গাহে সুমধুর বোল ;—

যবে, শ্যামল শশ্বে, বিস্তৃত প্রাস্তর

রাজে, মোহিয়া মন প্রাণ,—

সাক্ষ্য-সমীরণ-চুম্বিত-চঞ্চল,

শীত-শিশির করে পান ;

কোটি নয়ন দেহ, কোটি শ্রবণ, প্রভু,

দেহ মোরে কোটি সুকণ্ঠ,—

হেরিতে মোহন ছবি, গুনিতে সে সঙ্গীত

তুলিতে তোমারি যশরোল !

ভূমি ও আমি

মটনারায়ণ—তেওরা

ভূমি, অস্ত্রহীন, বিরাট, এ নিখিল-ব্যাপী-অচ্যুত-অক্ষর !

আমি, ধূলি-কণিকা, ক্ষুদ্র, দীন, নগণ্য, তুচ্ছ বিনশ্বর ।

ভূমি, নিত্য-মঙ্গল, জ্যোতিঃ নির্মল, শাস্ত, সুমধুর, উজ্জল !

আমি, অন্ধ-তমসচ্ছন্ন, নিম্প্রভ, পাপ-পবন-বিচঞ্চল ।

তুমি, পরম সুন্দর, বিশ্বভূষণ, পুণ্য-বিভব-অলঙ্কৃত !
 আমি, অধম কুৎসিত, ছঃখপীড়িত, নিত্য-পাপ-কলঙ্কিত ।
 তুমি, মধুর-বরুণা-সাম্র-লহরী, তুষাতুর-চির-পোষণ !
 আমি, শুষ্ক, নীরস, কঠিন, নির্মম, জীব-শোণিত-শোষণ ।
 আমি, গর্ব করি, তবু, পুত্র তব, প্রভু, আমি সুমঙ্গল পদতলে ;
 তুমি, এক-গৌরব-গর্ব বঞ্চিত না কর, প্রভু, হৃৎকলে ।

অভিলাষ

ইমন—কাওরালী । “তোমারি রাগিণী জীবন-কুঞ্জে”—স্বর

ভীতি-সঙ্কুল এ ভবে, সদা তব
 সাথে থাকি যেন, সাথে গো ;
 অভয়-বিতরণ চরণ-রেণু,
 মাথে রাখি যেন, মাথে গো ।
 তোমারি নির্মল শান্ত আলোকে,
 দীপ্ত হয় যেন দেহ-মন ;
 তোমারি কার্ণ্যের মধুর সফলতা,
 হাতে মাখি, দু’টি হাতে গো ।
 মোহ-আলসে, বিলাস-লালসে,
 তোমারে ভুলি’, হৃদি-দেবতা ;-
 পরাণ কল্পিত, বক্ষু ছরু ছরু,
 কাঁদে আঁখি, যেন কাঁদে গো ।

ল'য়ে চল

মিশ্র ধাৰা—মল্ল একতারা

কুটিল কুপথ ধরিয়া দূরে সরিয়া, আছি পড়িয়া হে ;—

বুধ-মঙ্গল-কেতু,—আর দেখিনে,—

কিসে ফেলিল যেন গো আবরিয়া ।

(এই) দীর্ঘ-প্রবাস-যামিনী, আমারে

ডুবায়ে রাখিল তিমিরে ;

(আর) প্রভাত হ'ল না, আঁধার গেল না,

আলোক দিল না মিহিরে হে ;

কবে আসিয়াছি, কেন আসিয়াছি,

কোথা আসিয়াছি, গেছি পাশরিয়া ।

(আমি) তোমারি পতাকা করিয়া লক্ষ্য,

আসিয়াছি গৃহ ছাড়িয়া ;

(আমায়) কণ্টক বনে কে লইল টানি'

পাথের লইল কাড়িয়া হে ;

যদি জাগিতেছ, প্রভু, দেখিতেছ,—

তবে, ল'য়ে চল আলো বিতরিয়া ।

ডুবাও

মিশ্র ঝিঁঝিট—কাওরালী

(এই) তপ্ত মলিন চিত্ত বহিয়া এনেছি, তব

প্রেম-অমৃত-মন্দাকিনী-তীরে ;

ধৌত কর হে, কর শীতল, দয়ানিধে,

পাবন বিমল সুধাময়-নীরে ।

সুগভীর অবিরল কল্লোল-মস্তে,
 ডুবাও প্রাণের মুহু রিপু-ষড়যন্ত্রে ;
 মুক্তিময় শাস্তিময় প্লাবন-তরঙ্গে,
 ডুবাও বাসনাকুল দেহ-মন সঙ্গে ;

(আর) দিও না দিও না, প্রভু, যেতে কূলে ফিরে,
 (আমি) অতলে জনমতরে ডুবে যাব ধীরে ।

সহায়তা

মিশ্র কামেড়া—কাওরালী

যদি, প্রলোভন মাঝে ফেলে রাখ ;
 তবে, বিশ্ববিজয়ী-রিপুহারি-রূপে, হরি,
 দুর্বল এ হৃদয়ে জাগ ।
 যদি, অবিরাম গরজিবে স্বার্থ-সিন্ধু ভব,
 নিষ্ফলকলরব-মাঝে ডুবিয়া রব,
 তবে, শাস্তি-নিলয়, চির-শ্রান্ত-মুরতি ধরি',
 ব্যাকুল এ হৃদয়ে থাক ।
 যদি, লুকায়ে রাখিবে তোমা, অলীকতাময় ধরা,
 চাকিবে মোহ-মেঘ, কাস্তি তিমির-হরা,
 যদি, আধারে না পাই পথ—সত্য-সূর্য্য-রূপে
 পথহারা হ'তে দিওনাক ।
 আশার ছলনে যদি, হেরি মায়া-মরীচিকা,
 নয়ন মোহিয়া পাপ, শেষে আনে বিভীষিকা,
 তবে, ভীতি-হরণ, যেন অভয়-বচন-সুখা
 'বিতরি' এ বিপন্নে ডাক ।

শব্দপাপত

মিশ্র ইন্দু—কাওরালী

স্থান দিও করুণায় তব চরণ-তলে,
যদি, না পারি লভিতে নিজ ধরম-বলে !

দৃঢ় পণ করি, “পাপ করিব না আর
করিব না” ব’লে, পাপ করেছি আবার ;
তবু, তোমারে না আনি ডাকি’, আপন গরবে থাকি,
ব্যর্থ পুরুষকার করম-ফলে ।

নিজ বলে বল করা, বিফল কেবলি,
তব বলে বলী হ’লে, তবে বলি বলী ;
আমি, ঠেকিয়া ঠেকিয়া শিখে, ফিরেছি তোমারি দিকে,
(মোরে) কাঁদাইয়া, ধুয়ে লহ নয়ন-জলে ।

ভ্রাস্ত

মিশ্র কাবেড়া—একতাল

ভ্রাস্ত, অন্ধ, অন্ধকারে,
তোমারি সুপথ পাবে কি আর !
নিঃসহায়, নিঃস্ব, হায় !
অবশ-চিন্তে মোহ-বিকার !
দুর্গম-পথে সঙ্গি-হারা, জ্যোতি-হীন আধি-তারা,
কণ্টক-বনে পড়ে বৃষ্টি, ওহে
অনাথনাথ, নিবার নিবার !

আমার দেবতা

আলো—একতালা

বিশ্ব-বিপদ-ভঞ্জন, মনোরঞ্জন, দুঃখহারী ;
 চিত-নন্দন, জগবন্দন, ভব-বন্ধন-বারি ;
 সর্ব-মূর্তি আকৃতি-হীন, পঞ্চভূত-প্রকৃতি-লীন ;
 দীন-হীন-বন্ধু, করুণা-সিদ্ধু, চিত-বিহারী !
 নিৰ্বিকার বাসনা-শূন্য, সর্বাধার পরম-পুণ্য,
 অজনক বিভূ, জগত-জনক, বহিরন্তরচারী ।
 পাপ-তিমির-চন্দ্র-তপন, নাশ তাপ, মোহ-স্বপন,
 করহ প্রেম বীজ বপন, সিঞ্চি' ভকতি-বারি !

তুষ্ণ

মিশ্র বিশ্বাস—কাওয়ালী

সাধুর চিতে তুমি আনন্দ-রূপে রাজ,
 ভীতি-রূপে জাগ পাতকীর প্রাণে ;
 প্রেম-রূপে জাগ সতীর হিয়ামাঝে,
 স্নেহ-রূপে জাগ জননী-নয়ানে !
 প্রীতি-রূপে থাক প্রেমিক-প্রাণে সখা,
 যোগি-চিতে চির-উজল-আলোক ;
 অহুতপ্ত প্রাণে ভরসা-রূপে জাগ,
 সাস্থনা-রূপে এস যথা হুখ শোক ।
 দাতার হৃদে দাও করুণা-রূপে দেখা,
 ত্যাগীর প্রাণে জাগ বৈরাগ্য-আকারে ;
 কার্য্য-কুশলের চিন্তে, সফলতা,
 জ্ঞান-রূপে জাগ মোহের আধারে ।

- (তবু) হেরিতে চাহি চোখে, শুনিতে চাহি কানে,
কর-পরশ চাহি, যেন তুমি স্থূল !
- (এই) ভ্রাস্তি নিয়ে, সখা, জীবন কাটিবে কি ?
ভাঙ্গিয়ে দিবে না কি এই মহাভুল ?

নবজীবন

মুলতান—ঝাপতাল

আর, কাহারো কাছে, যাব না আমি,
তোমারি কাছে, র'ব হে ;

আর, কাহারো সাথে, ক'ব না কথা,
তোমারি সাথে, ক'ব হে !

ঐ, অভয়-পদ, হৃদয়ে ধরি',
ভুলিব ছুঃখ, সব হে ;

হেসে, তোমারি দেওয়া, বেদনা-ভার,
হৃদয়ে তুলি', ল'ব হে !

তব, করুণামৃত-পানে, হবে
কঠিন চিত্ত দ্রব হে ;

আমি, পাইব তব, আশাষ-ভরা,
জীবন অভিনব হে !

অনাদৃত

মিশ্র বাঘাঙ্গ—কাওরালী

তোমারি চরণে করি ছুঃখ নিবেদন ;
শাস্তি-সুখামৃত-অচল-নিকেতন ।

প্রভু, হৃদয়-হীন তব বধির ভবে,
 আপনারে ল'য়ে মহাব্যস্ত সবে ;
 আর্থে না চাহে, যত স্বার্থ-পরম-ব্রত,
 বল কে শুধাবে প্রভু, পর-পরিবেদনা ?

প্রভু, অনাদর-অবহেলে অবশ পরাণ,
 চরণে শরণাগত, রাখ ভগবান্ ;
 শ্রান্ত পথের পাশে, নয়ন মুদিয়া আসে,
 স্নেহ-পরশ দিয়ে, কর হে সচেতন ।

চিকিৎসা

মিশ্র বাসান্ন—কাণ্ডালী

প্রভু, নিলাজ-হৃদয়ে, কর কঠিন আঘাত ;
 কর, ছুঁই কলঙ্কিত এ শোণিতপাত ।

পাষণ কঠিন প্রাণে রুদ্ধ বেদন,
 সূফল হইবে, নাথ, করা'লে রোদন ;
 সরাগ এ গুরুভার,—নিবার প্রমাদ গো,—
 করাও হৃদয় ভাঙ্গি', শুধু অশ্রুপাত !

এই অস্থি, মাংস, মজ্জা, এই চর্মে, মেদ,
 এ হৃদয়, সবি প্রভু পরিপূর্ণ রেদ ;
 অনিয়মে আনিয়াছি দেহে অবসাদ গো,
 সঞ্চয় করেছি প্রাণে বিষম বিষাদ !

তুমি না কি, দয়াময়, পাপীর শরণ ?
 কোথা ব'সে দেখিতেছ যুগিত মরণ ?
 মুহু প্রতীকারে ব্যাধি হবে না নিপাত গো,—
 ভীষণ ভেষজ মোরে দেহ বৈজনাথ !

শিক্কাও

গৌড় সারঙ্গ—মধ্যমান

ও ত, ফিরিল না, শুনিল না,
 তব সুধাময় বাণী ;
 প্রভু ধর ধর,—
 আন তব পানে টানি !
 না চিনে তোমারে, না করে তত্ত্ব,
 অন্ধ বধির মদির-মন্ত,
 পথে চ'লে যেতে,
 ট'লে পড়ে পা ছ'খানি !
 পতিত কি এক মহাবর্ত্ত-ভ্রমে,
 পরিভ্রান্ত পিপাসিত পথ-শ্রমে,
 ঢাল সুধাধারা,—
 ফিরাইয়া ঘরে আনি !

অপরাধী

মনোহরদাই—খেমটা

যেমনটি তুমি দিয়েছিলে মোরে,
 তেমনটি আর নাই হে সখা ;
 (তুমি) দিয়েছিল বড় অমূল্য রতন,—
 (আমি) ফিরিয়ে এনেছি ছাই হে সখা ;

যেখানে যা দিলে ভাল সাজে,

সেখা সাজাইয়াছিলে তাই হে সখা ;

(আমি) ভাজিয়া চুরিয়া, সরা'য়ে নড়া'য়ে
করিয়াছি ঠাই ঠাই হে সখা !

(আমি) আমারে দেখিয়া, কাঁদিয়া কাঁদিয়া,
আবার তোমারে চাই হে সখা !

ভয়ে অহুতাপে, এ চরণ কাঁপে,

আছি, নীরবে দাঁড়িয়ে তাই হে সখা ;

ভগ্ন মলিন বিকৃত পরাণ,

পদতলে রেখে যাই হে সখা ;

(তুমি) এই ক'রো, যেন যেমনটি ছিল,
তেমনটি ফিরে পাই হে সখা !

প্রাণশাস্ত্রী

মনোহরমাই—গড় খেঁচা

এই মোহের পিঞ্জর ভেঙ্গে দিয়ে হে,

উধাও ক'রে ল'য়ে যাও এ মন ।

(আমি) গগনে চাহিয়া দেখি, অনন্ত অপার হে !

(আর) আজন্ম বন্দী পাখী, পক্ষপুট ভার হে ;

(উড়ে যাবে কেমনে) ; (আর উড়ে যাবে কেমনে) ;

(নিজ বলে উড়ে যাবে কেমনে) ; (তোমার কাছে উড়ে

যাবে কেমনে) ; (তুমি না নিলে তুলে, উড়ে

যাবে কেমনে) ; (তুমি দয়া ক'রে না নিলে তুলে,

উড়ে যাবে কেমনে ?)

(প্রভু) বাঁধ তব প্রেমসুত্র (এই) অবশ্য পাখায় হে ;
 (আর) ধীরে ধীরে তব পানে, টেনে তোলা তায় হে ;
 (একবার যেতে চায় গো) ; (এই খাঁচা ভেঙ্গে
 একবার যেতে চায় গো) ; (তোমার কাছে একবার
 যেতে চায় গো) ; (তোমার পাখী তোমার কাছে
 একবার যেতে চায় গো) ; (পাখায় বল নাই, তবু
 তোমার কাছে একবার যেতে চায় গো !)

(ভূমি) ভুলি নিয়ে, প্রেমহস্ত পালকে বুলাও গো ;
 (তোমাব) প্রেম-সুধা-ফল খাওয়ায়ে, পাখীরে ভুলাও গো ;
 (যেন মনে পড়ে না) ; (এই মোহ-পিঞ্জরের কথা,
 যেন মনে পড়ে না) ; (এই বন্দীশালের ছুখের
 আহ্বার, যেন মনে পড়ে না ।)

(প্রভু) শিখাইয়া দেহ তারে, তব প্রেমনাম হে ;
 (যেন) সব ভুলি, ওই বুলি, বলে অবিরাম হে ;
 (ব'সে তোমারি কোলে) ; (তোমার সুধা-নাম
 যেন গায় পাখী, ব'সে তোমারি কোলে) ;
 (যেন গাইতে গাইতে, পুলকে শিহরে, তোমারি
 কোলে) ; (যেন সব বুলি ভুলে, ঐ বুলি বলে,
 তোমারি কোলে ।)

ভেসে যাই

মনোহরসাই—ব্রহ্ম একতাল

- (আমি) পাপ-নদী-কূলে, পাপ-তরুমূলে ;
 বাঁধিয়াছি পাপ-বাসা ;
- (শুধু) পাই পাপ-ফল, খাই পাপ-জল,
 মিটাই পাপ-পিয়াসা ।
- (দেখ) পাপ-সমীরণে, পাপ-দেহ-মনে,
 আনিয়াছে পাপ রোগ ;
- (আবার) পাপ-চিকিৎসায়, ব্যাধি বেড়ে যায়
 ভুগিতেছি পাপভোগ ।
- (আমি) বাহি' পাপতরী, পাপের নগরী,
 পাপ-অর্থলোভে খুঁজি ;
- (করি) পাপের আশায়, পাপ-ব্যবসায়,
 লইয়া পাপের পুঁজি ।
- (আমি) বেচি কিনি পাপ, করি পাপ-লাভ,
 পাপ-মূলধন বাড়ে ;
- (আর) করিয়া সঞ্চিত, পাপ পুঞ্জীকৃত,
 (হ'লাম) পাপ-ধনৌ এ সংসারে ।
- (হায়) পাপের জোয়ারে, পাপ-জল বাড়ে,
 পাপ-স্রোত বহে খর ;
- (কবে) পাপের সংসার, ক'রে ছারখার,
 গ্রাসে নদী পাপ-ঘর !
- (ওই) শুধু ধূপ্ ধাপ্, পড়িতেছে চাপ,
 ভয়ে নিদ্রা নাই চোখে ;
- (ভাবি) কবে নদী এসে বাসা ভাঙ্গে, ভেসে
 যাই কোন আঁধার লোকে !

- (প্রভু) গুনিয়াছি, তুমি দৃঢ় পুণ্যভূমি,
সাজায়ে রেখেছ দূরে ;
- (ওহে) পাপ-নদী যার বাসা ভাঙ্গে, তার
স্থান আছে সেই পুরে ।
- (ওহে) হতাশের আশা দিবে না কি বাসা,
(সেই) অভয় নগরে তব ;
- (অর্থাৎ) আধারে একাকী, পাব না দেখা কি ?
দিবে না কি কৃপা-লব ?
- (ওহে) প্রভু, ভগবান্ ! এক বিন্দু স্থান
দিও চির-স্থির দেশে ;
- (যদি) কর নির্বাসিত, ওহে বিশ্বপিতঃ !
(তবে) একেবারে যাই ভেসে !

কোলে বর

বাউলের হর—গড় খেঁটা

আমায়, ডেকে ডেকে, ফিরে গেছ মা ;—

আমি শুনেও জবাব দিলাম না !

এল, ব্যাকুল হ'য়ে “আয় বাছা” ব'লে,—

“বাছা তোর ছুঁখ আর দেখতে নারি,

আয় করি কোলে ;

আয় রে, মুছিয়ে দি' তোর মলিন বদন,

আয় রে, ঘুচিয়ে দি' তোর বেদনা ।”

আমি, দেখলাম মায়ের ছনয়নে নীর ;

মায়ের স্নেহে গ'লে, বর বর

বইছে শুনে ক্ষীর ;

“আয় রে পিয়াই বাছা পিপাসিত !”

ব'লে, হাত বাড়ায় পেলে না !

এখন, সন্ধ্যাবেলা মায়েরে খুঁজি,

আমায়, না পেয়ে মা চ'লে গেছে,

(আর) আসবে না বুঝি !

মা গো, কোথা আছ কোলে কর !

আমি আর লুকা'য়ে থাকব না !

প্রকাশ

ইমন—একতারা

পূর্ণ-জ্যোতিঃ তুমি ঘোষে দিনপতি,

অশনি প্রকাশে অসীম শক্তি,

বিহঙ্গম গাহে তব যশোগীতি,

চন্দ্রমা কহিছে তুমি সুশীতল ।

উদ্বেলিত-সিন্ধু-তরঙ্গ উত্তাল,

প্রকাশে তোমারি মুরতি করাল !

মরীচিকা ঘোষে তব ইন্দ্রজাল,

শিশির কহিছে তুমি নিরমল ।

পুষ্প কহে তুমি চিরশোভাময়,

মেঘবারি কহে মঙ্গল-আলয়,

গগন কহিছে অনন্ত, অক্ষয়,

ধ্রুবতারা কহে তুমি অচঞ্চল ;

নদী কহে তুমি ভূষ্ণানিবারণ,

বায়ু কহে তুমি জীবের জীবন,

নিশীথিনী কহে শান্তি-নিকেতন ;

প্রভাত কহিছে সুন্দর উজল ।

জ্যোতিষ কহিছে তুমি সুচতুর,
 মুক্তি তুমি, ঘোষে জ্ঞানতৃষাতুর,
 সতীপ্রেমে জানি তুমি সুমধুর,
 বিভীষিকা—কহে পাপী অসরল ;
 অহুতাপী কহে তুমি শ্রায়বান্,
 ভক্ত কহে তুমি আনন্দবিধান,
 সুখে শিঙ করি' মাতৃসুত্ৰপান,
 প্রকাশে তোমারি করুণা অতল !

বিশ্ব-শরণ

মিশ্র কানেড়া—একতাল

অব্যাহত তোমারি শক্তি,
 গ্রহে গ্রহে খেলে ছুটিয়া !
 তোমারি প্রেমে এক হৃদয়
 আর হৃদে পড়ে লুটিয়া ;
 তোমারি সুসমা চির-নবীন,
 ফুলে ফুলে রহে ফুটিয়া ।
 তব চেতনায় অহুপ্রাণিত
 বিশ্ব, চমকি' উঠিয়া ;—
 অপ্রতিহত মরণ-দণ্ডে,
 পদতলে পড়ে টুটিয়া ।
 বন্দনাময় ভক্তহৃদয়,
 তব মন্দিরে জুটিয়া,
 “তুমি অগীযান, তুমি মহীয়ান্ !”
 তব্ব দিতেছে রটিয়া ।

অনন্ত

বাগেশ্বরী—আড়া

অনন্ত-দিগন্ত-ব্যাপী অনন্ত মহিমা তব ।
 ধ্বনিছে অনন্ত কণ্ঠে, অনন্ত, তোমারি স্তব ।
 কোথায় অনন্ত উচ্ছে, অনন্ত তারকা গুচ্ছে,
 অনন্ত আকাশে তব, অনন্ত কিরণোৎসব !
 অনন্ত নিয়তিবলে, বায়ু ধায়, মেঘ চলে,
 অনন্ত কল্লোল জলে, পুস্পে অনন্ত সৌরভ ;
 অনন্ত কালের খেলা, জীবন-মরণ মেলা,
 হে অনন্ত, তব পানে উঠিছে অনন্ত রব !
 অনন্ত সুষমা-ভরা, অনন্ত-যৌবনা ধরা,
 দিশি দিশি প্রচারিছে, অনন্ত কীর্ত্তিবিভব ;
 তোমার অনন্ত সৃষ্টি, অনন্ত করুণাবৃষ্টি,
 অতি ক্ষুদ্র দীন আমি, কিবা জানি কিবা কব ।

রহস্যময়

মালকোব—ঋণতাল

অসীম রহস্যময় ! হে অগম্য ! হে নির্বেদ !
 শাস্ত্রযুক্তি করিবে কি তোমার রহস্য ভেদ ?
 শ্রুতি, স্মৃতি, বেদমন্ত্র, জ্যোতির্বিদ্যা, ন্যায়, তন্ত্র,
 বিজ্ঞান পারেনি, প্রভু, করিতে সংশয়োচ্ছেদ ।
 তাতে শুধু পূর্বপক্ষ, ব্যবস্থা, পদ্ধতি, তর্ক,
 অন্ধকার কূট-নীতি, শুধু বিধি, বা নিষেধ ;
 বিনা পুণ্যদর্শন, কূটতর্কনিরসন
 হয় না, কেবল থাকে চিরন্তন মতভেদ ।

প্রেমাচল

গরোজ—ঝাপতাল

তব, বিপুল-প্রেমাচল-চূড়ে, বিশ্ব-জয়-কেতু উড়ে,
 পুণ্য-পবন-হিল্লোলে, মন্দ মুছ মুছ দোলে ;
 দিয়ে শাস্তি-কিরণ-রেখা, মহিমা-অক্ষরে লেখা,
 “ক্রিষ্ট কেবা আয় রে চ’লে, চিরশীতল স্নেহকোলে ।”

সাধুগণ, যোগিগণ করিছে সুখে বিচরণ,
 চিদানন্দ-মধুর-রস করিছে পান, বিতরণ ;
 (ঐ) গগন ভেদি’ উঠিছে গীতি, স্বরে জড়িত মধুর শ্রীতি,
 আনন্দ-অধীর রোলে, তৃতমি ছুটে দলে দলে ।

হের বিশাল-গিরি ’পরে মুক্তিনিঝ’রিণী করে,
 দুরাগত পথশ্রান্ত ছ’হাতে তুলি’ পান করে ;
 (কেহ) চাহে না আর ফিরিতে গেহে, প’ড়ে রহে অবশ দেহে,
 বিভল হ’য়ে “দয়াল” ব’লে, বিভবসুখতৃষা ভোলে ।

অস্তিত্ত

‘হেলে দুলে বেচে চল গোষ্ঠবিহারী’—হর

কত ভাবে বিরাজিছ বিশ্ব-মাঝারে !
 মস্ত এ চিত্ত তবু, তর্ক-বিচারে !

নিত্যনিয়তিবলে, বায়ু ধায়, মেঘ চলে,
 শ্যামবিটপিদলে, সুরমাল ফল ফলে,
 পাখী গাহে, ফুল ফোটে, তটিনী বহিয়া যায় ;
 স্বিধাহীন অশুভূতি হৃদয়ে রহিয়া যায় ;
 স্তম্ভিত চিত্ত পায় জ্যোতিঃ আধারে ।

অসীম শূন্যতলে সৌর-জগত কত,
 ভ্রান্তিহীন, ভ্রমে চিরচিহ্নিত পথ ;
 রুগ্ন শিশুরে ধরি', জননী বক্ষোপরি,
 উষ্ণ কপোলে চুমে, নয়নে অশ্রু, মরি !
 বিশ্ব দৃশ্য যত, 'অস্তিত্ব' প্রচারে !

দর্শন

মিশ্র ঋষি—আড় কাওরালী

কে রে হৃদয়ে জাগে, শান্ত শীতল রাগে,
 মোহতিমির নাশে, প্রেমমলয়া বয় ;
 ললিত মধুর আঁখি, করুণা-অমিয় মাখি',
 আদরে মোরে ডাকি', হেসে হেসে কথকথ কর ।

কহিলে রাহিক ভাষা, কত সুখ, কত আশা,
 কত স্নেহ ভালবাসা, সে নয়নকোণে রয় !
 সে মাধুরী অহুপম, কান্তি মধুর, কমল
 মুগ্ধ মানসে মম, নাশে পাপ তাপ ভয় !

বিষয়বাসনা যত, পূর্ণভঞ্জনব্রত,
 পুলকে হইয়া নত, আদরে বরিয়া লয় ;
 চরণ পরশ ফলে, পতিত চরণতলে,
 স্তম্ভিত রিপুদলে, বলে "হোক তব জয় !"

চিন্তা-ভুক্তি

ভৈরবী—কান্তরাজী

সখা, তোমায়ে পাইলে আর,—
 বৃথা ভোগসুখে চিত রহে না রহে না ;—
 (সে যে) অমৃতসাগরে ডুবে যায়,
 সংসারের দুখ তারে দহে না দহে না ।

(সে যে) মণিকাঞ্চন ঠেলে পায়,
 (রাজ) মুকুট চরণে দ'লে যায়,
 কি বস্তু হিয়ামাঝে পায়,—
 আমাদের মনে কথা কহে না কহে না ।

(সখা) তোমাতে কি সুখা, কি আনন্দ !
 * (কত) সৌরভ ! কত মকরন্দ !
 সকল বাসনা চিরতৃপ্ত ;—
 এ জনমে আর কিছু চাহে না চাহে না ।

বিশ্বাস

বেহাগ—একতালা

তুমি, অরূপ সরূপ, সগুণ নিগুণ,
 দয়াল ভয়াল, হরি হে ;—
 আমি কিবা বুঝি, আমি কিবা জানি,
 আমি কেন ভেবে মরি হে ।
 কিরূপে এসেছি, কেমনে বা যাব,
 তা ভাবিয়ে কেন জীবন কাটাব ?

কান্তকবি-রচনাসম্ভার

তুমি আনিয়াছ, তোমারেই পাব,
এই শুধু মনে করি হে ।
না রাখি জটিল স্থায়ের বারতা,
বিচারে বিচারে বাড়ে অস্বারতা,
আমি জানি তুমি আমারি দেবতা,
তাই আমি হৃদে বরি হে ;
তাই ব'লে ডাকি, প্রাণ যাহা চায়,
ডাকিতে ডাকিতে হৃদয় জুড়ায়,
যখন যে রূপে প্রাণ ভ'রে যায়,
তাই দেখি প্রাণ ভরি' হে !

তোমার দৃষ্টি

বাউলের হর—গড় খেঁচা

তুমি আমার অন্তস্তলের খবর জান,
ভাব্তে প্রভু, আমি লাজে মরি !
আমি দর্শের চোখে ধুলো দিয়ে,
কি না ভাবি, আর কি না করি !
সে সব কথা বলি যদি,
আমায় ঘৃণা করে লোকে,
বস্তুতে দেয় না এক বিছানায়
বলে “ত্যাগ করিলাম তোকে” ;
তাই, পাপ ক'রে হাত ধুয়ে ফেলে,
আমি সাধুর পোষাক পরি ;
আর, সবাই বলে “লোকটা ভাল,
ওর মুখে সদাই হরি ।”

যেমন, পাপের বোঝা এনে, প্রাণের আঁধার কোণে রাখি ;-
 অমনি, চম্কে উঠে দেখি, পাশে জ্বলছে তোমার আঁধি !
 তখন লাজে ভয়ে কাঁপতে কাঁপতে, চরণতলে পড়ি,—
 বলি “বমাল ধরা পড়ে গেছি, এখন যা কর হে হরি !”

নিমগ্নমন

সিদ্ধ—ঝাপতাল

যারে মন দিলে আর ফিরে আসে না,—

এ মন তারে ভালবাসে না !

যাদের মন দিতে হয় সেধে সেধে,

প্রেম দিতে হয় ধ'রে বেঁধে,

তাদের মন দিয়ে, মন মরে কেঁদে,

আর, জন্মের মত হাসে না !

ফেলে দে মন প্রেম-সাগরে,

হারিয়ে যাক রে চির-তরে,

একবার, পড়লে সে আনন্দ-নীরে,

ডুবে যায়, আর ভাসে না ।

মস্ত ছেলে

পিলু—ঝাপতাল

ওমা, কোন্ ছেলে তোর, আমার মতন,

কাটায় জীবন, ছেলে-খেলায় ?

খেলায় বিভোর হ'য়ে কে আর,

পরশ-রতন হারায় খেলায় ?

আমার মত কে অবাধ্য ?

যার, সংশোধন মা তোর অসাধ্য ;—

তুই “আয়” ব’লে যাসু কোলে নিতে,

“দূর হ” ব’লে ঠেলে ফেলায় ?

কার উপর এত মমতা ?

রেগে একটা ক’সুনে কথা ;—

অপরাধের দ্বিগুণ ক্ষমা,

আমি ছাড়া বলু মা কে পায় ?

তোর, বুকের দুধ যে খেয়ে বাঁচি,

আমি, কেমন ক’রে ভুলে আছি ?

আমি, এমন তো ছিলাম না আগে,

বড় সরল ছিলাম ছেলে-বেলায় ।

সভত শিষ্যের জ্ঞাপো

মনোহরসাই ভাঙ্গা হর—জলদ একতারা

আহা, কত অগরাধ ক’রেছি, আমি

তোমারি চরণে, মাগো !

তবু, কোল-ছাড়া মোরে করনি, আমায়

ফেলে চ’লে গেলে না গো !

আমি, চলিয়া গিয়েছি “আসি” ব’লে,

তুমি, বিদায় দিয়েছ আঁখি-জলে,

কত, আশীষ ক’রেছ, ব’লেছ, “বাছারে,

যেন সাবধানে থাকো ;

আর, পড়িলে বিপদে, যেন প্রাণ ভ’রে,

‘মা, মা’ ব’লে ডাকো ।”

যবে, মলিন হৃদয়, তপ্ত,
 ল'য়ে, ফিরিয়াছি, অভিশপ্ত !
 ব'লেছি, “মা আমি করিয়াছি পাপ,
 ক্ষমা ক'রে পায়ে রাখো” ;
 তুমি; মুছি' আঁখিজল, বলিয়াছ, “বল
 আর ও পথে যাব নাকো।”

আমি, পড়িয়া পাতক-শয়নে,
 চাহি, চারিদিকে দীন-নয়নে,
 প্রলাপের ঘোরে কত কটু বলি,
 মা তবু নাহি রাগো ;
 আমি দেখি বা না দেখি, বুঝি বা না বুঝি,
 সতত শিয়রে জাগো !

শ্রীমদ্ভগবদ্গীতা

আশা— কাণ্ডসাতী

বিভল প্রাণ মন, রূপ নেহারি' ;
 ভাত ! জননি ! সখে ! হে গুরো ! হে বিভো !
 নাথ ! পরাংপর ! চিন্তবিহারি !
 কলুষনিশূদন ! নিখিলবিভূষণ !
 অগুণনিরূপণ, মোহনিবারি !
 নিত্য ! নিরাময় ! হে প্রভো ! হে প্রিয় !
 সফল আজি মম অন্তর ইন্দ্রিয় ।
 মনোমোহন ! সুন্দর ! মরি বলিহারি !

তুমি সুন্দর

মবোহরসাই ভালা হর—রক্ত একতারা

তুমি, সুন্দর, তাই তোমারি বিশ্ব সুন্দর, শোভাময় ;
 তুমি, উজ্জল, তাই নিখিল-দৃশ্য নন্দন-প্রভাময় !
 তুমি, অমৃত-বারিধি, হরি হে,
 তাই, তোমারি ভুবন ভরি' হে—
 পূর্ণচন্দ্রে, পুষ্পগন্ধে, সুধার লহরী বয় ;
 করে সুধা ধরে সুধাজল, ফল, পিয়াসা ক্ষুধা না রয় ।
 তুমি, সর্ব-শক্তি মূল হে,
 তাহে, শৃঙ্খলা কি বিপুল হে !
 যে বাহার কাজ, নীরবে সাধিছে, উপদেশ নাহি লয় ,
 নাহি ক্রম-ভঙ্গ, পূর্ণ প্রতি-অঙ্গ, নাহি বৃদ্ধি অপচয় !
 তুমি প্রেমের চির-নিবাস হে,
 তাই, প্রাণে প্রাণে প্রেম-পাশ হে,
 তাই, মধুমতায়, বিটপি-লতায়, মিলি' প্রেম-কথা কর ;
 জননীর স্নেহ, সতীর প্রণয়, গাহে তব প্রেমঙ্গর !

বিশীল

কাকি সিদ্ধ—সরসীক

ধীরে ধীরে বহিছে, আজি রে মলয়া,—
 হাসি', বিরাজে গগনে,
 ধরে ধরে মনোরঞ্জন, দীপ্ত, উজ্জল, তারা ।

প্রেম-অলস অঙ্গে, ধাইছে তটিনী রঙ্গে,
 চালিছে মুহু কুলু-কুলু গানে, অমির ধারা ।

মণ্ডিত এ ভূমণ্ডল, সুধাকর-কর-জালে
 রঞ্জিত, অতি সুরভিত, কানন ফুলমালা ;
 নিভৃত হৃদয়-কন্দরে,—হের পরম সুন্দরে,
 হও রে মধুর-প্রেমময়-উৎসব-মাতোয়ারা ।

প্রেম ও প্রীতি

মিশ্র পৌরী—কাণ্ডওয়ালী

যদি হেরিবে হৃদয়াকাশে প্রেম-শশধর,—
 তবে, সরাইয়া-দেহ, তমো-মোহ-জলধর ।

চির-মধুরিমা-মাথা, প্রকাশিত হবে রাকা,
 ফুটিয়া উঠিবে প্রীতি-তারকা-নিকর ।

চালিবে অমৃত-ধারা, প্রেমশলী, প্রীতি-তারা,
 ভাসাইয়া দিবে, পিপাসিত চরাচর !

ভকতি-চকোর ভোর, উলাসে হইয়া ভোর,
 সে সুধা-প্লাবনে, সস্তুরিবে নিরস্তর !

আকাঙ্ক্ষা সঙ্ঘীত

মিশ্র ইন্দ—একতালা

নীল-মধুরিমা-ভরা বিমান,—
 কি গুরুগভীরে গাইছে গান !

কাঁপায়ে ধরে ধরে ধরা-সমীর,
নিখিল-প্রাবী সেই ধ্বনি গভীর !
শ্রবণে পশে না কি, নর বধির !

উদাস করে নাকি, ও মন প্রাণ ?
বিমান কহে, “আমি শব্দ-গুণ,
হৃদয়ে অক্ষয় শক্তি-তুণ,
বন্ধে অগণিত শশি-অরুণ,

গ্রহ উপগ্রহ ভ্রাম্যমাণ !
আমারে সৃষ্টি' ধাতা, কুতূহলে,
তারকা-শিশুগুলি দিল কোলে,
হরষে গলাগলি, শিশুদলে,

করিছে ছুটাছুটি নিরবসান ।
আলোকভরা তারা, পুলকময়,
জ্ঞানে না শিশু-হিয়া, ভাবনা ভয়,
ললাট-লিপি তারা, গণিয়া কয়,

(পালে) যতনে জনকের শুভবিধান ।
(মম) চরণ-তলে তব সমীর-ধর,
জ্বলদ-জ্বাল খেলে শীকর-ধর,
উর্ধ্বে প্রসারিয়া শত শিখর,

ঐ বিপুল গিরিকুল স্থির-নয়ান !
নিম্নে চেয়ে দেখি, কোঁতুকে,
পক্ষপুট ধীরে মেলি' স্নেহে,
অসীম গীত-ভূষা ল'য়ে বৃকে,

এ যুক্তি-পাখিকুল, ধরিয়াছে তান ।

(মম) অশনি পদতলে, বিজলীদাম,

(ঐ) আলোক-অক্ষরে তাঁহারি নাম !

(হের) অটল দিকপাল সফল-কাম,
 (ধরি') তাঁহারি মঙ্গল-জয়-নিশান !
 ব্যর্থ কোলাহলে, যাপিছ দিন,
 হ'তেছ ধরগীর ধূলি মলিন ;
 বচন ধর মম, আমি প্রবীণ,
 (লভ) অসৌম উদারতা, হও মহান্ ।"

চন্দ্র-শুঞ্জালী

বাউলের হর—আড় খেমটা

চাঁদে চাঁদে বদলে যাবে, সে রাজ্যের এমন আইন নয় ;
 নাইক, তার মুসাবিদা পাণ্ডুলিপি, ভাই রে,—

নাইক তার, বাগ্‌বিতণ্ডা সভাময় ।

সেই, শুরু থেকে ব'চ্ছে বাতাস, চল্ছে নদ নদী,
 আবার, সাগর-জলে কি কল্লোল, আর চেউ নিরবধি ;
 দেখ, বর্ষে মেঘে বারি-ধারা, ভাই রে,—

তাইতে, ধরার বুকে শস্ত হয় । (সেই শুরু থেকে)
 সেই, শুরু থেকে সূখি ঠাকুর, উদয় হন পুবে,
 আবার, সন্ধ্যাবেলা, রোজ যেতে হয়, পশ্চিমে ডুবে,
 দেখ, অমাবস্তায় চাঁদ ওঠে না, ভাই রে,—

তার, এক নিয়মে বৃষ্টি-ক্রয় । (সেই শুরু থেকে)
 সেই, শুরু থেকে ক'চ্ছে ধরা, সূর্য্য-প্রদক্ষিণ,
 আবার, মেরুদণ্ডের উপর ঘুরে ক'চ্ছে রাত্রি দিন ;
 তাইতে বার মাস, আর ছ'টা ঋতু, ভাই রে,—

দেখ, ঘুরে ফিরে আসে যায় । (সেই শুরু থেকে)

সেই, সুরু থেকে দিগ্‌দিগন্ত জুড়ে, আকাশ নীল !

ব'সে, উত্তরে ঐ ঋব-তারা, নড়ে না এক তিল !

আবার, আকাশে টিল মাল্লে পরে, ভাই রে,—

এই, পৃথিবী বুক পেতে লয় । (সেই সুরু থেকে)

সেই, সুরু থেকে আগুন গরম, সাগর-জল সোণা,

আবার, রূপো সাদা, লোহা কাল, হলুদ রং সোণা ;

দেখ, আমের গাছে ধান ফলে না, ভাই রে,—

আর, কোকিল শুধু কুছ কয় । (সেই সুরু থেকে)

যা ছিল না, হয় না তা আর, যা আছে তাই আছে ;

এই, পাঁচ ভেঙ্গে, দশ রকম হ'চ্ছে, মিশছে গিয়ে পাঁচে ;

এ সব, ব্যাপার দেখে দিন চুনিয়ার, ভাই রে,—

সেই, মালিক দেখতে ইচ্ছা হয় ! (সেই আইনকর্জী)

অশ্রুভঙ্গ

পাইবের হর - গড খেখটা

আজ যদি সে, নারাজ হ'য়ে রয় ;—

ভাবতে প্রাণ শিউরে উঠে, শিরায় উষ্ণ শোণিত যে বয় !

তারা সব লক্ষ্য ছেড়ে, কে যায় কার পাছে তেড়ে,

এ ওটার গায়ে প'ড়ে, হয় রে চূর্ণ সমুদয় :

নিভে যায় রবিশশী,

কে কোথায় যে পড়ে খসি',

দপ্‌ ক'রে বাতি নিভে, হ'য়ে যায় সব অন্ধকারময় !

ধরাটা কল্ক ত্যজে, লক্ষ্য আর পায় না খুঁজে,

আঁধারে, পাগলপারা ঘুরে বেড়ায় শূন্যময় ;

কোথা থাকে দালান কোঠা,
কোন জিনিস রয় না গোটা,
লাথ তারা চেপে পড়ে, কৰ্ম্মনিকেশ তখনি হয় !

গরবের ঘোড়া হাতী, সিংহাসন, সোণার ছাতি,
বিলাসের প্রমোদ-কানন, প্রেমে হৃদয়-বিনিময় ;—
মারে যাদ একটা ঠেলা,

তবে, ভেঙ্গে যায় এই ভবের মেলা,
ঘুচে যায় ধুলো-খেলা, হুলস্থূল মহাপ্রলয় !

ভাই, এখন দেখ্‌রে ভেবে, বস কি উচিত দে'বে'
কখন টান দিয়ে নেবে, (তার) খেয়াল বোঝা সহজ নয় ;
সে যে, কি ভেবে কখন কি করে,

কেন ভাঙ্গে কেন গড়ে,

কান্ত, তুই জীবন ভ'রে ভাব্‌ না, সেটা ভাবের বিষয় !

স্বাধীনতার ধ্বনি

রিত্ত বিহীন - স্বাধীনতা

সে কি তোমার মত, আমার মত, রামার মত, শামার মত,
ভালা কুলো ধামার মত, যে পথে ঘাটে দেখতে পাবে ?
সে কি কলা মূলো, কুমড়ো কাঁকড়, বেগুন শশা, বেলের মত ?
পেয়ারা আতা, তাল কি কাঁটাল, আম জাম, নারিকেলের মত ?
সে কি রে মন, মুড়্‌কী মুড়ী, মণ্ডা জিলিপি কচুরী ?
বে, ভাব্রথণ্ডে খরিদ হ'য়ে, উদরস্থ হ'য়ে যাবে ?

সে তো হাট-বাজারে বিকায় না রে, থাকে না তো গাছে ক'লে,
 দিল্লী লাহোর নয়, যে রাস্তা করিম-চাচা দেবে ব'লে ;
 মামলাতে চলে না দাওয়া, ওয়ারিস্-শূত্রে যায় না পাওয়া,
 সে যে নয় মামলা হাওয়া, যে বাহার দিয়ে বেড়িয়ে থাকে !
 সে যে যোগী ঋষির সাধনের ধন, ভক্তিমূলে বিকিয়ে থাকে,
 সে পায়, “সর্ব্বং সমর্পিতমস্ত্র” ব'লে যে জন ডাকে ;
 মন নিয়ে আয় কুড়িয়ে মনে, ব্যাকুল হ' তার অশ্বেষণে,
 প্রেম-নয়নে সঙ্গোপনে, দেখ্বে, যেমন দেখ্তে চাবে ।

শৈশবী—ঋণতাল

তারে দেখ্বে যদি নয়ন ভ'রে, এ ছোটো চোক করু রে কাণা ;
 যদি, শুনবি রে তার মধুর বুলি, বাইরের কানে আঙ্গুল দে না ।

কিসের মধু চিনি ? সে যে

গাঢ় প্রেমের মিশ্রি-পানা ;

(ভুই) খাবি যদি, ক'সে এ'টে

বেঁধে রাখ্ তোর কু-রসনা ।

পরশ মণি পরশ ক'রে,

হ'তে যদি চাস্ রে সোণা ;

(তবে) বিরাগ-পক্ষাঘাতে অসাড়

ক'রে নে' তোর চামড়াখানা ।

সে যে রাজার রাজা, তার হুজুরে

যাবি যদি, নাই রে মানা ;

(তবে) অচল হ'য়ে—শাস্ত মনে,

সার করু আঁধার ঘরের কোণা ।

কান্ত বলে, সকল কথাই আছে আমার প্রাণে জানা ;
(আমি) জেনে শুনে, ভেবে গুণে, ভুলে আছি, কি কারখানা !

শল্পশল্প

বাউলের হর—কাহারোর।

- ভাসা রে জীবন-তরণী ভবের সাগরে ;
যাবি যদি ও পারের সেই অভয়-নগরে ।
- (যেন) মন-মাঝি তোর দিবানিশি রয় হা'লে ব'সে ;
(আর) ভজন-সাধন দাঁড়ি ছ'টো দাঁড় মারে ক'সে ।
(তোর) প্রেম-মাঙ্গলে সাধু-সঙ্গের পা'ল তুলে দে ভাই ;
(বইবে) মুখের বাতাস, চেয়ে দেখ্ তোর অদৃষ্টে মেঘ নাই ।
(ওরে) হামেসা তুই দেখিস্ ধরম দিগ্-দর্শনের কাঁটা ।
(আর) তাক্ ক'রে ভাই তালি দিস্ স্বভাবের ফুটো-ফাটা ।
(তুই) মাঝে মাঝে দেখতে পাবি পাপ-চুষকের পাহাড় ;
(মাঝি) টের পাবে না, টেনে নিয়ে জ্বোরে মারবে আছাড় ।
(ওরে) সেইটে ভারি কঠিন বিপদ, চোখ রেখে ভাই চলিস্ ।
(আর) মাঝি দাঁড়ি এক হয়ে ভাই, মুখে হরি বলিস্ ।
(ওরে) এ পারে তোর বাসা রে ভাই, ঐ পারে তোর বাড়ী ;
(এই) কথাগুলো খেয়াল রেখে, জমিয়ে দে' রে পাড়ি ।

নির্লজ্জ

বাউলের হর—গড় খেয়টা

আঁকড়ে ধরিস্ যা' কিছু, ভাই কসে যায় ;
তবু তোর লজ্জা হয় না, হায় রে হায় !

কত কি হ'ল পরদা, কিছুতেই হয় না ফরদা,
 টুকিটির সয় না রে ভর, দেখতে ছ'খান হ'রে যায়,-
 এই আছে এই হাত্‌ড়ে পাস্‌ নে,
 তাই বলি মন, আর হাত্‌ড়াস্‌ নে,
 যা হারায়, আর তা' চাস্‌ নে,

ছাড়া, যায় রে ক'বার বেলতলায় ?
 অকারণ টানা হেঁছা, ছ'শ বার খেলি হেঁচা,
 বেহায়া হেঁচ্‌ড়া হ'লি, কখন যেন প্রাণটা যায় ;
 যা' খেলে আর হয় না খেতে,
 যা' পেলে আর হয় না পেতে,
 তাই ফেলে দিনে রেতে,
 মরিগ্‌ কিসের পিপাসায় ?

আছ ত' বেশ

বাউলের ঘর—গড় খেব্‌টা

আছ ত' বেশ মনের সুখে !

ঐধারে কি না কর, আলোয় বেড়াও বুকটি হুঁকে ।
 দিয়ে লোকের মাথায় বাড়ি, আনুলে টাকা গাড়ি গাড়ি,
 প্রেমসীর গয়না-সাজী, হ'ল গেল লেঠা চুকে !
 সমাজের নাইক মাথা, কেউ ত আর দেয়না বাধা ;
 সবি টের পাবে দাদা, সে রাখ্‌ছে বেবাক টুকে ;
 যত যা' ক'রে গেলে, সেইখানে সব উঠ্‌বে ঠেলে,
 তুমি তা' টের কি পেলে,

নাম উঠেছে যে 'Black Book'এ ?

কে পারে ক'রবে মানা ? অমনি প্রায় ষোল আনা,
 ভিক্ষে বেড়ালের ছানা, ভাল মানুষ মুখে ;
 যত, খুন ডাকাতি প্রবঞ্চনা, মদ গাঁজা ভাদ্র বারান্দা,
 এর মজা বুঝবে সে দিন,
 যে দিন যাবে সিন্ধে ফুঁকে !

কত বাকি

হরট-মহার—একতারা

ভেবেছ কি দিন বেশী আর আছে রে ?
 মনে পড়ে, কেমন ছিলে, কেমন হ'লে ?
 আর কি ফুটবে ফুল শুকনো গাছে রে ?

আগের মতন আর ত হয় না পরিপাক,
 ক্রমে বেড়ে উঠছে পাকা চুলের ঝাঁক,
 (কতক) দাঁত গিয়েছে প'ড়ে, যা আছে তাও নড়ে,
 (তবু) দস্তুরক্ষণ দিচ্ছ সকাল সাজে রে !

কত সাধ ক'রে খেয়েছ চালভাজা আর চিঁড়ে,
 আধসিদ্ধ মাংস খেতে দাঁতেতে ছিঁড়ে,
 এখন দেখছি, চোয়, লেহু, পেয় ছেড়ে,
 (বড়) ঘেস না চর্কের্যর কাছে ।

চস্মা নইলে আর ত দেখতে পাও না ভালো,
 মালুম হয় না স্পষ্ট, সবুজ, নীল, কি কালো ;
 ছ'চার ক্রোশ হাঁটিতে, পা দাওনি মাটিতে,
 উড়ে গেছ ঝড়বৃষ্টির মাঝে রে !

আজ্জকে পেটের অসুখ, কাল্কে মাথাধরা,
 বাতের কনকনানি, অর্শের রক্তপড়া,
 আমার পুর্ণিমাতে, লঘু আহার রেতে,
 ঘোর আলস্য শ্রমের কাজে ।

কথায় কথায় পত্নী-পুত্রের উপর রাগো,
 নিজা গেছে ক'মে, তামাকে রাত জাগো,
 আছে সর্দি কাসি, লাগা বার মাসই,
 (বড়) কষ্টের পয়সা দিচ্ছ কবিরাজে রে ।

ক্রমে তলব আস্ছে, তবু হ'চ্ছে না চৈতন্য,
 ব'ল্লে, বল, “মরুব আজ্জই কিসের জন্ম ?”
 হয় রে ! দেহের মায়া করেছে বেহায়া,
 (ভাই) কাঞ্চন ফেলে মজ্জে কাচে ।

কান্ত বলে, দিন তো নাই রে ভাই জেয়াদা,
 যমের বাড়ী থেকে আস্ছে লাল পেয়াদা,
 (এই) পৌছায় আর কি এসে, করে আর কি ঠেসে,
 পাঁচ ভুতের এই বোঝা, মিশায় পাঁচে রে !

আর কেন

খি, কট—গড় খেট

পার হ'লি পঞ্চাশের কোঠা ।
 আর ছ'দিন বাদে মন রে আমার,
 ফুল ঝ'রে যাবে, থাকবে বৌটা ।

ছুই, আশার বশে দিন হারালি,
 বশ হ'ল না রিগু ছটা ;
 তোর, ভিতর মলিন, বাইরে টিকি,
 মালার খ'লে তিলক কোঁটা ।
 লোকে কয় তোর স্মৃদ্ধি বুদ্ধি,
 দেখে রে তোর দালান কোঁটা ;
 ছুই, দিনের বেলা রইলি ঘুমে,
 আমি বলি তোর বুদ্ধি মোটা ।
 ছুই, পাকা চুলে করিস্ টেড়ি,
 যখন বাঁধতে হয় রে জটা ;
 ছুই, পান ছেঁচে খাস্, হায় রে দশা,
 প'ড়ে গেছে দস্ত ক'টা ।
 তোর, খাওয়া পরা ঢের হ'য়েছে,
 এখন পারের কড়ি জোটা ;
 কাস্ত বলে, সব ফেলে দিয়ে,
 তুলে নে কখল আর লোটা ।

প্রথমশ্লোক

বাউলের স্বর—আড় খেট্টা

যমের বাড়ী নাই কোনও পঁজি ;
 তার নাইক দিন-বাহাবাছি ;
 সে তো মানে না রে বারবেলা, দিকশূল,
 গ্রহগুলো রাজ্য হ'তে তাড়িয়েছে বিলুকুল,
 অমাবস্থা, জ্যেহম্পর্শ, কিছুতে নয় গররাজী ।
 মাসদহা, কি ভরণী, পাপযোগ ;—
 সে কি দেখে, কতকণ কার আছে শনির ভোগ ?

সটান টিকি ধ'রে টেনে নে যায়,
 কিসের টিক্‌টিকি হাঁচি ?
 ভাব্‌ছে কান্ত ক'দিন থেকে তাই,—
 সে ষণ্ডামার্ক কখন এসে ধ'রবে ঠিক ত নাই ;
 এখনও কি রইবি ভুলে হরিনাম, রে মন পাজি ?

স্বপ্না দৃশ্য

বাউলের হর—স্বাড়া খেস্টা

ভুই লোকটা তো ভারি মস্ত !
 ছ'শ বার কর্‌ না জরিপ, ঐ সাড়ে তিন হস্ত ।
 (তার বেশী নয়)

হাজার, কি লক্ষ, অযুত,
 ক'রেছিস্‌ কষ্টে মজুত,
 অমনি তোর পায় বেড়ে,
 হ'লি খুব পদস্থ !

(সে দিন) নিস্‌ তো সঙ্গে কাণা কড়ি,
 (যে দিন) উঠ'বে রে কক্ষের ঘড়'ঘড়ি—
 বৈজ্ঞ ব'ল্বে “তাইতো এ যে
 সাম্প্রিপাতিক বিকারগ্রস্ত !”
 (আর বাঁচে না ।)

তোর ভারি পক মাথা,
 বিজ্ঞানের মস্ত খাতা,
 চন্দ্রলোকে যাবার রাস্তা
 ক'রেছিস্‌ প্রশস্ত ।

(তুই) নাম ক'রেছিস্ ভারি জ্বর,

ক'টা তারার রাখিস্ খবর ?

কবে, কোথায়, কোন্টার উদয় ?

কোন্টা কোথায় যাচ্ছে অস্ত ?

(বল্ তো দেখি !)

ছ'দিনের জলের বিশ্ব,

বুঝিস্ তো অশ্ব-ডিম্ব ;

তুই আবার ভারি পণ্ডিত,

খেতাব দীর্ঘ প্রস্থ ।

কান্ত বলে, মুদে আঁখি,

ভাব্ তো বিশ্ব-ব্যাপারটা কি !

অহংকার চূর্ণ হবে,

সকল তর্ক হবে নিরস্ত !

(অবাক্ হবি !)

ধরুবি কেমন ক'রে

বাউলের হর—গড় খেট্টা

তারে ধরুবি কেমন ক'রে ?

সে কোথা রইল, ও তুই রইলি কোথায় প'ড়ে !

মরিস্ তুই বিশ্ব খুঁজে, দেখিস্ নে নয়ন বুজে,

ব'সে তোর আঁগের কোণে, বিবেক-মুগ্ধি ধ'রে ;

তুই ঘুরে বেড়াস্ পরিধিতে,—

সে যে ব'সে আছে কেন্দ্রটিতে ;

সাধনা-ব্যাসের রেখায় পা দিলি নে, মোহের ঘোরে !

তুফান দেখে ডরালি, তীরে পাথর কুড়ালি,
প্রাণের খ'লে পুরালি, পাথরকুচি দিয়ে ;
তুই ডুব'লি না রে সাগর-জলে,—

যার তলায় পরশ-মানিক জলে ;
নিলি, মণির বদলে উপলখণ্ড, আঁধার-ঘরে ।

প্রহ-রহস্য

মিশ্র ভৈরবী—জগদ একতালা

কে পুরে দিলে রে,—

আলোকের গোলক দিয়ে, এই অস্তশূন্য ফাঁক !
কি বিরাট বন্দোবস্ত, ভাবতে লাগে তাক !
কে ধ'রে আছে তুলে, কি ধ'রে আছে বুলে,
পড়ে না স্মৃতো খুলে, বছর কোটি লাখ !
কেউ আছে চুপ্টি ক'রে, কোনটা কেবল ধোরে,
নিমেষে যোজন জুড়ে, খাচ্ছে কোটি পাক !
কোনটা তীব্র-অনল, কেউ আবার শাস্ত-শীতল,
কেউ, মাঝে মাঝে দেখা দিয়ে ঘটায় ছর্বিপাক !
কি দিয়ে তো'য়ের হ'ল, কেন বা ঘুরে ম'ল,
ডেকে আন জ্যোতির্বিদে, বুঝিয়ে দিয়ে যাক ।
“জ্ঞান” দেখে বুঝ'বি, পাছে

“জ্ঞানী” এক বসে আছে,

কাস্ত তুই বুঝ'বি যদি, সেই জগদগুরুকে ডাক ।

দেহাভিমান

বাউলের হর—গড় খেঁটা

এই দেহটার ভিতর বাহির ছাই ;
 এতে, ভাল জিনিস একটি নাই !
 পদ্ম-চক্ষু, নাসা তিলের ফুল !
 কুম্ভ-দস্ত, বিন্দু-অধর, মেঘের মতন চুল,
 (কামের) ধনু ডুরু, রঙা উরু,
 রং সোণা, কণ্ড আর কি চাই ?
 (এটা ত) অস্থি, চর্মে, মাংস, মজ্জা, মেদ,
 মূত্র, বিষ্ঠা, পিত্ত, শ্লেষ্মা, হুর্গন্ধময় ক্রেস ?—
 এটা পুতে রাখে, পুড়িয়ে ফেলে,
 (না হয়) অগ্নি ফেলে দেয় রে ভাই !
 (এর আবার) ছ'টো একটা নয় ত' সরঞ্জাম ;
 মোজা, জুতো, চসমা, সাবান, কত ব'ল্ব নাম ?
 প্রয়োজনের নাইক সীমা, জুটলো অসংখ্য বালাই !
 কাস্ত বলে, একটু ভাব,—
 এই, মিছের জগ্গে সত্যি গেল, এই ত হ'ল লাভ !
 সার যেটা, তাই সার ভাব না,
 সার ভাব এই শরীরটাই !

ভসনমন্ত্র

বাউলের হর—গড় খেঁটা

এখন, ম'রুচ মাথা খুঁড়ে,
 তোমার সকল আশা ফুরিয়ে গেল,
 প'ড়ল বালি গুড়ে ।

যখন, গারে ছিল বল,
ক্রোশকে ব'লতে বিষত মাটি, প্রহর ব'লতে পল,
এখন ষষ্টি ভিন্ন বস্ত্রের বাছা, সাত কুঁড়ের এক কুঁড়ে ।

যখন, বয়স বছর দশ,
তখন থেকেই হু'শ রগড়, জমতে লাগল রস,
জলদি গজায় গোঁফ দাড়ী, তাই খেউরি শুরু করে ।

যখন, উঠল দাড়ী-গোঁফ,
বুক ফুলিয়ে বেড়াতে, আর মুখে দাগতে তোপ ;
কত, রাজা উজির মারতে, খেমটা গাইতে মিহিসুরে !

ছিল, নিত্য নুতন সাজ,
ফুলল তেল আর সাবান ঘষা, এই ছিল তোর কাজ ;
কত জুতো, ঘড়ি, চসমা, ছড়ি, খুতি শাস্তিপুরে ।

ছিল, দেহের বাহার কি !
সোণার কার্তিক, নধর গঠন, রসের আহাৰটি ;
এখন, হাড়ের উপর চামড়া আছে, মাংস গেছে উড়ে ।

/ ভাবতে, "বাঁচ'ব কত কাল ;
বুড়ো হ'লে দেখ'ব বাবা, ধর্ম কি জঞ্জাল !
এখন খাই তো মুরগী, প্রায়শ্চিত্ত কর'ব মাথা মুড়ে !"

দীন কান্ত বলে, ভাই,
আগেই আমি ব'লেছিলাম, তখন শোন নাই ;
(আর) কি ফল হবে খুঁড়লে কুরো, বাড়ী গেছে পুড়ে ।

মুলে ভুল

বাউলের হর—খাড় খেঁটা।

মন তুই ভুল ক'রেছিস্ মূলে !
 বাজে গাছ বাড়তে দিলি,
 এখন, কেমনে ফেল্‌বি শিকড় তুলে ?
 ভেঙ্গে সব মজুত টাকা, বাড়ীটি ত কর্‌লি পাকা,
 পছন্দে বলিহারি যাই, ঐ ভাঙ্গন-নদীর ভাঙ্গা কূলে !
 ছ'টাকা আসতে যখন, পয়সাটি রাখ্‌লে তখন,
 তহবিল বাড়'ত ক্রমে, বাড়'ল না তোর ভুলে ;
 তোর আর দেখে মন ঘূর্ল মাথা,
 ভুলে গেলি তুই শেষের কথা,
 ছ'হাতে লুটিয়ে দিলি, এখন কাঁদিস্ ব'সে সব ফুরুলে ।
 ছিলি তুই ঘূমের ঘোরে, সব নিলে ছ'জন চোরে,
 কেন তুই রেখেছিলি, সদর ছয়ার খুলে ?
 প্রাণে, প্রথম যখন প'ড়'ল ঢালি, কু-বাসনার পাতলা কালী,
 উঠ'তো রে তুল্‌লে তখন, এখন কি আর যায় রে ধুলে ?
 ব্যারামের পুত্রপাতে, গর-রাজী ওষুধ খেতে ;
 কুপথ্য কর্‌লি, এখন গেছে হাত পা ফুলে ;
 কাস্ত বলে, আকাশ জুড়ে, মেঘ ক'রেছে দেখ্‌লি দূরে,
 কি বুঝে ধ'রলি পাড়ি, এখন, ঝড় এল মন, ডোব্‌ অকূলে ।

‘ পুরোহিত

হর—‘আমরা বিলেত কের্তা ক’ ভাই।’—ডি. এল. রায়

আমাদের, ব্যাবসা পৌরোহিত্য,

আমরা, অতীব সরল-চিত্ত,

হিত যাহা করি, জানেন গোসাঞী,

(তবে) হরি যজ্ঞমানবিস্ত ।

আমাদের, রুজি এ পৈতে গাছি,

রোজ, যত্নে সাবানে কাচি,

আর, তালতলা চটি পেন্সেন্ দিয়ে,

ঠন্থনে নিয়ে আছি ।

দেখ্ছ, আর্কফলাটি পুষ্ট,

যত, নচ্ছার ছেলে তুষ্ট,

কি বিষ-নয়নে ঐটে দেখেছে,

কাটতে পেলেই তুষ্ট ।

বাবা, দিয়েছিল বটে টোলে,

কিন্তু, ঐ অহুস্বারের গোলে,

“মুকুন্দ সচ্চিদানন্দ” অবধি

প’ড়ে, আসিয়াছি চ’লে ।

যদিও, ছুইনি সংস্কৃত কেতাব,

তবু “স্মৃতি-শিরোমণি” খেতাব,

কিন্তু, কিছু যে জানিনে, বলে কোন্ ভেড়ে ?

মুখের এমনি প্রতাপ !

আছে, বতের একটি লিপি,

তার মায়ের এত কি সৃষ্টি !

আমরা, সব চেয়ে দেখি, সোপকরণ

মিষ্টান্নটাই মিষ্টি !

দেখ, রেখে গেছে বাপ দাদা,—
 ঐ, মস্তুর গাদা গাদা,
 আর, যেমন তেমন ক'রে আওড়াও,
 দক্ষিণাটি ত' বাঁধা ।
 মোদের, পসার বিধবাদলে ;
 এই, পৈতে টিকির বলে,
 দক্ষিণে, ভোজনে, বেড়ে যুত, আর
 মস্ত, যা' বলি চলে ।
 মা সকল, বামুন খাইয়ে সুখী,
 আর, আমরাই কি ভোজনে চুকি ?
 এই, কণ্ঠা অবধি পরশ্মৈপদী
 লুচি পানতোয়া ঠুকি ।
 ঐ, “সিন্দূরশোভাকরং”,
 আর “কাশ্যপেয় দিবাকরং”
 মস্ত্রে, লক্ষ্মীর অঞ্জলি দেওয়ায়ে,
 বলি, ‘দক্ষিণাবাক্য করং’ ।
 বড়, মজা এ ব্যাব্‌সাটাতে,
 কত, কল্‌ যে মোদের হাতে ;
 ঐ, ফল লাভ, আর মস্ত্রের দৈর্ঘ্য,
 দক্ষিণার অনুপাতে ।
 সাঁঝে, একপাড়া থেকে ধরি,
 জ্ঞান নাই যে বাঁচি কি মরি,
 বাড়ী বাড়ী ছ'টো ফুল ফেলে দিয়ে,
 ছ'শো কালীপুজো করি !

পুজোর, কলসী না হ'লে মস্ত,
 কেমন, হই যে বিকারগ্রস্ত !
 পিতৃলোক সহ কর্তাকে করি
 একদম্ নরকস্থ ।
 আমরা 'ধর্মদাস দেবশর্ম' ;
 আমরা, বিলিয়ে বেড়াই ধর্ম,
 কিন্তু, নিজের বেলায়, খাঁটি জেনো, নেই
 অকরণীয় কুকর্ম ।

দেওয়ানী হাঙ্কিন

হয়—'আমরা বিলেত ফেব্রু ক' ভাই ।'—ডি. এল. রাফ

দেখ, আমরা দেওয়ানী হজুর,
 আমরা, মোটা মাইনের মজুর,
 তোমরা, দেখে নাও সবে আপন চক্ষে,
 নাম শুনেছিলে 'জুজুর' ।
 একটু peevish মোদের স্বভাব,
 বড়, খাইনে কোর্মা কাবাব,
 প্রায় cent per cent খুঁজে দেখ,
 নেই diabetesএর অভাব ।
 আমাদের, মানা কারো সনে মিশ্তে,
 আমরা, দক্ষ কলম পিশ্তে,
 ঐ এগারটা থেকে ছ'টা ব'সে লিখি,
 কাগজ দিস্তে দিস্তে ।

আমাদের, আজ দিলে রংপুরে,
কালকে রাঁচিতে ফেল্লে ছুঁড়ে,
দেখ, বদলীপ্রসাদে হ'য়ে আছি মোরা,

একদম্ ভবঘুরে !

আর, এই কথা খাঁটি জাহ্নন,
যে, বেশি পড়িনে আইন-কানুন,
প্রায় উকীলকে ডেকে বলি, আপনার
নজির কি আছে আনুন ।

আমাদের লেখা পড়ে কার সাধ্য ?

করি copyist বেচারির শ্রাদ্ধ,
ঐ, প্রথম অক্ষর ছাড়া আর সব

অনুমানে প্রতিপাত্ত ।

যত, non-appealable suit,

আমরা ক'রে দি' হরির লুট,

ঐ, file clear হ'য়ে গেল, বাস্

আর কি, well and good.

আর ঐ, আপীল করাটা মিথ্যে,

এদিকে, উকীল ফলান বিজে,

আর, ওদিকে আমরা নাসিকা ডাকা'য়ে,

ব'সে ক'সে দেই নিজে ।

কভু, জুড়ে দেই মহা তর্ক,

আর, উকীল না হ'লে পক,

অম্নি, ভেবাচেকা খেয়ে হা'ল ছাড়ে, আর

চুকে যায় উপসর্গ ।

কড়ু, উকোল আপন মনে,
 কত, বঁকে যান প্রাণপণে ;—
 আর, ওদিকে মোদের রায় লেখা শেষ,
 কার কথা কেবা শোনে ?
 কড়ু, সাতটা মামলা তুড়ে,
 আমরা, এক সাথে নেই জুড়ে ;—
 আর, তিনশ' সাক্কো বঁসে বঁসে থায়,
 মরে সবে মাথা খুঁড়ে ।
 আর ঐ, মাসকাবারের বেলা,
 আমরা, খেলি এক নব খেলা,
 করি, তিন ডাক দিয়ে অমনি খারিজ,
 যেন ডাকাতির চেলা !
 আমাদের কাজটা অতীব সোজা,
 শুধু, মিল দিয়ে যাই গোঁজা,
 এই কলমে যা' আসে ক'রে দি', বাস
 বাড় থেকে নামে বোঝা !
 বাড়ে, বছরে বছরে মাইনে,
 সব জমা করি কিছু খাইনে ;
 আর, কি জানি বাবা, কাল ভাল নয়,
 তাই Congressএ যাইনে ।

ডেপুটী

হর—‘আমরা বিলেত কেবল ক’ তাই ।’—ডি, এল. য়ার

আমরা, ‘Dey’ কি ‘Ray’ কি ‘Sanyal’,
আমরা, Criminal Bench এ ‘Danie’l,
আমরা, আসামী-শশক তেড়ে ধরি, যেন
Blood hound কি Spaniel.

আমরা, দেখতে ছোকরা বটে,
কিন্তু কাজে ভারি চটপটে ;
যাঁহা, এজলাসে বসি, মেজাজ রুক্ষ,
চট ক’রে উঠি চ’টে ।

আমাদের বয়সটা খুব বেশী নয়,
আর এই, পোষাকটাও এদেশী নয় ;
আর ঐ, ‘হাম্বড়া’ ভাব, মোদের অস্থি-
রক্ত-মাংস-পেশী-ময় ।

ছ’শ তিন ধারা কি প্রশস্ত !
দেখে, করিয়াদীগুলো ত্রস্ত ;
প্রায়, Civil nature ব’লে, দিবে দেই
মধুময় গলহস্ত ।

বড়, কায়দা হ’য়েছে ‘Summary’,
গুহো ! কি কল ক’রেছে, আ মরি !
To record a deposition at length,
What an awful drudgery.

ঐ, ফেলে Summaryর ফেরে,
আমরা, যার দফা দেই সেরে,
সে যে চিরন্তরে কেঁদে চ’লে যায়,
আর কড়ু নাহি ফেরে ।

আমরা, ধমকাই যত সাক্ষী,
বলি, নানাবিধ কটু বাক্য,
আর, যেটা এজাহার-খেলাপে যায় না,
সেটার বড়ই ভাগ্যি ।

এই কবলে আসামী পেলো,
বড় দেই না খালাস bailএ,
আর, ঠিক জেনো, যেন তেন প্রকারেণ,
দিবই সেটাকে জেলে ।

আর, যদি দেখি কিছু মন্দ,
ঐ, প্রমাণটা অতি মন্দ,
তবে, আপীল-বিহীন দণ্ডে ক'রে দি,
খালাসের পথ বন্দ ।

কারণ, খালাসটা বেশী হ'লে,
উঠেন, কর্তাটি ভারি জ্ব'লে ;
আর, শাস্তি ভিন্ন promotion নাই,
কাণে কাণে দেন ব'লে ।

কিন্তু, হঠাৎ সাহেবের পা'টা
লেগে, বাঙ্গালীর পিলে ফাটা—
কভু, মোদের স্মৃষ্টিবিচারে দেখেছ
আসামীর জেল-খাটা ?

আর ঐ, মফস্বলে গেলে,
বেশ, বড় বড় ডালা মেলে,
আরে, প্রীতিদান সেটা, তবু লোকে কয়
ডিপুটীটা ঘুষ খেলে ।

আর ঐ, কস্তাটি ভালবেসে,
 যদি কাণ ম'লে দেন ক'সে,
 ঐ, কর-কমলের কোমলতা, করি
 অনুভব, হেসে হেসে ।
 এই নাসায় বিলিতি গুঁতো,
 আর এই, পৃষ্ঠে বিলিতি জুতো,—
 একটু, দৃষ্টি-কটুতা-দৃষ্ট হ'লেও,
 তুষ্টিময় বস্তুতঃ ।

উক্তি

র—‘আমরা বিলেত কেন্দ্র ক' তাই ।’—ড. এল. রায়

দেখ, আমরা জজের Pleader,
 যত, Public Movementএ leader,
 আর, conscience to us is a marketable thing,
 (which) we sell to the highest bidder.

দেখ, annually swelling in number,
 আমরা, ক'রেছি bar encumber ;
 আর, শামলা, চাপকানে, চেন, চশমা, দাড়িতে,
 We look so grave and sombre !

আমরা, বাদীকেও বলি “ছালো,
 তোমার, মামলা তো অতি ভাল !”
 আবার, প্রতিবাদী এলে বলি “জিতে দেবো,
 কত টাকা দেবে, ফ্যালো ।”

ছটো, খেয়েই কাছারী ছুটি,
 আর যা' পাই খলসে পুঁটি,
 ঐ, জল কাদা ভেঙ্গে, যার যার মত,
 কাড়াকসড়ি ক'রে লুটি ।

দেখ, বড়ই হাভা'তে 'হরি বোস',
 পাঁচ টাকার কমে নাই পরিতোষ,
 তাই, মক্কেল, বৃদ্ধ-অঙ্গুলি দেখায়,
 উঠে এলো, ভারি করি রোষ ;

তখন, আমি শ্রী 'নিঃস্বার্থ চাকী',
 "এস চাচা মিশ্রণ" ব'লে ডাকি ;
 "আরে ছ'টাকায় আমি ক'রে দেবো চাচা,
 তোমার ভাবনাটা কি ?"

তখন, চাচাও দেখলে সস্তা,
 রেখে গেল কাগজের বস্তা,
 চাচা, চ'লে গেলে, টাকা বাজিয়ে দেখি,
 ও বাবা এ ছ'টো যে দস্তা !

হৃদয়শার কি দিব ফর্দ ?
 দেখ, হ'য়েছি বেহারার হদ্দ ;
 কাজ যত, তার ত্রিগুণ উকিল,
 মক্কেল তাহার অর্দ্ধ ।

দেখ, কেউ কারো পানে চায় না,
 যত, কম নিতে পার 'বায়না',
 সেই কম কত, সে কথা ত' দাদা,
 কারো কাছে বলা যায় না !

বাঁদের, বাঁধা ধরে আছে মাইনে,
 তাঁদের, বেশী ত' বলতে চাইনে,
 তাঁদের, খেদিয়ে নে যায়, “বাঁয় বাঁয়,
 ‘টক্ টক্’* চল্ ডাইনে।”

Bar room ত' চিড়িয়াখানা,
 হেথা, হরবোলা পাখী নানা,
 কিচির মিচির ক'রে মাথা খায়,
 শোনে না কাহারো মানা ;

কেউ কদাচিৎ দেখে নজির,
 প্রায়, মারছে রাজা ও উজির,
 আর, শ্যাম ভাবিতেছে, কেমনে রামের
 হানিটি করিবে রুজির !

আমরা, একেবারে ডুবে গেছি,
 ‘This is dishonest advocacy’,—
 দিলেন ছজুর গালি সুমধুর,
 পকেটে ক'রে এনেছি !

Courtএ, ধর্ম্মাবতারের তাড়া,
 বাড়ীতে, গিন্নীর নথ-নাড়া,
 থতমত খাই, মাথা চুল্কাই,
 বুক্দি মাঝখানেে যাই মারা !

* পর তাড়াইবার শব্দ

উভে প'ড়ে লাগ্

মিশ্র গৌরী—ব্রহ্ম একতলা

তোরা, যা কিছু একটা হ' ।

Ray, কি Sinha, কি Doss, কি Shanne,

কি Dutt, কি Dwarkin, Shaw,

সাক ক'রে মাথা whisky চা-পানে,

ধুয়ে কালো অঙ্গ glycerine সাবানে,

ছুটে যা বিলেত, Italy, Japanএ,

(and) inspire your country-men with awe !

গুপ্ত চেষ্টায় যদি এইটে মনে হয়,—

যে বাবার Iron-safeটা তত brittle নয়,

তবে, Submit to your doom, take to

hatchet or loom,

(কিম্বা) ঐ অগতির গতি 'law'.

আর, যদিই না থাকে legal acumen,

Steal from your father's cash-box, Rs. 10,

একটু pulsatilla-nux-সম্বলিত box,

(কিনে) কর একটা হ য ব র ল ।

আর, 'Dilution' ব্যাপারটা না হ'লে পছন্দ,

স্থানান্তরে গিয়ে কর্গে যা' আনন্দ,

এয়ার বন্ধু নিয়ে, ব'সে বা জাঁকিয়ে

(আর) ক'সে রসে টান raw.

দেখ্ না, কুমারিকা হ'তে সুদূর হিমাদ্রি,

ছেয়ে ফেলে দেশ লক্ষ লক্ষ পাদ্রি,

আর কিছু না হয়, গেয়ে যৌশুর জয়,

(একটা) মেম বিয়ের যো ক'রে ল' ।

আরো এক উপায়ে হ'তে পারে যশ,
 একটা নূতন হবে, অর্থাৎ 'দশম রস',
 বিলিতি যা' কিছু সব nonsense, bosh,
 (ক্লোরে) লিখে বা lectureএ ক' !
 কান্ত বলে, একবার জাগ্ তোরা জাগ্,
 ভারত-মা'টার জন্মে উঠে প'ড়ে লাগ্,
 ব'সে বিছানাতে, ধ'রলে গি'ঠে বাতে,
 (দেখ্ না) হ'লি হাঁটু-ভাজা 'দ' ।

আবেগ—একতারা

হস্তোর, বড় দেক্ সেক্ লাগে,
 দেশের কপালে মার ছ'শ কাঁটা ।
 কবে আসবেন কঙ্কী, বিলম্বে আর ফল কি ?
 দেখা দিলেই এখন ঘুচে যায় সব লেঠা ।
 বিলেত থেকে এল রসটা কি দারুণ !
 বীর, কি বীভৎস, হাশ্ব কি করুণ,
 সব কাজে ছেলেরা জিজ্ঞাসে 'দরুণ' ;
 তর্কে পঞ্চানন, এয়ারকিতে জ্যাঠা ।
 পড়ে A, B, C, D, খায় বার্ডস্ আই,
 মুখে বলে, "মাইরি যাছ ! মরে যাই !"
 মায়ের উপর চটা, বউকে বলে "ভাই",
 টেড়ির পাখ'না মাথে, চোখে চস্মা ঝাঁটা ।
 মায়ের স্বপ্ন কেবল গুদাম-ভাড়া পাবেন,
 Old idiot বাপ'টা ব'সে খাবেন ;
 গিন্নী ? হ্যাঁ-হ্যাঁ, ব'সে মাসোহরা লবেন,
 কোমল করে কড়ু সয় কি বাঁচনা বাঁটা ?

কলা-মূলো-খেকো মুনিগুলো ভ্রাস্ত,
ক'রে গেছেন যত fallacious সিদ্ধান্ত,
ঈশ্বরের অস্তিত্বে সন্দেহ নিতান্ত,

প্রকাণ্ড foolery পৌত্তলিকতাটা ।

ছত্রিশ জেতের সঙ্গে আমোদ ক'রে খাওয়া,
(আর) সচকিতভাবে চতুর্দিকে চাওয়া,
শ্মুতিরত্ন ম'শার ডাক-বাঙ্গলাতে যাওয়া,

আর বেমালুম চম্পট ! বামুনটা কি ঠ্যাটা !

কলমাত্রে উদ্ধার করেন হিন্দু nation,
ইঙ্গ-বঙ্গ-মিশ্র অস্তুত conversation,
অঙ্গ শৌচে জল নেয়া botheration,

গুরুদেবটা ছুঁচো, পুরুত পাজি বেটা :

উঠিয়ে দেয়া উচিত বিবাহ-পদ্ধতি,
সঙ্ঘ্যা-গায়ত্রীর হয় না সদর্থ-সঙ্গতি,
বক্তৃতা হাততালি, জাতীয় উন্নতি,

বুঝলি না রে কান্ত, কপালের দোষ সেটা ।

বুঝান্না বুঝ

মিশ্র ইমন—তেওরা

বুঝারে ইংরেজে, বুদ্ধ বেধে গেছে,
নিত্য আসিতেছে খবর তার ;
আজ্কে এরা ওরে গুঁতুলে বেড়ে ক'রে,
কাল্কে ওরা ধ'রে জ্বর মার !

ভীষণ কি তুমুল কাণ্ড গোল্‌ম্‌লে !
 আমরা করি হেথা যুদ্ধ বোল্‌চলে ;
 তর্কে হেরে গেলে, মাথায় ঘোল ঢেলে,
 ধরিয়ে চৈতন, করি দেশের বা'র ।

কামান ছোঁড়ে তারা, সঙীনে মারে খোঁচা,
 প্রাণটা খাঁ ক'রে বেরিয়ে যায় সোজা ;
 কাগজে পড়ি যবে এ সব বিবরণ,
 ধড়াস্ ক'রে উঠে প্রাণটা কি কারণ !
 চ'ম্কে উঠি রেতে দেখিয়ে কুস্বপন,
 ঘুমটি ভেঙ্গে, ভয়ে রাত কাবার !

আমরা কোথায় আছি, লড়াই কোথা হয়,
 তবু এ প্রাণে যেন সদাই ভয় হয় !
 খবরগুলো যেন, কামান গোলা নিয়ে,
 কানের কাছে এসে যায় গো ফেলে দিয়ে ;
 নয়ন মুদে দেখি, শোণিত নদী, একি !
 কে যেন ব'লে যায়, 'খবরদার !'

সোনার খনি দিয়ে বল কি হবে বাবা ;
 থাকলে ধড়ে প্রাণ, অনেকখানি পাবা ;
 কেন এ কাটাকাটি, পরাণ বধাবধি ?
 কেন এ খোঁচাখুঁচি, রক্তে নদানদী ?
 অনেক দেশ আছে ;—প্রাণটা যদি বাঁচে,
 খুঁচিয়ে কেন কর সেটাকে বা'র ?

স্বপ্ন, শালী, শালা, শাস্ত্রী, মাগ, ছেলে,
বহুত মিলে যাবে, প্রাণটা বেঁচে গেলে ;
পালিয়ে এস চ'লে ও কচু দেশ ফেলে,
তুংখ যাবে ক'ছিলিম তামাক খেলে,
চেহারা যাবে ফিরে, বেরোবে কালশিরে,
ভুঁড়িটে যাবে বেড়ে, চমৎকার !

মৌতাত

মিঞা খাখা—কাওয়ালী

হরি বল্ রে মন আমার,
নবদ্বীপে শ্রীকৃষ্ণ চৈতন্য অবতার !
এমন, বেয়াড়া মৌতাতের মাত্রা চড়িয়ে দিলে কে ?
এখন দশ বছরের ডে'পো ছেলে চসমা ধ'রেছে ;
আর টেড়ি নইলে চুলের গোড়ায়
যায় না মলয় হাওয়া,
আর, রমজান চাচার হোটেল ভিন্ন
হয় না যাতুর খাওয়া ।
হরি বল্ রে ইত্যাদি ।

চব্বিশ ঘণ্টা চুরুট ভিন্ন প্রাণ করে আইটাই,
আর, এক পেয়ালা গরুম চা তো ভোরে উঠেই চাই ;
সাহেবের, ঘুষি ভিন্ন বিফল নাসা, চাকরী ভিন্ন প্রাণ ;
উপহারশূন্য সাপ্তাহিক আর প্রচারশূন্য দান ।
হরি বল্ রে ইত্যাদি ।

একটু, চুটকী ভিন্ন যায় না সময়, মদ নইলে বিরহ ;
Football ভিন্ন হাড় পাকে না, হয় না কষ্টসহ ;
গজটেক, কালো ফিতে নৈলে, পায় না

পোড়ার চোখে কান্না ;

একটু পলাশুর সদগন্ধ ভিন্ন, হয় না মাংস রান্না ।

হরি বল্ রে ইত্যাদি ।

মাসিকপত্র আর কাটে না ছোট গল্প ছাড়া ;
আর সাপ্তাহিকটে ভাল চলে গাল দিলে বেয়াড়া ;
একটু, সাহেব বেঁসা না হ'লে,

আর হয় না পদোন্নতি ;

সত্যাসত্য, দেখলে এখন চলে না ওকালতি ।

হরি বল্ রে ইত্যাদি ।

আদালতের কার্যে কেবল আমলাদের দাও খোঁসা
আর, ভাল কাপড় গয়না ভিন্ন, যায় না গিন্নীর গোঁসা ;
একবার বিলেত ঘুরে না এলে ভাই ঘোচে না গোজন্ম,
আর গিন্নীর বাঁটা নইলে শক্ত হয় না পৃষ্ঠের চর্ম ।

হরি বল্ রে ইত্যাদি ।

একটু, এটা ওটা সেটা ছাড়া, জমে না যে মজা,
একটী, সেবাদাসী নৈলে আর তো হয় না কৃষ্ণভজা ;
নাটক দেখতে নিষেধ ক'রলেই বাপ্টা হ'য়ে যান্ বদ ;
এখন জ্বর ছাড়ে না বিনে একটু টাট্কা Chicken broth.

হরি বল্ রে ইত্যাদি ।

বিজ্ঞাপনের চটক ভিন্ন ঔষধ কাটে কার ?
 আর “এণ্ড কোম্পানী” নাম না দিলে
 দোকান চলাই ভার ;
 এখন, ফল ফুল অলি চাঁদ মলয়া ভিন্ন হয় না পত্ন ;
 দেখো, কোনও ব্যাপারে যশঃ পাবে না
 বিনে একটু মত্ন ।
 হরি বল্ রে ইত্যাদি ।

ভাল হে চৈতন্য গোসাঞী, জিজ্ঞাসি এক কথা,
 আবার, কৃষ্ণ-অবতারে প্রভু, গরু পাবেন কোথা ?
 আর, গৌর-অবতারে গোসাঞী, কিসে ছাইবেন খোল ?
 মৌতাতী এই কাস্তের মনে সেই বেধেছে গোল !
 হরি বল্ রে ইত্যাদি ।

শ্ৰীচুড়ী

খাখাজ—কাওয়ালী । “মাতঃ শৈলহতা”—হর

ভারি সুনাম ক’রেছে নিধিরাম !

শোন বলি গুণ-গ্রাম ;

খবরের কাগজে ক’রে ধর্ম্মমীমাংসা,

(যত) মাসিকে ও সাপ্তাহিকে পেলো প্রশংসা ;

না যায় অন্ন পেটে, শুধু শাস্ত্র ঘেটে,

কেবল, পুরাতন্থে আছেন মস্ত হ’য়ে অবিরাম ।

সর্ব্বধর্ম্মসম্বন্ধে ছিলেন নিযুক্ত ;

কি প্রশস্ত ধর্ম্মপথ ক’রেছেন মুক্ত !

তত্ত্ব-সুধার সিদ্ধ, ব্রাহ্ম, মুসলমান, হিন্দু,

(এবার) সবরি পিপাসা গেল সিদ্ধ মনস্কাম ।

তিনি বলেন, হরি বল চৈতন্তের মত ;
 (কিস্ত) মতি রেখো প্রভু যৌক্তীষ্টের পদ,
 বুদ্ধের পথও মন্দ নয়, নানক যে সব কথা কয়,
 তার, এক একটা কথার যে ভাই ভারি ভারি দাম !

ব্রাহ্মমতে আকাশশূন্য ব্রহ্মেতে মজ,
 (কিস্ত) কালী নামের নাই তুলনা, মায়েরে ভজ ;
 (ও যা) বলেন মহম্মদ, ভারি, বেজায় তার কিস্মত,
 'খোদাতালা আল্লা' ব'লে কর ভাই সেলাম ।

(ভজ) ব্রহ্মা, বিষ্ণু, মহেশ্বর, মহেন্দ্র আর অরুণ,
 (ভজ) বিশ্বকর্মা, গণপতি, বায়ু, যম, বরুণ ;
 (ভজ) দেবদেবীদের যান, ইন্দুর, গরুড়, হুমানু,
 (কর) ময়ূর, ষণ্ড, সিংহ, মহিষ, পেঁচারে প্রণাম ।

(ভজ) ঋগ্যজু, অষ্টাবক্র, মরীচি, ক্রতু,
 (ভজ) পুলহ, পৌলস্ত, অত্রি, অঙ্গিরা, যতু,
 (পূজ) বিশ্বামিত্রে, গৌতম, অনিরুদ্ধে,
 (ভজ) শ্রীদাম, সুদাম, গুহক, নন্দী, ভৃঙ্গী, গুণধাম !

(চল) গয়া, কাশী, বৃন্দাবন, কামাখ্যা, কালোঘাট,
 (চল) শ্রীক্ষেত্র, নৈহাটী, শ্রীধাম নবদ্বীপ শ্রীপাট,
 যখন যাবে হরিদ্বার, সেই রাস্তা হ'য়ে পার,
 মক্কা থেকে 'হজ' ক'রে ভাই, ফিরো নিজগ্রাম ।

মাঝে মাঝে চার্চে য়েয়ো বগলে বাইবেল ;
 (একটা) সময় ক'রে কোরাণ সরিফ্ প'ড়ো, খুলে দেল্,
 কড়ু গীতাটাও দেখো, আবার শিয়রে রেখো
 শাস্ত্রী ম'শার ব্রাহ্মধর্ম-তত্ত্ব ছ'একখান ।

আহংসা পরমধর্ম, খেয়ো নিরামিষ ;
আবার গোপনে রমজানের কাছে নিয়ে ছ'এক ডিসু ;
হরিনামের মালা, হাতে ফিরিয়ে ছ'বেলা,
সন্ধ্যা ক'রো, নামাজ দিয়ো, কেউ হবে না বাম ।

ক'রো, বাইশ রোজা, একাদশী, হইয়ে শুচি,
খেয়ো শুকতুনী ও ফাউলকারি, বিস্কুট ও লুচি ;
চাই, টিকিটে মজুবুত, যেন ফোঁটায় থাকে যুত,
ক'রো, ইদ, মহরম, চড়ক, আর দোল, হইয়ে নিফাম ।

ছইঁস্কতে তিলতুলসা করিয়ে অর্পণ,
'জগৎ তৃপ্ত' ব'লে গিলে ক'রো পতর তর্পণ ;
ক'রে কৃষ্ণে নিবেদন, ক'র্বে বৌদ্ধিক ভোজন ;
রেখো বদনা, কমোড, কোশাকুশী আদি সরঞ্জাম ।

খেয়ো প্রকাশ্যেতে আতপান্ন, গোপনে ফাউল ;
খোদার নামে দরবেশ সেজে, হরিনামে বাউল ।
দীন কাস্ত বলে ভাল, নিধির বলিহারি যাই !
এই অপূর্ব খিচুড়ী খেয়ে, আমি ত' গেলাম !

শিত্তার শত্রু

মিশ্র বিভাস—কাওয়ালী

বাপা জীবন !

তোমার মংগলাদি না পেয়ে বিশেষ চিন্তাণিত আছি,
হুণাবাদে পস্তর ভির্গ কি প্রকারে বাঁচি ?

মোদের দারিদ্রতার দরুণ বড় কেবলেশে দিন যায়,

(তাতে) ম'চ্ছ ছুধের প্রেসঙ্গ এবার নাইক এ দেশটায় ।

(আবার) আধ কাঠা ধানও এবার পেলাম নাকো ভুঁয়ে,
 তাতে খাজনা খরচার কড়া ত'শিল কল্লে ছিধর ভুঞ্চে ।
 আমার, পরণের বিস্তর ছির্ণ, গ্রেহ পারি নি ছাইতে ;
 তাতে দিন রাত্রির গোঁয়াই তোমার পস্তরের পথ চাইতে ।
 তোমার গন্তধারিণী কান্দে কি হৈল বলিয়ে,
 (বাবা) মা বাপকে কেব্লেশ কি দেয়, সুবুদ্ধি হইয়ে ?
 তুমি কত নেখাপড়া জান, আমরা ত মুকুক্ষু ;
 আর তুমি ভির্ণ বেঙ্ক বাপের কে বৃঝিবে ছস্কু !
 তোমার কেতাব, জুতো, ইষ্টিসিন, আর এন্গেলাপের মূল্য,
 নাগে তিরিশ টাকা, শুনেই অত্যাস্তিক মাথা ঘুরুল ।
 আমার গায়ের বালাপোস, আর তোমার মায়ের তাগা,
 পরশু, বাঁধা খুয়ে, কায়কেব্লেশে পাঠিয়েছি পাঁচ টাকা ।
 বাপা, অত্র পত্র প্রাপ্ত মাত্র পত্রের উত্তর দিও,
 আর, যত্র, তত্র থাকি সত্তর তত্তবাত্রা নিও ।
 (তোমায়) বিদেশে রাখিয়ে বাপা সসঙ্কত থাকি,
 (আর) গোবিন্দ চরণ ভরসা তাঁরেই কেবল ডাকি !
 এন্গেলাপে কি প্রিয়োজন ? পোষ্টকাটেই হবে,
 সদা মংগল বাত্রা দিবে, আর, সাবধানেতে রবে ।
 কবে চাঁদমুখ দেখব ব'লে দিয়ে আছি ধমা,
 নিয়ত আসিব্বাদক বিয়ুঃ প্রেসাদ শম্মা ।

পুল্লের উত্তর

আরে ছি ছি ! আমি লাজে মরি, ঘটল একি দায় ;
 বহুদিনের গুমর আজকে ছুটে গেছে, হায় রে হায় !

কোন ভাষায় লিখেছ চিঠি,
সাপ, কি ব্যাঙ, কি গিরগিটি, গো, ধ'রে খেতে চায় ;
তোমায় লেখাপড়া শিখিয়েছিল কোন গুরুমশায় ?

তোমার মতন মুক্খু বাবা,
গৈর্গেয়ে প্রকাণ্ড হাবা ! তার কাণ্ডজ্ঞান কোথায় ?
যেমন আক্কেল, তেমনি চিঠি, সোণা সোহাগায় ।

যেমন সে ঝাঁখরের ছিরি,
তেমনি মুসবিদার মুন্সিগিরি, গো, দুখে হাসি পায় ;
তোমায় বাপ ব'লে পরিচয় দিতে, মরি যে লজ্জায় !

বিচ্ছেদাগর, মদনমোহন,
তাদের, শ্রাদ্ধ আর সপিণ্ডীকরণ যে, ক'রেছ বেজায়,
রেফে কেঁপে উঠ'ছে যে প্রাণ, কাঁটা দিচ্ছে গায় !

ব্যাকরণের দফা ইতি ;—
তুমি না ক'রেছ পণ্ডিতি গো, পেঁড়োর পাঠশালায় ?
এমন কি আর আজগুবি কাণ্ড, আছে ছনিয়ায় ?

নিজের নামটা হয় না শুদ্ধ,—
বাণী কি বেজায় বিরুদ্ধ গো, হ'য়েছেন তোমায় ;
তাই, লিখ'তে বসলে কাগজ পেনে, যুদ্ধ বেধে যায় !

তোমার বড় পয়সার খাঁকতি,
তাই পঞ্চসংখ্যক রৌপ্যচাক্তি পৌঁছেচে হেথায় ;
আর সেই দিনই তা' ফুরিয়ে গেছে, বিলিতি বিনামায় ।

এই বিংশ শতাব্দীতে,
 ছেলের পড়ার কেতাব দিতে, যে চিতে ব্যথা পায়,
 তার জীবনে সভ্যজগতের কিবা আসে যায় ?

তোমার, চিঠির জ্বালায় জ্বলে মরি ;
 একটা কথা, পায়ে ধরি, গো, পাইনে মুখ হেথায় ;
 তোমার, বৌমার কাছে একটু একটু পড়লে ভাল হয় !

আরে, বানানের ভুল সেরে যাবে,
 এবার ত ছরস্তু হবে, কণ ক্ষতি কিবা ভায় ?
 সে যে, রাখাল ভাল, বড় বড় গরু সে চরায় !

কান্ত বলে, এ মহীতে
 আর কি পারে ভার সহিতে ? কখন বা ব'সে যায় !
 কি বিষম বিলিতি হাওয়া, এল এ দেশটায় !

পুরাতত্ত্ববিৎ

রাজা অশোকের ক'টা ছিল হাতী,
 টোডরমল্লের ক'টা ছিল নাভী,
 কালাপাহাড়ের ক'টা ছিল ছাতি,
 এ সব করিয়া বাহির, বড় বিদে ক'রেছি জাহির ।

আকবর সাহা কাছা দিত কি না,
 হুরজাহানের ক'টা ছিল বাণা,
 মন্হুরা ছিলেন ক্ষীণা কিংবা পীনা,
 এ সব করিয়া বাহির, বড় বিদে ক'রেছি জাহির ।

দণ্ডক কাননে ছিল ক'টা গাছ,
 কংসের পুকুরে ছিল কি কি মাছ,
 কি বয়সে মরে মুনি ভরদ্বাজ,
 এ সব করিয়া বাহির, বড় বিচ্ছে ক'রেছি জাহির ।

(মহম্মদ) গজনী খেতেন কি কি তরকারী,
 সেটা জেনে রাখা কত দরকারী,
 ছ'শ মাথা ছিল এক চরখারই,
 এ সব করিয়া বাহির, বড় বিচ্ছে ক'রেছি জাহির ।

ব্রজ-গোপীগণ গনিয়া বিষাদ,
 রুটি খেত, কিংবা খেত ডা'ল ভাত,
 প্রত্যহ ক'ফোঁটা হ'ত অশ্রুপাত,
 এ সব করিয়া বাহির, বড় বিচ্ছে ক'রেছি জাহির ।

ক' আঙ্গুল ছিল চাণক্যের টিকি,
 ড্রাবিড়েতে ছিল ক'টা টিক্‌টিকি,
 গৌতম-সূত্রে রেসম-সূত্রে প্রভেদ কি কি,
 এ সব করিয়া বাহির, বড় বিচ্ছে ক'রেছি জাহির ।

কৃষ্ণের বাঁশীতে ছিল ক'টা ছ'দা,
 দিলীপের বাগানে ছিল কি না গ'দা,
 কোন্ মুখে হ'য়ে হয় লক্ষ্য বেঁধা,
 এ সব করিয়া বাহির, বড় বিচ্ছে ক'রেছি জাহির ।

বাদসা হুমায়ুন কাটতো কি না টেড়ি,
 Alexander খেতেন কি না Sherry,
 মীরাবাই, কানে প'রুত কি না চে'ড়ি,
 এ সব করিয়া বাহির, বড় বিচ্ছে ক'রেছি জাহির ।

পেয়েছি একটা তাম্রশাসন,
 ক্রতুর ক'খানা ছিল কুশাসন,
 কবে হয় কুশের অন্নপ্রাশন,
 সব করিয়া বাহির, বড় বিদ্রোহ ক'রেছি জাহির ।

এ মাথাটা ছিল বড়ই উর্ধ্বর,
 বুঝিল না যত অসত্য বর্ধর !
 এটা, আঁধার শ্রেণ-তন্দের গহ্বর !
 ইতিহাসামৃত-পায়ীর, আমি পানীয় ক'রেছি বাহির ।

তামাক

ভৈরবী—একতাল

তোমাতে যখন, মজে আমার মন,
 তখনি ভুবন হয় সুধাময় ;
 কলির জীব তরা'তে, আবির্ভাব ধরাতে,
 এ পোড়া বরাতে, টিকে গেলে হয় ।

তুমি নিত্যবস্তু, সদা বর্তমান,
 তুমি চিৎ, জীবের চৈতন্য-নিদান,
 সদানন্দ, কর সদানন্দ দান,
 (তুমি) প্রত্যক্ষ দেবতা সকল শাস্ত্রে কয় ।

অধুরী, কি আলা, কড়া, মিঠে-কড়া,
 সিগার, নশ্ব, স্তম্ভি, নানারূপে গড়া,
 রুচিভেদে সেবা, যে মূর্ত্তি চায় সেবা,
 সেইরূপে তারে দাও পদাশ্রয় ।

গড়্গড়ি, কি করুসী, ডাবায় পত্রঠোসে,
হাতে, কিংবা বজ্র-আবরণে, ক'সে,
যখন লাগায় টান, সাধকের শ্রাণ,
ভোলে সংসারজালা, কত ক্ষুণ্ণি হয় !

রাজ-দরবারে, কাছারী মজলিসে,
সভা-সমিতিতে, বৈঠকে, সালিসে,
গল্পে, এয়ারকিতে, মঠে ও মসজিদে,
তোমার সত্তা ভিন্ন সকল বাতিল হয় ।

এক ছিলিম অন্ততঃ, ভোরে উঠেই চাই,
নইলে হয় না কোঠ, কত কষ্ট পাই,
আর ভোজনের পরে, ঘণ্টা খানেক ধ'রে,
মাপ্ করুন, মৌতান্তি, না টানলেই যে নয় !

আর বুদ্ধির গোড়ায়, তোমার ধোঁয়া না পৌঁছিলে,
বেরোয় নাক' মুসোবিদা, কি মুস্কিল এ !
Idiom না জাগে, কাঁকা কাঁকা লাগে,
হেঁয়ালী Problemএর উদ্ধার শক্ত হয় ।

কান্ত বলে, প্রমাণ লও না হাতে হাতে,
তামাক দিতে কনুর ক'রলে চাকরটাতে ;
তাইতে হ'ল মাটি, নইলে বুঝলে খাঁটি,
(এই) গানটা হ'য়ে উঠ'ত, যেমন হ'তে হয় ।

শিবনা মেঘের সজ্জা-সাজ

মহোৎসবসময়—বাগডাল

স্বামী—

“চাহিয়া দেখ, এনেছি আজ, জড়োয়া মতিমালা ,
আর সতের ভরি, সোণার এই, মকরমুখো বালা ;
তারের কাণ, পঁচিশ ভরি, হীরের ছ’টি ছল গো !”

স্ত্রী—

“আহা! কেবা ভাগ্যবতী, আমার সমতুল গো !”

“এই সোণার সিঁথি, ঝালরে মতি, কপিপাতা অনন্ত এ ;
আর হীরের চুড়ি, একুশ ভরি, হয় কিনা পছন্দ এ ?
খোঁপার শোভা, সোণার ফুল এ, সেজেছে ছ’টি মীনে !”

স্ত্রী—

“(আহা !) পান সেজে দি, মসৃলা দিয়ে,
ফেলেছ মোরে কিনে !”

স্বামী—

“কেমন হ’ল পয়লা কাঁচি, কাটা-বাজু, এ চন্দ্রহার ?
(আর) হীরের সাতলহরী মালা, ঝ’ল্কে নাশে অন্ধকার !
জরির বড়ি, পার্শী সাজী, বড্ড বেশী দামী এ !”

স্ত্রী—

“(আহা !) মুছিয়ে দেই বদনখানি, বড্ড গেছ ঘামিয়ে ।”

স্বামী—

“এ সব, এনেছি, বড় ব’য়ের তরে, তোমার তরে আনিনি !
ও কি ও ? আরে, কাঁদ কেন ? ছি ! রাগ ক’রো না মানিনি !
তোমার সব গহনা আছে, বড় ব’য়েরি নাই গো !”

স্ত্রী—

“হায় কি হ’ল ! ধর গো ধর, পড়িয়া বুঝি যাই গো !”

বাক্যগুলির শ্যামা-সঙ্গীত

মিশ্র-বিভাগ—বাড়-কাওয়ালী

তারা নাম কোরুতে কোরুতে জিব্বাডা আমার,
 অ্যাক্কেকালে গ্যাছে আরাইয়্যা ;
 গুরু যে কি মাথা কৈয়া দিল কাণে,
 ফেল্‌চি জন্মের মত হারাইয়া ।
 বৈস্থা বৈস্থা ক্যাবোল কর্‌ছি তারা নাম,
 কি দোষ পাইয়্যা তারা হৈয়্যা বস্‌চ বাম ?
 শোন কেৰ্পামই, আমি যাইমু কৈ,
 নিবি যদি পাও ছারাইয়্যা ।
 তারা বৈলা যারা পাও ধইর্যা থাকে,
 তারা তারা কইয়্যা, চক্ষু মুইছা ডাকে,
 ছাও ছাশেখানে, তারাইয়্যা ।
 ভাল মতে পরক্‌ কইর্যা ছাখ্‌লাম আমি,
 বৈক্ষ্‌ছাশে পাখর বাঁইছা বস্‌চ তুমি ;
 এত কাঁদবার লাগ্‌'চি, মাথা ভাঙ্গবার লাগ্‌'চি,
 ছাখ্‌বার লাগ্‌'চ তুমি দারাইয়্যা !

বাক্যগুলির বৈরাগ্য

মিশ্র-গোবী—কাওয়ালী

চাইরদিব্বনে, পাগ্‌'লা, তরে ঘির্যা ধোরুচে পাপে ;
 অ্যাহন মইষের সিঙ্গে গুস্তা মারবো, বাচাইবো কোন্‌ বাপে ?
 (তোর) হইয়্যা গ্যাচে নিঃশ্বাস বন্দ ;
 মুখ ফিরাইচেন কৃষ্টচন্দ্র ;
 (আর) তরে কি বাচাইয়্যা তুলবো, হরিনামের ছাপে ?

- (ভূই) রাজা হৈয়্যা বোস্‌চস্‌ তস্কে,
নাইয়্যা উঠ্‌চস্‌ মা'ন্বের রস্কে,
(আর) ধরধরাইয়্যা কাইপ্যা উঠ্‌চে, পিরখিমি তন্ দাপে
(ক') আজ ক্যান্ পাগ্‌লা ছাহে আশুন ?
পুর্যা হইচস্‌ পোরা বাইশুন ?
(ঙ্গে) ঘিরা বোস্‌চে শিয়াল সশুন,
কোন্ বা ছাব্তার শাপে ?

সুভেড়া বাব্বাল

[তাহার দ্বিতীয় পঙ্কের স্ত্রীর প্রতি]

মিশ্র-সিদ্ধ—ঈপতাল

বাজার হুদা কিছ্যা আইছ্যা, চাইল্যা দিচি পায় ;
তোমার লাগে কেম্‌তে পারুম, হৈয়্যা উঠ্‌চে দায় ।
আরসি দিচি, কাহই দিচি, গাও মাজনের হাপান দিচি,
চুল বাল্মনের ফিত্যা দিচি, আর কি ছাওন চাও ?
বেলোয়ারী চুরি দিচি, পাছা-পাইর্যা কাপর দিচি,
পিরান দিচি মজা কৈর্যা দিব্যার লাগ্‌চ গায় !
উলের জুতা দিচি আইছ্যা, কিসের লাইগ্যা মন্ডা পাইছ্যা ?
ওজন কৈর্যা ব্যাবাক দিচি, পরাণ দিচি ফায় !
বুঝ বুঝ কৈর্যা ক্যাবল, খ্যাপাইয়্যা ক্যান্ কোর্চ পাগল ?
যহন বিয়্যা কোর্চ, ফেল্‌বো ক্যাম্‌তে ?
কৈর্যা ছাও আমায় ?

বিলেপাগলা নুড়ে ও তাহার বাচ্চাল চাকর

বিতাস—একতাল

কর্তা । আমার, এমন কি বয়েসটা বেশী ?

সত্য হ'লে কোষ্ঠী, এই যে আসছে জ্যেষ্ঠী,

এই মাসে পূরিবে আশী ।

আরে না না ! আমার বিয়ে করবার কাল

যায়নিকো এখনো ;—আরে নন্দলাল !

কি বলিস ?

চাকর । কর্তা অ্যাহনো ছাওয়াল

হইবো, বিয়্যা করেন ;—তামুক লইয়া আসি ।

কর্তা । আরে দেখনা আমার সংসারো অচল,

ছেলে পিলে মানুষ কে করে তাই বল ;

আমি, চুলে কলপ দেবো, দাঁত বাঁধিয়ে নেবো ;

আর এম্নি ক'রে হাসবো সুধা-মাথা-হাসি । (প্রদর্শন)

আমার, চামড়া গেছে বুলে, চোক গেছে কোটরে,

কোমর গেছে বেঁকে, বেড়াই লাঠি ধ'রে ;—

তা',—শৃঙ্গার-তিলক কিছু নেব তোয়ের ক'রে ;

চাকর । আর যৈবন ফির্যা পাইবেন, হইবেন মোট্টা-খাসী ।

কর্তা । কচি-মুখখানিতে বল্বে প্রেমের বুলি,

গয়না পেলেই আমার বয়স যাবে ভুলি' ;

স্কীর-নবনী দিব চাঁদ-মুখেতে ভুলি' ;—

চাকর । (আর), চরণ হ্যাঁবা ক'রবো হৈয়্যা হ্যাঁবা-দাসী ।

কর্তা । আর, কথায় কথায় যদি ক'রে বসে মান,

পায়ের উপর প'ড়ে বল্বে 'ছোটো খান' ;—

তাতেও না ভাজিলে, ত্যজিব এ প্রাণ ;—

চাকর । কর্তা, আমি আপনার গলায় দিয়া দিমু ফাসী ।

ঐক্লিক

মমোহরনাই— গড়-ধেমটা

যদি, কুমড়োর মত, চালে ধ'রে র'ত,
পানতোয়া শত শত ;

আর, স'রষের মত, হ'ত মিহিদানা,
বুঁদিয়া বুটের মত !

(প্রাতি বিঘা বিশ্ব মগ ক'রে ফ'ল্ভ গো) ;

(আমি তুলে রাখিতাম) ; (বুঁদে মিহিদানা গোলা বেঁধে
আমি তুলে রাখিতাম) ;

(গোলা বেঁধে আমি তুলে রাখিতাম, বেচ্'তাম না হে) ;

(গোলায় চাবি দিয়ে চাবি কাছে রাখিতাম, বেচ্'তাম না হে) ।

যদি ভালের মতন হ'ত ছ্যানাবড়া,
ধানের মত চ'সি ;

(আমি বুনে যে দিতাম) ; (ধানের মত ছড়িয়ে
ছড়িয়ে বুনে যে দিতাম) ;

(চ'সি এক কাঠা দিলে, দশ মগ হ'ত বুনে যে দিতাম) ।

আর, তরমুজ যদি, রসগোল্লা হ'ত,
দেখে প্রাণ হত খুসি !

(আমি পাহারা দিতাম) ; (কুঁড়ে বেঁধে আমি পাহারা দিতাম) ;

(ক্লেতে কুঁড়ে বেঁধে আমি পাহারা দিতাম) ;

(তামাক খেতাম আর পাহারা দিতাম) ; (ব'সে ব'সে

তামাক খেতাম আর পাহারা দিতাম) ; (সারা রাত

তামাক খেতাম আর পাহারা দিতাম) ; (খেঁকশিয়াল

আর চোর ভাড়াইতাম, পাহারা দিতাম) ।

যেমন, সরোবর মাঝে, কমলের বনে,
কত শত পদ্ম-পাতা,
তেমনি, ক্ষীর-সরসীতে, শত শত লুচি,
যদি রেখে দিত ধাতা !

(আমি নেমে যে যেতাম) ; (ক্ষীর-সরোবর-ঘন-জলে আমি
নেমে যে যেতাম) ; (গামছা প'রে নেমে যে যেতাম) ;
(একটু চিনি যে নিতাম) ; (সেই চিনি কেলে দিয়ে
ক্ষীর লুচি আমি মেখে যে খেতাম) ; (আহা মেখে যে খেতাম !)

যদি, বিলিতি কুম্ভে হ'ত লেডিকিনি,
পটোলের মত পুলি ;

(আর) পায়েসের গঙ্গা বয়ে যেত, পান
ক'র্তাম ছ-হাতে তুলি' ।

(আমি ডুবে যে যেতাম) ; (সেই সুখা-তরঙ্গে ডুবে যে যেতাম) ;
(আর, বেশী কি বল্ব, গিন্নীর কথা ভুলে, ডুবে যে যেতাম) ;
(আর উঠতাম না হে) ; (গিন্নী ডেকে ডেকে কেঁদে মরতো,
তবুতো উঠতাম না হে) ; (গিন্নী হাতে ধ'রে ক'রতো টানাটানি,
তবু উঠতাম না হে) ।

সকলি ত' হবে বিজ্ঞানের বলে,
নাহি অসম্ভব কন্ম ;

শুধু, এই খেদ, কান্ত আগে ম'রে যাবে,
(আর) হবে না মানব জন্ম ।

(আর খেতে পাবে না) ; (কান্ত আর খেতে পাবে না) ;

(মানব জন্ম আর হবে না,—

খেতে পাবে না) ; (হয়তো, শিয়াল কি কুকুর হবে,
আর খেতে পাবে না) ; (আর সবাই খাবে গো তাকিয়ে
দেখবে, খেতে পাবে না) ; (ফ্যাল্ ফ্যাল্ ক'রে তাকিয়ে
রইবে, খেতে পাবে না) ; (সবাই ভাড়া ছড়ো ক'রে
খেদিয়ে দেবে গো, খেতে পাবে না) ।

ଅମୃତ

সার্থকতা

মহাবীর শিখ এক পথ বহি' যায়,
পথ-পার্শ্বে কুষ্ঠরোগী পড়িয়া ধরায় ;
বেদনায় হতভাগ্য করিছে চীৎকার,
ক্ষত স্থান বহি' তার পড়ে রক্তধার ।
দেখিয়া বীরের মনে দয়া উপজিল,
শিরস্ত্রাণ খুলি' তার ক্ষত বাঁধি' দিল ;
শিরস্ত্রাণ কহে, “মাথে ছিলাম নগণ্য,
কুষ্ঠীর চরণে প'ড়ে হইলাম ধন্য ।”

বিন্দন

বিজ্ঞ দার্শনিক এক আইল নগরে,
ছুটিল নগরবাসী জ্ঞান-লাভ তরে ;
সুন্দর-গজীর-মূর্তি, শাস্ত-দরশন,
হেরি' সবে ভক্তি ভরে বন্দিল চরণ ।
সবে কহে, “শুনি, তুমি জ্ঞানী অতিশয়,
তু' একটি তত্ত্ব-কথা কহ মহাশয় ।”
দার্শনিক বলে, “ভাই, কেন বল জ্ঞানী ?
‘কিছু যে জানিনা’, আমি এইমাত্র জানি ।”

একতা

বর্ণমালা কহে, “দেখ, সীসের অক্ষরে,
আমাদের রেখে দেয় ভিন্ন ভিন্ন ঘরে ।

শব্দের আকারে যবে মোদের সাজায়,
 অর্থযুক্ত হই ব'লে শক্তি বেড়ে যায় ;
 বহু শব্দযোগে, ধরি বাক্যের আকার,
 আরো বৃদ্ধি পায় শক্তি, সম্ভেহ কি তার ?
 বাক্যে বাক্যে যোগ করি' সাজায় যখন,
 গ্রন্থরূপে কত জ্ঞান করি বিতরণ ।”

শব্দোপকার

নদী কভু পান নাহি করে নিজ জল,
 তরুগণ নাহি খায় নিজ নিজ ফল,
 গাভী কভু নাহি করে নিজ ছক পান,
 কাষ্ঠ, দক্ক হ'য়ে, করে পরে অন্নদান,
 স্বর্ণ করে নিজ রূপে অপরে শোভিত,
 বংশী করে নিজ স্বরে অপরে মোহিত,
 শস্য জন্মাইয়া, নাহি খায় জলধরে,
 সাধুর ঐশ্বর্য সুধু পরহিত-তরে ।

বংশগোন্ধব

নীচবংশ ব'লে, ঘৃণা ক'রনা কখন,
 তার মধ্যে জন্মে কত অমূল্য রতন ;
 কর্দমাস্ত পুকুরের অপেয় যে জল,
 তার মাঝে ফুটে থাকে সুরভি কমল ;
 উচ্চ বংশ দেখি, হেন ধারণা না হয়,—
 শাস্ত, ধীর, সুবিদ্বান্ জনমে নিশ্চয় ;
 বনিয়াদি বটবৃক্ষ, কত নাম তার,
 অখণ্ড তাহার ফল, কাকের আহার !

নিহ্বলতা

তুফানে পড়িয়া মাঝি হাল যদি ছাড়ে,
তার কাছে নদীর তরঙ্গ আরো বাড়ে ;
নিরাশ হইয়া রোগী ঔষধ না খায়,
দিনে দিনে রোগ তার আরো বৃদ্ধি পায় ;
সভাস্থলে, ভীত হ'লে দেখি গুণি-গণ,
বক্তার না হয় কভু বাক্য-নিঃসরণ ;
গিরিশিরে উঠে', যদি ভয়ে মাথা ঘোরে,
নিশ্চয় শিখর হ'তে নীচে যাবে প'ড়ে ।

অসারতা

আঘাত করিলে কাংশে, যত শব্দ হয়,
স্বর্গে তার শতাংশের একাংশও নয় ;
প্রচুর পল্লব পত্র যে বৃক্ষে জনমে,
বিধির বিধানে তার ফল যায় ক'মে
মেদ, মাংস বেড়ে', যার দেহ সুল হয়,
শ্রমসাধ্য কর্মে তার ক্রম পরাজয় ;
বাহিরে দেখিবে যার বৃথা আড়ম্বর,
অন্তঃসার-শূন্য সেই গুণ-হীন নর ।

সাম্প্রতিকতা

যত জল শুষ্ক হয়ে লয় প্রথর তপন,
প্রতিবিন্দু বৃষ্টিরূপে করে প্রত্যর্পণ ;
বায়ু, তেজঃ, ক্রিতি হ'তে বৃক্ষ যাহা পায়,
কল-পত্র-কাণ্ডরূপে ফিরে দিয়ে যায় ;

গাভী যে তৃণটি খায়, করে জল পান,
তার সার, ছুঁকরাপে করে প্রতীদান ;
পরজীব্য সাধু যদি করেন গ্রহণ,
জীবের মঙ্গল হেতু করেন অর্পণ !

স্বথাদেশ

নর কহে, “ধূলিকণা, তোর জন্ম মিছে,
চিরকাল প’ড়ে র’লি চরণের নীচে ;”
ধূলিকণা কহে, “ভাই, কেন কর ঘৃণা ?
তোমার দেহের আমি পরিণাম কি না ?”
মেঘ বলে, “সিন্ধু, তব জন্ম বিফল,
পিপাসায় দিতে নার এক বিন্দু জল ;”
সিন্ধু কহে, “পিতৃনিন্দা কর কোন্ মুখে !
তুমিও অপেয় হবে পড়িলে এ বুকো !”

উপস্থিত মাত্ৰা

বায়ু কহে, “দীপ, তব আমিই সম্বল ;”
দীপ বলে, “যতক্ষণ না হও প্রবল ।”
বৃষ্টি বলে, “শস্য, আমি তোমার সহায় ;”
শস্য বলে, “অতিরিক্ত হ’লে, প্রাণ যায় ।”
বংশী কহে, “কর্ণ, তোমা পরিতৃপ্ত করি ;”
কর্ণ কহে, “অতি তীক্ষ্ণ-স্বরে, প্রাণে মরি ।”
বিষ কহে, “রোগি, আমি তোমার ঔষধি ;”
রোগী কহে, “উচিত মাত্রায় রহ যদি !”

চিত্রিত মানব

অর্থ আছে, কপর্দক নাহি করে ব্যয় ;
 বিত্তা আছে, কারো সনে কথা নাহি কয় ;
 বুদ্ধি আছে, ব'সে থাকে কাজ নাহি করে ;
 রূপ আছে, বন্ধ থাকে গৃহের ভিতরে ;
 শক্তি আছে, নাহি করে পর-উপকার,
 তেজঃ আছে, দাঁড়াইয়া দেখে অবিচার ;
 সে নর চিত্রিত এক ছবির মতন,
 গতি নাই, বাক্য নাই, জড়, অচেতন ।

বাহু-বন্ধু বা গুপ্ত-শত্রু

স্বীণ বস্ত্র-লতা এক, অতি ক্ষুদ্র-কায়,
 বিশাল বটের তলে, ভূমিতে লুটায় ;
 বট বলে, “ছায়াময় বাহু প্রসারিয়া,
 আশ্রয় দিয়েছি তোমা, করুণা করিয়া ;
 নতুবা তপন-তাপে শুষ্ক হ'ত দেহ ;”
 লতা বলে, “ফিরে লহ অযাচিত স্নেহ,
 তোমার করুণা মোর হইয়াছে ক্রাল,
 রৌদ্র বিনা হ'য়ে আছি বিশীর্ণ কঙ্কাল ।”

অধনাত্মক

রাখে না নিজের তরে, সব দান করে,
 ‘উত্তম’ বলিয়া তার খ্যাতি চরাচরে ;
 কিছু রাখে নিজ তরে, কিছু করে দান,
 ‘মধ্যম’ সে জন, তারো প্রচুর সম্মান ;

দান নাই, সব যেই নিজ তরে রাখে,
 'অধম' সে জন, সবে ঘৃণা করে তাকে ।
 নিজে নাহি ভোগ করে, না দেয় অপরে,
 বল দেখি, সেই জীব কোন্ সংজ্ঞা ধরে ?

স্বশিভের প্রভুত্ব

অট্টালিকা কহে, জীর্ণ কুটারে ডাকি',
 "বিপদ ঘটালি, কুঁড়ে, মোর কাছে থাকি" ;
 হঠাৎ আগুন লেগে গেলে তোর গায়,
 আমারো জানালা কড়ি, সব পুড়ে যায় ।"
 কুটার কহিছে, "ভায়া, আমারো যে ভয় ;
 কাছে আছ, যদি কভু ভূমিকম্প হয়,
 তুমি চূর্ণ হবে, আমি গরীব বেচারী,
 চাপা প'ড়ে মারা যাব, ভয় হু'জনান্নি ।"

হিংসার ফল

পাখীর আকাশে উড়ে, দেখিয়া, হিংসায়,
 পিপীলিকা, বিধাতার কাছে পাখা চায় ;
 বিধাতা দিলেন পাখা, দেখ তার ফল,—
 আগুনে পুড়িয়া মরে পিপীলিকা-দল ।
 মানবের গীত শুনি', হিংসা উপজিল,
 মশক, বিধির কাছে সুকণ্ঠ মাগিল ;
 গীত-শক্তি দিল বিধি ; দেখ তার ফল,—
 নর-করাধাতে মরে মশক সকল ।

স্বাধীনতার লুপ্ত

বাবুই পাখীরে ডাকি', বলিছে চড়াই,—
 “কুঁড়ে ঘরে থেকে কর শিল্পের বড়াই ;
 আমি থাকি মহাসুখে অট্টালিকা'পরে,
 তুমি কত কষ্ট পাও রোদ, বৃষ্টি, ঝড়ে ।”
 বাবুই হাসিয়া কহে, “সন্দেহ কি তায় ?
 কষ্ট পাই, তবু থাকি নিজের বাসায় ;
 পাকা হোক, তবু ভাই, পরের ও বাসা ;
 নিজ হাতে গড়া মোর কাঁচা ঘর, খাসা ।”

ক্রোধ ও লোভ

ক্রোধ বলে, “লোভ ভাই, তুমি বড় খল,
 তোমার কুহকে পড়ি' নিষ্ঠুরের দল,
 পরের মাথায় করি' লগুড় প্রহার,
 পলায়ন করে, সব লুঠে নিয়ে তার ।”
 লোভ কহে, “যা' বলিলে করি তা' স্বীকার.
 কিন্তু, তুমি পূর্ণরূপে স্বছে চাপ যার,
 সে শুধু অন্তরে মারি ক্ষান্ত নাহি হয়,
 নিজের মাথায় শেষে প্রহরে নিশ্চয় ।”

কৃতঘ্নতা

নৌকা ডুবে গেল ঝড়ে ; দেখি' তীর হ'তে
 ভীত, অবসন্ন মাঝি ভেসে যায় প্রোতে,
 বাঁপায়ে সাহসী যুবা তরঙ্গে পড়িল,
 অতি কষ্টে বিপন্নেরে উদ্ধার করিল ।

মাঝি বলে, “প্রাণ দিলে, কি দিব তোমারে ?
 চল, ভৃত্য হ’য়ে রব, তোমার ছয়ারে !”
 রাত্রি-যোগে যুবকের চুরি করি’ সব,
 মাঝি-ভৃত্য পলাতক ;—যুবক নীরব !

শক্তিকেন্দ্র পরিচয়

গিরি কহে, “সিন্ধু, তব বিশাল শরীর,
 আমার চরণে কেন লুটাইছ শির ?
 এ অভয়-পদে যদি লয়েছ শরণ,
 কি প্রার্থনা, কহ আমি করিব পূরণ ।”
 সাগর হাসিয়া কহে, “আমি রত্নাকর,
 আমার অভাব কিছু নাই, গিরিবর ;
 তব পিতৃ-পিতামহ ডুবেছে এ নীরে,
 সেই বার্তা দিতে আমি আসি ঘুরে ফিরে ।”

মাতৃস্নেহ

হৃদয়িয়া কহে বজ্র, কঠোর গর্জন,
 “চূর্ণ করি গিরিকুল, দঙ্ক করি বন ;
 মুহূর্তে সংহার আমি করি জীব-গণে ;
 মম সম শক্তিশালী কে আছে ভুবনে ?”
 সুনিয়া ধরণী, ছখে কহে, “ছষ্ট ছেলে !
 এত শক্তিগর্ভ তুমি কোথা হ’তে পেলো ?
 তুমি অতি উজ্জ্বল, দাস্তিক সন্তান,
 তথাপি মায়ের বুকে এস, আছে স্থান ।”

অদ্বৈতের শব্দিত্রাস

দীন, বৃদ্ধ পঙ্গু এক ভিক্ষা করি' খায়,
 একদিন বিধাতার কাছে অশ্ব চায় ।
 দৈবযোগে এক পাশ্ব যান সেই পথে,
 রুগ্ন অশ্বশিশু ল'য়ে পড়েন বিপদে ;
 যুক্তি করি, সাবধানে বাঁধি ল'য়ে তারে,
 তুলে দেন বাহক পঙ্গুর পিঠে ঘাড়ে ।
 পঙ্গু বলে, “বিধি মোরে দিল বটে ঘোড়া,
 উণ্টা করিয়া দিল ;—কপাল যে পোড়া ।”

ভাল মন্দ

এক কূল ভাঙ্গে নদী, অগ্নি কূল গড়ে ;
 দূষিত বায়ুরে লয় উড়াইয়া ঝড়ে ;
 তীব্র কালকূটে হয় শুদ্ধ রসায়ন ;
 কাক করে কোকিলের সম্ভান পালন ;
 দংশে বটে, মধুচক্র গড়ে মধুকর ;
 বজ্র হানে যদি, বারি ঢালে জলধর ;
 সুখ দুখ-ভাল-মন্দ-জড়িত সংসার ;
 অবিমিশ্র কিছু নাই সৃষ্ট বিধাতার ।

মনোব্রাজ্যের জলভের নিম্নম

পাপের টানেতে যদি, কোন(ও) উচ্চমতি,
 ক্রমে নিম্নদিকে পায় অব্যাহত-গতি,
 জড় জগতের চির-প্রথা-অনুসারে,
 অধঃপতনের বেগ ক্রমে তার বাড়ে ।

একবার নীচে যদি প'ড়ে যায় মন,
তারে ক্রমে উর্ধ্বে তোলা কঠিন কেমন,
জড় জগতের চির-প্রসিদ্ধ প্রথায়,
উর্ধ্বমুখে তার গতি শত বাধা পায় ।

আত্মশিক্ষিক ভুলনা

সত্যের সমান বল নাহি ত্রিভুবনে ;
সৎকার্য্য দানের তুল্য না হেরি নয়নে
ঈশ-সেবা-সম নাই চিন্তের শোধক ;
পরপীড়া তুল্য নাই সদগতি-রোধক ।
পর-উপকার-সম পুণ্য নাহি আর ;
পক্ষপাত-তুল্য আর নাহি অবিচার ।
স্বাস্থ্য-হীনতার সম দুঃখ কিছু নাই ;
অবাধ্য পুত্রের সম নাহিক বালাই ।

অতি শত্রুত্বের দোষ

সদা যেই বাস করে চন্দনের বনে,
চন্দনেরে সেজন ইক্ষন-তুল্য গণে ।
যাহার বসতি পুত-ভাগীরথী-তারে,
তার কাছে ভেদ নাই কূপ-গঙ্গা নীরে ।
সুগন্ধি উদ্ভানে যেই সদা করে বাস,
তার কাছে লোপ পায় পুষ্পের সুবাস ।
গিরিশোভা নাহি হেরে গিরি-অধিবাসী ;
অতি-পরিচয়, সন্মানীর মান-নাশী ।

পারিহাসের প্রতিফল

পরিহাস-ভরে নরকহে, “রে জোনাকি !
 তিমির-বিনাশে চেষ্টা করিছিস্ নাকি ?
 কি আশ্চর্য্য ! ভাগ্যে ওই আলোটুকু আছে,
 তাই তোরে দেখা যায় অন্ধকার মাঝে ;
 তোর পক্ষে, ক্ষুদ্রজীব, এই তো প্রচুর ;
 তুই কি করিবি কীট, অন্ধকার দূর ?”
 জোনাকী বাগছে, “ভায়া, কিসের বড়াই ?
 তোমার দেহে তো আলো একটুও নাই !”

উচ্চ নীচ

উড়িয়া মেঘের দেশে চিল কহে ডাকি,—
 “কি কর, চাতক ভায়া, ধূলি-মাঝে থাকি ?
 কোথায় উঠেছি, চেয়ে দেখ একবার,
 এখানে আসিতে পার সাধ্য কি তোমার ?”
 চাতক কহিছে, “তবু নীচদৃষ্টি তব ;
 সদা ভাব ‘কার কিবা ছোঁ মারিয়া লব ।’
 মেঘবারি ভিন্ন, অন্য জল নাহি খাই,
 তাই, আমি নীচে থেকে উর্দ্ধমুখে চাই ।”

দাস্তিকের শিক্ষাকলাভ

সিংহ বলে, “কালোমেঘ, এস দেখি কাছে,
 যুদ্ধ ক’রে দেখি, কার কত বল আছে !
 ক্রমাগত দূরে থেকে কর ডাকাডাকি,
 সম্মুখসমরে, ভায়া, ভয় পাও নাকি ?”

মেঘ বলে, “মৃত্যু ডেকে আনিস্ নিকেরোধ !
আমার শক্তি কেবা করে প্রতিরোধ ?”
অদূরে পড়িল বজ্র, সিংহ মুর্ছা যায় ;
মুর্ছাভঙ্গে, সভয়ে, মেঘের পানে চায় ।

শিক্ষা ও শ্রমতি

আগুন লাগিয়া গেল ব্রাহ্মণের বাড়ী ;
সর্বস্ব পুড়িয়া যায়, দেখি’, তাড়াতাড়ি,—
প্রবেশিল বিদ্যানিধি নিজপাঠাগারে,
যত্নের পাণিনিখানি ছিল একধারে,—
বাঁচাইল ব্যাকরণ ; গেল আর সব ;
হেনকালে শুনা গেল ‘হায় হায়’ রব ;
বিপ্র বলে, “পুড়ে গেল বেদান্তের টীকা ;”
ব্রাহ্মণী কাঁদিলে, “গেল, হাঁড়ি আর সিকা ।”

ভুলনারী পুত্রহরণ

বসিয়া নদীর তীরে, চাহি’ নদীপানে,
কাঁদিতেছে এক নারী অবসন্ন প্রাণে ;
পথিক জিজ্ঞাসে তারে শোকের কারণ,
নারী কহে, “ডুবে গেছে সন্তান-রতন ।”
পান্থ বলে, “এক ছেলে গেছে কাঁদ তাই ?
আমার ছুঃখের বার্তা তোমারে শুনাই,—
আট পুত্র চারি কন্যা, ডুবেছে এ নীরে ;
আমারে দেখিয়া, মাগো, বাড়ী যাও ফিরে ।”

ত্রাদেশ দান

অন্নহীনে অন্নদান, বস্ত্র বস্ত্রহীনে,
 তৃষাতুরে জলদান, ধর্ম্য ধর্ম্য-দীনে,
 মূর্খজনে বিদ্যাদান, বিপন্নে আশ্রয়,
 রোগীয়ে ঔষধদান, ভয়াৰ্শে অভয়,
 গৃহহীনে গৃহদান, অন্ধেয়ে নয়ন,
 পীড়িতে আরোগ্যদান, শোকাৰ্শে সাস্তুন ;—
 স্বার্থ-শূন্য হয় যদি এ দ্বাদশ দান,
 স্বর্গের দেবতা নহে দাতার সমান ।

আশ্রিত-সংকার

সহস্র আশ্রিত-লতা কহে অশ্বথেরে,
 “বড় ব্যথা পাই, তরু, তব কষ্ট হেরে ;
 আমরা দুর্বল-লতা তব গলগ্রহ,
 মোদের রক্ষিতে তুমি কি যাতনা সহ !
 রোদ, বৃষ্টি, ঝড় লও নিজের মাথায়,
 ব্যথা যেন নাহি লাগে আমাদের গায় ।”
 অশ্বথ কহিছে, “এই আশ্রিত-সংকার,
 এর সূখে, ক্লেশ-বোধ হয় না আমার ।”

উদ্যার প্রতিশোধ

প্রভু ভৃত্য দুইজনে নৌকা বাহি' যায়,
 প্রবল বাতাসে তরী হ'ল মগ্ন-প্রায় ;
 ভার কমাইয়া, তরী রক্ষা করিবারে,
 ভৃত্যে ফেলে দিল প্রভু তরঙ্গ-মাঝারে ;

অমনি ডুবিল নৌকা, প্রভু পড়ে জলে,
 “ভয় নাই, আমি আছি”, ভৃত্য ডেকে বলে ;
 সীতার না জানে প্রভু, ক্ষুব্ধ মহাত্মাসে,
 পৃষ্ঠে বহি’, ভৃত্য তারে তীরে নিয়ে আসে ।

বাণিজ্যে বসন্তে লক্ষ্মীঃ

গঙ্গা-সাগরের স্নানে পুণ্য বাঞ্ছা করি’,
 মহামূল্য হীরকের অলঙ্কার পরি’,
 নামিলেন শেঠপত্নী সাগরের জলে,
 অকস্মাৎ অলঙ্কার প’ড়ে গেল তলে ;
 কাঁদি শেঠপত্নী কহে, “তুমি রত্নাকর,
 ভূষণ কিরায়ে দেহ, করুণাসাগর !”
 সিন্ধু কহে, “সিন্ধু-পোতে উঠি তব স্বামী
 দূরে যাক্, লক্ষগুণ ফিরে দিব আমি !”

অভিল

এ সংসার, মায়াজাল করিয়া বিস্তার,
 সাধুর ঘটাতে চায় চিন্তের বিকার ;
 সাধু কিন্তু নাহি ভোলে সংসার মায়ায়,
 প্রকৃত পুণ্যের পথে সোজা চ’লে যায় ।
 মরু যথা, মরীচিকা-মায়া বিস্তারিয়া,
 দিতে চায় উষ্ট্রের বিভ্রম জন্মাইয়া ;
 উষ্ট্র কিন্তু সে মায়ায় ভোলে না কখন,
 প্রকৃত জলের দিকে করে সে গমন ।

কথার সূচনা

নিতান্ত দরিদ্র এক চাষীর নন্দন,
 উত্তরাধিকার-স্বত্বে পায় বহু ধন ;
 সে সংবাদ নিয়ে এল ব্যবহারজীবী,
 বলে “চাষী, এত পেলি, আমারে কি দিবি ?”
 চাষী বলে, “অর্দ্ধভাগ দিব সুনিশ্চয় ।”
 গণনায় অর্দ্ধ অংশে কোটি মুদ্রা হয়,
 সবে বলে, “কি দলিল ? কেন দিতে যাসু ?”
 চাষী বলে, “কথা দিয়ে ফেলিয়াছি,—বাসু !”

অসাধুর সঙ্গ

সরল হৃদয় এক সাধু অকপট
 হেরিয়া, করিল মৈত্রী, এক ধূর্ত শঠ ;
 যুক্তি দিয়া, সাধুরে বিদেশে ল'য়ে যায়,
 অতিথি হইল এক ধনী'র বাসায় ।
 নিশায় কবিয়া চুরি সেই ছুষ্ট শঠ,
 বহু অর্থ ল'য়ে দিল গোপনে চম্পট ।
 গৃহস্বামী প্রাতে উঠি, সাধুরে ধরিল,
 চোর বলি' বাধি, কত প্রহার করিল ।

পরিপতি

নির্ভীক, স্বাধীন-চেতা, এক চিত্রকর,
 আঁকিল শ্মশান-ভূমি, অতি ভয়ঙ্কর ;
 একটি কপাল, আর অস্থি এক থানি,
 এক স্থানে দেখায়েছে, তুলি দিয়া টানি' ;

হেরিয়া দেশের রাজা বলে, “চমৎকার !
কিস্ত এটা কার অস্থি ? কপাল বা কার ?”
চিত্রকর বলে, “অস্থি মম কুকুরের,
কপাল, পিতার তব, হে মস্ত কুবের !”

ক্ষমা

দশবিঘা ভূঁয়ে ছিল আশি মণ ধান,
সারা বৎসরের আশা, কৃষকের প্রাণ,
খেয়ে গেছে প্রতিবাসী গোয়ালার গরু !
ক্ষেতগুলি প'ড়ে আছে, শ্মশান, কি মরু !
ক্ষেতের মালিক আর গরুর মালিক,
কেহই ছিল না বাড়ী ; চাষা বলে, “ঠিক,—
আহার পাইয়া পথে, পরম-সন্তোষ,
গরু তো বোঝেনা কিছু, ওদের কি দোষ ?”

দক্ষা

মাতৃশ্রাদ্ধে নিজহাতে কাঙ্গাল-বিদায়
করিছেন মহারাজ, প্রাচীন প্রথায় ।
লইয়া ছ'আনা, আর চাল অর্ধসের,
ঘুরিয়া তুখিনী এক আসিয়াছে ফের ।
ছারী ধ'রে ল'য়ে যায় রাজার সম্মুখে,
রাজা বলে, “এসেছিস্ ঘুরে কোন্ মুখে ?”
দীনা কেঁদে বলে, “পাঁচ শিশু, রুগ্ন স্বামী ।”
রাজা বলে, “লক্ষ মুদ্রা তোরে দিব আমি ।”

রূপ ও গুণ

প্রজাপতি বলে, “যূধি, তুই-সুধু সাদা,
 কেমনে বুঝিবি মোর রূপের মৰ্য্যাদা ?
 নানা বর্ণে মোর পাখা, কেমন রঞ্জিত !
 রূপ হ'তে বিধি তোরে করেছে বঞ্চিত ।”
 যূধি বলে, “কিন্তু ভাই, রূপ কিছু নয়,
 গুণের আদর দেখ চিরস্থায়ী হয় ।
 চিরদিন দিয়ে থাকি মধুর সৌরভ ;
 বংশক্রমে আছে মোর গুণের গৌরব !”

উপস্থিত কাল

শৈশবে সছপদেশ যাহার না রোচে,
 জীবনে তাহার কভু মুখতা না ঘোচে ;
 চৈত্র মাসে চাষ দিয়া না বোনে বৈশাখে,
 কবে সেই হৈমন্তিক ধান্য পেয়ে থাকে ?
 সময় ছাড়িয়া দিয়া, করে পশুশ্রম,
 ফল চাহে, সেও অতি নিৰ্ব্বোধ, অধম ;
 খেয়া তরী চ'লে গেলে, বসে এসে তীরে,—
 কিসে পার হবে, তরী না আসিলে ফিরে ?

প্রাণীহিংসা ও পরলীড়া

সন্ন্যাসীরে দেখি, এক রাজপুত্র কহে,
 “আহারের ক্লেশ তব হেরি প্রাণ দহে ;
 মৎস্য, মাংস, দধি, দুগ্ধ, খাত্তের প্রধান ;
 তোমার কপালে কেন শাকান্ন বিধান ?”

সন্ন্যাসী বলিছে, “জীবহিংসা নাহি করি,
এ কারণ মৎস্য-মাংস-আদি পরিহরি ;
গোবৎসে বক্ষিয়া যারা দধি দুগ্ধ খায়,
স্বার্থতরে পর-পীড়া তাহারা ঘটায় ।”

কাচের শিশি ও মেটে সরি
শিশি বলে, “মেটে সরি, তুই শুধু মাটি,
নির্মল আমার দেহ, স্বচ্ছ, পরিপাটি ;
অনাদরে গৃহকোণে ফেলে রাখে তোরে,
আমারে তুলিয়া রাখে কত যত্ন ক’রে !”
মেটে সরি কহে, “ভায়া, গর্ব কর দূর,
হাত থেকে প’ড়ে গেলে দুজনাই চূর ;
আরো এক কথা ভাই, জেনে রেখ খাঁটি,
আমি মাটি, তোমারও বুনিয়াদ মাটি !”

প্রকৃত বন্ধু

লেখনী বলিছে, হুখে ডাকি, ছুরিকারে,
“কি দোষ করেছি ? তুমি কাট যে আমারে ?
সহজে দুর্বল আমি তব তুলনায়,
সবল দুর্বলে মারে, শোভা নাহি পায় ।”
ছুরি হেসে কহে, “ভাই, কেমন ভ্রম ?
জীবের মঙ্গল হেতু তোমার জনম ;
কার্য-উপযোগী করি, কাটিয়া তোমায়,
নতুবা জীবন তব বিফলে যে যায় ।”

শ্রষ্টার কৌশল

গিরিশিরে বৃষ্টি পড়ি', জন্মায় তুষার,
 নিদাঘে গলিয়া, জল হয় পুনর্কার ;
 প্রথমে নিব্ব'র, পরে বেগবতী নদী,
 সিঙ্কুবক্ষে জলরাশি ঢালে নিরবধি ;
 সিঙ্কুবারি বাষ্প হ'য়ে তপনের করে,
 নির্মাণ করিছে শূন্যে জলধর-স্তরে ;
 সেই মেঘ গিরিশিরে পুনঃ ঢালে জল,
 ঘুরে ফিরে তাই হয় ;— বিধির কৌশল ।

পরার্থে আত্মত্যাগ

শির কহে, “ছত্র ভাই, মোর রক্ষা তরে,
 নিজে দক্ষ হও তীব্র তপনের করে ;”
 ছত্র বলে, “পরার্থেতে আত্মত্যাগ সম
 নাহি সুখ এসংসারে, নাহিক ধরম ।”
 চরণ কহিছে দুখে ডাকি' পাছুকারে,
 “নিজে ক্ষত হ'য়ে, বন্ধু, বাঁচাও আমারে ;”
 পাছুকা কহিছে, “দেখ, রক্ষিতে তোমায়,
 নিজে ছিন্ন হই, কিন্তু কি আনন্দ তায় ।”

কল্পনাময়

সংসারের দুঃখ, ব্যথা, বিপদের পাশে,
 কাহার আদেশে সুখ-শান্তি পরকাশে ?
 তীরে তপ্ত বালি যেন অচণ্ড অনল,
 পাশে বহাইল কেবা প্রবাহ শীতল ?
 সিন্ধুমাঝে দিক্‌হারা নাবিকের তরে,
 কে রেখেছে ঋবতারা বসায় উত্তরে ?
 ভূমিষ্ঠ হবার আগে স্তম্ভপ সম্ভান,
 কে করেছে মাতৃস্তনে দুষ্কের বিধান ?

আলমময়ী

আগমনী

গিন্দি-মহিষী মেনকা

মধুকানের স্বয়ং—ঠেস্ কাওরাল

ধন্য মানি মেনকাকে ;

ত্রিঙ্গগজ্জননী যারে

মা জেনে, মা ব'লে ডাকে ।

ত্রিভুবন যার কোলে দোলে,

রাণী তারে করে কোলে,

চরাচর যার চরণ চুমে,

(রাণী) তার শিরে চুসে সোহাগে

ব্রহ্মা, বিষ্ণু, মহেশ্বর যার

চরণ-ধুলো চায় ;

(রাণী) মেয়ে ব'লে আশিষ-ছলে

দেয় চরণ তার মাথায় ।

সুধাতুল্য প্রসাদ বাহার,

সুখে জগৎ করে আহার,

রাণী আহার যোগায় তাহার,

নিজ উচ্চিষ্টে খাওয়ায় তাকে ।

যার চরণে প্রণাম ক'রে
 সিদ্ধ সর্ব্ব কাম ;
 (সেই) নিখিলের নমস্কা করেন
 রাগীয়ে প্রণাম ।

স্বাবর, জন্ম যার অধীনে
 রাগী দেয় তায় পুতুল কিনে ;
 স্নেহাস্বিকা ভক্তি বিনে,
 এমন ক'রে কে পায় মাকে ?

যারে ছেড়ে তিলার্দ্ধ, না
 বাঁচে জীব-কুল ;
 মা ছেড়ে সে যাবে ব'লে,
 কাঁদিয়া আকুল ।

যার নামে ভবের মায়া কাটে,
 সে বিকিয়ে গেল মায়ার হাতে,—
 ভেবে দেখলে আজব বটে,
 মা বা কে, মেয়ে বা কে ।

যার চরণে জ্ঞানের রাগী
 বাগী লন দীক্ষা,
 মেনকা সন্তান-জ্ঞানে,
 তারে দেয় শিক্ষা ।

যে মা ত্রিভুবনের ভূষণ,
 রাগী তারে দেয় আভরণ,
 কান্ত কয়, যার যেমন সাধন,
 তার ভেম্বনি সিদ্ধি মিলে থাকে ।

গৌরীন্দ্র আগমন-সংবাদ

. মধুকামের বর—ঠেস্ কাওরালী

(প্রতিবাসিনীর উক্তি)

গা তোল, গা তোল, গিরিরাগি !

এনেছি, মা, শুভবাণী,

দেখে এলাম পথে তোর ঈশানী ।

রূপে কানন আলো ক'রে

ছেলে ছ'টি কোলে ধ'রে,

কিশোরী কেশরি-'পরে,

কোটি চন্দ্র নিন্দ্রি পা ছ'খানি ।

শঙ্খ-সিন্দূরে শুধু শোভে শ্রীঅঙ্গ,

অলঙ্কারে কাজ কি,—সে যে আলোক-তরঙ্গ ।

রোদে কষ্ট হবে ব'লে,

মাথার উপর জলদ চলে,

শাখীরা সব শির দোলায়ে,

ক'চ্ছে বাতাস, পল্লব কাছে আনি' ।

পথের পাশে থরে থরে উঠ'ছে ফুটে ফুল,

(মায়ের) আগমনী-মঙ্গল-গানে,

আকুল কোকিল-কুল ।

যত সুমিষ্ট ফল ছিল গাছে,

পড়'ছে এসে পায়ের কাছে ;

“মা, মা” ব'লে চরণতলে,

লুট'ছে যত মুনি, ঋষি, জ্ঞানী ।

ছুটে এলাম, রাণী মা গো, সুসংবাদ দিতে,
মুছ নয়ন ধারা, ধৈর্য ধর, মা, চিতে ।

কান্ত বলে, সুসংবাদে
বিবশা মেনকা কাঁদে ;
আনন্দের সেই পুত নীরে
ধুয়ে যায় গো শ্রাণের যত গ্রানি ।

অপার-সম্ভার

কীর্তন হাঙ্গা হুর—জলদ একতারা

(হ্রস্ব-দীর্ঘ উচ্চারণ-ভেদে পাঠ্য ও গেয়)

কনকোজ্জল-জলদ-চুন্ধি—
মণি-মন্দির মাঝে,
বীণ-মুরজে, পর-মঙ্গল
মধুর বাজ বাজে ।

পেলব নব পল্লব-দলে,
পূর্ণ কুম্ভ পাবন জলে,
কদলীতরু-তোরণতলে
কুম্ভ-মাল্য সাজে ।

প্রথিত লক্ষ কুশল-কেতু,
গঠিত ইস্রচাপ-সেতু ;
লঙ্কিত শশী, লক্ষ দীপ
সঙ্কিত প্রতি সাঝে ।

মাতৃ-দরশ-হরষ-গান,

আকুল শত সরস প্রাণ,

“মঙ্গলময়ি ! জগৎ-জননি !

আয় মা !” বলি’ নাচেরে !

কহিছে কান্ত মধুপিয়াসী,

সার্থক গিরিনগর-বাসী ;

জয়, জয়, গিরি-মহিষী জয় !

জয়, জয়, গিরিরাজেরে !

নগর-বর্ণন

কীৰ্ত্তন ভাঙ্গা হর—জলদ একতাল

(হ্রস্ব-দীর্ঘ উচ্চারণ-ভেদে পাঠ্য ও গেয়)

প্লাবিত গিরিরাজ-নগর,

কি পুলক মকরন্দে ;

জলদ টুটিল, জলজ ফুটিল,

ভ্রমর ছুটিল গন্ধে ।

ঝর ঝর ঝরে শত নিঝর

শীতল-জল-বাহী ;

পরভূত-কুল আকুল, মুখে

জননী-গুণ গাহি’ ।

বহিল স্নিগ্ধ মলয় মন্দ,
 সিঞ্চি' অমৃত দেহে ;
 বিগত সকল রোগ, শোক,
 হরষিত প্রতি গেহে ।

দীন-ভবন, তুর্ণ হইল
 পূর্ণ, রক্তত-হেমে ;
 ঘেষ-রহিত চিত্ত হইল
 পূর্ণ, জগৎ-প্রেমে ।

ভোজন, কত পান, দান,
 গীত, বাহ্য, নৃত্য ;
 মুখরিত অবিরাম নগর,—
 উৎসব নব, নিত্য ।

বঞ্চিত সুখে, কান্ত অধম,
 প্রাস্তর-তল-বাসী ;
 (কবে) সিদ্ধি-শরৎ উদিকে, মিলিবে
 চরণ, কলুষ-নাশী ।

গৌরীর নগর-প্রবেশ

বসন্ত—রতন একতারা

কে দেখি ছুটে আয়,
 আজ, গিরি-ভবন আনন্দের তরঙ্গে ভেসে যায় !

ঐ “মা এল, মা এল” বলে,
কেমন ব্যগ্র কোলাহলে,
উঠি-পড়ি ক’রে সবাই আগে দেখতে চায় ।

নিঞ্চলকু টাঁদের মেলা
শ্রীপদনখে ক’ছে খেলা,
(একবার) ঐ চরণে নয়ন দিয়ে সাধ্য কার কিরায় ?

কি উন্মুক্ত শোভার সদন,
ফুল্ল অমল কমল বদন,
সিদ্ধি, শৌর্য, সোণার ছেলে অভয় কোলে ভায় ।

কান্ত কয়, ভাই নগরবাসি !
তোদের সপ্তমীতে পৌর্ণমাসী,
দশমীতে অমাবস্থা, তোদের পঞ্জিকায় ।

উমাকর্কুক রানীর পদ-বন্দন

মিঃ বিভাস—কাওয়াল

(রানীর উক্তি)

আয়, মা, কোলে আয়,
অঞ্চলের-নিধি, আয় ;
সারা বরষ পরে, মনে
প’ড়েছে কি ছাধিনী মায় ?

যে দিন থেকে হই, মা, আমি উমাহান,
 (আমি) জাগরণে যাপি নিশা, কাঁদিয়া কাটা ই দিন,
 অনশনে জীবন্ত ত তনুক্ষীণ,
 (শুধু) আরো একবার দেখে মরি,
 (আমার) প্রাণ থাকে, মা, সেই আশায় ।

মা বলি ডাকিতে আর, মা, আছে কে ?
 (আর) তোমার মতন মেয়ে ছেড়ে,
 আমার মতন বাঁচে কে ?
 কোন্ বিধি এ নিষ্ঠুর বিধান ক'রেছে ?
 আমার সম্বৎসরের পোষা আশা
 তিন দিনে ফুরায়ে যায় ।

আমি একাদশী হ'তে দিন গণি গো,
 আমায় অন্ধ ক'রে যাও, মা, আমার
 ছ'নয়নের মণি গো ;
 তুমি তিন দিনের তড়িৎ, ত্রিনয়নি গো !
 কাস্ত বলে, চতুর্থাতে
 ঈশানী অশনি-প্রায় !

স্বাণীর স্তব্দ

বিবিট খাখা—একতাল

সবই যায় তোর সাথে ধুয়ে-মুছে,
 শুধু স্মৃতিটুকু রয়ে, মা ;
 আগে ভাবিতাম সহিবে না, হায়,
 মর প্রাণে এত সহে, মা !

লোকে কি বলিবে পাগল ভিন্ন ?
 আমি খুঁজি তোমর চরণ-চিহ্ন ।
 ধন্য এ আত্মিনা, বুকে ক'রে, ওই
 রাজা-পদ-ধূলি বহে, মা ।

তিন নয়নের হরিদ্রা-কাজল
 মুছে, তুলে রাখি ছুকুল-অঞ্চল,
 দিনান্তে নির্জনে দেখি, আর কাঁদি,
 তারা কত কথা কহে, মা ।

সারাটি বরষ হইয়া বিকল
 এক হাতে মুছি নয়নের জল,
 অন্য হাতে করি সংসারের কাজ,
 তোমর স্মৃতি কেন দহে, মা ?

বল্ মা কল্যাণী ! ও আনন্দময়ি !
 (আমি) তোরে পেয়ে কেন নিরানন্দে রই ?
 কান্ত বলে, রাগি, আনন্দের দিনে,
 আঁখিজল ভাল নহে, মা ।

কান্তিক ও গণেশের আদর্শ

কীর্তন ভাঙ্গা হয়

(রাণীর উক্তি)

আয় গুহ, গণপতি, কোলে আয় !
 ছুই কোলে যে ছুঁভাই নিব,
 সে বল কি আর আছে গায় ?

দূরের পথে আসতে বদন শুকিয়েছে ;
 (যেন) ছ'টি রাকাকুলশশী
 মেঘের পাশে লুকিয়েছে ;
 তাতে পাহাড়ে পথ, সিংহে আসা,
 এ কষ্ট কি দেখা যায় ?

আমি তো, মা, বছর বছর রথ পাঠাই ;
 কি ভেবে যে জামাই ভোলা
 ফিরিয়ে দেয়, মা, ভাবি তাই ;
 আহা, এমন মেয়ে, এমন ছেলে,
 এমনি ক'রে কেউ পাঠায় ?

ঐ ননীর গালে ছ'টি চুমো খেতে দাও ;
 এখন মায়ের সাথে, আমার হাতে
 পেট ভ'রে ক্ষীর-ননী খাও ;
 ওরে কৈলাসে যে খাবার কষ্ট,
 তাই ভেবে মোর কান্না পায় ।

গণেশ রে, তোর সরস্বতী কণ্ঠে থাক্,
 কুমার রে, তোর বাহুর বলে
 অনুর-শত্রু শঙ্কা পাক ;
 কাস্ত বলে, চিরজীবী
 শিব হবে, মা, তোর কথায় ।

বেহাগ—একতাল

(রাণীর উক্তি)

ঐ, উমা, তোর পোষা শুক তোরে
 “মা, মা” ব’লে ডাকে ;
 মুক হ’য়ে ছিল, নিজ হাতে কিছু
 খেতে দে, মা, পাখীটাকে ।

ঐ যে, মা, তোর পোষা শিখীগুলি
 নাচিছে হরষে পেখমটি তুলি’ !
 তুই চ’লে গেলে, খেললে না কলাপ,
 নাচিয়া দেখাবে কাকে ?

ঐ, উমা, তোর হরিণ, হংস
 নিয়েছিল মোর ছুখের অংশ,
 (আজ) চরণের পাশে, ঘুরে ঘুরে আসে,
 (তোর) মুখ-পানে চেয়ে থাকে ।

নব পল্লবে সাজে তরু-লতা,
 কোথায় পেয়েছে এত সজীবতা ?
 থরে থরে ফুল, থোকা থোকা ফল,
 অবনত প্রতি শাখে ।

পশু, পাখী, তরু আনন্দে মেতেছে,
 নূতন করিয়া সংসার পেতেছে,
 জ্ঞান নাই, তবু তোর কথা ওরা
 কি করিয়া মনে রাখে ?

এ কাঙ্গাল কান্ত বলে, গিরিরানি !
 যে দেখেছে মার চরণ ছ'খানি,
 বিকায়েছে পায়, ভুলিবে কি।তায় ?
 আর ভোলা যায়মাকে ?

(রাণীর উক্তি)

পলু—একতারা

সেই তমালের ডালে, মাধবী লতারে
 গেছিলি, মা, তুলে দিয়ে ;
 সেই সুলগনে, যেন ছ'জনার
 হ'য়েছিল, উমা, বিয়ে ।

ঐ সে মাধবী, ঐ সে তমাল,
 জড়িয়ে, ঘুমায়ে ছিল এত কাল,
 প্রতিপদ হ'তে পল্লবে, ফুলে,
 কে রেখেছে সাজাইয়ে ।

তোর নিজহাতে রোয়া চামেলী, বকুল,
 এত ছোট, তবু দিতেছে, মা, ফুল ;
 ঐ তোর চাঁপা, ঐ সে যুধিকা
 ফুল-ডালি মাথে নিয়ে ।

ফল, ফুল, কিছু ছিল না উছানে,
 মনে হ'ত যেন মগ্ন তোর ধ্যানে ;—
 তোর আগমনে, নব জাগরণে
 দিয়েছে, মা, জাগাইয়ে ।

কান্ত বলে, রানি, জেনে রাখ খাঁটি,—
 বিশ্বের জীবন-মরণের কাঠি
 ওরি হাতে থাকে,—কভু মেরে রাখে,
 কভু তোলে বাঁচাইয়ে ।

হানীন্দ্র স্বপ্ন-কথা

মিশ্র বিভাস—একতাল।

স্বপ্নে পেতাম দেখা, হা কপালের লেখা !
 এ মুরতি, গৌরী, সে মুরতি নয় ;
 এ যে কি শাস্ত, সুন্দর বিশ্ব-মনোহর,
 এ রূপে, সে রূপে, তুলনা কি হয় ?

আকারে, আচারে, সব রকমে ছই,
 (শুধু) বদন দেখে বুঝ্তাম, আমার উমা তুই ;—
 এ রূপ দেখে জগৎ দাঁড়ায় মুগ্ধ হ'য়ে,
 সে রূপ দেখে পায়, মা, নিদারুণ ভয় !

কভু দেখি, মা, তোর ঘোর রণবেশ,
 দেহ কৃষ্ণবর্ণ, আলুথালু কেশ,
 প্রলয়ান্বিত নাচে, ত্রিনয়ন-মাঝে,
 বিধবস্ত মহেশ পদতলে রয় !

কভু দেখি, মা, তুই কেশরি-উপরে,
 দশ হাতে অস্ত্র, দৈত্য পদে প'ড়ে ;
 রাজা পায় জবা, কি কব সে শোভা !
 শূন্যে দেবগণ বলে, “জয় জয় !”

কান্ত বলে, রাণি, সর্বরূপা তারা,
 কন্যাস্নেহে তুমি তত্ত্বজ্ঞান-হারা ;
 মেলি' জ্ঞান-আঁখি, ঠিক দেখ দেখি
 অনন্ত রূপিণীর রূপ বিশ্বময় !

নগর-সংবাদ

১

মিশ্র বিভাস—একতালা

(রাণীর উক্তি)

শরদাগমনে নগরবাসিজনে
 প্রতিদিন এসে বসে দলে দলে ;
 নাই অন্য বারতা, শুধু, মা, তোর কথা,
 পূর্ণ গিরি-ভবন, হর্ষ-কোলাহলে !

কেউ বা বলে, “আমার চিররুগ্ন ছেলে
 মা আসুছেন সংবাদে নূতন জীবন পেলে ;
 দিব্য কাস্তি তার, কি দয়া উমার !
 ব্যাধিমুক্ত হ'ল মায়ের নামের বলে !”

কেউ বলে, “ভাই, আমার সারা বরষ-ভ'রে
 বাগানের গাছগুলি গিয়েছিল ম'রে ;
 মায়ের আসুবার কথা বোঝে কেমন ক'রে
 (তারা) সজীব হ'য়ে সাজুল পল্লবে, ফুলে, ফলে !”

কেউ বলে, “মা এলে প’ড়’ব শ্রীচরণে,
 ব’ল’ব যেতে হবে এ দীনের ভবনে ;
 নিয়ে গিয়ে মায়, জ্বা দিব পায়,
 দেখ’ব মায়ের চিত্ত গলে কি না গলে !”

কুস্তকারের দণ্ড, ছুতোরের বাটাল,
 তস্তবায়ের মাকু, চাষীর লাক্কল-হাল
 ছোঁয়াবে চরণে, পদরঞ্জের গুণে
 ব্যবসায়ে নাকি কেবল সোণা ফলে ।

কান্ত বলে, সুধার চির-প্রশ্রবণ
 চরণের গুণ কররে শ্রবণ ;
 কররে মনন, কররে কীর্তন,
 অনন্ত আনন্দ পাবে করতলে ।

নগর-সংবাদ

২

(রাণীর উক্তি)

হুইট মদার—একতাল

সব রোগী উঠেছে, সব ব্যাধি টুটেছে,
 এ গিরি-নগরে রোগজ্বখ নাই
 মা, তুই আস’বি শুনে, তোর মহিমার গুণে,
 দুঃ হ’য়ে গেছে সমস্ত বালাই ।

ঘরে ঘরে শুধু আনন্দ-উৎসব,
সাম-গান আর চণ্ডী-পাঠের রব,
হোম, যজ্ঞ, তপ, পূজা, স্তব, জপ,
শুধু হর্ব যেথা যাই !

যত মতভেদ ভুলি' পুরজন
প্রেমে কোল দিয়ে আনন্দে মগন ;
ঘুচেছে বিষাদ, বিদ্বেষ বিবাদ,
বিশ্ব প্রেমে যেন সবে 'ভাই, ভাই' ।

পথে পথে দধি-ছথের পসরা,
মুগনাভি গুলে পথে দেয়, মা, ছড়া ;
যত ধনবান্ করিতেছে দান—
মণি, মুক্তা, যত চাই ।

আমার মেয়ে তুমি, ওদের কে হও, তারা ?
ওরা কেন তোমার নামে আত্মহারা ?
কাল্ক বলে, গৌরী ত্রিজগজ্জননী,
তোমারই কেনা মা, মনে ভাব তাই ?

মহাশূনীর উষা

(রাণীর উক্তি)

বি'বিট—একতাল

এক দিন বুঝি গেল, মা গৌরি,
মনে হ'তে প্রাণ কাঁপে ;
গণা দিন যায় ফুরাইয়ে, হায় !
কোন্ বিধাতার শাপে !

বছরের কথা, তিন দিনে তোরে
 এক মুখে, উমা, বলিব কি ক'রে ?
 সব কথা মোর থাকে বুক ভ'রে,
 (ভূই) গেলে মরি পরিতাপে ।

কত কব, কত খাওয়াব-পরাব,
 স্নেহ দিয়ে তোরে কঠিন জড়াব ;
 দেখিতে দেখিতে নবমীর রাতি
 মোর বুকে এসে চাপে ।

কবে কোথা সুখী তনয়ার মাতা ?
 তার সুখ শুধু ছুখ দিয়ে গাঁথা ;
 আমারি বিশেষ,—তিন দিনে শেষ,
 কিবা নিদারুণ পাপে !

কান্ত বলে, যার চরণ-স্মরণে
 সিদ্ধি করতলে, কৈবল্য চরণে,
 তিন দিন সেই বাঁধা থাকে, তবু
 বৃথা রাগী কাঁদে, ভাবে ।

কৈবল্যস্নেহ-হৃৎস্ব-বর্ণন

(রাগীর উক্তি)

মাহানা—ঈশতাল

শুনতে পাই, মা, হরের ঘরে
 অন্ন নাই, সে ভিক্ষা করে,
 সারা রাত শ্মশানে থাকে,
 ভস্ম মাখে, অজিন পরে ।

যোগ করে, আর চাহে সিদ্ধি,
চায় না অন্য় সুখ-সমৃদ্ধি,
হাড়ের মালা কণ্ঠে দোলায়,
সাপ রাখে, মা, জটা ভ'রে ।

ওমা, উমা, তোর কি সাজা !
শিব নাকি সব ভূতের রাজা ?
নিত্য নাকি যোগ শিখায়, মা,
যোগিনী সাজায়ে তোরে ?

অশন-শূন্য শিবের গেহ,
ভূষণ-শূন্য সোণার দেহ,
(তাতে) সতীনের ঘর, কথা শুনে
সারা বরষ অশ্রু ব'রে ।

কান্ত কয়, গিরি-মহিষি !
হর-গৌরী মেশামিষি,
ওরা যে পুরুষ-প্রকৃতি,—
কন্যা দিলে যোগ্য ব'রে ।

স্বাণীর অনুশোচনা

মিশ্র বিলাস—একতাল

'গিরি, গৌরী আমার এসেছিল'—হর

তখন ব্যাখ্যা ক'রলে নারদ কত ;
স্তোকবাক্যে লোভ বাড়িয়ে দিয়ে, ব'লে,
“জামাই হবে মনের মত !”

নারদ ব'লে, “মহেশ রূপে, গুণে অতুল,
কোনও অভাব নাই, সংসারে সব প্রতুল ।”
তখন যদি ব'লত, নাই তার জাতি-কুল,—
গিরির পায়ে ধ'রে করিতাম বিরত ।

নারদ ব'লে, “রাগি, সিদ্ধি তার জীবন,
অরুণাগ্নি-শশী শিবের ত্রিনয়ন ;
তত্ত্বকথায় হর সদা পঞ্চানন,
বিশ্বহিত-চিন্তা করেন নিয়ত ।”

কত বিনয় ক'রে দেখতে চাইলাম কোষ্ঠী,
নারদ হেসে ব'লে, “বর দিয়েছেন ষষ্ঠী,—
চিরজীবী হর,—অক্ষয়, অমর ;
মেয়ের শঙ্খ-সিঁদুর চির-অনাহত !”

ভাল বরে দিতে মিলল এসে কাল,
নারদ ঘটক হ'য়েই ঘটালে জঞ্জাল ;
আবার ভেবে দেখি আমারি কপাল,
(নইলে) আমি কেন তখন হ'লাম, মা, সম্মত !

কাস্ত বলে, নারদ মিথ্যা ত বলেনি,
যত ব'লে গেছে, কোন্ কথা ফলেনি ?
তোমার বুঝতে ভুল, পাওনি কথার মূল,
বুঝতে পাল্লে, মা, তোর কি আনন্দ হ'ত !

কান্তকবি-রচনাসম্ভার
গৌরীন্দ্র প্রভু্যক্তর

বেহাগ—আড়াঠেকা

কার কাছে শুনেছ, মা গো,
কৈলাসের দুখের কাহিনী ?
সব দেবতার মাথার মুকুট,
ও মা, তোমার জামাই যিনি ।

সে যে উচ্চ হ'তে উচ্চ,
ভৌতিক সম্পদ করি' তুচ্ছ,
ব্রহ্মানন্দ-রস-পানে
বিভোর দিন-যামিনী ।

যোগ না জেনে জীবরা ভোগে,
স্থির আনন্দ আছে যোগে,
তাই মহাযোগী সেজে নিজে,
আমারে সাজান যোগিনী ।

নেত্রানলে ভস্ম কাম ;
বামদেব বিস্তে বাম,
(তাই) ভৌতিক ভূষা দেন না মোরে,
নিজে অজ্বিন পরেন তিনি

ত্রিঙ্গগৎ পবিত্র করে,
এমনি সতিন ঘরে,
জটায় মাঝে রাখেন ভোলা,
পুণ্য-তোয়া মন্দাকিনী !

খাবার কষ্ট কে ব'লেছে ?
কোথায় অমন ফল ফ'লেছে ? -
কান্ত বলে, কৈলাসের বেল
দেখিস্ খেয়ে, মিষ্টি—চিনি ।

২

হরট মমার—একতারা

এই বিশ্বের ঈশ্বর যিনি, ভিক্ষা করেন তিনি,
চিন্তা ক'রে কিছু বোঝ, মা, এর ভাব ?
যাঁর ইচ্ছায় সৃষ্টি হয়, কটাক্ষে প্রলয়,
তিনি ভিক্ষা করেন, এতই তাঁর অভাব ?

বিশ্ব-অধীশ্বরের ভিক্ষা করা মিছে,
লোক-শিক্ষা-হেতু ভিক্ষা করেন নিজে,
নরের অহঙ্কার চূর্ণ করিবার
এই ত' সহজ পন্থা, জীবের পরম লাভ ।

তোর জামাই যান ভিক্ষায়, যে যেথা যা পায়,
মাথায় ক'রে এনে পায়ে দিয়ে যায় ;
এই ত' তাদের সব, পূজা, ছুপ, 'তপ ;
কত তুষ্ট ভোলা এমনি তাঁর স্বভাব ।

একমুঠো চাল দিয়ে, কৈলাসবাসি-জনে,
তোর জামাইয়ের বরে, পূর্ণ ধান্দো-ধনে,
আম দিয়ে পায় মণি, বেলে হীরার খনি,
বিশ্ব-পত্র দিয়ে পায়, মা, সোনার চাপ ।

সময় বুঝিয়া জিজ্ঞাসিলে, ভোলা
বলেন, “জ্ঞানীর পক্ষে যোগের পন্থা খোলা ;
মুষ্টি-ভিক্ষাদান সাধারণ বিধান ।”

কান্ত বলে, দেখ, মা, দানের কি প্রভাব !

৩

মিশ্র বিভাস—একতারা

‘গরি, গৌরী আমার এসেছিল’—হর

সেখা সর্বসত্ত্বা বিভ্রমান ;

অভাব কেমন ক’রে থাকবে, মা, তার ঘরে ?

ভাবের রাজ্যে ভাবের আদান, আর প্রদান ।

যার বিভূতির কণা পেয়ে এ সংসার

এত সুন্দর ব’লে করে অহঙ্কার,

বিশ্বের নয়নমণি, সকল শোভার খনি,

(সে যে) জ্যোতির্শয়, নিখিল-সৌন্দর্যের নিধান ।

তার কেমনে, মা গো. থাকে জাতিকুল,

অঙ্কনক, অনাদি, অনন্ত, অমূল,

যার আদেশে গ্রহ চলে অহরহঃ,

তার জন্ম-কোষ্ঠী কে করে নির্মাণ ?

ব্রহ্মা-নারদাদি সদা যুক্ত করে,

(মা তোর) ভিক্ষুক জামাতার কৃপাভিক্ষা করে,

এমন জামাই হবে, কার মিলেছে কবে ?

সর্বলোকে যার সর্বোচ্চ সম্মান ।

কান্ত বলে, তারা, রাণী আত্মহারা,
 তোমায় পেয়ে কন্যাজ্ঞানে মাতোয়ারা ;
 সেবে কন্যাবোধে, ওর মুক্তি কে রোধে ?
 (এই) অধমটাকে পায়ে দিবি কি না স্থান ?

নাগরিকপালের মহাষ্টমীপূজার উদ্দেশ্য

(রাণীর উক্তি)

ভৈরবী—ঈশতাল

থাকিতে, মা, মহাষ্টমী, শ্রীচরণ পূজিবারে,
 দলে দলে পুরবাসী দাঁড়ায়েছে সিংহদ্বারে ।

যাহার যেমন শক্তি,—
 দীনের সম্বল ভক্তি,
 ধনীরা পূজিবে, মা গো, বহুমূল্য উপচারে ।

ক'চ্ছে সবে তাড়াতাড়ি,
 নিয়ে যাবে বাড়ী বাড়ী,
 গেলে, মা, অষ্টমী ছাড়ি', ছুখ পাবে তোর ব্যবহারে ।

কিন্তু একটা কথা ভাবি,
 সব বাড়ী কি ক'রে যাবি ?
 অত সময় কোথায় পাবি ? অষ্টমী ত' ছাড়ে ছাড়ে !

যা হয়, উমা, কর্ গো করা,
 সবাইকে চাই তুষ্ট করা,
 যার বাড়ী না যাবি, গৌরি ! সেই দোষী ক'রবে আমারে ।

আর ছ'দিনও নাই, মা, আমার,
সেই নবমী এল আবার,
আখির আড়াল ক'ন্তে নারি, মায়ের মন কি বুঝিস্ নারে ?

এমনি ত' তোর স্বভাব, তারা !
'মা' ব'লে হ'স্ আত্মহারা,
একটা জ্বা পায়ে দিলে, কোলে তুলে নিস্, মা, তারে !

হোক না কামার, কুমোর, তাঁতি,
আর কোনও অস্পৃশ্য জাতি,—
কান্ত বলে, 'মা' ডাক শুনে, চূপ ক'রে মা রইতে নারে ।

নাগন্ধিকপণের মহাষ্টমীপূজা

ভৈরবী—কাণ্ডালী

লক্ষ রূপে লক্ষ পূজা
গ্রহণ করি' ঘরে ঘরে,
লক্ষ বাঞ্জা পূর্ণ করেন
তারিণী, অমোঘ বরে ।

যিনি কাল-সীমন্তিনী,
আজ্ঞা না করিলে তিনি,
সাধ্য কি অষ্টমী তিথি
এক অণুপল নড়ে ।

বন্দ্যার সন্তান হবে,
বোবা ছেলে কথা কবে,
রোগশোক নাহি রবে
নবাগত সস্বৎসরে ।

অন্ধ-নেত্র স্পর্শে মাতা
খুলে দেন তার আঁখির পাতা,
শ্রবণ-শক্তি পেল বধির
রজঃ দিয়ে শ্রবণ-বিবরে ।

কল্পলতা হ'লেন এসে
ছোট-বড়-নির্বিশেষে,
তাই তারে দেন মুক্ত করে,
যে যা চেয়ে পায়ে ধরে ।

চতুর্দিকে বাজে ঢাক,
কত কাঁসর, ঘণ্টা, শাঁখ,
“জয় শারদে, ব্রহ্মময়ি !”
কি উৎসব গিরি-নগরে !

কত পায়স, পুলি, পিঠে,
কত মণ্ডা, মেঠাই মিঠে,
দধি, ছধ, মাখন, নবনী,
ভোগ দিয়েছে স্কীরে, সরে ।

মায়ের শুধু কুপা-দৃষ্টি,
ভক্তদলে মণ্ডাবৃষ্টি,
প্রসাদ পাচ্ছে কি আনন্দে,
যার যত উদরে ধরে ।

ফেরে না প্রসাদ না পেয়ে,
 তৃপ্ত হয় না প্রসাদ খেয়ে,
 খেয়ে বলে, “আরো খাবো,”
 খেয়ে কারো পেট না ভরে ।

কি আনন্দ, কি উল্লাসে,
 মায়ের ভক্ত নাচে, হাসে ;
 বলে, “এবার বাবা এলে,
 রাখ্‌ব তোরে জোর-জবরে ।”

কান্ত কয়, আনন্দময়ি,
 আমি কি তোর ছেলে নই ?
 (বড়) দুঃখে আছি, ঐ আনন্দের
 এক কণিকা দে, মা, মোরে ।

রাণীমা আনন্দ

ভৈরবী—ঝাংতাল

ও মা উমা, এ আনন্দ কোথা রাখি বল্ ।
 নগরে উঠেছে কি আনন্দ কোলাহল !

সবাই বলে “ও রাণীমা ! নাইক উমার গুণের সীমা,
 (ও যে) পায়ের ধুলো দিয়ে, হেসে, নাশে অমঙ্গল ।

ও নয়, মা, সামান্য মেয়ে, (তুই) ধন্য হলি ওরে পেয়ে,
 (ও) যে-ধরে যায়, ধনে-জনে সেই ঘরই উজল !

লক্ষ লক্ষ মূর্তি ধ'রে আবিভূ'তা লক্ষ ঘরে,
(ও যে) 'শক্তিরূপা ব্রহ্মময়ী', ব'ল্ছে ভক্তদল !

জন্ম-অঙ্ক ছিল ক'জন, 'মা, মা' ব'লে ক'ল্লে ভজন,
উমা হাত বুলিয়ে নয়ন দিল ;—দেখ'বি যদি চল্ ।”

ও মা গৌরি ! এ কি কাণ্ড, পাগল কল্লি এ ব্রহ্মাণ্ড,
আমার শুধু চক্ষে ঠুল, এমনি কস্ম-ফল !

না, না, উমা, দিস্নে নয়ন, ভাস্নিস্নে, মা, সুখের স্বপন,
তুই আত্মশক্তি, ভাব'তে! আমার চক্ষে আসে জল ।

স্বপ্ন যদি হয়, মা, তারা, করিস্নে, মা, স্বপ্ন-হারা,
আমি কণ্ঠাহারা হ'তে নারি, (আমার) এক মেয়ে সম্বল ।

কান্ত কয়, ঐ সোণার স্বপন পেলে, কে আর চায় জাগরণ ;
যদি নয়ন মুদে পাই, মা, তোরে, তাকিয়ে কিবা ফল ?

বিজয়া

নবমীর সন্ধ্যা

১

খিঁ খিট—একতারা

তুমি মোর কামনা, তুমি আরাধনা,
অন্য বাঞ্ছা নাহি করি, মা ।
তুমি পূজা-ধ্যান, তুমি চিন্তা-জ্ঞান,
তুমি প্রাণের অধীশ্বরী, মা ।

মৌনের জীবন যেমন সুগভীর জলে,
বায়ুজীবীর জীবন সমীর-মণ্ডলে,
তেমনি তোমার মাঝে, জীবন ডুবে আছে,
তোমাতেই বাঁচি, মরি, মা ।

ফল-শূন্য তরু যেমন শোভাহীন,
পুষ্পহীন উদ্যান যেমন বিমলিন,
তেমনি তোমা বিনা, রাজরাণী দীনা,
(শুধু) আসার আশে-প্রাণ ধরি, মা ।

বুক ফেটে যাবে, উমা, যখন যাবি,
আর তোরে আন্ব না, কভু মনে ভাবি,
তোরে হ'য়ে হারা, এতই কষ্ট, তারা,
তবু ঐ মায়ায় পড়ি, মা ।

না মিটিল ক্ষুধা, না মিটিল তৃষা,
 ঘনাইল কাল নবমীর নিশা,
 এই দুখ-পারাবার, কিসে হব পার ?
 চাহে কাস্ত, পদতরী, মা ।

২

বেহাগ— একতলা

দেখিয়া পিয়াস না মিটিতে, উমা,
 বছরের মতন হও অদর্শন ;
 ‘মা’ ডাক শুনিয়া, না জুড়াতে ছিয়া,
 নিস্তক হয়, মা, অভাগীর ভবন ।

কোলে নিয়ে আমার না জুড়াতে বুক,
 কেড়ে নিয়ে যায়, মা, বিধাতা বিমুখ,
 (আমার) বছরের আগুনে হুতাহতি দিয়ে,
 পাষণ হ’য়ে, কর কৈলাসে গমন ।

তোমার আগমনে চাঁদ হাতে পাই,
 সুখের সাথে শঙ্কা, কখন বা হারাই !
 (এই) আকাশ হ’তে খসি’, কখন কৈলাস-শশী
 কৈলাসের আকাশে সমুদিত হন ।

কোন্ বার এসে আমায় কর্বি শঙ্কাসূচ্য ?
 এত ভাগ্য কোথায় ? কি ক’রেছি পুণ্য ?
 তোর আগমনানন্দে বিরহের আতঙ্ক
 জড়িয়ে থাকে, তাইতে পাইনে আশ্বাদন ।

কত কি খাওয়াব, সব ভুলে যাই,
 বড় ব্যাকুল হিয়া, স্মৃতি ভাল নাই,
 গৌরি ! তোমায় পুজে প্রফুল্ল সবাই,
 আমার পক্ষে বিধান অশ্রু-বরিষণ ।

ঐ অস্ত গেল অকরণ রবি,
 নবমীর শশী, পাষাণের ছবি
 ঐ দেখা যায়,—আয় কোলে আয় ;
 কান্ত বলে, মা, আর করিস্নে রোদন ।

নবমী-নিশীথ

ধাষাজ—একতাল

নবমী-নিশায় নগর নীরব,
 আনন্দ-সঙ্গীত থেমে গেছে সব,
 একটি পতাকা উড়ে না আকাশে,
 বাজে না মঙ্গল-শঙ্খ ।

কঠোর-কর্তব্য-পালন-নিরত
 নবমী-শশীর কি বিষাদ-ব্রত !
 ক্রিষ্ট, মলিন, অবসন্ন কত !
 সুগভীর কি কলঙ্ক !

বিষাদ-তিমির মাথায় করিয়া,
মৌনী তরুণণ আছে দাঁড়াইয়া,
নাচে না ময়ূরী, মুক শ্যামা, শুক,
নিশাকাশে উড়ে কক ।

স্তব্ব বিহগ গিয়েছে কুলায়,
শুক কুমুম লুটিছে ধূলায়,
ঊষা-পরকাশে মা যাবে কৈলাসে,
প্রাণে প্রাণে কি আতঙ্ক !

আনন্দময়ী মা নিরানন্দ ক'রে,
যাবেন ভাবিতে গলিতাশ্রু ঝরে,
কান্ত বলে, জাগে মায়ের প্রসঙ্গে,
নগরবাসী—অসংখ্য ।

২

শিল্প—৪৫

তুই তো মা আমারি মেয়ে,
জন্ম নিলি এই জঠরে,
(তবু) মনে হয়, কেউ ছাসের মত
রেখেছে তিন দিনের তরে ।

সেই তিনটি দিন যেই ফুরাবে,
যার জিনিষ সে নিয়ে যাবে,
(আমি) কাকের মত, কোকিল-শিশু
পালন করি নিজের ঘরে ।

তুই ছাড়া নাই উপলক্ষ,
 (আর) কিছু নাই জুড়াতে বক্ষ,
 তুই এসে ডাকবি 'মা' বলে,
 এই আশে, মা, যাই না ম'রে ।

চির দিনের নিয়ম আছে,
 মেয়ে যায়, মা, স্বামীর কাছে,
 কোন্ মা মেয়ে বেঁধে রাখে ?
 স্বামীর ঘর তো সবাই করে ।

(কিন্তু) মা পাবে তিনটে দিন খালি,
 এইটে তুই নুতন দেখালি ;
 (ও মা) এমন অটল, নিষ্ঠুর বিধান
 নাইক কোথাও চরাচরে ।

আমার মনের হুঃখে আসে কথা,
 পাস্নে, উমা, প্রাণে ব্যথা ;
 কান্ত বলে, রাগীর খেদে
 জগন্মাতার অশ্রু ঝরে

৩

ললিত—আড়ার্টেকা

আজি নিশা অবসানে, উমা মোর কৈলাসে যাবে ;
 নরনারী, পশুপাখী, তরুলতা মা হারাবে ।

কে খণ্ডায় বিধির বিধি,
কাল রাখিবে উমা-নিধি ?
কাল প্রাতঃকালে, কালের মত,
মহাকাল এসে দাঁড়াবে !

সে, সকল কথা শুনতে পারে,
উমায় রাখা শুনবে না রে,
পাষণ গলে, শিব টলে না—
এমনি কঠিন প্রাণ ।

‘আশুতোষ’ নাম কে রেখেছে ?
এমন নিষ্ঠুর কে দেখেছে ?
শুনতে পাই, সে সংহার-কর্তা,
তার কাছে কে দয়া পাবে ?

কত না ভপস্মা করি’,
পূজ্জিছিলাম মহেশ্বরী ;
তারি ফলে, উমা কোলে
দিয়েছেন বিধি ।

হাররে, কেমন কপট দাতা,
দেওয়া কেবল ছুতোনাতা ;
কাস্ত বলে, এত কষ্ট !—
মেয়ে ভবে কে আর চাবে ?

কালকবি-রচনাসম্ভার
অবনী-নিশার শেষ ষান

১

বেহাগ—আড়াঠেকা

নীরব অবনী, রাণীর উমা কোলে ;
একান্ত বিবশা, ভাসে নয়নজলে ।

কাল হবে যে গৌরীহারা,
কেঁদে কেঁদে হ'ল সারা,
অভাগিনী রাণীর হুখে পাষণ যায় গ'লে ।

রাণী ক্রমে চাহে পূর্বাকাশে,
ধর খর কাঁপে ত্রাসে,
ক্রমে চাহে মায়াময়ীর মুখকমলে ।

ক্রমে চেপে ধরে বৃকে,
ক্রমে চূমে ফুল মুখে,
“জাগো রে ছগিনীর বাছা, জাগো !” ব'লে

নয়নে পলক পড়ে,
ক্লীণ দেহ-লতা নড়ে,
তাহে অশ্রু,—দৃষ্টিবাধা পলে পলে ।

“কাল উড়ে যাবে প্রাণের পাখী,
ভলে ক'রে দেখে রাখি,”
ব'লে, রাণী কেঁদে জুঠে ধরাতলে ।

প্রভাতে উদিলে রবি,
ধুয়ে মুছে যাবে সবই,
সুখ, শান্তি মায়ের সাথে যাবে চ'লে ।

বিবশা, লুটায়ের ধরা,
বলে, “জাগ্, মা, ছুখ-পাশরা !
‘মা’ ব'লে ডাক্, সব ফুরাবে প্রভাত হ'লে ।

রাত পোহায়, মা, নয়ন মেল,
‘মা’ ‘মা’ বল, সময় গেল ;
শুনে রাখি, শুন্বো না তো, এ ছুখে ম'লে ।”

কান্ত বলে, সব শিয়রে,
যে জাগ্রৎ চিরতরে,
সেই মা ঘুমায় মায়ের বুকে, কি লীলার ছলে !

২

বারোয়া—ঠুংরি

আজি নিশা হ'য়ো না প্রভাত ;
পীড়িত মরমে আর দিও না আঘাত ।

একবার বোঝ ব্যথা, একবার রাখ কথা,
নিতান্ত শোকার্জ, কর কুপাদৃষ্টি-পাত ।

পরিশ্রান্ত-কলেবর হে কাল ! বিশ্রাম কর,
ক্ষণমাত্র, বেশি নহে, আজিকার রাত ;

আমি তো জানি হে সব, অব্যাহত চক্র তব,
আজিকার মত, গতি মন্দ কর, নাথ !

উজ্জল নক্ষত্ররাজি মলিন হ'য়ে না আজি,
ক্রব হও, দোষ যথা নিকম্প, নিবাত ;

তোমরা পশ্চিমাকাশে, ঢলিলে তো উষা আসে,
তোমরা মলিন হ'লে, শিরে বজ্রাঘাত !

চিরনিষ্ঠুরের ছবি, দশমী-প্রভাত-রবি !
তুইও কি উদিত হবি ? বিধির জল্পাদ !

কান্ত বলে, রাজমহিষি ! পায় না যারে যোগিঞ্চিষি,
তিন দিন সে তোমার বুক, তবু অশ্রুপাত ?

৩

জাগ রে দাসদাসি !

জাগ রে প্রতিবাসি !

দেখ্ রে কাছে আসি'

ফেটে যে গেল বুক ।

আয় রে আয় কাছে,

আর কি রাতি আছে !

রাজমহিষী হ'য়ে

দেখে যা কত সুখ !

যাহারে পাব ব'লে
 বছরে ঘুম নাই,
 যাহারে বুকে পেলে,
 নিখিল ভুলে যাই,

যে চ'লে যাবে ভয়ে,
 মরণ আগে চাই !
 বিধাতা নেবে তারে,
 চাবে না মার মুখ ।

সয়েছি কত বার
 নূতন এই নয়,
 আমার এ সহ্য-ছখ,
 তথাপি নাহি সয় ;

প্রতি শরতে যেন
 ক্ষত নূতন হয়,
 মায়ের প্রাণ ল'য়ে
 বিধির এ কৌতুক ।

জাগ রে শুক, সারি,
 হংসি, শিখি, ধেহু !
 মাথায় নে রে তোরা,
 মায়ের পদ-রেণু ;

বরষ প'ড়ে আছে,
 কে মরে, কেবা বাঁচে,
 বিদায় নিয়ে রাখ,
 চেপে মনের ছুথ ।

কান্ত বলে, উমা
 উজল রাকা-শশী,
 হাসিছে হিমগিরি—
 ভবনাকাশে বাস ;

চকিতে দশমীতে,
 নয়ন পালটিতে,
 পূর্ণগ্রাস করে
 সে রাহু পঞ্চমুখ ।

৪

[অগদম্বার জাগরণ]

(রাণীর উ'ক্ত)

দীর্ঘনের হর—কাওরালী

যামিনা হইল ভোর,
 বৃকের শোণিতে মোর
 লোহিত হইবে উষাকাশ গো ।

আমারি জীবন ল'য়ে,
 কৈলাস সজীব হ'য়ে,
 তোমা পেয়ে, করিবে উল্লাস গো ।

আমারি নয়ন-বারি
 পুরিয়া কলসী, ঝারি,
 সপল্লব, যাত্রার মঙ্গল গো ;—

ছয়ারে রাখিবে সবে,
 আঙ্গিনাতে তুমি যবে
 বাড়াইবে চরণকমল গো ।

সচ্ছিত্র মরম মম
 বরণের ডালা সম,
 তাই দিয়ে তোমারে বন্নিবে গো ;

প্রজ্বলিত পঞ্চপ্রাণ,
 পঞ্চপ্রদীপ সমান,
 যাত্রাকালে দক্ষিণে ধরিবে গো ।

আমারই রোদনধ্বনি
 শুনিবি, মা, ত্রিনয়নি !
 যাত্রার মঙ্গল-বাত্ত রূপে গো ;

তৃষিত নয়ন মোর,
 পথের প্রহরী তোর,
 সাথে সাথে যাবে চুপে চুপে গো ।

উমা, তুই মহামায়া,
 অনাদি কালের জায়া,
 রাখ আজ নিশারে ধরিয়া গো ;

জননীর অমুরোধ ;
করু কালচক্ররোধ,
কঁাদে কান্ত, চরণে পড়িয়া গো ।

দশমীর প্রভাত

কীৰ্ত্তন ভাঙ্গা হর—জলদ একতারা

(হ্রস্ব-দীর্ঘ উচ্চারণভেদে পাঠ্য ও গায়)

চির-অকরণ, তরুণ অরুণ
দরশন দিল ধীরে ;
লোহিত, নব রাগ উদিল,
পূর্ব-গগন ভীরে ।

হিমগিরি-অধিরাজ-নগর
ভিত্তি উপল-শ্রুস্ত ;
গগনে সূর্য্য, ভবনে শঙ্কু,—
কম্পিত, অতি ত্রস্ত ।

শক্তিহীন, দুর্বল হর,
শক্তি-মাত্র চাহে ;
গৌরী-গত-প্রাণ নগর
মরিছে হৃদয় দাহে ।

রক্তাচল, শশিশেখর,
শঙ্কর, শিব, শাস্ত্র ;
কাল-সদৃশ ভাবি, ভীত
গিরি-পূরজন, শ্রাস্ত ।

କ୍ଷଣ-ଭଙ୍ଗୁର-ବିଷୟ-ବିମୁଖ,
 ପରମ-ପୁରୁଷ, ସିଦ୍ଧ ;
 ବିଜ୍ଞିତେନ୍ଦ୍ରିୟ, ଆଶୁତୋଷ,
 ଚିର ଅକଲୁଷ-ବିଦ୍ଧ ;

ଜ୍ୟୋତିର୍ମୟ, ସେହି ଅନନ୍ଦ,
 ସର୍ବଦେବ ପୂଜ୍ୟ ;
 (ଯେନ) ଉଦିଳ ନଗରେ, ଚିରନିର୍ଦ୍ଦୟ,
 ‘ଅପର ଦଶମୀ-ସୂର୍ଯ୍ୟ !’

ନୟନ ସଲିଳେ ଚରଣ ଧୌତ
 କରିଲ ଅଚଳ-ରାଣୀ ;
 କାନ୍ତ ବଳିଛି, ହର-ପାର୍ବତୀ
 ଝରିତେ ମିଳାଓ ଆନି’ ।

ଶଙ୍କରଙ୍କର ପ୍ରତି ଯେନକା

ରାମକେଳୀ—କାଠମାଳୀ

ତୁମି, ‘ଆଶୁତୋଷ’ ନାମ ଯଦି ରାଧ,
 ଶଙ୍କର, ଭିକ୍ଷା ମାଗି ଚରଣେ,—
 ପ୍ରାଣରୂପା, ହିମଗିରି-ଭବନେ
 ରେখে ଯାଓ ହେ, ଜୀବନ-ଧନେ ।

‘ସଂହାର-କାରୀ’ ନାମ ଯଦି,
 ଓହେ ତ୍ରିପୁରାନ୍ତକ, ଏ ମିନତି,—
 ଶୁଳ ଧରି’ ତବ, ହାନି’ ଏ ମରମେ,
 ଗୌରୀରେ ଲ’ୟେ ଯାଓ ନିଜ୍ଞ ଭବନେ

‘শ্মশানচারী’ যদি হে তুমি,
 হিমগিরিপুর, করি’ শবের ভূমি,
 তিষ্ঠ গিরিপুরে, গৌরীরে ল’য়ে স্মৃখে,
 এ গিরি-মহিষী শব-আসনে ।

‘মৃত্যুঞ্জয়’ যদি নাম তব,
 নিবার মরণভয়, শঙ্কু, ভব !
 নাম যদি ‘হর’, কান্তের দুঃখ হর,
 শিব, করুণা কর, আর্তজনে ।

শঙ্করের প্রভুত্ব

১

পিলু—গড়ধেমটা

মা, তুমি ভাব্ছ মনে,
 “এত কাঁদি, শিব টলে না ;”
 চেননি নিজের মেয়ে,
 ও যে কে, তা কেউ বলে না ।

তিন দিন বন্ধ ক’রে,
 রাখ, মা নিজের ঘরে,
 জগতের কাজ ভেসে যায়,
 আমার কাজের ফল ফলে না ।

তোমারে ভালবেসে,
ও হেথা থাকে এসে ;
একাকী শিব কিছু নয়,
আমায় দিয়ে কাজ চলে না ।

ব'ল্ব কি আমার কষ্ট,
বাড়ীঘর সবই নষ্ট,—
শক্তিহীন হ'য়ে, আমার
ঘরে সাঁঝের দীপ জ্বলে না ।

কাস্ত কয়, তত্ত্ব-কথা
ছড়ানু শিব যথা তথা ;
জননীৰ স্নেহের কাছে,
ওসব কথায় ডাল গলে না ।

২

হাস্য—কাণ্ডমানী

ঐ ছুঃখহরণ রাজাচরণযুগল,
পাই যে মা,—কোটি-কল্প-তপস্যার ফল ।

তুমিও যে কন্যা-জ্ঞানে,
মগন উহারি ধ্যানে ;
আমি, তোমারি সতীর্থ, নহি জামাতা কেবল ।

কাস্তকবি-রচনাসত্তার

বিশ্ব-সংসারের কাজে,
বিহরে সংসার-মাঝে,
শক্তিহীন বিশ্বচক্র অবশ, বিকল ;

জননি, তোমার ঘরে
স্নেহে গেছে বাঁধা প'ড়ে,
রহিতে কি পারে, এর বেশী এক পল ?

আমি উপলক্ষ মাত্র,
শুধু ওর অনুযাত্র,
আমি ওরে নিয়ে যাই, কে বলে, মা, বল্

অনুরোধ করা মিছে ;
না বুঝে কাঁদ, মা, নিজে,
যাত্রার সময় গেল, মোছ আঁখি-জল ।

কাস্ত বলে, অদর্শনে
পূর্ণরূপ আসে মনে,
বিরহে তন্ময়ীধরা হেরে সিদ্ধ-দল !

রানীর অভিমান

(শঙ্করের প্রতি)

ভৈরবী—কাওরালী

অন্ত বুদ্ধিতে না চাই, বুঝে কাজ কি আমার ?
রাখিবে না—নিয়ে যাবে, বুদ্ধিয়াছি সার ।

ধ'রেছ কি রুদ্র-বেশ !
পাব না যে কৃপা-ক্লেশ,
বুঝিয়া, বেঁধেছি বুক, ছুখ নাহি আর ।

মার বুকে থাকে ছেলে,
তারে দূরে ঠেলে ফেলে,
ছেলে নেবে, কাল ছাড়া সাধ্য আছে কার ?

কালের সহজ ধর্ম,
ছিঁড়িয়া পীড়িত মর্ম,
নিয়ে যায়, প'ড়ে থাক ব্যর্থ হাহাকার !

বিশ্ব-প্রয়োজনে যাবে,
মা কেবল মিছে ভাবে ;
মাতৃ-স্নেহ লুপ্ত হবে, দৃষ্টান্তে উমার ।

কান্ত বলে, একি কষ্ট,
হোক অন্য কাজ নষ্ট ;
মায়ের স্নেহের জয় হোক না, এবার !

সুগল-ভঙ্গি

কীর্তনের স্থর—কাওয়ালী

মাণিকের চতুর্দোলে, যুগল মাণিক দোলে,
ভুবনমোহন রূপ ধরিয়া ;
শুণ্ঠে দেব-দেবীগণ করে পুষ্প বরিষণ,
“জয় হর-গৌরী !” ধ্বনি করিয়া ।

সিত-সরোরুহ-পাশে, হেম-কমলিনী হাসে,
 (আছে) ভকতভ্রমর পদে পড়িয়া ;
 রক্ত কনকাচল, করিতেছে ঝলমল,
 মন্দাকিনী-ধারা যায় ঝরিয়া ।

হেরি সে মোহন ছবি, স্থির দশমীর রবি,
 শূন্যে পাখী যেতে নারে সরিয়া ;
 নিঝর হইল স্তব্ধ, তটিনীর নাহি শব্দ ;
 শ্রোত আর ঢেউ গেল মরিয়া ।

সমীর হইল ধীর, তরু না দোলায় শির,
 স্পন্দহীন পশু ভূমে পড়িয়া ;
 দিক্‌পাল-বধুগণ, নাগকন্যা অগণন,
 আসিয়াছে দিতে দৌহে বরিয়া ।

চেয়ে আছে ত্রিভুবন, ভাব-সিন্ধু-নিমগন,
 কে নিয়েছে অন্য জ্ঞান হরিয়া ;
 স্পন্দহীন দেহ-প্রাণ রূপসুধা করে পান,
 তৃষিত নয়ন-মন ভরিয়া ।

ভুলিয়া মরম-ছখ, রাণী হেরে দৌহা-মুখ
 গলদক্ষ গণ্ডে পড়ে গড়িয়া ;
 ও মুরতি মকরন্দ, পান না করিলে অন্ধ,
 কেমনে যাইবে কান্ত তরিয়া ?

রানীন্দ্র প্রার্থনা

কীর্তন ভাঙ্গা হর—জলদ একতাল্লা

আমি কেমনে পাশরে থাকি ;
তোরা কি দেখালি, উমা, মধুর মুরতি,
ফিরিতে না চাহে আঁখি

নিখিল ভুবন মুগ্ধ হইয়া,
চরণে বিকাতে চায় ;
পায়ে ধরি, উমা, সঙ্কে করিয়া,
নিয়ে যা অভাগী মায় ।

তুই চ'লে গেলে, এ ভবনে আর
কারে দেখে প্রাণ রবে ?
কাঁদিয়া কাঁদিয়া মরিবার তরে,
কেন ফেলে যাবি তবে ?

গিরিরাজ-পায় লইয়া বিদায়,
এখনি আসিব আমি ;
অনুমতি কর, বিপুল নগর
হবে তোর অনুগামী ।

বেশি দিন আর, নাই, মা, আমার,
তোমা ছাড়া হ'তে নারি ;
কাঁদিয়া কাঁদিয়া, আয়ু শেষ হ'ল,
আর না কাঁদিতে পারি ।

কৈলাসের সেই আনন্দ-বাজারে,
 সাথে নে, মা, ছুখিনীরে ;
 ও মুখ দেখিব, 'মা' ডাক শুনিব,
 আসিতে চাব না ফিরে ।

কামনা-সাগর-তীরে ব'সে শুধু
 কাঁদে, আর বেলা নাই ;—
 অনুমতি দে, মা, কান্ত অধমে
 সাথে ক'রে নিয়ে যাই ।

যাত্রা

আলোরা—একতাল

সবে সাজাইল আঙ্গিনায়,
 ঋষি-নির্বাচিত যাত্রার মঙ্গল,
 গুরু ধান্য, আর নব ছুর্বাদল,
 দীপ সুশোভন, রজত, কাঞ্চন,
 পুষ্প, দধি, মধু তায় ।

গন্ধোদকপূর্ণ হেম-কুম্ভ শত,
 পল্লবে, চন্দনে, সাজিয়াছে কত,
 দিব্য স্ত্রী, ব্রাহ্মণ ; কেতু অগগন
 উড়িছে দক্ষিণা বায় ।

দ্বারের বাহিরে শত ধেমু, বৎস,
সিন্দূর-প্রলিপ্ত নানাজাতি মৎস্য,
বৃষ, অশ্ব, করী, রাখে শ্রেণী করি,
তারাপ্ত নিম্পন্দ-প্রায় ।

বন্দী, চারণেরা রাজার ইঙ্গিতে,
কাঁদাইল সবে, বিদায়-সঙ্গীতে,
কি করুণ বাত্ম ঘোষিল নগরে—
“জননী কৈলাসে যায় !”

জগদ্ধাত্রী, যিনি পালেন অবনী,
রাণী দেন তাঁর বদনে নবনী,
নয়নে কঙ্কল, ললাটে সিন্দূর,
যাবক, রাতুল পায় ।

“ভবের পথে হবে জীবের মঙ্গল,”
বলে, যে মা দেন পথের সম্বল,
তাঁরি পথের সম্বল রাণী দিলেন বেঁধে,
মায়ের লীলা বোঝা দায়

করেন আশীর্ব্বাদ, নয়নের জলে,
“চিরজীবী হোক যুত্যাঞ্জয়,” বলে,
বাম-পদধূলি, দেন মাথে তুলি ;
কান্ত সাথে যেতে চায়

স্বর্গের সুখমা-সদ্য, কোটি কোটি কুল পদ্ম
 ফুটেছিল সরোবর জলে ;
 অকস্মাৎ প্রভঞ্জন ক'রে নিল উৎপাটন,
 ছিন্ন বস্ত্র প'ড়ে র'ল তলে ।

হিমালয় শূন্যপ্রাণ, উৎসব-আনন্দ-গান
 অকস্মাৎ কে লইল কেড়ে ?
 কান্ত বলে, পুরী স্তব্ধ, নাহি স্পন্দ, নাহি শব্দ,
 রাজলক্ষ্মী গেল রাজ্য ছেড়ে ।

স্বামীন্দ্র শ্বেদ

(দশমী)

বারোটা—ছুরি

- (উমা) ছেড়ে গেছে অভাগিনী মায় ;
 (আমার) মোদনের অতীত দুখ, কে বুঝিবে হয় !
- (কত) কেঁদেছি চরণে ধ'রে, নিল না তো সঙ্গ ক'রে ;
 উমাহীন ভবনে কি ফিরে আসা যায় ?
- বুঝি গো স'বে না বুকে, মরিব উমার ছুখে,
 অথবা হইয়া র'ব পাগলিনী-প্রায় !
- নবমী-নিশীথ হ'তে ভেসেছিল অশ্রুস্রোতে,
 (আজ) গলা ধ'রে কেঁদে, উমা লইল বিদায় ।

সজল-বিষন্ন-মুখে, বলে, “মা গো, তোর হুখে
বড় ব্যথা পাই মর্শে, বড় কামা পায় ;

(ভুই) বেঁধেছিস্ কি মায়াডোরে, ভুলিতে না পারি তোরে,
(ভবু) না গেলে নয়, তাই যেতে হয়, প্রাণ কি যেতে চায় ?

(আমি) আবার আস্বো, কাঁদিস্ নে মা, আশায় এ
বুক বাঁধিস্ রে মা !”
বলে, উমা নিজ আঁচলে, মোর নয়ন মুছায় ।

কি স্নিহ-করুণা-মাখা মুখ নিফলঙ্ক রাকা,
এখনো নয়ন-আগে ভাসিয়া বেড়ায় ।

মানস চক্ষে পাই দেখিতে, তাতে তৃপ্তি হয় না চিতে,
(আমি) নয়ন, শ্রুতি, পরশ দিয়ে, পেতে চাই উমায় ।

আকুল হ'য়ে কান্ত ভাবে, কেমন ক'রে বরষ যাবে ?
রাগী আর কি শরৎ পাবে, উমার ভরসায় ?

রানীর খেদ

(দশমী)

সিদ্ধ'বাছাঙ্ক—মধ্যমান

যদি কেঁদে কেঁদে এমন হয়, তুঁরা,
আমি'নয়ন-তার-হারা হ'য়ে

হারাই যদি নয়ন-তার ;-

(এ তিন) দিনের দেখাও ফুরিয়ে যাবে,
 অঙ্ক মা তোর, হাত বাড়াবে,
 তখন, যেথা থাকিস্ আসিস্ কোলে,
 (নইলে) ছুট্বে বুকে রক্তধারা ।

(আমি) তোর বিরহের ছুখ্-পাথারে,
 ম'লাম ডুবে দেখ্‌লি না রে !
 কান্ত বলে, প্রবোধ মিছে,
 কই পাথারের কূল-কিনারা ?

স্বামীর শ্রেয়

(একাদশীর প্রভাত)

মিশ্র ধাতুক—একতালা

কাল, এখনো আমারি কোলে ছিল,
 'মা' ব'লে, কেঁদে, কি ব'লেছিল ।
 আমার, আকূল রোদন, গভীর বেদন
 দেখে দয়াময়ী গ'লেছিল ।

উমা, কাঁদিয়া বিবশা 'মা' ব'লে গো,
 অশ্রু মিশিল কাজলে গো,
 আমি, মুছেচি ছকুল-আঁচলে গো ।
 আর, বুঝি বাঁচিব না, শরত পাব না,
 ভেবে মা আমার ট'লেছিল ।

আমার, মায়ের গায়ের গন্ধ গো,
 এই, আঁচলে রয়েছে বন্ধ গো,
 যেন, মম্পার-মকরন্দ গো ;
 ঐ, হলুদ-কাজল-লিপ্ত আঁচল,
 (উড়ে) মার সাথে চ'লেছিল ।

আমার, বরষের স্মৃতি, ছুখহরা,
 চীর-খণ্ড ওই প'ড়ে ধরা,
 হর-গৌরী-পদ-রেণু-ভরা ;—
 কান্ত বলে, ঐ কনকের পীঠ
 সুগলের পদ-তলে ছিল !

স্বাশীল খেত

(একাদশীর সন্ধ্যা)

মিশ্র ঠাণ্ডা—কাওয়ালী

- (ঐ) মা-হারা হরিণ-শিশু চেয়ে আছে পথপানে,
 অশ্রু বরিছে শুধু, কাতর ছ'নয়ানে ।
- (ঐ) হংস-সারস-কুল, মলিন মুখে,
 বুঝাইতে নারে কি যে বেদনা বুকে,
 কি সোহাগে খেতে দিত, অন্ন নয়, সে অমৃত,
 সে মা কোথা চ'লে গেছে, বড় ব্যথা দিয়ে প্রাণে ।

- (ঐ) শুক, শ্যামা এ ক'দিন “মা” “মা” ব'লে,
 প'ড়েছে উমার বুক, সোহাগে গ'লে ;
 চ'লে গেছে নয়ন-ভারা, আহাৰ ছেড়েচে তারা,
 (যেন) জিজ্ঞাসে নীরব ভাষে, “মা গিয়েছে কোন্ খানে ?”

নয়নের মণি, সে যে সকলের প্রাণ,
 চ'লোগেছে, প'ড়ে আছে নীরব শ্মশান ;—
 কেমনে পাইব আর, মা আমার, মা আমার !
 কান্ত বলে, প্রাণ দে মা, পুনঃ দরশন-দানে ।

विश्राम

কোটুক

একটি জিনিষ এমনা ভাই দেখে গণ্ডগোল

পূজো এল, তারি সঙ্গে সবই এল আবার,
পেঁচা, ময়ূর, সিংহ, হাঁড়টা এল বাবার ।
হাতীমুখো গণেশ এল, টেড়িকাটা কুমার ;
লক্ষ্মী সরস্বতী এল ডাইনে বাঁয়ে উমার ।
দশহাতে দশ অস্ত্র এল, সাপ এল আর অসুর,
(মালাকার আর কুমোর ভায়ার গুস্তাদির নাই কসুর),
পুষ্পবিশ্বপত্র এল, কাঁসর, ঘণ্টা, শাঁখ,
ঢোল এল আর সানাই এল, মস্ত মস্ত ঢাক ।
ধূপ-ধুনো নৈবেদ্য এল, এল ছলুধ্বনি,
গরীব লোকের এল পাঁঠা, মোষ আনলেন ধনী ।
লোকারণ্য সঙ্গে নিয়ে এল হট্টরোল,
কেবল একটি জিনিষ এল না ভাই দেখে গণ্ডগোল ।

অশুদ্ধ চণ্ডীপাঠ এল, এল মূর্খ পূজক,
পুরুত সঙ্গে টিকি এল, বিস্কুট্কাচার সূচক ।
রেশমী নামাবলী এল নির্ভাবস্তার সাক্ষী,
“ইদং ধূপ” এবস্ত্রকার এল শুদ্ধ বাক্যি ।
কলসী, বাটি, থালা এল, পুরোহিতের প্রাপ্য,
যজ্ঞমানের বাপাস্ত্র এল, ছিল যেটা যাপ্য ।
ধোলাই-করা পৈতা এল, গঙ্গামাটির কোঁটা,
‘কারণ’ ক’স্ত্রে whisky এল, আর ক’ বোতল সোডা ।
ব্রাহ্মণদের ফলার এল, বিধবাদের উপোস,
পকেট কাটার কাঁচি এল, বদমাইসের মুখোস ।

শাক্তের এল বাঁয়া তব্‌লা, বৈরাগীদের খোল,
কেবল একটি জিনিষ এল না ভাই দেখে গণ্ডগোল ।

কর্তার এল আকাশভাঙ্গা জলের মত খরচ,
(কতক প্রজার খরচা আদায়, কতক খতে করজ),
আর এল ডসনের জুতো, ল্যাভেণ্ডার আর আতর,
ঢাকাই ফরাসডাঙ্গা ধুতি শান্তিপুতে চাদর ।
Green Seal, lemonade, ginger এল ডজন কুড়ি,
Cake, biscuit, Burma cigar এল ছ'দশ ঝুড়ি ।
তারি সঙ্গে এল বানুর বাবুচ্চি 'রমজান',
আগে চ'লত beef টা বেশী, ইদানীং কম থান ।
প্রাণেতে এয়ারকি এল, বাইরে এল চটক,
তোয়াজ কস্তে মদের এয়ার, এল বিপুল কটক ।
তাদের মুখে এল, 'মাইরি', 'যাছ', 'আ ম'রে যাই' বোল
কেবল একটি জিনিষ এল না ভাই দেখে গণ্ডগোল ।

ছেলেদের সব পোষাক এল চক্‌মকে তার রং,
কারো গায়ে লাগ্‌ল ভাল, কারো জবড়জং ।
খেলনা, বাঁশী, চিনের পুতুল, কলের রেলের গাড়ী,
মেয়েদের সব সেমিজ জ্যাকেট, এল পার্শী-সাড়ি ।
সার্ট কোট, আর ছ'তিন ডজন এল silk এর মোজাই,
ষ্ট্রীলের বাটি, কাঁচের গেলাস এল বাস্ক বোঝাই ।
চুড়ি এল, সাবান এল, এল কুস্তলীন,
কেশরঞ্জন, জবাকুসুম, এল কেরোসিন ।
বৃদ্ধের এল চুলের কলপ, যুবর এল অটো,
ছুটিহীন কেরাগীর গিম্মির কাছে এল ফটো ।
প্রাণের প্রেমটা থাক বা না থাক বাইরে এল 'কোল',
কেবল একটি জিনিষ এল না ভাই দেখে গণ্ডগোল ।

মিউনিসিপ্যাল ইলেক্সন

(১)

কালীপ্রসাদ দত্ত, ভারী বিচক্ষণ এম, এ,
 ছুটেছেন রোদে, গেছেন বিলক্ষণ ধেমে ।
 বপুখানি চোঁহারা, (আর) জবরজঙ্গ চেহারা,
 ছুটেতে ছুটেতে কাপড় গেছে নাভির নীচে নেমে ।
 কাছা গিয়েছে খুলে, পা গিয়েছে ফুলে,
 হাঁপ ছাড়বার অবকাশ নাই একটু খানি থেমে ।

(২)

উক্তরূপে ছুটেতে থাকুন কালীপ্রসাদ দত্ত,
 এই ফাঁকে নেয়া যাক তাঁর একটুখানি তত্ত্ব ।
 তিনি একজন বি, এল, ও আইনটা হাতের তেলো,
 (যদিও তাতে আমাদের কি বেশী এল গেল),
 কারণ নাই তাঁর পসার, আর বাজার যেমন কসার,
 শেষ থাক্ত না দত্তর পো'র লাছনা হুর্দশার,
 যদি না পেতেন সাহায্য তাঁর দয়াল স্বস্তুর মশা'র ।

(৩)

এই পরিচয়ের অন্তর্গত যে কালীপ্রসাদ দত্ত,
 তিনি চলেছেন—যেন এক ঐরাবত মত্ত,
 পায়ে বিলিতি বিনামা, গায়ে বেড়ে একটি জামা,
 নিজের উপার্জনের ? না, না ! স্বস্তুরের প্রদত্ত ।
 আর এই দ্রুত গতিশীল জীবের,—নিঃসন্দ,
 যদি স্ত'ক্তে পেতেন বদন, ঐব পেতেন মদের গন্ধ

(৪)

Municipal election এর meeting হবে কল্যা.,
 এই আর কি দস্তের পোকে কি এক ভূতে ধরুলো
 'ক্যান্ডাসিং'এ পটু, ভারী দস্তের বটু,
 কারুকে বলেন বাপু সোনা, কারুকে বলেন কটু ।
 আজ করিমবক্স হাজীর, বাড়ী গিয়ে হাজির,
 তার বড় চাচা ছিল নাকি জজের নায়েব নাজির,
 আর সে নিজে হচ্ছে সম্বন্ধী হেমাভুল্লা কাজীর ।

(৫)

ক'রে গুরুতর ভোজন, কেবল কচ্ছিলেন হাই মোচন,
 নল একটা মুখে দিয়ে দীর্ঘ ছুঁতিন যোজন,
 আর পাখা নিয়ে ছুঁড়িতে হাজী কচ্ছিলেন ব্যজন ।
 ধরা কাঁপাতে কাঁপাতে, আর হাঁপাতে হাঁপাতে,
 (হোঁচোট খেয়ে বড্ড ব্যথা লেগেছে বাঁ পা'তে),
 প্রবেশিলেন দস্তনন্দন যেন এক "হাবাতে" ।

(৬)

হঠাৎ গৃহমধ্যে বুঝে দস্তজীর সস্তা,
 চম্কে উঠে বলে হাজী, "একি বাবুজী, কস্তা,
 আদাব ! ব্যাপারটা কি ? খেপে উঠলেন নাকি ?
 পায়ে মণটেক ধুলো, আর এই ছপুরে রোদ,
 এমন সময় হাজির স্বয়ং হজরত খোদ ।"
 দিয়ে প্রতিসেলাম, দস্ত বলেন, "গেলাম,
 (হার) মিউনিসিপালিটির বন্দোবস্তে কতই হোঁচট খেলাম,
 বাপ'রে কি রাস্তা, একেবারে নাস্তা-
 নাবুদ হ'য়ে গেছি এমনি পচা সড়ক,
 কাঁ কাঁ ক'রে ঘুরছে মাথা, উঠেছি যেন চড়ক ।"

(৭)

ক্রমে হাঁপ ছেড়ে, আসল কথা পেড়ে,
 (আগে) বল্লেন, “হাজি সাহেব, আপনার দাড়িটি বেড়ে,”
 আর যদিও পেয়েছি খবর, হাজী বেজাই জ্বর
 কালো, কিন্তু দস্ত তখন দেখেন চসমা দিয়ে,
 নিভাজ ছুধে আলতা, কালো রংটা কেটে গিয়ে ।

(৮)

(তার পর) বেশ ধীরে ধীরে, ওস্তাদি ফিকিরে,
 আপন উদ্দেশ্য দিলেন বুঝিয়ে হাজীরে ।
 অর্থাৎ এই ত কথা মোট, যে ক’রে সবাই জোট,
 দস্তজীর কমিসনারীতে দিতে হ’চ্ছে ভোট ।
 হাজী একটু বল্লেনই, একটু চেষ্টা কল্লেনই,
 হয়ে যাবে,—এই দশমুদ্রা হাজীর জল খেতে ;
 (হাজী) হাশ্বমুখে চাক্তি ক’টি নিলেন হাত পেতে ।

(৯)

তখন হেসে বলেন হাজী, “বাবু, আমি ত খুব রাজি,
 আপনার লাগি ভোট সংগ্রহে বেরোবো আমি আজই,
 করবেন নাক’ চিন্তে, আমায় পারেননি চিন্তে,
 আরে খোদাতালা, আপনার সাথে করে পাল্লা ?
 দেখবেন কাল সভাতে কি কাণ্ড করেন আল্লা,
 আর ছপুর রোদে বাড়ী বাড়ী করবেন নাক হুলা ।”

(১০)

যদিও শুনে হাজীর কথা কতকটা কম্পায়েয় ব্যথা,
 দস্তনন্দন, হলেন না নিঃসন্দ সর্বথা ।
 ওখান থেকে উঠে পাড়ার সকল বাড়ী খুঁটে,
 পায়ে ধুলো গায়ে ঘর্ষ বেড়ান দ্রুত ছুটে ।

(১১)

তিলি পুত্র নফরা, আর হাড়ীর নন্দন গোবরা,
 পুলিন ঘোষ, আর মিছু তাঁতী, নদেরচাঁদ কুমোর,
 জয়চন্দ্র সাহা, আর কলুপুত্র উমোর,
 বড়বিশু চামার, আর ঝাড়ুলাল কামার,
 আরো কত আছে তত মনে নাইক আমার ।

(১২)

বাড়ী বাড়ী গিয়ে, দত্ত প্রবোধিয়ে,
 আরো তাদের দেন আপন উদ্দেশ্য বুঝিয়ে,
 পরে বলেন, “কাল্কে হবে মন্ত একটা সভা,
 গিয়ে ‘আমরা দত্তজিকে চাই’ এই কথাটি কবা ;
 তোমাদের পাড়ায় যে সব পথ আছে নেহাৎ বদ,
 নুতন করে বাঁধিয়ে দেবো পুরাণ করে রদ ।
 পুকুর কেটে দেবো আর দিয়ে দেবো কুয়ো,
 আর পাইখানাতে থাকবে নাক, একটুখানি —য়ো

(১৩)

পরদিন হ’ল সভা, কি কব তার শোভা,
 পুঁথি বাড়ে, পাঠক ম’শার সঙ্গে করি রফা,
 নানা রকম মানুষ আর নানা রকম জাতি,
 নানা রকম কাপড় চোপড় নানা রকম ছাতি,
 নানা রকম মাথা আর নানা রকম কথা,
 নানা রকম গণ্ডগোল ; এই সকলের সমষ্টি,
 অর্থাৎ যোগফলে, হ’ল সে মহতী সভার সৃষ্টি ।

(১৭)

এক কোনে হাজী সাহেব বসে তামাক খাচ্ছেন,
 আর উৎকণ্ঠিত দস্ত প্রভুর বদন পানে চাচ্ছেন ।
 অমনি একমুখে সবাই বল্লে, “হাজী সাহেবকে চাই,”
 দস্তপুত্রের নাম গন্ধ কারও মুখে নাই ।
 শুনে ত দস্তজি, ভাবেন প্রাণ ত্যজি ;
 “মজ্জাগেলে ব্যাটা আজি, বিশ্বাসঘাতক, নচ্ছার ।
 আর নয়—কি সর্বনাশ ! পালাই শীগ্গির পথ ছাড় !”

(১৫)

হাজী বলেন, “কোথা যান, আরে শুহুন দস্ত মশাই,
 আপনার মত বুদ্ধিমানের এমনিতির দশাই ।”
 দস্ত বলেন, “হাজি, তুমি অতি পাজি,
 টাকা দশটা না দিলে প্রাণটা যাবে আজই ।”
 ঘুষোঘুষির আকার দেখে প’ড়ে মাঝামাঝি,
 সবাই দেয় থামিয়ে, দস্তকে দেয় নামিয়ে,
 সিঁড়ি দিয়ে এই মাত্র খবর পেলাম আমি এ !

স্কেন্দ্রানী-জীবন

টাকাটি ভাঙ্গলে, ছ’দণ্ডের বেশী
 পয়সা বাঞ্ছে থাকে না ;
 মাসের দোসরা, মুদি ও কাপুড়ে
 আধলাটি বাকি রাখে না
 সপ্তাহ গত না হ’তেই, যায়
 মাইনেটি সোজা উড়িয়া ;
 আর চিৎ হাত কেহ উপুড় করে না,
 মরি যদি মাথা খুঁড়িয়া ।

আর ক'টা দিন মাসের যা থাকে
 চালাইতে হয় বাকিতে ;
 ছনিয়ার মধু-জুকুটি দেখিয়া
 জল আসে পোড়া আঁখিতে ।
 এ মাসে গোয়লা শোধ হ'ল নাকো
 দিব এই মাস কাবারে,
 গোয়লা বলিছে, “তা কি হয়, বাবু ?
 অত দেরৌ, ওরে বাবারে ।”

কলু বলে, “বাবু, তেলের দামটা
 চুকাইয়া দিলে হয় না ?”
 স্নাকরা বলিছে, “টাকা নাই, তবে
 কেন মাগ্ চায় গয়না ?”
 উর্ধ্ব-সপ্তপুরুষের মুখে
 দিয়া নানাবিধ খাও,
 সেই ক'রে যায় পিতৃলোকের
 বিবিধ মাসিক শ্রাদ্ধ ।

জ্যেষ্ঠপুত্র বাকী ক'রে কার
 মেঠাই খেয়েছে লুকিয়ে ;
 ওঠে না সে তার সাড়ে তের আনা
 তখনি না দিলে চুকিয়ে ।
 আজকে নেহাৎ নাচার ভায়া হে
 হস্ত নেহাৎ রিক্ত ;
 সে বলে, “মেঠাই খেতে বেশ লাগে
 দাম দেওয়াটাই তিক্ত ।”

খোকায় জ্বর, সে বালি খায় না,
 ওষুধ খায় না খুকীটে,
 মারিয়া ধরিয়া খাওয়াইতে হবে
 আমারি ঘাড়ে সে ঝুঁকিটে ।
 খেটে খুটে এসে মনে মনে ভাবি
 আজকে বড় রাগবো ;
 রেতে ছুঁটো খেয়ে চক্ষু মুদেছি,
 খোকা বলে “বাবা —বো” ।

এটা ঘুমাইলে ওটা জেগে বসে,
 অকারণে জোড়ে কান্না ;
 তবু তাহাদের শাসনের হেতু
 গিন্নি খুঁজিয়া পান না ।
 বড় ছেলেটা ত প্রায়শঃ আসেন
 ইস্কুল থেকে পালিয়ে ;
 টেরিও কাটেন, সিগারেটও খান
 বাপের হাড়টি জালিয়ে ।

ষষ্ঠ শ্রেণীতে পেয়েছেন তিনি
 কায়েরমী মৌরসী পাট্টা ;
 আমার শাসন, শিক্ষকের গালি,
 সকলই তাঁহার ঠাট্টা ।
 নেহাৎ নাচার হইয়া, চড়টা
 দিলে, কি কানটা মলিলে ;
 “আহা কি নির্ভর” বলিয়া গিন্নি
 ভাসেন নয়ন মলিলে ।

মাতৃস্নেহের মাত্রা যেদিন
 বেড়ে উঠে অতিরিক্ত ;
 আখিজলে আমি ভিজি বা না ভিজি
 উপাধান হয় সিক্ত ।
 হঠাৎ যেদিন অভিমান উঠে
 রোষের মূর্তি ধরিয়া,
 ভীম উন্মিমালে উথলে
 নয়ন-সলিল দরিয়া ।

বিদ্যৎবেগে মুখের সামনে
 নাড়িয়া কোমল হস্ত,
 বলেন “আ মরি বিদ্যায় তুমি
 নিজেও পণ্ডিত মস্ত !
 তোমারি ত ছেলে, গাধার পুত্র
 বৃহস্পতি হবে না কি গো,
 তোমার বাপ্কে ফাঁকি দিয়েছিলে
 ও দেয় তোমারে ফাঁকি গো ।”

বাসার ভাড়াটি ছমাসের বাকি,
 জমিদার অসহিষ্ণু ;
 তাগাদা করিছে ছবেলা, বলিনে
 গঙ্গা, রাম কি বিষ্ণু ।
 সন্ধ্যায় ফিরি কাছারী হইতে
 খুলি কাছারীর পোষাক ;
 বাইরে আসিয়ে দেখি ব’সে আছে
 চুনি লাল দেব বসাক ।

ভামাকটি সেজে ফুড়ুং ফুড়ুং
 টানি আর জুড়ি গল্প,
 দিবসের সেই শুভ মুহূর্তে
 বেচে থাক কোটি কল্প ।
 কাছারীতে খাই সাহেবের গালি
 বাড়ীতে গিন্নি খাঙ্গা ;
 (এই) উভয় সঙ্কট মাঝে আছে এক
 পরম বন্ধু ডাকবা ।

অম্পন্ন হ'তে মেয়ে এনে দেয়
 তেল ছুন মুড়ি লক্ষা ;
 বলি, “দেব্ ভায়া, কলেরার দিনে
 লুচি খেতে হয় শঙ্কা ।
 নইলে আমার ঘরে করা লুচি
 রোজ্জ হয় জলখাবার,
 হিসেবী গিন্নি খাইয়ে খাইয়ে
 ক'রে দিলে সব কাবার ।

খাবার কষ্ট বুঝলে ভায়া হে,
 সহ্য হয় না মোটেই,
 (আর) নেহাৎ পক্ষে রোজ্জ ছ'টো টাকা
 উপরি,—বুঝলে ? জোটেই ।”
 “দেব্ বাবুদের পান এনে দাও
 যাও ত লক্ষ্মী ভেতরে ;”
 বলিয়া মেয়েকে পাঠাই, গিন্নি
 বলেন, “পাঠালে কে তোরে ?

সাত দিন হ'ল এনে দিয়েছিল
 এক পয়সার শুপুরি,
 বাইরে বসিয়া নবাবী হচ্ছে
 রোজ ছ'টো টাকা উপুরি ।
 বল্গে মায়ের হাত জোড়া আছে
 পান ত দেবার যো নেই ;”
 শুনতে পেয়েও কিছু শুনিবে
 চেপে রাখি মনে মনেই ।

দূরদেশাগত বাল্যবন্ধু
 যদি কেহ আসে বাসাতে ;
 কিছু না শুনিয়া সে অমৃতবাণী
 পারে না সে কতু পাশাতে ।
 উচ্চকণ্ঠে বলেন গিনি
 “মরণ আর কি আমার ;
 ধানের গোলা যে দিয়েছ বাড়ীতে,
 প্রচুর জ্বোত ও খামার ।

যত রাজ্যের ভবঘুরে এসে
 জোটে গো তোমার বাসায় ;
 অন্নসত্র খুলে ব'সে আছি
 স্বর্গে যাবার আশায় ।”
 শুনে ত বন্ধু এক বেলা থেকে
 ও বেলা থাকিতে চান্না ;
 “স্বাঁড়ের মতন চেঁচিও না” যেই
 বলেছি, অমনি কান্না ।

“মা গো বাবা গো দেখে যাও” ব’লে
 সটান মেজ্জেতে লম্বা ;
 সে রেতের মত হরে গেল ঐ
 আহাৰ অষ্টরম্ভা ।
 মেজ্জাজ বিগড়ে না গেলে অবশ্য
 তিনিই ছ’বেলা রাধেন ;
 (আর) “রাধ’তে রাধ’তে হাড় জ্বলে গেল”
 ব’লে মাঝে মাঝে কাঁদেন ।

“তোমাদের তবু মাঝে মাঝে আছে
 পরবে পরবে ছুটিটে ;
 আমার কামাই এক বেলা নাই
 কারো ভাত কারো রুটিটে ।”

• • •

যদি বা অনেক সাধ্য সাধনে
 ঘুমায় সখের সেনানী ;
 সুরু হয় সেই করুণ-কঠোর,
 গিন্নীর ভ্যান্ভ্যানানি ।

যদিও সংসার থেকে নিতে হয়
 সুখ ও ছুখের বখরা ;
 তবু, হা কপাল, ঘুমাইয়া পড়ি
 জবাব দিলেই ঝগড়া ।
 জেগে দেখি, আমি ঘুমিয়ে রয়েছি,
 এত কলরবে জাগিনি ;
 এখনো বাজিছে জলতরঙ্গ
 নাসিকায়,—খট্‌ রাগিণী ।

“কত দিন হ’ল দিতে চেয়েছিলে
 একটা ইহুদী মাকড়ী ;
 কতই বা দাম, তাও তো হ’ল না
 হায় রে সখের চাকরী !”

* * *

ছেলেগুলো সব স্বনামধন্য
 “মুণ্কে রঘুর বাচ্চা,”
 ডাল ভাত ধুচি রুটি তরকারি
 যত দাও তাই, “আচ্ছা” ।

দিনে রেতে হয় ভোজন তাঁদের
 গড়ে অন্ততঃ চারবার ;
 এই কারবারে জেরবার ক’রে
 ফিকির ক’রেছে মারবার ।
 হাতে পায়ে কিছু ছোট বড়, কিন্তু
 উদর-গহ্বরে সমতা ;
 গরীব নাচার বাবা ব’লে, নাই
 ভোজনের বেলা মমতা ।

পুত্রগণের ঔদরিকতা
 পিতার জীবনচরিতে
 যদিও একটু কেমন দেখায়,
 লিখিতে কিম্বা পড়িতে ।
 কিন্তু তোমরা এতটা পড়িয়া
 বুঝিতে পারনি পাঠক,

(যে) এখন আমার থাকিবার স্থান
 সটান পাগ্‌লা ফাটক ?

ঋশুর কিম্বা ভগিনীর পতি

কেহ নাই মোর আপিসে ;

নিজের কিম্বা পিতার শ্যালক,

না খুড়ো, না জ্যাঠা, না পিসে ।

সুতরাং আর motion দিবে কে ?

inertiar law জানো ?

(আর) নিজেরো একটু tact থাকা চাই

কর্তৃনিচয় ভজানো ।

নতুবা যেখানে আছ, র'য়ে গেলে,—

পাহাড় কিম্বা বৃক্ষ ;

চরণের নীচে সব মাটি, আর

উপরে অস্তরীক্ষ ।

এত গিরি তুমি চূর্ণ করেছ,

“কেরাণীগিরি”টে রাখিবে ?

হে বিধি, তোমার শক্তির সুযশে,

কলঙ্কের কালী মাখিবে ?

আমাদের দেশ

বুকের পাশে বাহু গুটিয়ে ঝাঁকড়া চুলটি নেড়ে,

কড়মড়িয়ে দস্তপাতি আর মালকোচ্ছা মেরে ;

কিষণ সিং তো মাগ্নে তিনটে তের গজি লক্ষ,

ব্যাপার শক্ত দেখে হ'ল সবাবি হ্রৎকম্প ।

কিষণ বলে, “কাহাইয়ারে, কুস্তি লড়ি আও”;

কানাই বলে, “হেরে যাব”, সবাই বলে, “যাও”

ভারপর কানাই যখন সিংহের চুলের মুঠো ধ'রে,
 ধপাস্ ক'রে ফেলে, বসুলো বুকের উপর চ'ড়ে ;
 সিংহ বলে, “বাত শুনুরে, জল্দি ছোড়দে ভাই ;
 আগাড়ি হাম বোলা ঘরমে ভাগ যাবে কানাই ।”
 কানাই বলে, “সিপাই দাদা জপ ইষ্ট নাম,”
 সিংহ বলে, “কভি সেকোগে নেই—ছোড়দে রাম ।”

“গবাদি ও কুকুটমাংস-দর্শন-স্পর্শন-স্রাণ-
 পাচন-ভোজন-নিবারণী” সভায়, নির্ভাবানু
 যত আর্কফলা জুটে একদিন তুল্লেন বেজায় তর্ক,
 কি কি দোষে শাস্ত্রছষ্ট বন্য-কুকুটবর্গ ।
 আর তারি সঙ্গে সুপ্রাসঙ্গিক প্রশ্ন উঠলো ঠেলে,
 পোড়াবে কি পুতে রাখ্বে পাঁচবছরের ছেলে ।
 স্মৃতি-কিরোটোজ্জ্বল মাণিক্যোপাধিক জনৈক স্মার্ত,
 সিদ্ধাস্তরূপ সমরক্ষেত্রে গাণ্ডীবধারী পার্শ্ব,
 বীরদর্পে সভা কাঁপিয়ে হইলেন সভাস্থ,
 কিস্ত ঘনরাম শর্ম্মার শিষ্যের কাছে বিচারে পরাস্ত ।
 হাসির আধিক্য দেখে মাণিক্য তাতেই দিলেন যোগ,
 “আমার সঙ্গে শিশুর বিচার—হা হা কর্ম্মভোগ !”

নিবারণ চন্দ্র মাইতি Public Speechএ ধুরন্ধর,
 মর্ত্য্য-স্বর্গে মানব-দেবের মধ্যে পুরন্দর,
 “এম্-এ, বি-এল্, এ ডবল এস্” উপাধি মণ্ডিত,
 হাল আইনের সিডিসনের ধারাতে দণ্ডিত ।
 একদা এক রাজনৈতিক সভার মধ্যস্থলে
 দাঁড়ালেন, বক্তৃতার বিষয় “যৌবন করে বলে” ।
 “Gentleman and Friends” ব'লে অমুনি গেল আটকে,
 বক্তাকে কেউ দিলে যেন হঠাৎ কাঁসী কাঠে লটকে ।

'Hear Hear' cheers, clapping উঠলো হাসির রোল,
 চতুর্দিকে প'ড়ে গেল সে বক্তৃতার ঢোল ।
 বাড়ী গিয়ে গিন্নীর কাছে বলেন মাইতি হেসে,
 আজকের যেমন brilliant success এমন হয়নি এদেশে

ব্রাহ্মণ শপ্তিত বিদ্যায় *

কোনও কথা ভায়া, মুখের উপর সাহস হয় না বলিতে,
 সন্ত্রম রেখে চলা ভারি দায়, এই হতভাগা কলিতে ।
 সহিতে না পেরে ছ'একটা কথা, কদাচিৎ লিখি কাগজে,
 নলিন নয়ন বুলায়ে তাও তো পড়না, শুনেই রাগো যে ।
 যে কথাটা ভায়া, আমরা বলিলে মুখ খিঁচে বল, 'তিন্দু',
 সে কথাটি যদি এদেশের কোনও হোমরা চোমরা লিখিত,
 মিষ্টতা তার বেড়ে যেত কত, আশ্বাদ হ'ত মধুর,
 কজন তোমরা হিতকথা শোন রাম, শ্যাম, হরি, যত্ন ?
 কি কি পড়া আছে ন্যায়বাগীশের খবর নিলে না মোটে,
 ছেঁড়া চটি পায়, নামাবলী গায়, টিকি দেখে গেলে চ'টে ।

সে যে তোমা হ'তে কত মিতাচারী, সংঘমী সে যে কতটা,
 সে যে তোমা হ'তে তত বোকা নয়, তুমি মনে কর যতটা ;
 বিলাসিতা তারে মজায়নি, কত সামান্য অভাব,
 একটি পয়সা দাও না তাহারে, তুমি তো মন্ত নবাব !
 কথাটি বলিলে খেঁকী মেরে ওঠ, যেন এক ক্ষেপাকুকুর,
 "দোসরা যায়গা দেখে নাও, হেথা কিছু হবেনা ঠাকুর ।"

* মৃত্যু ঘটনা অবগতনে লিখিত ।

সে যে বলে গেল কি সব হেতুতে হিন্দুর ধর্ম শ্রেষ্ঠ,
কোনত অপরাধ করেনি তো তারা হিন্দুর পুরাণে ‘কেষ্ট’ ।
ভাল বলিলেই কিছু দিতে হয়, অতএব সব প্রলাপ,
ঐ মধুময় ধমকানি খেয়ে পাছে হয় তার জ্বালাপ,
থত-মত খেয়ে কাঁপিতে কাঁপিতে পলাইয়া বাঁচে ব্রাহ্মণ ;
পথে গিয়াভাবে, “এতবড় নাম, রায় বাহাদুর রাম-মো’ন” !

ভারতের ভবিষ্যৎ সমস্যা

সম্পাদক ভায়া !

সব ‘ভূত’গুলো যদি নিজের মতন ঠিক দেখি,
তবে হয় শাস্ত্রমেনে চলা,
আমি অহিফেনসেবী, ‘ছনিয়ায় সব নেশাখোর’,
বলিলেও টিপে ধরে গলা ।
অহিফেনাভাবে যদি আমার স্বভাব নষ্ট হয়,
লই তব গোচর্ম পাছকা,
তবে আমি চোর, আর তোমাকেও যদি তাই বলি,
তুমি পৃষ্ঠে বসাইবে ছ’ঘা ।

সর্ব্বভূতে আত্মদৃষ্টি স্মতরাং হয় না সুবিধে,
নিজের বিপদ তাতে বাড়ে,
আমি চোর, তুমি চোর, রাম, শ্যাম, যছ, হরি চোর,
বলিলে কি তারা মোরে ছাড়ে ?
ভেবে দেখ, সম্পাদক, (তোমরা তো বহুদর্শী খুব)
নিজে দোষী, নাহি কোনও জ্বালা,
“সেই দোষ অপরেও বর্তমান” বলা মাত্র, দাদা,
প্রত্যুত্তরে কি পাইব ?— “—” !

সুতরাং চক্ষু মুদে বা খুসীতে অহিফেন খাই,
 ছুনিয়ায় যা হইতেছে হোক ;
 রাজ্যের খবর দিয়ে তোমরাই শাস্তি ভঙ্গ কর,
 তোমরাই অনিষ্টকারী লোক ।
 ভারতের বর্তমান, গোলমেলে রকম হেঁয়ালী,
 জটিল ও হুর্কোষ্য, স্বীকার্য্য ;
 একথাও ঠিক বটে, ছ'চারটে চোরামা'র শুধু,
 বাধা দেয় ভবিষ্যের কার্য্য ।

ও পথটা ভাল নয়, এ ত ভায়া সকলেই জানে,
 ওটা নষ্টবুদ্ধির লক্ষণ,
 যেটুকু লাভের গুড়, ক্ষেপা দল ওটা থেকে চায়,
 পিপীড়ায় করে তা' ভক্ষণ ।
 স্থির ধীর চিন্তে যারা, দেশের কল্যাণ বাঞ্ছা করে,
 উষ্ণ নয়, মাথা খুব ঠাণ্ডা,
 তারা বলিতেছে 'ওই চোরা মার করিবে প্রসব,
 তুরঙ্গের বড় বড় আগা ।'

এটা বেশ স্পষ্ট কথা, ক্ষেপাদল চেনে নাই পথ,
 ধাম্খা করিছে জীবক্ষয়,
 শীতল মস্তিষ্ক ভেদি' দেখা দিল যে সব প্রবন্ধ,
 সকলেই এক কথা কয় ।
 কিন্তু ভায়া পথ কোথা, একথা বলেনা পণ্ডিতেরা,
 কোন্ পথে গেলে ভাল হবে,
 প্রবন্ধ জন্মার পূর্বের সমস্যা যেমন শক্ত ছিল,
 তেমনি রহিয়া গেছে ভবে ।

আফিম প্রসাদে আমি, সদগুরু কমলাকান্ত দেবে,
 হৃদে আমি করিয়া বরণ,
 এ পথের পাইয়াছি সম্যক্ ও সুস্পষ্ট সন্ধান,
 যুচে গেছে অন্ধ আবরণ ।
 তবে কিনা, সে পথটা তোমরা ভাবছি খুব সোজা,
 সরল রেখার মত প্রায়,
 পরিষ্কার, সমতল, সুপ্রশস্ত, নিরাপদ খুব,
 চোখ বুজে চ'লে যাওয়া যায় ।

ওই স্থানে এতটুকু মতদ্বৈধ হবে মোর সনে,
 পথ ঠিক ও রকম নহে,
 পুরাতন-জটিলত্ব-পূর্ণ এই ভারতবরষ,
 পথ সোজা, কোন্ মুখ কহে ?
 দণ্ডক-খাগুব-আদি-মহারণ্য পরিপূর্ণ স্থান,
 হেথাকার সমস্তা কি সোজা ?
 সে অরণ্যে ব'লে ব'লে মুনিরা যা' লিখে গেছে, তাহা,
 চট ক'রে যায় বৃষ্টি বোঝা ?

এ দেশের পথঘাট চিরদিন জটিল দুর্গম,
 বিদেশীরা সব পথহারা,
 এসে এ গহন মাঝে, একেবারে পথ ভুলে যায়,
 দেশে আর নাহি ফিরে তারা ।
 গুরুর দণ্ডের খুলে পড়িলাম পুরাণ, সংহিতা,
 যাজ্ঞবল্ক্য, পরাশর, মনু,
 বাদার্থ, অমরকোষ, কাশীখণ্ড, চৈতন্যমঙ্গল,
 'হৃতোম' ও 'লয়লা মজহু' ।

খুঁজে খুঁজে হয়রান, ভারতের পথ-বিবরণ,
 বলে নাই কোনও গ্রন্থকার,
 তীব্রজ্ঞানালোকপূর্ণ গ্রন্থগুলি পড়িতে পড়িতে,
 দেখিতে লাগিলু অন্ধকার ।
 এমন সময়ে গুরু আবির্ভূত, অহিফেন ধূমে,
 আবরিয়া বিগ্রহ উজ্জল,
 শিশুশিক্ষা খুলে দেয়, দ্বিতীয় ভাগের য'ফলাতে,
 ভাষা তাঁর সুস্পষ্ট, সরল ।

“পাঠ্য পুঁথি পাঠ কর, জাদ্য দোষ দূর কর” ভাষা,
 “আঢ্য লোক সুখে থাকে” আর,
 এই তো আসল পথ—নব্যশিক্ষিতের মাথা হ'তে,
 মদনের মাথা পরিষ্কার ।
 ভারত মঙ্গল হেতু পথবার্তা দিলাম কহিয়া,
 হোক্ সর্বজীবের মঙ্গল,
 অহিফেন ফুরায়েছে পাঠাইও, প্রিয় সম্পাদক,
 কালিকার নাহিক সম্বল ।

সন্নকারী ওকালতীর আকর্ষণ

(অহুট্ ভ্ হনঃ)

একদা সাক্ষ্য বাতাস সেবনার্থে নদীতটে,
 চিন্তাকুল মনে পাদচারণা করিতেছিলু ।
 সহসা উকিলশ্রেণী মধ্যে এক ধুরন্ধর,
 ত্রস্তভাবে ঘরা আসি করিলা উপবেশন ।
 সিগারেট মুখে তাঁর, চসমা লোচনদ্বয়ে,
 বদনে মদিরা গন্ধ, মস্তকে টেড়ি সুন্দর ।

কহিলা, “রাখছে ভায়া স্থানীয় বারতা কিছু ?
 অথবা মারিয়া আড্ডা বৃথা যাপিছ জীবন ?”
 “আমিতো জানিনে দাদা, সম্বাদ কিছু নুতন,”
 কহিলাম মহা লাজে, মাথাটা চুলকাইয়া ।
 “তাইতো” বলিলা বন্ধু, “ভারি যে গোল বাধিল,
 দেবেস্ত্র বাবুর* স্থানে, বহাল হইবে ক’টা ?
 দরখাস্ত দিয়াছেন জগৎ বাবু, নিরঞ্জন,
 বিনোদ চৌধুরী, আর ভট্টাচার্য্য কুলোদ্ভব
 মুকুন্দ প্রেরিলা আর্জি, শ্রীগোপাল চুপে চুপে ।
 রায়োপাধিক সম্ভ্রাস্ত নামে পুরন্দর স্মৃত,
 হরিশাভয় মৈত্রের, ইত্যাদি কত বা কব !
 সবারি ভরসা হচ্ছে, কেহ্না করিব হে ফতে,
 অরাতি বদনে ভায়া, চূণ কালী দিয়া সুখে ॥
 সকলেই মনে ক’চ্ছে কে কা’কে ছাড়িয়া উঠে,
 অদৃষ্ট গগনে কার সাফল্য-রবি ভাতিবে ।
 সন্দেহ নাহি কাহারো, সম্বন্ধে স্বোপযোগিতা,
 প্রকাশ করিতে তাহা, চেষ্টার নাহিক ক্রটি ।
 প্রতিদ্বন্দ্বার কুৎসাতে, নাহি লজ্জা কিম্বা ঘৃণা,
 যে কোনো রকমে হোক না, কার্য্য-সিদ্ধি হ’লে হল ।
 কৃষ্ণ বাবু জরা বৃদ্ধ, ষাটি বর্ষ বয়ঃক্রম,
 ‘বানপ্রস্থ’ করা হচ্ছে, ব্যবস্থা তাঁর এক্ষণে ।
 পক্ষান্তরে বৃহদাবী করিতে আমি সক্ষম,
 করিয়াছি ঐ স্থানে দ্বাত্রিংশবার একটিনি ।
 বিশেষত কথা হচ্ছে, এনেছি আমি যে চিঠি
 সম্প্রতি করিতেছেন হাইকোর্টে জজীয়তি,
 স্বনামপুরুষোধন্য, শশিনাথব ঘোষজা,

* ভূতপূর্ব্ব বর্গীয় সরকারী উকিল ।

তাঁহারি শ্যালকশ্রেষ্ঠ নামে যুগেন্দ্রমোহন,
 যুগেন্দ্র পিসতৃত ভ্রাতা কুলীনব্যাঘ্র যাদব,
 তাঁহার শ্যালিকা পুত্র, বেচারাম সুপণ্ডিত,
 কেনারাম সুসম্ভ্রান্ত, বেচারামের ভায়রা,
 কটকে করিতেছেন কেরাণীগিরি চাকুরী,
 তাঁর পত্নী মহাফ্লাদে, চম্পকানুলি চালনে,
 'সোপারোস' দিয়েছেন, বল তো আর চাহি কি ?"
 এবস্থিধ প্রকারেতে—প্রকাশ্যে করি' বক্তৃতা,
 বহু অর্থব্যয়ে ভায়া, করিতেছে ছুটাছুটি ।
 কেহ বা ঘুরিছে নিত্য, সঙ্ক্যা-প্রভাত-যামিনী,
 মাজিষ্ট্রেট কুঠী, আর জজসাহেব কামরা ।
 গোবেচারী মহা খেদে ভূতলে জাহ্নু পাতিয়া,
 জিজ্ঞাসে প্রথমে, "হ্যাঃ হ্যাঃ আচ্ছা হায়, তবিরৎ হজুর ?"
 আপন স্বার্থটা হচ্ছে, এবস্থিধ মনোহর,
 সেটার সিদ্ধি উদ্দেশ্যে অকার্য্য নাই ভূতলে ।
 শাস্ত্রসিদ্ধ নহে দাদা, বিশ্বাস-স্থাপনা নূপে,
 তোয়াজে কুর্ণিসে তারা, পোষ মানে কি কক্ষণো ?
 মুখে শিষ্ট, মনে ভারি বেজায় বাবু দেখিলে,
 হাড়ে হাড়ে চ'টে থাকে, বলে গাধা মনে মনে ।
 বিনামা পড়িলে পৃষ্ঠে, স্পর্শবোধ বিবজ্জিত,
 কসিয়া মারিছে লাথি, যাচ্ছে পৃষ্ঠ জুড়াইয়া ।
 হিতোপদেশ শাস্ত্রের ক'জন মানিয়া চলে ?
 অথবা বুঝিয়া কেবা, নিবৃত্ত হইছে কবে ?
 "গুণুজ্ঞা* নিকটে যাবে দীন ভৃত্য বশস্বদ,
 একখানি পত্র দাসে, দিতে হচ্ছে দয়া ক'রে ।"

বলিয়া চরণে ধরা দিলেন আর্ঘ্য গৌরব,
 এনেছেন বৃহৎ ডালা, পকরস্তা সমন্বিত ।
 সাহেব কহিছে, “আরে এ যে ভারি বিপদ হ’ল,
 ক’জনাকে দিবো পত্র ? ক’জনা কার্য্য পাইবে ?”
 তথাপি ছাড়েনা বাবু চরণে পড়িয়া রহে,
 ‘ধর্ম্মাবতার, এ দীনে করুণা করিতে হবে !’
 স্বইচ্ছার বিরুদ্ধেতে, লেখনী ধরিল প্রভু,
 মনেতে করিল, “বাঁচি এ আপক্ষু কিয়া গেলে ।”
 শ্রীমদগুপ্তপদাস্তোজে রাখিয়া অচলা মতি,
 রিকমেণ্ডেসনে সাটিফিকেটে পূর্ণ-দপ্তর,
 চলিলেন পদপ্রার্থী, কার্য্যোদ্ধার মহাত্রতে,
 সুলগ্নে করিয়া যাত্রা দেখিয়া নব পঞ্জিকা ।
 গিন্নিকে কহিলা হাসি, “আর কি ভাবনা প্রিয়ে !
 শ্রীঅঙ্গ করিয়া দিচ্ছি, কলধৌত-বিমণ্ডিত ।
 ‘গারজীটার’ সাহেব ‘ডা’ এবং শশিমাধবে
 ধরিয়া, তৎপ্রসাদেতে চাকুরী পাইব ক্রম ।
 টি. চৌধুরীর সাহায্যে কার্য্যটা লইতে হবে,
 হরেন্দ্রনাথ সেনের কর্তব্য পাদলেহন ।”
 গগনে রচিয়া পুষ্প, স্বপনে হইয়া নৃপ,
 সহর্ষে চলিলা বাবু ব্যাজ না করিয়া পথে,
 কেহ বা প্রেরিলা ভ্রাতা, গা ঢাকা রহিয়া নিজে,
 ‘তার যে ক্যাণ্ডিডেচার, সেটা শুধু জনশ্রুতি,’
 একথা বলিয়া, ভাবে, লোকে করিল প্রত্যয়,
 স্বার্থদাস হ’লে বিদ্বান, বনে নীরেট গর্দভ ।
 জগৎ রায় কহে গুপ্তে, “নাবালক নিরঞ্জন,
 কদাপি নাহি তাহার এ কার্য্যে বহুদর্শিতা,
 বিশেষত কথা হচ্ছে, সাহেব ভালবাসেনা,

মধ্যে মধ্যে মহা গণ্ডগোল যে বাধিয়া উঠে ।
 শ্রীগোপাল মসীকৃষ্ণ, ভারি দুর্বল ও কৃশ,
 পাকা হস্ত নহে তাঁর, বিগিনারস্চ বালক ।
 বিনোদ চৌধুরী বৃদ্ধ, বসুধৈব কুটুম্বকম্,
 হট্টগোলে।ডুবে আছে, মরিতে অবকাশ কৈ ?
 বিশেষ ইংরিজী ভাষা পারেনা বলিতে দ্রুত,
 ছ'কথা বলিতে 'ব্যা, ব্যা' করে সে ছ'সহস্রটি ।
 মুকুন্দ সর্বদা তার 'কাশিকা' লইয়া রহে,
 তাহার উপরে বিপ্র দ্বিতীয়পক্ষ বিব্রত ।
 হরিশের কথা বেশী বলাটা নিষ্প্রয়োজন,
 আছে সে মদ মাৎসর্যে, সর্বদার তরে ডুবি ।
 অভয়েব কথা হচ্ছে, আছে তো উপযোগিতা,
 মধ্যে মধ্যে প'ড়ে থাকে 'লাস্বেগো' কোমরে হ'য়ে ।
 অধিকন্তু সদা আছে, প্রভুতত্ত্বের সাধনে,
 প্রবন্ধ লেখনে ভায়া, কাটিছে দিন-যামিনী ।"
 কহে, নিরঞ্জন ভ্রাতা, দিগম্বর মহোদয়,
 ক্রোধে আর্কফলা দোলে, আখিছয় সুরক্তিম,
 "হীন সূত্র জগৎ রায় কেমনে কার্য্য পাইবে,
 থাকিতে ব্রাহ্মণ শ্রেষ্ঠ সন্ধিপ্ৰাথয় কেশরী ?
 বিশেষত জগৎ বাবু চাষা সঙ্গে দিবানিশি,
 পড়িয়া কফি উত্থানে, থাকেন মাখি কর্দম ।"
 এ প্রকারে মহাদ্বন্দ্ব করিয়া গুপ্ত সন্নিধি,
 লভিয়া লুন্ধ আশ্বাস, হইলা পুনরাগত ।
 কেহ বলে, "অহে ভায়া, কন্যা বিবাহ মানসে,
 সম্বন্ধ নির্ণয়োদ্দেশে, চট্টগ্রাম গিয়াছিহু ।"
 কেহবা কহিলা, "শ্যালী পীড়িতা, বারতা শুনি,
 গিয়াছিহু ভূয়াগঞ্জ, কদলীপুর সন্নিধি ।"

কিন্তু হায়, অদৃষ্টের কি তীব্র পরিহাস এ,
 প্রদক্ষ কটু আহার করিয়া ফিরিলা সবে ।
 পরাস্ত মানিয়া গেলা বৃদ্ধের* নিকটে যুবা,
 এত যে রিকমেণ্ডেসন, চুলাতে গেল সর্ব্বথা ।
 ঘুচিয়া গিয়াছে দাদা স্বপনের নৃপত্বটা,
 অবশেষে বিছানাতে —বারি কেবল ।”
 হাসিয়া বলিলা বন্ধু, “দেখগে বারমণ্ডপে,
 প্রত্যেকে করিয়া আছে, সুগোল কি প্রকাণ্ড ‘হা’ ।”

* বৃদ্ধ কৃষ্ণবাবু অস্বাচিতভাবে ঐ চাকরি পাইলেন ।

PHYSIOGNOMY

(১)

কুস্তলহীন টাঁদির উপরে,
 পড়িয়া solar rays,
 Convex mirrorএর মত, যদি
 দেয় অপূর্ব্ব glaze,
 আর, কেন্দ্রস্থানে রহে যদি তার
 পুষ্ট টিকির গুচ্ছ,
 জানিবে, তাহার তর্ক শাস্ত্রে,
 আসন অতীব উচ্চ ।

(২)

নাতিলম্বিত কোঁকড়ান কেশ,
 প্রচুর ও সুবিন্যস্ত,

দিনে রেতে প্রায় দ্বাদশ ঘণ্টা
 চুলটি নিয়েই ব্যস্ত,
 ছোট কথা কয়, কম হাসে, আর
 নিরীহের মত থাকে,
 অন্য দেশে না হোক, বঙ্গ-
 কবি ব'লে জেনো তাকে ।

(৩)

সেই কৌকড়া কেশভার, হ'লে
 তৈলবিহীন কটা,
 কাঠের চিরুনি গোঁজা তায়, খায়
 ডাল রুটি ও পরটা,
 চুপ্টি করিয়া বসিয়া থাকে সে,
 ছয়ারে নাগরা-প্রিয়,
 'হুম্মান সিংহ'—হাতুয়া রাজার
 দারোয়ান, জেনে নিয়ো ।

(৪)

বাড়ীর ভিতরে দৃষ্টিটা কম,
 বাইরে ফরাস খাসা,
 বাজারেতে ধার, চিন্তাবিহীন,
 চলে খুব ভাস-পাশা,
 বোল চলে পটু, মনে যাহা থাক্,
 হাসিটি দেখায় বাইরে,
 পেটের কথাটি বলে না ; আইন-
 ব্যবসায়ী, জেনো ভাইরে !

(৫)

অতি সংগোপনে, সন্ধ্যায় প্রভাতে
 কলাপ লাগায় চূলে,
 নিৰ্জ্বনে বসি' রোজ্জ সাফ্ করে
 লাগান দস্ত খুলে,
 বিরল-কুস্তল শির, তাতে টেড়ি,
 রসিক, এয়ার অতি,
 কোষ্ঠি না দেখে, ব'লে দেওয়া যায়,
 'দ্বিতীয় পক্ষের পতি' ।

(৬)

তুলসীর মোটা মালাটি গলায়,
 কামানো মাথায় টিকি,
 'হরি নাম' ছাপ সমস্ত শরীরে
 করিতেছে ঝিকিমিকি,
 "অহিংসা পরম ধর্ম" মুখে কন,
 বিশ্বের অহিত মনে,
 মাছ-মাংস-খাওয়া পরম বৈষ্ণব,
 ঠিক বলে দিহু, গণে ।

পরিণয়-মঙ্গল

২

বৎসে !

এ নিখিল রচনার প্রথম প্রভাতে,
করুণ-নয়ন-কোণে হেরিলেন রাজ-
অধিরাজ, মঙ্গল-চরণ-চূষী, মুক্ত-
অনাহত শক্তির বিকাশ, সুবিমল-
শাস্ত্র-জ্যোতিবিভাসিত বিশ্ব সুশোভন ;
অনন্ত-শৃঙ্খলাময়, শক্তি আর জড়ে
অবিচ্ছিন্ন মিলনের অভিব্যক্তি ; সীমা-
শূন্য আকাশের কোলে, নিমেষে উঠিল
মহামিলনের জয়ধ্বনি ; প্রতি অণু
ছুটিল প্রবল বেগে অণুর সন্ধানে,
বিশ্বপ্রেমিকের প্রেমকণা বক্ষে ধরি,
উন্মত্ত নিয়মবদ্ধ ;—গ্রহ হ'তে গ্রহে
ছাইল অসীম শূন্য ; পৃথিবী পড়িল
বাঁধা সূর্য্য সনে, অচ্ছেদ্য বন্ধনে ; শশী
স্নিগ্ধ প্রেমালোক উপহার ল'য়ে হর্ষে
ডালি দিল পৃথিবীরে, বদ্ধ প্রেমপাশে ।
ছুটিল তটিনী সিন্ধুপানে তীব্রপ্রেম-
ব্যাকুলতা লয়ে বক্ষে ; অনল অনিলে
হ'ল সুমঙ্গল সস্বন্ধ স্থাপিত ; চাঁদ
হেরি উড়িল চকোর সুধা-আশে, রবি-
করে হাসিল কমল । করুণা-রূপিণী
মুক্তিমতী, প্রসূতি, সন্তানে কি আবেগে
চাপিল কোমল বক্ষে ; মর্মে মর্মে তার
অনিরোধ স্নেহ-উৎস হ'ল উৎসারিত ।

প্রেমের বিজয় মাল্য, শ্রীতিভক্তিভরে
 দিল সতী পরাইয়া স্বামীদেবতার
 কণ্ঠদেশে ; বিকাইয়া শ্রীচরণতলে,
 জানাইল স্তব্ধতার গভীর ভাষায়,
 অসঙ্কোচে, অবিতর্কে আত্মবলিদান,
 প্রেমদেবতায় পুণ্যবেদীসম্মিধানে ।

যে প্রেম দিতেছে শিক্ষা নিখিল সংসার
 জীবের মঙ্গল হেতু, যুগান্তর
 হ'তে, সুস্পষ্ট নীরব কণ্ঠে, শুন বৎসে,
 তাই শিখে নিতে হবে ; সেই বিশ্বপ্রেম
 গ্রন্থ-অধ্যয়নব্রত আজি কর মা ধারণ ;
 স্বামী মহাগুরু, হের বৎসে, কর তাঁর
 শিষ্যত্ব স্বীকার ; বুঝ ভাল ক'রে
 গৃহীর এ ব্রহ্মচর্য্য ; দৃঢ় সাধনায়,
 প্রবল বিশ্বাসে, স্বামীদেবতার, কর
 নিদেশ পালন, তাঁর জ্ঞান-উপদেশ,
 গুরুশিষ্য-শ্রীতি-সম্মিলন ফলে, ল'য়ে
 যাবে সালোক্য মুক্তির দেশে ; শোক, হঃখ,
 তাপ, ধরণীর ধূলা সনে পড়ে র'বে ।
 তুমি যাবে মুক্ত, বুদ্ধ, শুদ্ধ, অনাবিল
 চিন্তা লয়ে, মহামিলনের যশোগানে
 বিভোর, সে প্রেমময় চিদানন্দ পদে
 করিবারে আত্মসমর্পণ ; হে কল্যাণি,
 এ নহে দৈহিক ক্রিয়া, চিরবিনশ্বর
 বিলাসলালসাতৃপ্তি, এ নহে ক্লণিক
 মোহের বিজলিপ্রভা, নহে কড়ু মুখ-
 হঃখময় হৃদিনের হরষ ক্রন্দন,
 প্রভাতে উদয় যার, সন্ধ্যায় বিলয় ।

সখা !

হেথা, স্থূল আসি' মিশে স্থূলে, অণু মিশে অণুতে,
হৃদয়ে হৃদয় মিশে, তনু মিশে তনুতে ।
কুমুদিনী চাহে চাঁদ, চাঁদ চাহে যামিনী,
কমলিনী চাহে রবি, মেঘ চাহে দামিনী ।

মিলন-সঙ্গীত-ভরা মধুর এ ধরাধাম,
জীবনের লক্ষ্য মুক্তি, মহামিলনের নাম ।
সেই মিলনের মূলে, মধুর মিলন আজ,
এ মিলনে ল'য়ে যাবে সেই মিলনের মাঝ ।

তাই লইতেছি বরি', এ যামিনী মধুরে,
মহামিলনের যাত্রী, নব-বর-বধুরে ।
ধরার বন্ধুরপথে রুধিরাক্ত চরণে,
বসিয়া ডাকিবে যবে শ্রান্তিহুখহরণে,

নিরাশা আসিবে ধীরে বলহীন হৃদয়ে,
অভিশাপ দিবে, সখা, হতবিধি নিদয়ে ;
শিশুশক্তি সাথে থাকি', দিবে বল, ভরসা ;
কঠিন-ধরণী, সখা, ক'রে দিবে সরসা ।

জীবনের নব পাস্থ ! সাথে নিয়ে উহারে,
ওই নিয়ে যাবে তোমা, স্বরণের ছয়ারে ।
সাথীরে ক'র না হেলা, করিও না অযতন ;
ওর ছুখে ছুখী হ'য়ো, বলিও না কুবচন ।

হইবে দক্ষিণহস্ত, এ জীবন আহবে,
 দেবালীষে এ জীবনে অমঙ্গল না হবে ।
 কুশল-বাসনা-মাথা, ধর, দীন-উপহার,
 জীবনের শেষ বেলা হ'তে পারে উপকার ।

৩

বৎসে !

নির্মল মধুর নিশীথিনী,
 আজ তব শুভ পরিণয়,
 শশধর এনেছে কোঁমুদী,
 ফুলমধু এনেছে মলয় ;

হাসি মুখে এনেছে কুসুম,
 সুপবিত্র সুষমাসৌরভ ;
 কোটি, দীপ্ত, সুমঙ্গল গ্রহ,
 আনিয়াছে আলোক-গৌরব ;

যার আছে যেটুকু সম্পদ,
 তাই সে এনেছে তোর তরে ;
 মৃন্তিমতী প্রকৃতি জননী,
 দাঁড়াইল উৎসব-বাসরে ;

আমি আজ কি দিব তোমারে,
 সুচরিতে ! নয়নের মনি ;
 ছটি কথা কবিতায় গাঁথা,
 শুভদিনে শুভালীষ ধ্বনি ।

বুদ্ধিমতী সরলা বালিকা,
 পারিজাত-পরিমল-রাশি,
 আলো ক'রে ছিল গৃহাঙ্গন,
 তোর ঐ শাস্ত শুভ্র হাসি ।

কোন শুভ-লগনে ধরায়,
 ফুটেছিল স্বরগের ফুল ;
 ছড়াইয়া শ্রীতি-পরিমল,
 করেছিলি হৃদয় আকুল ;

আজ তোর জন্ম-বৃন্ত হ'তে
 তুলে নিয়ে যাবে মা কোথায়,
 মনে হয় বৃন্ত-চ্যুত ফুল
 স্নেহবারি পেলেও শুকায় ।

পুষ্পহারা বৃন্তের মতন,
 সে নিকুঞ্জ রহিবে পড়িয়া ;
 বিফল আগ্রহ ল'য়ে স্নেহ,
 নিরাশায় পড়িবে ঝরিয়া ;

তবু এ যে নিয়তির লেখা,
 ছেড়ে যেতে হবে পিতৃবাস,
 আমাদের কথা ভেবে যেন,
 ফেলোনা, মা, ছথের নিঃশ্বাস !

রমণীর পতিই দেবতা,
 পতিগৃহ অনন্ত আশ্রয় ;
 প্রেমময় বিধাতার বরে,
 শুভ হোক নব পরিচয় ।

সদানন্দময়ী মা আমার,
 মুখশাস্তি নিয়ে যাও সাথে ;
 সোণা হ'য়ে ওঠে যেন সব,
 ও সোণার হাত দিবে যাতে ।

ভক্তি প্রীতি সরলতা দিয়া,
 আপনার ক'রে নিও সবে ;
 হেথাকার নাম ঘুচে যেন,
 “লক্ষ্মী-বউ” নাম রটে ভবে ।

অবিতর্কে করিবে সর্বদা,
 গুরুজন নিদেশ পালন ;
 মিষ্টভাষে তুষিবে সকলে
 করিবে মধুর আলাপন ।

গৃহকার্য্য জান, মা, সকলি,
 তবু না করিও অহঙ্কার,
 রমণীর সগর্ব্ব বচন,
 জ্যোতিঃ মাঝে আনে অন্ধকার ;

প্রীতি রাখ নয়নের কোণে,
 হৃদয়ে যতনে রাখ লাজ ;
 স্বর্ণভূষা তুচ্ছ তার কাছে,
 আছে যার সরমের সাজ ;

লক্ষ্য করি স্বামীর চরণ,
 চালাইবে জীবন-তরণী,
 ওই ক্রবতারা পানে চাহি,
 লক্ষ্য ভ্রষ্ট হয় না রমণী ।

শুখে ছখে, হরষে রোদনে,
 চিরসাথী, সম্পদে, বিপদে ;
 ইহ-পরকালের সহায়,
 মতি রেখ, তাঁহার শ্রীপদে ;

কথাগুলি গেঁথে রাখ প্রাণে,
 কোন মতে নাহি হয় ভুল ।
 উথলিয়া উঠিবে সম্পদ,
 কখনো হবেনা অপ্রভুল ।

শিরে ধর স্নেহ আশীর্বাদ,
 বিদায়ের অশ্রুজলমাখা,
 সিন্দূর অঙ্কয় হোক মাখে,
 আজীবন হাতে রোক পাখা ।

৪

মা !

শৈশবের মোহ অন্ধকার
 ঘুচে তোর হোক সুপ্রভাত ;
 পরাইয়া পরিণয়-হার
 ক'রে যাব শুভ আশীর্ব্বাদ ।

জন্মিয়াছ যে পবিত্র ভূমে
 সে ভারতে শত দেবনারী,
 রেখে গেছে পুত পদ-রেখা,
 সতীত্বের বিভূতি বিস্তারি' ।

রমণীর অসীম আশ্রয়
 একমাত্র পতির চরণ,
 সুপবিত্র সর্ব্ব তীর্থ সার,
 ঐ পদে জীবন মরণ ।

পথক্লেশ ক'রনা গণনা,
 চ'লে যাও লক্ষ্য করি' স্থির ;
 ঐ স্থানে পাইবে কুড়ায়ে,
 চতুর্বর্গ ফল রমণীর ।

সুনিপুণা নর্ত্তকী যেমন
 হ'য়ে গীত-তাল-লয়-বশ,
 নৃত্য করি' হেলিয়া ছলিয়া,
 স্থির রাখে মাথার কলস ;

ধনঞ্জয় অস্ত্র-পরীক্ষায়,
 দেখে নাই পাখীর শরীর ;
 নেত্রে মাত্র নেত্র ছিল তার,
 আজ্ঞা মাত্র বিধেছিল তীর ।

সে সাধন, সেই একাগ্রতা,
 সেই নির্ভা, সেই দৃঢ় পণ ;
 জাগাইয়া তোল মা জীবনে
 ধন্য হোক ভারতভুবন ।

কর্তব্যের বন্ধুর পন্থায়,
 শ্রাস্ত্র পদে চলিতে চলিতে,
 স্বামী যবে বসিয়া পড়িবে,
 নিরুদ্ভম অবসন্ন চিত্তে,

শক্তিরূপা, সদানন্দময়ি !
 তার পাশে ব'স, মা আমার ;
 বল দিও, আশা দিও প্রাণে,
 দিও সঞ্জীবনী সুধাধার ।

তুই দেহ, তুইটি জীবন,
 একত্র করিয়া দিহু আজ ;
 তুই শক্তি মিলনের ফলে,
 সিদ্ধ হোক জগত্তের কাজ ।

এ মিলন ঐহিকের নহে,
 নহে কভু দৈহিক ব্যাপার,

নহ তুমি ক্রীড়ার পুতলী,
স্বামী কণ্ঠে বিলাসের হার ।

আজিকার এ আনন্দ মা গো
সচ্চিদানন্দ লাভের সোপান,
আজিকার এ মিলন সুধু,
মুক্তি দিয়ে দিবে পরিত্রাণ ।

ভারতের কঠোর ছুদ্দিনে,
দাও শক্তি, হও তেজস্বিনী ;
লাঞ্জে যদি ম'রে থাক, মাগো,
পোহাবেনা এ ছুখ-যামিনী ।



যাও মা, নূতন দেশে, মূর্ত্তিমতী লক্ষ্মীবেশে,
ধনধান্য পূর্ণ করি তাহাদের গেহ ;
অঙ্গনে চরণ দিয়া, ভোল ফুল ফুটাইয়া,
শ্রীতি দিয়া কেড়ে লও তাহাদের স্নেহ ।
আশীর্ব্বাদ ধর মাথে, রহিবে সে সাথে সাথে,
শৈশব সঙ্গীর মত, চিন্তাবিনোদন ;
আনন্দ লইয়া যাও, আনন্দ বিলায়ে দাও,
এ ভবনে ফেলে যাও, বিষাদ, রোদন ।
যে দেশে জন্মেছ মা গো, তার ছুখে সদা জাগো,
অটুট স্বদেশ-শ্রীতি, যত্নে ধরি বুক ;
রাখিতে আপন মান, অনলে জীবন দান,
ভারতে করেছে কত দেবী হাসিমুখে ।

মহিম-মণ্ডিত শিরে, স্বদেশের পানে ফিরে,
 চাও মা গো, পদাঘাতে চূর্ণ কর পাপ ;
 দূর কর দেশ-দৈন্য, বাঁচাও স্বদেশী পণ্য,
 শোন মা ভারত-লক্ষ্মী-কাতর-বিলাপ !
 ধর জগদ্ধাত্রীবেশ, জাগিয়া জাগাও দেশ ;
 কোমল লাবণ্য মাঝে তীক্ষ্ণ তেজোরশি
 যতনে লুকায়ে রাখ ; জলদগন্তারে ডাক',
 চমকি'—উঠুক যত, নিদ্রিত বিলাসী ।
 হের ছঃস্ব শত শত, ধর পর-হিত-ব্রত,
 ক্ষুধার্গেরে অঃ দাও হইয়া অন্নদা ;
 কর পতিতের ত্রাণ, দুর্বলের শক্তিদান ;
 আ শ্রিতজনের হও বরাভয়প্রদা ।
 মা গো, শাস্তিময়ী, শুভা, পতিকূলে হও ধ্রুবা ;
 শক্তি-স্বরূপিণী হ'য়ে যাও নিজ ধরে,
 যশঃ হোক অকলঙ্ক, অক্ষয় হাতের শঙ্খ,
 সিন্দূর উজ্জ্বল হোক বিধাতার বরে ।

৬

মা !

কষ্ট ক'রে মানুষ ক'রে
 পরের হাতে দিতে হয় ;
 মেয়ের কাজ কি শক্ত, পরকে
 আপন ক'রে নিতে হয় ।

অচেনা সংসারে গিয়ে,
 চেনার মত থাকতে হবে ;

সবার কথার বাধ্য হ'য়ে,
সবারি মন রাখতে হবে ।

তাতে, মা, তুই শিশু, সেথা
গেলেই যে তোর কান্না পাবে ;
চোখের জলটি না শুকাতেই
তোর হাতে, মা, রান্না যাবে ।

মুখ দেখে, মা, কত রকম
ক'র্বে সবাই আলোচনা ;
মন্দ লোকে ব'ল্বে মন্দ,
ভালো ব'ল্বে ভালো জনা ।

ঘোমটা একটু স'রে গেলে,
ব'ল্বে “ব'য়ের সরম নাই” ;
গায়ের কাপড় স'রবে না, মা,
নূতন ব'য়ের গরম নাই ।

ব্যথা পেলে 'উছ' নাই তার,
আনন্দে সে হাসতে পারে ;
পাড়া পড়সী আর না পারুক,
কথায় কথায় শাসতে পারে ।

“এ ভাল নয়,—তা' ভাল নয়”,—
কত রকম ক'য়ে যাবে ;
আপন কাজে মন দিয়ে রো'স,
শুনতে শুনতে স'য়ে যাবে ।

সেই যে, মা, তোর আপন বাড়ী,
 তারাই, মা, তোর আপন জন ;
 তাদের ভুষ্ট ক'রতে হবে,
 ক'রতে হবে জীবন-পন ।

নিজের কষ্ট চেপে রেখে,
 তাদের কষ্ট করিস্ দূর ;
 তাদের গর্ব মাথায় রেখে,
 নিজের দর্প করিস্ চূর ।

গুরু জনের সেবা ক'রো,
 তাঁদের বাধ্য হ'য়ে থেকে ;
 তাঁদের জন্ম কষ্ট সহিতে
 সুখ আছে, মা, স'য়ে দেখো ।

“সাবান ঘসা, এসেল্ মাথা,
 কুস্তলীনে কেশটি ভরা ;
 জ্যাকেট, সেমিজ, সেফ্টি পিনে,
 দিবা রাত্রি বেশটি করা ;

‘উল্’ নিয়ে বউ ব'সে থাকে,
 ঘুরে বেড়ায়, হাসে, খায় ;
 সংসারের কাজ ভেসে গেলে,
 তার কি তাতে আসে যায় ?”

এ সব কথা কেউ না বলে,
 নিজের মাছ রাখিস্ নিজে ;

সবকে রাখিস্ মাথায় ক'রে,
সরম নিয়ে থাকিস্ নীচে ।

আমরা, মা, তোর জন্মে কাঁদি,
তুই হেসে যা তাদের ঘরে ;
মনের দ্বন্দ্ব রেখে যা, মা,
শুধু নিয়ে যা তাদের তরে ।

মিথ্যা গৌরব ভুলে গিয়ে,
ধর্মের তরে হ'স্ তৃষিতা ;
সতী লক্ষ্মী হ'স্ মা, সবে
কয়' যেন 'সাবিত্রী-সীতা' ।

৭

মা !

শ্লিষ্ট আলোকে ভরিয়া হৃদয়
এসেছিলি নব উষার মত ;
স্নেহ জাগরণে জেগেছিল প্রাণ !
কুটেছিল শ্রীতি কুম্ভ কত !

আজ তুই যাবি কোন্ পরদেশে,
আমাদের দিয়ে আঁধার রাত্তি ;
তাদের গগনে হইবে প্রভাত,
মোদের গগনে নিভিবে তাত্তি ।*

আহা, তাই হোক ; তোমার জ্যোতিতে
 ছেয়ে দাও, মাগো, তাদের দেশ ;
 ল'য়ে নবরবি—সিন্দূরের ফোঁটা,
 রেখোনা তাদের আঁধার লেশ ।

লক্ষ্মী মা আমার, তাহাদের ঘরে
 হইও অচলা লক্ষ্মীর মত ;
 এদেশের নারী সাবিত্রী ও সীতা,
 স্বামী সেবা চিরজীবন ব্রত !

সে গৃহে সম্পদ উঠুক উছলি'—
 আনন্দ উৎসব থাকুক জাগি' ;
 সবে যেন বলে “এ সুখ শাস্তি
 মঙ্গলময়ী বধুর লাগি ।”

পতিব্রতা হও, স্বশ্রী-আদরিণী,
 সুগৃহিণী হও, সবার প্রিয় ;
 চির মঙ্গল দিও তাহাদের,
 স্মৃতিটুকু সুধু মোদের দিও ।

মঙ্গল আশীষ শিরে ধর মাগো,
 আর কিবা দিবে “গরীব কাকা”
 চির স্থির হোক সীথির সিঁদূর,
 অক্ষয় হোক হাতের শাঁখা ।

৮

বৎসে !

কোমল শিরীষ কুসুমের মত
 ফুটেছিলি গৃহকুঞ্জে ;
 ভবনের শোভা হয়েছিল কত,
 সরম-সুসমা-পুঞ্জে ।
 পিতার আদর-উষারবি-করে
 ছিলি অহুদিন দীপ্ত ;
 মাতার সোহাগ-শিশির-শীকরে,
 সুকুমার তনু লিপ্ত ।
 দেবতার শুভ আরতি হইবে,
 ছিল মা তোমার পুণ্য ;
 তাই আজ তোরে তুলিয়া লইবে,
 বস্ত করিয়া শূন্য ।
 কুসুম-জন্ম হোক্ মা সফল,
 হোক্ মা পূজায় সিদ্ধি ;
 দেবানীষ ধারা সম অবিরল,
 ঝরক সুখ সমৃদ্ধি ।
 আমাদের কাছে প'ড়ে থাক্, মা গো,
 অশ্রু, বিষাদ, শ্রান্তি ;
 তাদের ভবনে সাথে নিয়ে যা গো,
 সম্পদ, সুখ, শান্তি ।
 মধুর চরিতে তোম গুরুজনে,
 হইয়া তাঁদের বাধ্য ;
 অহুগত জনে মধুর বচনে,
 তুমিবে মা যথাসাধ্য ।

ক্রবা হও পতি-কুলে ;—অবিরল
 যশঃ হোক অকলঙ্ক ;
 সিন্দূর হোক চির-উজ্জ্বল,
 অক্ষয় হোক শঙ্খা ।

৯

যে মহাশক্তির বলে
 এ নিখিল বিশ্বের সৃজন,
 এ পৃথিবী কেন্দ্র পানে
 ত্রুতি অণু করে আকর্ষণ ;

হে মহাশক্তির বলে
 জ্যোতির্ময়—রবি, শশী, তারা,
 সাধিছে আপন কাজ
 নাহি হয় নিজ লক্ষ্যহারা ;

যে মহাশক্তির বলে
 চুম্বক লৌহেরে সদা টানে,
 পর্বত শিখর হ'তে
 স্রোতস্বিনী ধায় সিঙ্ঘুপানে ;

সেই মহা আকর্ষণে
 বিধাতার অলঙ্ঘ্য বিধানে,
 অজ্ঞানিত ছুটি প্রাণ
 ছুটিছে একটি অশ্রু পানে ।

যাঁর প্রেমে চলিতেছে
 সুশৃঙ্খলে এ বিশ্বের কাজ,
 যাঁর প্রেমে ছয় ঋতু
 ঘুরে ঘুরে পরে নব সাজ ;

যাঁর প্রেম-বিন্দু পেয়ে
 ধেহু সদা বৎস পানে ধায়,
 জাহ্নবী জগত তরে
 শতধারে ধীরে বহি যায় ;

যাঁহার প্রেমের বিন্দু
 কণামাত্র জননী লভিয়া,
 পীযুষ ভাণ্ডার বহে
 সযতনে বক্ষেতে পুরিয়া,

যাঁর প্রেম স্পর্শ মাত্র
 সতী ধায় পতির চরণে,
 সে প্রেমের ছায়াস্পর্শে
 এক প্রাণ ছুটে অন্বে পানে ।

বৎস !

নূতন রাজ্যের প্রথম ছয়ারে
 আঘাত করিছ আজি,
 নব নব ভাব অন্তরে পুষিয়ে
 নূতন ভূষণে সাজি ।

যাঁহার প্রসাদে চলিছ আনন্দে
 বন্ধুর সাধনা-পথে,
 করমক্ষেত্রে সিদ্ধিদাতার
 পদধূলি লও মাথে ।

অমলা অনিন্দ্য সরলা বালিকা
 সর্ববন্দ্ব বিকায় পদে,
 ভীষণ পরাক্ষা সমুখে যাইতে
 সুখেতে জীবন নদে ।

মোমের পুতলি বালিকা-রতন ;—
 সুকৌশলে গড় তা'তে,
 আদর্শ একটি বঙ্গীয়া রমণী—
 সুগৃহিণী হয় যাতে ।

সম্পদে, বিপদে, সুখে, দুখে হেন
 ছুটি না পাইবে আর,
 ইহ পরকালে জীবনে মরণে
 তুমি মাত্র লক্ষ্য যার ।

অগ্নি, গুরু, পিতা, দেবতা, ব্রাহ্মণ
 সাক্ষী করি পেলে যারে—
 স্নেহ, দয়া, শ্রীতি, ধরম, সুনীতি
 শিখাও যতনে তারে ।

চেয়ে দেখ মা গো সমুখে তোমার
 জীবন-প্রভাত রবি,

জীবনে জীবনে মরণে মরণে
তব প্রেম চারু ছবি ।

এত কাল যেথা যে ভাবেতে ছিলে
মুছে ফেল আঁখি জলে,
নারীর ধরম করিতে সাধন
ধীর মনে এস চ'লে ।

নারীর ধরম নহে ত কেবল
আপনা লইয়ে থাকা,
বিলাসের ডালি মাথায় লইয়ে
মলিনতা পাঁকে ঢাকা ।

নারীর ধরম আপনা বিকায়ে—
স্বার্থে দিবে বলিদান,
নারীর জীবন—সংসারে দুর্লভ—
বিধাতার শ্রেষ্ঠ দান ।

২০

বাহার কটাক্ষে এই বিশ্বের উৎপত্তি, স্থিতি,
বাহার ইঞ্জিত-মাত্র নিমেষে সংহার ;
যে না হ'লে, এক পল চলেনা সংসার, সখা,
তারে বাদ দিয়ে মোরা করি এ সংসার ;
যে দিল সকল সুখ, সকল সম্পদ, শান্তি,
পিপাসার দিল জল, নিশ্বাসের বায়ু ;
মনে দিল প্রেম, ভক্তি, সন্ধিবেক, স্নেহ, দয়া,
দেহে দিল অস্থি, চর্ম, মাংস, মজ্জা, স্নায়ু ;

শারীর-মানস-শক্তি, সকলের মূলে সেই,
 সর্ব-শক্তিমান এক পরম পুরুষ ;
 সেই মূলাধারে ত্যজি', খেলি ধূলো মাটি নিয়ে,
 তগুল ত্যজিয়া মোরা ঘরে লই তুষ ।
 মুখে বলি “আছে সেই”, মনে মনে সে কথাটি
 বিশ্বাস প্রকৃত পক্ষে কারয়া নিশ্চয়,
 প্রকৃত বিশ্বাসী হ'লে, তাহার জীবন, সখা,
 হ'তে পারে কি গো এত দুঃখতাপময় ?

সে দেয় দুইটি প্রাণ পবিত্র বন্ধনে বাঁধি,
 শক্তি-যোগে হবে ব'লে জগতের কাজ ;
 সে মিলিতশাক্ত ল'য়ে, আমরা বিলাসে মজি,
 সে শক্তির অপব্যয়ে নাহি বাসি লাজ ।
 ধর্ম-সাধনের পথে সহায় ও শিষ্ট-শক্তি,
 বিলাস-পুতলী নহে, নহে ক্রীড়নক ;
 কখনো তাদের বক্ষে স্নিগ্ধ-মাতৃস্নেহ-ধারা
 সম্রমে আঘাত দিলে, জলন্ত পাবক !

বিশাল-প্রতাপ-শালী, মৃত্যু-ভয়-বিরহিত,
 প্রকাণ্ড জাতিরে ওরা নিজহাতে গড়ে ;
 দৃষ্টান্ত স্পার্টান মাতা, রাজপুতসীমন্তিনী,
 অঙ্গুলি ইঙ্গিতে যারা প্রাণ দিত জড়ে ।
 প্রবল বিশ্বাস ল'য়ে, মাথায় করিয়া ব'বে
 ঈশ্বর-প্রেরিত যত শোক-দুঃখ-তাপ ;
 দাঁড়াবে হিমাশ্বিতা, ভেজোগর্ভ-বিমণ্ডিতা,
 পদাঘাতে চূর্ণ করি ঘেঘ, হিংসা, পাপ ।

সেই শিক্ষা দিও, সখা ; ভারতের এ ছুদ্দিনে,
 ঘরে ঘরে দেখি যেন জনা, সরোজিনা ;
 জ্যাকেট, সেমিজ, মোজা পরিয়া পুতুল সেজে,
 না দাঁড়ায়, স্বাস্থ্যহীনা, ক্ষীণা, বিলাসিনী ।
 দৌহার জীবনে, সখা, ফলে যেন পূর্ণরূপে,
 এ আনন্দ-মিলনের সুমঙ্গল ফল,
 “আদর্শ দম্পতি” ব’লে, রটে যেন ভূমণ্ডলে,
 দৌহার সুযশোগীতিধারা, অবিরল !

আনন্দ উচ্ছ্বাসহীন, এ অভিনন্দন, সখা,
 উৎসবের দিনে শুষ্ক চাণক্যের নীতি,
 নাহি নৃত্য, নাহি গান, দাম্পত্য প্রেমের তান,
 গস্তীর এ উপদেশ,—কেমন কুরীতি ?
 হে পবিত্র-তীর্থ-যাত্রি ! সন্তোষে বা অসন্তোষে,
 লহ তুলি’ এ নীরস শুষ্ক উপহার ;
 পথে যবে শ্রান্তপদে, ক্লান্ত দেহে, বসে র’বে ;
 তখন পড়িয়া দেখো, পাবে উপকার ।

১১

সখা !

আনন্দের দিনে আজ, নীতিকথা ভাল নাহি লাগে,
 উদ্দাম উল্লাসে মুগ্ধ প্রাণ,
 সঙ্গীতে বিভোর যেই, সে কি কভু তর্ক মুক্তি মাগে
 সে কি বুঝে বাদার্থ-বিধান ?
 সুমধুর কাব্যমোদী, গণিত, বিজ্ঞান, নাহি চায়,
 ঘৃণা করে শুষ্ক উপদেশ ;
 চাণক্যের নীতি শ্লোক, শ্রবণে কঠোর শোনা যায়,
 আজি তাহে নাহি রসলেশ ।

তথাপি, কুশলপ্রার্থী, হিত কথা কহিবে যাচিয়া,
 না দেখিবে তব প্রীতি, রোষ,
 এ অভিনন্দন-মালা গাঁথিয়াছি—শুক ফুল দিয়া,
 গুণগ্রাহি ! না দেখিও দোষ,
 আশু-ক্লেশকর বাক্য, তিক্ত-স্বাদ ভেষজের মত,
 হিত সাধে আপনার গুণে,
 রোগীর বিরাগ দেখি, বৈতু কভু না হয় বিরত,
 রুগ্নের আপত্তি নাহি শুনে ।

ত্রিকালজ্ঞ-জিতেন্দ্রিয়-ঋষি-প্রবর্তিত পারণয়,
 সে যে, সখা, আদর্শ মিলন ;
 নাহি তাহে কাম গন্ধ, বিলাসের সোপান সে নয়,
 তার মূলে ধর্মের সাধন ।
 সারল্য-শিশির-স্নিগ্ধ সুপবিত্র কুসুমের মত,
 করিতেছে সুরভি বিস্তার ;
 এ কুসুমে দেবপূজা সর্বশাস্ত্র-বিধান সম্মত,
 রচিওনা বিলাসের-হার ।

পরিণয় 'যোগ' মাত্র, মানবের মুক্তির সাধক,
 মুক্তি, মহামিলনের নাম,
 সাধন-সহায় ঐ শিশু-হিয়া, নহে ক্রীড়নক,
 ভুলে যাও দৈহিকতা, কাম ।
 এ শুভ উৎসব অস্ত্রে, শিক্ষাভার লহ করে তুলি,
 শক্তিরূপিণীয়ে শক্তি দাও ;
 জ্যাকেট, সেমিজ দিয়া গড়িওনা বিলাস পুতলা,
 অলঙ্কার-প্রিয়তা ভুলাও ।

পাতিব্রত-পরসেবা-স্নেহ-দয়া-শ্রীতি-উপাদানে,
 করে তোল হৃদয় সুন্দর ;
 শিখাও সজ্জম রক্ষা, ভেজঃপুঞ্জ হোক অসম্মানে,
 স্নিগ্ধ জ্যোতিঃ হউক প্রথর ।
 উজ্জ্বল মহিমাঘিতা, দাঁড়াইবে জগতের মাঝে,
 বিমিশ্রিত-করুণা-প্রতাপ ;
 ধর্মের গৌরব ছটা হেরি', তুর্গ পালাইবে লাজে,
 অবিচার, বঞ্চনা, সস্তাপ ।

সৌরভ বিহীন, শুক নীরস, এ শ্রীতি উপহার,
 নাহি এতে আনন্দ-উচ্ছ্বাস ;
 তথাপি বন্ধুর দান,—হ'তে পারে পথে উপকার,
 ভীর্ণবাতী ! রাখিও বিশ্বাস ।

১২

আয় মা, ঘরের লক্ষ্মি ! আপনার ঘরে,—
 শোভা সুষমায় ভরি',
 ভবন উজ্জ্বল করি',—
 নয়নে আনু মা শাস্তি, বরাভয় করে ।
 হৃথদৈন্দ্র করি দূর,
 ধনধাত্তে ভরপুর,
 কর মা, মূতন মঞ্চ, এ শুভবাসরে ;
 স্মৃতিমতী পবিত্রতা,
 সতী, লক্ষ্মী, পতিব্রতা,
 আনন্দের হাসি যেন মঙ্গল ভিতরে,
 আয় মা, ঘরের লক্ষ্মি ! আপনার ঘরে ।

মা ছেড়ে এসেছ ব'লে, মা তুমি কেঁদনা,
 সোহাগ-ঘতন দিয়া,
 পূরে দিব শিশুহিয়া,
 মুছাব, মা, তোমর অশ্রু, মুছাব বেদনা ;
 তোমর বাড়ী তোমর ঘর,
 কেহ না রহিবে পর,
 মায়ের অভাব কিছু বুঝিতে দেব না ।
 আশীর্বাদ ধর শুভা,
 পতিকূলে হও ক্রবা,
 ধর্মশীলা হ'য়ে প্রাণে জাগাও চেতনা,—
 মা ছেড়ে এসেছ ব'লে, মা তুমি কেঁদনা ।

জননীর আশীর্বাদ লহ পাতি শির,
 শঙ্খ সিন্দুর মাগো হোক্ চিরস্থির ।

২৩

বৌদিদি,

বিয়ে ক'রে দাদা আনিবে তোমারে,
 মোরা আছি পথ চেয়ে ;
 কত ভাবিতেছি, কেমন বা হয়,
 আর এক বাড়ীর মেয়ে ;

মুখ বা কেমন, রং কি রকম,
 চাহনি কেমন তার,
 কান কত বড়, ঠোঁট লাল কি না,
 দীর্ঘ কি না কেশ-ভার

হাসি-খুসী, কিবা গম্ভীর প্রকৃতি,
 বচনে বিষ কি মধু ;
 দাদার মনের মত হয় কি না
 আগস্তক নববধু ;

তোরে দেখে, বউ, ঘুচেছে সন্দ,
 আলো করেছিস্ গেহ,
 স্বভাব, শরীর, সকলি সুন্দর,
 সুলক্ষণ-ভরা দেহ ;—

তোরে পেয়ে আজ আনন্দ ধরে না ।
 দুখ তাপ কিছু নাইরে,
 শুভদিনে লহ প্রীতি উপহার—
 কি আছে, কি দিব তাইরে !

১৪

আয় গো লক্ষ্মী আনন্দরূপিণি !
 অচলা হইয়া থাক্, মা,
 এ গৃহের যত দুঃখ দৈনন্দ
 সব দূর হ'য়ে যাক্, মা,
 আয় ঘরে আয় নয়ন পুতলি,
 এ গেহে সম্পদ উঠুক উছলি,
 শিশু হৃদয়ের সরল হরষে
 দুঃখ বিষাদ চাক্, মা ;

সৌখিন সিন্দূর হাতের শঙ্খ,
 চির অলঙ্কৃত করুক অঙ্গ,
 ঐ শ্রীতি-অরুণ উদয়ে

দুঃখ-ভিমির-রাতি পোহাক্, মা ।

২৫

সখা !

তোমার বিয়ে, সবাই বলে শুনি,
 ভেবে দেখলে সোজা ব্যাপার সে কি ?
 তুমি ভাবছ ভারি মজা ? কিন্তু,
 সুখী হয় না স্বর্গে গেলেও ঢেঁকি ।
 মনে হচ্ছে, এ এক নূতন জীবন,
 এর আশ্বাদন ক'রে দেখা যাক্ত' ;
 হয় তো তুমি পরম বৈষ্ণব নিজে,
 উনি হচ্ছেন প্রথম থেকেই শাক্ত ।

প্রথম প্রথম যখন ওঁরা আসেন,
 কচি খুকী, বোঝেন না ত কিছুই ;
 কেবল ব'সে গুম্বরে গুম্বরে কাঁদেন,
 ঘোমটা-ঢাকা মাথা ক'রে নোচুই ।
 বুদ্ধি হ'লে এম্নি দে'বে বসেন,
 এম্নি নিজের সংসার ব'লে টান্টি,
 রবাহুত কোনও বন্ধু এলে,
 চারটি খিলি করেন, চিরে পান্টি ।

নিজের জিনিষ বাক্সে তোলেন বেঁধে,
 এমনি ক'রে বজ্র-আটুনিতে,
 দেহক্রয়ে সঙ্গে নেবেন সে সব—
 এমনি গল্প করেন, পাই শুনিতে ।
 সোণাদানা, সাড়ী, জ্যাকেট, সেমিজ,
 প্রয়োজনের অভিরিক্ত ছ'খান,
 বিপদ প'ড়লে পাছে চেয়ে বসি,
 সেই ভয়ে, সব মোদের কাছে লুকান ।

তার পর যখন সম্ভান-আদির হলায়,
 সংসারটি বেশ জাঁকিয়ে ওঠে ভাইরে,
 গুণ আনতে চূণের পয়সা হয় না,
 (তবু) খোকায় মোজা, খুকীর গাউন চাইরে !
 যদি ব'ল্লে, “চুরী ক'রুব নাকি ?
 না দেখালেই নয় কি মিথ্যে জাঁকটি ?”
 অমনি চক্রে মন্দাকিনী ব'রবে,
 সিকের উপর উঠ'বে সরল নাকটি !

ছনিয়াতে—কোথায় যে কি হ'চ্ছে,
 তোমার, কি ওঁর জানবার হবেনা সময়,
 তোমার অভাব, তুমি খাচ্ছ খাবি ;
 ওঁর সূচিবাই, উনি খাচ্ছেন গোময় !
 অন্তঃপরে মেয়ের বিয়ের না'গাড়,
 মিটবে না ভাই, ব'লে রাখ'ছি আগেই ;
 'বিয়ে' শুনে ভারি খুসী হ'চ্ছ,
 (কিন্তু) কাকাল-বাক্য বাসি হলে লাগেই ।

(আবার) ঠেকতে ঠেকতে দেহতরা যদি

পৌঁছায় এসে বার্কিক্যের বন্দরে,
মধুর বাণী কতই শুন্তে পাবে,

মনে প'ড়বে বিয়ের আনন্দ রে !
কত রকম ব্যাপার যে আর আছে,

দেই যদি তার পুরো একটা লিপি,
হয় তো তুমি যিটি নিয়ে তাড়বে,

উনি তুলবেন সংমার্জনী মিষ্টি ।

কিন্তু একটা কথা যদি না কই,

অসম্পূর্ণ হয় যে প্রবন্ধটা ;

আমিও নই চিরকুমার, তাইতে

বেশ বুঝেছি বিবাহের মন্দটা ।

প্রশ্ন হ'চ্ছে, 'এমন কেন হল ?'

আমি বলি, মূলে শিক্ষার অভাব ;

বিয়ের আগে কি শেখে ঐ শিশু ?

বিয়ের পরেও বাণীর চাকরী জবাব ।

ওঁদের একটু বয়স হ'তে থাকলে,

আমরা শুরু করি সোহাগ, যত্ন ;

জ্ঞানের চর্চা চুলোয় গিয়ে, শেষে,

কোলে করেন পুত্রকন্যারত্ন ।

হ'একখানা প্রেমের পত্র লেখেন,

'কি' লিখতে, দেন 'ক'য়ে দীর্ঘ 'ঈ'কার ;

হিসেব লেখেন,—ঠিক নামাবার বেলা—

মিশ্র যোগটা জানি,—করেন স্বীকার ।

ভাল ভাল বই যদি ভাই, পড়াই,
 উপদেশ দি', ভাল ভাবে চ'লতে,
 ওদের মন যে থাকেনা সংকীর্ণ,
 প্রশস্ত হয়,—সে কথা কি ব'লতে ?
 তাইতে ব'লছি বিয়ে ক'চ্ছ, কর,
 কিন্তু ভাইরে, শিথিয়ে পড়িয়ে নিয়ো ;
 ওদের মধ্যেও ভাল মাথা আছে,
 জ্ঞানের চর্চার সুখটি ওদের দিয়ে ।

তোমরা ভাব্ছ, বিয়ের দিনে দিচ্ছি,
 কেমন ধারা বিয়ের উপহার !
 আমি ভাবছি, এ এক রকম হ'ল,
 তেতো হলেও, হবে উপকার ।
 বৌদিদি এই উপহারটি প'ড়ে,
 খাওয়াবেন যে রেঁধে কস্মিন্‌কালে,
 তোমার বাড়ী পাত্‌ব কতু পাতা,
 সে সুদিন আর হবেনা কপালে ।

সকল রসের অধিকারী হ'য়ো,
 মধুর আদি, শাস্ত, সখ্য, দাস্ত ;
 নি'রস গল্প গুটিয়ে নিয়ে চল্লাম,
 মনের সুখে তোমরা কর হাস্ত !

ଅଭୟା

তত্ত্ব সঙ্গীত

প্রার্থনা

বেহাগ—তেওরা

“দাঁড়াও আমার আঁধার আগুে”—হর

সুনাও তোমার অমৃতবাণী,
অধমে ডাকি’ চরমে আনি’ ।
সতত নিষ্ফল শত কোলাহলে,
ক্লিষ্ট শ্রুতিযুগ কত হলাহলে,

সুনাও হে ;—

সুনাও, শীতল মনো-রসায়ন,
প্রেম-সুমধুর যন্ত্র-ধানি ।
হউক সে ধনি দিক্-প্রসারিত,
মিশ্র কলরব ছাপিয়া ;
উঠুক ধরণী শিহরি’ পুলকে
কাঁপিয়া সুখে কাঁপিয়া ;

বিতরি’ এ ভবে শুভ বরাভয়,
রুগ্নে করি’, হরি, চির-নিরাময়,

সুনাও হে ;—

সুনাও, ছর্ব্বল চিত্ত, হে হরি,
তোমারি শ্রীপদ-নিকটে টানি’ ।

কান্তকবি-রচনাসম্ভার

স্রষ্টির বিশালতা

ভজন—হুব দীর্ঘ উচ্চারণ ভেদে গের

লক্ষ লক্ষ সৌর জগত
 নীল-গগন-গর্ভে ;
 তীব্র বেগ, ভীম মূর্তি,
 ভ্রমিছে মত্ত গর্বে ।
 কোটি-কোটি-তীক্ষ্ণ-উগ্র-
 অনল-পিণ্ড-তারা ;
 দৃপ্তনাদে, ঝলকে ঝলকে,
 উগরে অনল-ধারা ।
 এ বিশাল দৃশ্য, যাঁর
 প্রকটে শক্তি-বিন্দু ;
 নমি সে সর্বশক্তিমান
 চির-কারণ-সিদ্ধু !

স্রষ্টির সূক্ষ্মতা

ভজন—হুব দীর্ঘ উচ্চারণভেদে গের

স্তূপীকৃত, গগন-রহিত
 ধূলি, সিদ্ধু-কূলে ;
 কোটি কীট করিছে বাস,
 এক পুন্দ্র ধূলে ।
 কীট-দেহ-জনম-মৃত্যু,
 নিমিষে কোটি, লক্ষ ;
 সূজে হ্রঃখ, হরষ, রোষ,
 শ্রীতি, ভীতি, সখ্য ।

এই সূক্ষ্ম-কৌশল, রটে
 যীর জ্ঞান-বিন্দু ;
 নমি সে চির-প্রমাদ-শূন্য
 চিৎ-স্বরূপ-সিদ্ধ !

শাপ-স্মৃতি

(রূপক)

টোড়ি ভৈরবী—কাণ্ডমালা

বুঝি পোহাল না পাতক রজনী ;
 এই ভাবনা, বুঝি পাব না,
 সেই মোহ তিমির-হর, জ্ঞান-দিনমণি ।
 আর, মায়া-নিজাহরা হেরিব না সিদ্ধি-ঊষা,
 বৈরাগ্য-শিশির-ভরা, আনন্দ-কুসুম-ভূষা,—
 নিরমল-ওঙ্কার-বরণী ।

আমার, চলচিত্ত-চক্রবাক, আর ভক্তি-চক্রবাকী,
 কৰ্ম্মনদীর ছই পারে, করিতেছে ডাকাডাকি ;
 চির-তিমির-মজ্জিত, সহিছে চির-বিরহ,
 করুণ-বিলাপ মাত্র বহিতেছে শব্দবহ,
 পরহুখে বধিরা ধরণী ।

আমার, সাধন-বিহঙ্গ, শুয়ে বিলাস-আলস্য-নীড়ে,
 সন্দেহ-পেচক সূধু, অন্ধকারে ঘুরে ফিরে ;
 প্রবেশি' তঙ্কর-রিপু শাস্তিময়-মৰ্ম্ম-গেহে,
 লুঠে মরকত-প্রেম, অমূল্য হীরক-স্নেহে,
 (লুঠে) দয়া-মুক্তা, সন্নিবেক-মণি ।

আমার নিম্প্রভবিশ্বাস, যেন মাথিয়া কলঙ্কমসী,
 শুক্রপক্ষ দ্বিতীয়ার ক্ষৌণ-রেখ, স্নানশলী ;
 সেও অস্ত গেছে হরি ; কোটি সাধু-ইচ্ছা-ভারা,
 মোহ-মেঘ অস্তুরালে হয়েছে বিলুপ্ত, হারা,
 (স্মধু) খেলিতেছে আতঙ্ক-অশনি ।

(এই) বিভীষিকাময়ী নিশা, আমি নিরাশ্রয়, একা,
 কোথা হে বিপন্নবন্ধু ! দয়াময় ! দাও দেখা ;
 ওই ভীম-বৈতরণী-উত্তপ্ত-তরঙ্গ-বারি !
 সন্ত্রস্ত তিতীষু' ডাকে, কোথা পারের কাণ্ডারী ;
 কই নাথ, শ্রীপদতরণী ?

অনন্ত মূর্তি

ললিত—বিতার—একতারা

আমি চাহি না ওরূপ, মূর্তিকার স্তূপ,
 আমার মায়ের কভু ও মূর্তি নয় ;

কোন কুস্তকারে গ'ড়ে দিবে তারে ?
 ইঙ্গিত-মাত্র যার সৃষ্টি, স্থিতি, লয় ।

কোটি কোটি নিকলঙ্ক শরদিন্দু,
 যার মুখের লাভণ্য পেয়েছে একবিন্দু,
 নয়ন-কোণে যার কোটি সবিতার
 পূর্ণ-আবির্ভাব নিরন্তর রয় ;

শ্রীপদনথরে,—এক আকাশের নয়,—
সহস্র গগনের নক্ষত্র-নিচয় ;
প্রতি রোম-কূপে, কোটি জগৎরূপে,
মায়ের অসীম সৃষ্টি প্রতিভাত হয় !

নিখিল জগতের সমগ্র-চপলা,
স্নিগ্ধ-সমুজ্জল-প্রশান্ত-অচলা,
মোহধ্বাস্ত-নাশী, মায়ে মধুর হাসি,
অসীম-স্নেহ-দয়া-ক্ষমামৃতময় ;

সংখ্যাভীত পদে ফেরেন দ্বার দ্বার,
সংখ্যাভীত করে বিতরেণ উদ্ধার,
জীবের হৃৎথে কাঁদি', যত্নে দেন মা বাঁধি' ;
আশীর্বাদের রক্ষা-কবচ, বরাভয় ।

মিলনানন্দ

ভৈরবী—কাওয়ালী

কেড়ে লহ নয়নের আলো, পাপ-নয়ন কর অন্ধ ;
চির-যবনিকা প'ড়ে যাক্ হে, নিভে যাক্ রবি, তারা, চন্দ্র ।
হ'রে লহ শ্রবণের শক্তি, থেমে যাক্ জলদের মন্ত্র ;
সৌরভ চাহি না, বিধাতা, রুজ্জ কর হে নাসা-রঞ্জ ।
স্বাদ হয় হে, কৃপাসিদ্ধ, চাহি না ধরার মকরন্দ ;
স্পর্শ কর, হে হরি, লুপ্ত, ক'রে দাও অসাড়, নিস্পন্দ ।

(তুমি) মুক্তিমান হ'য়ে এস প্রাণে, শব্দ-স্পর্শ-রূপ-রস-গন্ধ ;
এনে দাও অভিনব চিন্ত, ভুঞ্জিতে সে মিলনানন্দ ।

মুক্তি-ক্রমিকা

'উঠগো ভক্তভঙ্গী'—হর

আকুল কাতর কণ্ঠে, প্রভু, বিশ্ব, চরণ অভিবন্দে ;
 পাপ-ভাগ সব নাশি, কর প্রাবিত চির-মকরন্দে ।
 বাঙ্কিত সাধন মুক্তি, দেহ ভক্তি, ওহে অচল শরণ, মুখ-সিঁদু !
 দেবতা গো, হের-মুখ চক্ষে, শাস্তি-নিবাস, লহ তুলি বন্ধে,
 মাগিছে কোটি তপন-শশী, মজ্জন "চির-মুখ-নীরে" গো ।
 "বন্ধন-মোক্ষ-কর হে, প্রভু, বার এ চির পথ শাস্তি ;"
 কাতরে কহে গ্রহতারা "প্রভু, দেহ চরণ তলে শাস্তি ;"
 শক্তি শতচিত শূন্যে, হতপুংগা, প্রভু, দিবেনা কি যাচিত মোক্ষ ?
 দেবতা গো..... ।

সম্বর দুঃসহ শক্তি, প্রভু, রোধ এ ঘৃণিত চক্র ;
 করহে 'নির্দেশ-শূন্য', যত, শব্দট পথ ঋজু বক্র ;
 স্তম্ভিত করহে-মুদুর্ধে, তলে, উর্ধে,
 (যত) অগণিত শশী, রবি, রুদ্রে ;
 দেবতা গো..... ।

ব্যাকুলতা

শেখার-বাড়া

নিশীথে মোক্ষের সন্ধান লীলায় প্রাণের মাঝের কাছে-
 কি-পিপাসা করিলে, বুকে, পলে পলে মুক্তি যাঁটে ।
 কিবা অব্যাহিত টাঙ্গের নদী জেঁটে গিলি পানে,
 তারে নিবারিতে পান্নের কোথায় ছেন শক্তি আছে ?

প্রভাতে যখন পাখী, নীড়ে নিজ শিশু রাখি,
 আহার সংগ্রহে ছোট্টে শুদ্ধ নগর মাঝে,
 দুর্বল শাবক ভাবে, কতক্ষণে মাকে পাবে ;
 কি তীব্র উৎকর্ষা ল'রে, আশার আশ্বাসে বাঁচে !
 সেই ব্যাকুলতা কোথায় পাব, তেমনি ক'রে মাকে চাব,
 মুখ হুঃখ ভুলে যাব, হায়রে, সে দিন কোথা আছে !
 হ'য়ে অন্ধ, হ'য়ে বধির, 'মা, মা' ব'লে হব অধীর,
 ছনয়নে বইবে রে নীর, দীনহীন কাল্পনের সাজে ।

ললী—কাওয়ালী

আমায় অভাবে রেখেছ সদা, হারি হে,
 পাছে, অলস অবশ হ'য়ে যাই,
 আমায়, দেওনি প্রচুর ধনরত্ন,
 পাছে, পাপে ডুবিয়া ব'য়ে যাই ।
 আমি, না বুঝে রোষ-ভরে, তোমারে,
 হরি, কত কি মন্দ ক'রে যাই ;
 আর, তোমার প্রেমের দান হারান্নে
 ঘরে, ধরশীর খুলো ল'রে যাই ।
 প্রেভু, তোমার প্রেরিত শোকহুঃখ,
 আমি, নিরুপায় ব'লে স'রে যাই,
 আমি, অবিরত ছনয়ন মুদিয়া,
 (প্রেভু), খেঙ্কার আধারে র'য়ে যাই ।

স্বান্বস-সংস্পর্শ

মিশ্র শৈরী—কাওয়ালী

(কবে) চির-মধু-মাধুরী-মণ্ডিত-মুখ তব,
 রাজিবে মলিন-মরম-তলে !
 পাতকী, পুলকে শিহরি', হেরিবে,
 মুঞ্চমানসে, নেত্রজলে ।
 সঞ্চিত কত শত ছঙ্কুতি-বেদনা
 সহিবে নীরবে তোমারি দান ;
 সকল হরষ, আশা, সকল ভাবনা, ভাষা,
 সফল হইবে, হরি, করুণা বলে !

শত্বিত

বসন্ত—ঋগভাল

শমন-ভয়-হর, পরম-শরণ-ভবধব !
 (তব) চরণ-তল-পরশ-ফল-অভয়-বর লব ।
 সবল কর অবশ মন, হর সকল ধন জন,
 অশ্ব-অনল-দহন-ভয়-হরণ-পদ তব ।
 সকল-খল দলন কর ! অধম তব ভজন-পর,
 জনক, তব তনয়-ভয়, মরণ-কলরব ।
 ভকত যত সদন-গত, সরল মম গমন-পথ,
 (মন) গহন-বন চরণ-রত, সদয়, কত সব ?
 অনবরত নয়নজল, সকল মম করম ফল,
 হত ধরম-চরম বল, সরম কত কব ?

কর্মফল

বি ঝিট—আড়াঠেকা

এত আলো বিশ্ব-মাঝে, মুক্ত করে দিলে ঢালি ;
 তবে কোন্ অপরাধে, হরি, ঘোচেনা মনের কাণী ?
 হেথা, চির আনন্দ-জলধি, উথলিছে নিরবধি,
 তবে, আমি কেন তীরে রহি', বহি নিরানন্দ ডালি ?
 বিমল-বিবেক-ভরা, জ্ঞানময়ী তব ধরা ;
 তবে, আমি কেন মোহগর্ভে নিপতিত চিরকালই ?
 হেথা, প্রেম-পিপাসুর তরে, চির-প্রেম-উৎস ঝরে,
 তবে, প্রেম চাহি পাই কেন, বিদ্রূপের করতালী ?
 হেথা, করুণা-প্রবাহ ছুটে, সুখ আসে, দুখ টুটে ;
 তবে, কেন পাই সুধু স্বার্থ, নির্মম, নিষ্ঠুর গালি ?
 কান্ত বলে, কর্ম-ফলে, সুখা ডোবে হলাহলে ;
 তাই, প্রমোদ উত্থান, মন, সকণ্টক তপ্তবালি !

প্রেম-ভিক্ষা

কীর্তনের হর—জলাধ একতাল

ব'য়ে যাক হরি, প্রেমেরি বন্যা, (এই) গুণ-হৃদয়-মাঝে ;
 ডুবাও রমণী, পুত্র, কন্যা, অভিমান, ধন, লাঞ্জে ।
 (ওরা ডুবে যাক)
 (তোমার প্রেমের প্রবল বন্যার, ওরা ডুবে যাক)
 (ওরা স'রে যাক হে)
 (আমার পথ হ'তে ওরা স'রে যাক হে)
 (আমার প্রেম-সাধনার পথ হ'তে ওরা স'রে যাক হে)
 (আমার ভজন-বৈরী, সাধন-বাধা স'রে যাক হে)

(আমি ভেসে যাব নাথ)

(তোমার প্রেমের একটানা স্রোতে, ভেসে যাব নাথ)

(আমি সফল হব)

(তোমার পায়ে আপনা হারিয়ে সফল হব)

(ওহে প্রেমসিন্ধু, আপনা হারিয়ে সফল হব ।)

যে প্রেমের স্রোতে আপনা হারিয়ে, গোরা বলে হরি বলে হে-
সংসার তেরাগি, দুহাত বাড়ায়, পাতকীরে দিল কোল হে ।

(বলে, হরি বল ভাই)

(গোরা বলে, হরি বল ভাই)

(ধন জন মান কিছু নয়, সুধু হরি বল ভাই)

(কে টেনেছিল ?) (তারে কে টেনে ছিল ?)

(ঘরে যুবতীর প্রেম ভুলায়ে দিয়ে, কে টেনে ছিল ?)

(ঘরে স্নেহ-পাগলিনী মা ভুলায়ে, কেবা টেনে ছিল ?)

(আর রইল না হে) (আর ঘরে রইল না হে)

(গোরা আর ঘরে রইল না হে)

(কি মধু পেয়ে সে পাগল হ'ল, ঘরে রইল না হে)

(আর থাকবে কেন ?)

(আর ঘরে থাকবে কেন ?)

(সকল মধুর সার মধু পেলে থাকবে কেন ?)

যে প্রেমে প্রহ্লাদ বাঁচে বিষ পানে, শিলাসহ ভাসে জলে হে,
পোড়ে না অনলে, মরে না পাষণে, বাঁচে করি-পদতলে হে ।

(সে কেবল তোমার ডাকে)

(অবোধ শিশু তোমায় ডাকে)

('কোথা বিপদ-ভঞ্জন মধুসূদন' ব'লে, তোমায় ডাকে)

(তারে কে মারুতে পারে ?)

(তুমি কোলে ক'রে তারে ব'লে ছিলে, কেবা মারুতে পারে ?)

(তুমি প্রেমসুধা দিয়ে অমর কলে, কে মারুতে পারে ?)

হে নাথ ! আশুক্রম

ওহে, কলুষ-হরণ, নিখিল-শরণ,

দীন-দয়াল, হরিহে !

কাতর চিত, ছর্ব্বল, ভীত,

চাহ করুণা করিহে ।

(আর দুখ দিওনা)

(হরি হে, পাপীরে ক্ষমা কর, আর দুখ দিওনা)

(আমি অহুতাপ বিষে জর জর, আর দুখ দিওনা)

(নইলে, কালী যে হবে)

(অহুতাপী পাপী দুখ পেলে নামে কালী যে হবে)

(নিঙ্কলক হরি নামে, হরি, কালী যে হবে)

(এই পতিত অধমে না তারিলে, নাম ডুবে যে যাবে ।)

ওহে, প্রেমসিন্ধু, জগদ্বন্ধু,

আমি কি জগৎ ছাড়া হে ?

এই গভীর আঁধারে, অকূল পাথারে

একবার দেহ সাড়া হে ।

(সাড়া কেন দেবেনা ?)

(কাতরে পাপী ডাকে যদি, সাড়া কেন দেবেনা ?)

(কেন তুলে নেবেনা ?)

(সরল প্রাণের ডাক শুনে, কেন তুলে নেবেনা ?)

(এর মাঝে তো আছি)

(এই জগতের মাঝে তো আছি)

(ওহে জগদ্রাতা, এই জগতের মাঝে তো আছি)

(তবে ফেলবে কিসে ?)

(এই জগতের বাপ মা হ'য়ে ফেলবো কিসে ?)

(নিম্নে হবে) (নামের নিম্নে হবে)
 (জগৎ থেকে ফেলে দাও, নইলে নিম্নে হবে)
 (নিষ্কলঙ্ক দয়াল নামে, নিম্নে হবে ।)

ওহে, দীন-দয়াময়, কি হেতু নিদয়,
 দুখসিন্ধুতীরে ফেলি' হে ;
 ওহে, ভব-কর্ণধার, দেখ একবার,
 করুণা নয়ন মেলি' হে ।

(বড় নাম শুনেছি)
 (ঘাটে এসে, দয়াল, দাঁড়িয়ে আছি, নাম শুনেছি)
 (পারের কড়ি লাগেনা)
 (তোমার ঘাটে পার হ'তে নাকি কড়ি লাগেনা)
 ('দয়াল' ব'লে তিন ডাক দিলে কড়ি লাগেনা)
 ('দীনে পার কর' ব'লে ডাক দিলে আর কড়ি লাগেনা)
 (কাতর হ'য়ে ডাক দিলে আর কড়ি লাগেনা)
 (চ'খের জলে ডাকলে নাকি কড়ি লাগেনা)
 (ব্যাকুল হ'য়ে ডাকলে নাকি কড়ি লাগেনা)
 (সব কি মিথ্যে কথা ?)
 (তরী আছে ঘাটে পাটনী নাই, কি মিথ্যে কথা ?)
 (তবে পার করে কে ?)
 (আঁধারে পাথারে শ্রান্ত পথিকে পার করে কে ?)
 (তা'তো হ'তে পারেনা)
 (তরী আছে, আর মাঝি নাই, তা'তো হ'তে পারেনা)

সিদ্ধু খাখাজ—কাওরালী

ধীরে ধীরে মোরে, টেনে লহ তোমা পানে ;
(আমি) আপনা হারায়ে আছি, মোহ-মদিরা পানে ।

প্রতি মায়া-পরমাণু, আমারে ক'রেছে স্থাণু,
টানিয়া ধ'রেছে মোরে, নিষ্ঠুর কঠিন টানে ।

ওহে মায়া-মোহহারি ! নিগড় ভাঙ্গিতে নারি,
নিরুপায় বন্দী ডাকে, অধীর, আকুল প্রাণে ।

মনের কথা

মিশ্র পুরবী—একতাল্লা

তোমারি ভবনে আমারি বাস,
তোমারি পবনে আমারি খাস,
তোমারি চরণে আমারি নাশ,
জীবনে মরণে করিও দাস ।

পাপ-ব্যাহিতে করিছে গ্রাস,
ফুরাইছে দিন লাগিছে ত্রাস,
তোমারি করুণা-অমৃত-প্রাশ,
দিও অস্ত্রিমে এ অভিলাষ ।

চরণে জড়িত কঠিন পাশ,
বাঁধিয়া রাখিছে বারটি মাস,
ভুলাইল মোহ, ভোগ-বিলাস,
তোমারি চরণ দৌনের আশ ।

হুন্নি স্বৰূপ

হাসিনী কাকি সিদ্ধ—কাওয়ালী ।

পাপ রসনারে, হরি বল ;
ওরে, বিপদভঞ্জন হরি, ভকত-বৎসল ;
নাম, কররে সম্বল,
সার, কর পদতল ।

হরিপদ-ছায়া-তলে যেজন শরণ লয়,
ভার কি বিপদভীতি রাখে দয়াময় ?
তারে, বিতরি অভয়,
দেয়, শরণ অচল ।

চেতনা দিয়াছে যেই, চেতনা থাকিতে তোর,
ডাক্ সে চেতনাধারে ত্যজি' ঘুমঘোর,
যেন, ছনয়নে লোর,
নামে, বহে অবিরল ।

প্ৰেহ

'পাখী ঐ বে গাহিলি গাছে'—হর

(ওমা) এই যে নিয়েছ কোলে ;
আগে, খুব্ ক'রে মোরে মেরে ধ'রে
শেষে, 'আয় যাহ্ বাছা' ব'লে ।
তুমি, তোমারি ধরারি মাঝে,
মোরে, পাঠালে আপন কাজে ;—
আমি, খেলা করি পথে, ফিরি পথ হ'তে,
আধার জীবন-সাজে ;

আমি দাঁড়ায়ে ছিলাম তাই ;
 ভীত, নীরব, অপরাধি-সম,
 সুখা'লে জবাব নাই ;
 মা, তোর স্নেহের শাসনে, কুমার আদরে,
 হৃদয় গিয়েছে গ'লে ।

জাগাগাও

কেদারা—মধ্যমান

জাগাগাও পথিকে, ও সে ঘুমে অচেতন ।
 বেলা যায়, বছ দু'রে পান্থ-নিকেতন ।
 থাকিতে দিনের আলো,
 মিলে সে বসতি, ভাল,
 নতুবা করিবে কোথা যামিনী যাপন ?
 কঠিন বন্ধুর পথ,
 বিভীষিকা শত শত ;
 (তবু) দিবাভাগে নিদ্রাগত, একি আচরণ ?

ব্যর্থ ব্যবসায়

ঝিঁঝিট—একতাল

তব মূলধনে করি ব্যবসায়, তোমারে দেইনা লাভের ভাগ ।
 হিসেব করিয়ে সিন্দুকে তুলি, সাবধানে প্রতি ক্রান্তি, কাগ ।
 তোমারি ধাঙ্গ্য করিয়া দাদন,
 দেড়া ছনো করি লভ্য-সাধন,
 তোমা দিয়ে ফাঁকি, গোলা ভ'রে রাখি,
 চ'লে যায় বছরের খোরাক ।

তোমারি গাছের ফল বেচে খাই,
 বাস্ত্বে তুলি, সে তোমারি টাকাই,
 তুমিই শিখালে যত ব্যবসায়,
 কড়া, গণ্ডা, পাই, যতেক ঝাঁক ।
 তুমি, দয়ার সাগর রাজ-রাজেশ্বর,
 তলব করনা হিসেব পস্তর,
 আমি বিশ্বাসঘাতক, চোর, প্রবঞ্চক,
 তবু এ অধমে নাহি বিরাগ ।

অবোধ

'তুমি গতি তুমি সার'—হর

বেলা যে ফুরায় যায়, খেলা কি ভাঙ্গে না, হায়,
 অবোধ জীবন-পথ-যাত্রি !
 কে ভুলায়ে বসাইল কপট পাশায় ?
 সকলি হারিলি তায়, তবু খেলা না ফুরায়,
 অবোধ জীবন-পথ-যাত্রি !
 পথের সম্বল, গৃহের দান,
 বিবেক উজ্জ্বল, সুন্দর প্রাণ,—
 তা' কি পণে রাখা যায়, খেলায় তা' কে হারায় ?
 অবোধ জীবন-পথ-যাত্রি !
 আসিছে রাত্তি, কত র'বি মাতি ?
 সাধীরা যে চ'লে যায়, খেলা ফেলে চ'লে আয়,
 অবোধ জীবন-পথ-যাত্রি !

মা ও ছেলে

প্রসাদী স্মরণ—(দ্বিতীয়)—জগদ একতালী

মা, আমি যেমন তোর মন্দ ছেলে,
আমায়, বাঁটা মেরে খেদিয়ে দিত,—

এই পৃথিবীর বাপ্ মা হ'লে ।

ব'লতো, “শান্তি পেতাম, হাড় জুড়ুতো,

এই অভাগা নচ্ছারটা ম'লে ;’

ব'লতো, “এটাকে সে নেয় না কেন ?

এত লোককে যমে নিলে ।”

তোর, এ কি দয়া, কি মমতা !

ভাবতে ভাসি নয়ন-জলে ;

এই, বাপ্-তাড়ান, মা-খেদান,

অধমটা তুই দিসনে ফেলে ।

আমার, এখনও যে স্বাস বহে গো,

শারীর-যন্ত্র দিব্য চলে ;

ওমা, এখনও যে আমার ক্ষেতে,

বিপুল সোণার শস্য ফলে ।

আমার, গাছে মিষ্টি আম ধরে গো,

সাজে বাগান নানা ফুলে ;

আমায়, চাঁদ সুখা দেয়, রৌদ্র রবি,

মেঘে বৃষ্টি-ধারা ঢালে ।

তুই তো, বন্ধ ক'ল্লে ক'ন্তে পারিস্ ;

তোর, অসাধ্য কি ভূমণ্ডলে ?

কান্ত বলে, ছেলে কেমন, আর

মা কেমন, তাই দেখ্ সকলে ।

তোমার স্বরূপ

মিঃ বি'কিট—একতালা

এই চরাচরে এমনি ক'রে স্পষ্ট তোমার স্বরূপ লেখা,
 (দেখে) মনে হয় গো যেন, দেখা দিতে দিতে দাওনি দেখা ।
 ভোরে যখন বেড়াই মাঠে, সূর্যি ঠাকুর বসেন পাটে,
 যেন গো তার মুকুট খানি, ঐ মহিমার ছটায় মাখা ।
 (দেখি) চাঁদনি রেতে নদীর তীরে, জ্যোছ'না ভাসে অধীর নীরে,
 বল্কে ওঠে যেন তোমার অনন্ত আলোকের রেখা ।
 (যখন) জননী সম্মানের তরে, প্রাণ দিতে যান অকাতরে,
 তখন দেখতে পাই সে মায়ের মুখে, তোমার প্রেমের চিত্র আঁকা ।
 আঁখি মেলেই দেখতে পারে, সেই আঁখি কেউ মেলে না রে,
 কোলাহলে থাকে, পাছে দেখতে পায় গো থাকলে একা ।

শাগল ছেলে

মিঃ খানসাহ—স্বামপ্রসাদী হর । জলদ একতালা

আমায় পাগল করবি কবে ?

‘মা, মা’ ব'লতে অবিরত ধারে, ছনয়নে ধারা ব'বে !
 আমি হাসব কাঁদব আপন মনে, নিৰ্জনে, নীরবে ;
 আমার পাগল মনের যত কথা, মা, তোরি সঙ্গে হবে ।
 ‘ওকে বেঁধে রাখ’ ব'লে, সবাই ছুটবে কলরবে ;
 তাদের প্রলোভনের চাটুবাণী, আমার পায়ে প'ড়ে রবে ।
 তোর কাঁজে মা, ক্ষুধা, তৃষ্ণা, শীতাতপ সব স'বে ;
 আমার প্রাণ র'বে তোর চরণতলে, দেহ র'বে ভবে ।
 ‘মা, মা’ ব'লতে এ অজপা, ফুরিয়ে যাবে যবে,
 সে দিন পাগল ছেলে ব'লে, জাপ্টে ধ'রে
 আমায় কোলে তুলে লবে ।

নিশ্চিত

লগ্নী, কাণ্ডহালী—দ্রব দীর্ঘ উচ্চারণভেদে গের
 ঐ, ভৈরবে বাজিছে, বিকট-ভয়াবহ-
 গর্জনে মরণ-বিষাণ !
 হা, হা, কি বধির নিদ্রিত রে চিত্ত !
 মুদ্রিত অলস নয়ান !
 ঐ ভীম-উষ্মি বহি' যায়,—
 কাল-পয়োনিধি তাণ্ডব-নর্তনে,
 প্রতি পলে গ্রাসিবারে ধায় ;
 হা, হা, বেলা-সৈকতে, রে মন,
 কি সুখ শয়নে শয়ান !
 ঐ বিষধরী ভীম-জরা,—
 করাল-কুণ্ডল দেহ রক্তগত
 জীবিত-শক্তি হরা ;
 হা, হা, দংশন-সংশয়-শঙ্কা-
 শূন্য রে সুপ্ত পরাণ !

মুখেই ডাক

বাউলের হর—তাল কাহারবা

তা'রে যে 'প্রভু' বলিস্, 'দাস' হলি তুই কবে ?
 তুই, মেটে গর্বে ফেটে মরিস্, তোর বিভবের গৌরবে !
 কোন্ মুখে তায় বলিস্ 'রাজা' ?
 মন রে, তুই যে তার বিদ্রোহী প্রজা ;
 তুই পাঁচ ভূতে দিস্ মাল-খাজানা,—
 সেকি, বেশী দিন তা স'বে ?

সে

বাউলের হর

(ও তুই) ভাবিস্ কি সে তোরি মতন পাত্‌লারে ?

দর কি তার কাণাকড়ি, বড় জোর আত্‌লারে ?

অম্‌নি যেমন তেমন ক'রে, “আয়” ব'লে ডাক দিলে পরে,

তখনি হাজির হবে, মান্বে না ঝড় বাদ্‌লারে ?

পাপের রাস্তা পেয়ে সোজা, পাপ ক'রেছিস্ বোঝা বোঝা,

তোর একাদশী, রোজা, চুলোয় যাবে, পাগ্‌লারে !

তার জাল জগৎ বেড়া, ফাঁক নাই তার সবই ঘেরা,

কৈ পুঁটি আদি ক'রে, পড়ে রুই, কাত্‌লারে !

লিপু

'ভেবে মরি কি সম্বন্ধ তোমার মনে'— হর

ছ'টো একটা নয়রে, ও ভাই, গাছ ছ'-ছ'টা,

(তাদের) ফল তিত, আর গায়ে কাঁটা ;

আমার বড় সাধের বাগান ব'সেছেরে জুড়ে,

মস্ত শিকড়, আর গোড়া মোটা ।

(আমার) ফল ফুলের গাছ যত, অপরাধীর মত,

(যেন) জড়সড়—খেয়ে লাগি কাঁটা ;

তাদের, ফলের গৌরব গেছে, ফুলের সৌরভ গেছে,

অকালে ঝরে, রয় শুকনো বোঁটা ।

আমার, গন্ধরাজ, চামেলী, গোলাপ, টাঁপা, বেলী,

আম, জাম, নিচু, কলম-কাটা ;

আহা, কেমন সতেজ ছিল, মলিন করে দিল,

হ'রে নিল হরিৎ রূপের ছটা ।

আমি বিবেক-অঞ্জ দিয়ে, গোঁড়াটি কাটিয়ে,
 কতবার ভাবি, মুচলো লেঠা ;
 (ম'রে) থাকে ছুদিন মোটে, আবার বেড়ে উঠে,
 “রক্ত বীজের” ঝাড় ও ক'টা ।

অক্ষয়-কর্ষ্য

মিশ্র ঝাঝাজ—জলদ একতারা

দেখে শুনে আনলিরে কড়ি,
 সব কড়ি গুলো হ'লরে কাণা ;
 ভাল ব'লে কিনলিরে ছুধ,
 উননে তুলতে হ'লরে ছানা ।
 বুনে ছিলি ভাল ভাল ফুল,
 বেলী, যুধি, গোলাপ, বকুল,
 ম'রে গেল জল না পেয়ে,
 আগাছা ঘিরলে বাগান খানা ।

কেমন ভোর হিসেব পাকা—

যত বারই দিলিরে টাকা,
 তত বারই ফিরে পেলি, মন,
 ষোল আনা নয়, পনের আনা ।
 কত বারই মজুর ডেকে,
 খিড়'কি পুকুর তুল্লি হেঁকে,
 তবু কেন বছর বছর
 রাশি রাশি ভেসে ওঠেরে পানা ।

কবে হবে মায়ার ছেদন ?

কা'রে বল্বি প্রাণের বেদন ?

ইহ-পরকালের গতি, সে

দয়াল হরির চরণে জানা ।

বাউলের দর—পঞ্চ খেঁটা

তুই কি খুঁজে দেখেছিস্ তাকে ?

যে প্রত্যহ তোর খোরাক পোষাক

পাঠিয়ে দিচ্ছে ছাকে ।

ব'সে কোন্ বিজ্ঞান দেশে,

তোর ভাবনা ভা'ব'ছে রে সে,

আছিস্, কি গেছিস্ ভেসে,

সেখান থেকে খবর রাখে ।

তুই ব'সে নিজের বাসায়,

থাকিস্ সেই ডাকের আশায়,

টাকাটি পেলেই পাশায়

পড়িস্ নেশার পাকে ;

খা'স্ বেশ হুখে, মাছে,

সুধাসুনে আর কা'রো কাছে,

সে যে কোন্ দেশে আছে,

হেসে বেড়াস্ কাঁকে কাঁকে ।

ভার টাকায় জুড়িগাড়ী,
 বৌ, বেটীর গয়না-শাড়ী,
 ঘড়ি, চেন, পাকা বাড়ী,
 আহিস্ ভারি জ্বাঁকে !

ওরে মন, নিমকহারাম !
 সুখ-শয়নে কচ্ছ আরাম ?
 তার টাকায় মদ কিনে খাও,
 তার কাছে কি গোপন থাকে ?

তার আবার এমনি চিত্ত,
 দেখেও জ্বলে না পিস্ত,
 তোর ছুখে কাঁদে নিত্য
 (আর) আড়াল থেকে ডাকে ;

ভুই তো, মন, বধির, অন্ধ,
 তবু, করেনা সে টাকা বন্ধ ;
 কাস্ত কয়, মকরন্দ ফেলে,
 খেলি মাকালটাকে ।

দ্বিতীয় স্তাভ

বেহাগ—ঋগভাগ

ঐ রবি ডুবু ডুবু, গেল যে দিন ফুরায়ে ;
 এখনো কে তোরে, মিছে নিয়ে বেড়ায় ঘুরায়ে ?

ওরে মন কুবেরের ছেলে
 কার সনে তুই পাশা খেলে,
 হাতে পাওয়া বাপের বিষয়
 সবই দিলি উড়ায়ে ?
 কা'র কাছে গুনেছিস্ কবে,
 যে, যেমন ছিল, তেমনি হবে,
 যত্নে ঘরে নিয়ে গেলে
 পাথর-কুচি কুড়ায়ে ;
 আর কেন মন মিছে ঘুরিস্,
 হিমে মরিস্, রোদে পুড়িস্,
 প্রেমের গাছের তলায় ব'স্, মন,
 যাবে হৃদয় জুড়ায়ে !

ভক্তন বাশা

মিঞ লগী—জলদ একতাল

(আমি) ধুয়ে মুছে প্রাণটা যেদিন ক'রে তুলি সাদা ;
 (ওরা) মায়ামোহের কালী সেদিন ঢে'লে দেয় জেয়াদা ।
 সেদিন ওদের বে'ড়ে যায় গো, (আমার) পায়ে ধরে সাধা ;
 কেউ আদর ক'রে বলে “বাবা”, কেউ বা বলে “দাদা” ।
 যেদিন ফকির হব ব'লে, (আমি) এড়াই সকল বাধা ;
 (সেদিন) ঝাঁকুড়ে ধ'রে বলে, “তুমি মালিক, বাদসাজাদা ।”
 (আর) আমি অম্নি ফিরে বসি, (আমি) এম্নি মস্ত হাঁদা ;
 (ওগো) আমি, এম্নি ক'রে, ধীরে ধীরে, ব'নে গেলাম গাধা ;
 কাস্ত বলে, তোমার সনে আমার প্রাণ ত' ছিল বাঁধা ;
 ওরা চোখে ধুলো দিয়ে, আমার লাগায় সুধু ধাঁধা ।

হতাশ

গৌরী—মনর একতারা

আমার হ'লনারে সাধন,
 আমার পায়ে বেড়ি, হাতে কড়া,
 গিঁঠে গিঁঠে বাঁধন ।
 (আমি) যাদের জ্বগে দিন হারালেম,
 তারা করে নির্যাতন ;
 আমার নিজের দশা দেখতে, আসে
 পরাণ ফেটে কাঁদন ।
 (ওরা) অবিরত কাণের কাছে
 ক'ছে ঢকা-বাদন,
 (ভাইরে) এত গোলে, কেমন ক'রে
 হবে তার আরাধন ?
 (ওরা) সদাই রাখে চ'খে চ'খে
 আমি যেন হারাধন ;
 (আমি) মূলের কড়ি সব খোয়ায়ে
 কল্লম মিছে দাদন ।

অরুণোয় রোদ্দন

বাউলের হর

তোর ব'দলে গেল দেহের আকার, ব'দলে গেল মন,
 তবু নয়ন মু'দে অচেতন ।
 যাদের খুসী ক'র'বি ব'লে ক'র'লি জীবনপণ,
 জারাই বলে, “বুড়ো, আর ঘুমুবি কতক্ষণ ?”
 যার কথা তুই নিস্নি কাণে, সারাটি জীবন,
 সেই, নিলাজ বিষেক আবার বলে, “শিয়রে শমন” ।

যে মাকে তুই হেলা ক'রে ব'লতিস্ কুবচন,
 সেই ক্ষমার ছবি ব'লছে কাণে, “জাগ'রে যাত্নধন !”
 তোর একই কাণ্ডে রাত্ পোহালো ভাঙ্গ'লোনা স্বপন,
 তোর জীবন-রাত্রি পোহায়, এখন উষার আগমন ।
 তোর বাল্য গেল ধুলো খেলায়, বিলাসে যৌবন,
 কেমন ধীরে ধীরে ধ'রুলো জরা, এর পরে মরণ ।
 কান্ত বলে হায়রে ! আমার অরণ্যে রোদন ;
 ডেকে ডেকে, মেবে ধ'রে, দেখ'লাম বিলক্ষণ ।

বৈব্রাহ্মণ্য

কীর্তনের হয়

আর ধরিস্নে, মানা করিস্নে ;

আর কাঁদিস্নে, আমায় বাঁধিস্নে ।

(আমার) গেল বেলা, নিয়ে ধুলো খেলা,

(আমি) আর কত কাল ক'রুব হেলা ?

(আমায় ছেড়ে দে, ছেড়ে দে, ছেড়ে দে, ছেড়ে দে ।)

যদি হ'তে পারি, প্রেমের অধিকারী,

আমার সঙ্গে তোদের কিসের আড়ি ?

(আমায় ছেড়ে দে…… ।)

আর পারিনে গো, কিছু ধারিনে গো,

(এই) রইল এ ঘর বাড়ী নে গো ।

(আমায় ছেড়ে দে…… ।)

আর কিসের দাবি ? এই নেগো চাবি ;

তোরা কি আমার সঙ্গে যাবি ?

(আমায় ছেড়ে দে…… ।)

সাধ পুরাইব, ফল কুড়াইব,
খেয়ে, তাপিত পরাণ জুড়াইব ।

(আমায় ছেড়ে দে..... ।)

সঙ্কি

কীর্জন ভাঙ্গা হর—ভগ্ন একতলা

আজি, জীবন-মরণ-সঙ্কিরে !

প্রভু কোথা ছিলে ? আহা দেখা দিলে,

এই জীর্ণ-হৃদয়-মন্দিরে !

(ওগো বড় মলিন) (ওগো বড় অঁধার ।)

এই যে স্মৃত-জায়া, ওদের, বড় মায়া,

(ওরা) সাধন পথের দ্বন্দ্বীরে !

(ওরা ভজন-বাধা) (ওরা আপন কিসের ।)

ওরা কত ছলে, সুখ দেবে ব'লে,

(আমায়) রেখেছিল, ক'রে বন্দীরে ।

(এই মোহের কারায়) (এই বন্দীশালে ।)

আর নাই বাকি, এখন মুদি অঁধি,

(রাখ) বৃকে অভয়-চরণ ধীরে !

(আমার সময় গেল) (অঁধার হ'য়ে এল ।)

সমুদ্রে মন্থন

ইমন কল্যাণ—একতারা

হুব দীর্ঘ উচ্চারণভেদে গের

ওরা মন্থন করি' হৃদয়-সিন্ধু,
তুলিয়া নিয়েছে, প্রেম-ইন্দু,
জ্ঞান-অমৃত, শ্রীতি-লক্ষ্মী,
সদগুণ-পারিজাত ;

“আরো কত ধন রয়েছে নিহিত”,—
চির-মন্থন ভাবি' বিহিত,
বক্ষে করিছে শত্রুমিত্র,
কঠিন দণ্ডঘাত !

অতি মন্থনে উঠিছে গরল,
বিশ্বনাশী, তীব্র, তরল,
ক্রান্ত মর্ধনকারি-সকল,
হেরি' গরলপাত ;

ভগ্নবক্ষে সঞ্চর কর,
রুগ্নে রক্ষ ; শঙ্কর ! হর !
সম্বর অতি দারুণ বিষ,
ঈশ ! বিশ্বনাথ !

খেয়া

‘দোপার কমল ভাসালে বলে’—হর

যদি পার হ’তে তোর মন থাকে পথিক, যা রে,
 খেয়া ষাটের পাটনি এসেছে ।
 কা’রও কাছে নেয়না কড়ি, এম্নি গুপের মাঝি,
 কাণা, ধোঁড়া, অন্ধ, আতুর, সবার উপর রাজি গো ।
 নাম শুনেছি “দয়াল মাঝি”, কেউ জানেনা বাড়ী ;
 ঝড় বাতাসে ভর করে না, জমায় সোজা পাড়ী গো ।
 সার কাঠের সেই অক্ষয় বজ্রা, চলে আপন বলে,
 যে দিক থেকে বাতাস উঠুক, সোজা যাবে চ’লে গো ।
 যদি, বেলাবেলি ষাটে যাবি, হালকা হ’য়ে চ’লবি ;
 খুলে ফেল তোর পায়ের বেড়ী, ফেলে দে তোর তলপি গো ।

‘হবে, হ’লে কান্না বদল’

বাউল—গড় খেঁচা

‘বানের বোলাতে উঠে’—হর

যে পথে, মরা ছেলে, যাচ্ছে নিয়ে শ্মশানঘাটে
 দিয়ে ‘হরিবোল’ !
 সেই পথে, আসুছ নিয়ে, বিয়ে দিয়ে, ছেলে আর বউ,
 বাজিয়ে রে ঢোল !
 যে পথে, হরি প্রেমে, নেচে গেয়ে, যাচ্ছে ভক্ত,
 বাজিয়ে রে খোল ;
 সেই পথে, শুঁড়ির বাড়ী, তাড়াতাড়ি, যাচ্ছেরে, মন,
 আচ্ছা পাগল !

বে পথে, বিষয়ভ্যাগী, প্রেমবিরাগী, আসুছে কাঁধে
 ফেলে কঞ্চল ;
 সেই পথে, টেড়ি কেটে, চেন ঝুলিয়ে, যাচ্ছে, হাতে
 মদের বোতল !
 গুরে, গীতাপাঠের সভায় কার কি, ক'র্বে চুরী,
 ভা'ব'ছ কেবল ;
 কান্ত কয়, আর ব'লো না, আর হ'লো না, হবে হ'লে,
 কায়া-বদল ।

ব্রহ্মসাহিত্য *

সংকীর্ণন ,

ভেদ বুদ্ধি ছাড়, 'ছর্গা', 'হরি', ছুই তো নয়,
 একেরি ছুই পরিচয় ।
 কালী, ছর্গা, হরি, কৃষ্ণ,
 একই ব্রহ্মশাস্ত্রে কয় ;
 শাক্ত হ'লে হরি-ধেয়ী
 তার যে ভজ্ঞন বিফল হয় ।
 আবার, হরি-ভক্ত, শাক্তে হিংসা
 ক'র্লে অনন্ত নিরয়,
 শাক্ত, দে ভাই 'হরি-ধ্বনি',
 বৈষ্ণব, বল 'কালীর জয়' ।
 যেমন, জ্বলকে বলে কেউ বা 'পানি',
 কেউ বা 'বারি', কেউ বা 'পয়' ।

* ১৩১২ সালে প্রত্নকার তাঁহার ভ্রমণলীল্য নাতি-দূরস্থ গ্রামে গিয়া দেখেন যে শক্তি ও বৈষ্ণবদিগের মধ্যে অন্যান্যক মনোমালিন্য উপস্থিত হইয়াছে ; এক দলের লোক অন্য দলের উপাস্ত দেবতার কুৎসা করিতেছে । প্র. কার এই সমীভ রচনা করিয়া সংকীর্ণন করিয়াছিলেন ।

ভেম্নি, নামের মাত্র ভেদ বটে ভাই ;—

সবাই নিত্য-ব্রহ্মময় ।

যেমন, আঁধার ভেদে, ভিন্ন ভিন্ন

নাম ধরে এক জলাশয় ;

বিল, নদী, খাল, কুণ্ড, দামস,

জল সবি এক জলই রয় ;

যে জন ‘ছর্গা’ ত্যজে, ‘হরি’ ভজে,

‘হরি’ ফেলে, ‘কালী’ লয়,

তারে ছর্গা, কালী, বিষ্ণু, হরি,

সব দেবতাই নারাজ হয় ।

এক হ’য়ে যাও মনে মুখে

এক প্রেমে বাঁধা হৃদয় ;

কালী শ্রীতে বল ‘হরি’,

থাক্বে না আর শমন ভয় ।

(আবার) কৃষ্ণশ্রীতে ব’লে ‘কালী’

‘কৃষ্ণ কালী’ হন সদয় ;

ঝগড়া ঝাটি যাক্বে মিটে

বল ‘কৃষ্ণ কালী’র জয় ।

প্রস্তাব

বাউলের হর—গড় বেহুটা

এ বিশ্ব, একের বিকার, সব একাকার,

হবে, দেখ বিচার ক’রে ।

রবে না, উষ্ণ শীতল, শক্ত তরল,
 বক্র সরল চরাচরে,
 থাকবে না, উপর নীচ, আগা পিছু,
 ব'লে কিছু, জ্ঞান গোচরে ।
 রবে না, মাস কি বছর, দণ্ড প্রহর,
 বার কি বাসর, আগে পরে ;
 ভুব্বেরে, সন্ধ্যা সকাল, কাল কি অকাল,
 আজ কিবা কাল কাল-সাগরে ।
 উঠবে না, চন্দ্র, তপন, সোণার বরণ,
 ঐ গ্রহ-গণ, গগন ভ'রে ;
 ঐ সাধের, উদয় অস্ত, সব নিরস্ত,
 নিখিল ব্যস্ত, একের তরে ।
 ওরে ভাই, নীল, কি লোহিত, পাটল, কি পীত,
 আর না মোহিত, ক'রবে নরে ;
 র'বে না, কোনও শব্দ, নিখিল স্তব্দ,
 রইবে সব তো, মৌন-ভরে ।
 থাকবে না, ভাল মন্দ, তর্ক মন্দ,
 হিংসা দ্বন্দ্ব ঘরে ঘরে ;
 রইবে না, কর্তা কর্ম, ধর্ম্মাধর্ম্ম,
 মৃত্যু জন্ম, জীব ও জড়ে ।
 কান্ত কয়, গড়েছে যেই, ভাঙ্গবে নিজেই
 সৃষ্টি বীজেই, মৃত্যু ধরে ;
 চির দিন, এমনি তাকে, হাটটি লাগে,
 সেই তা' ভাঙ্গে, আবার গড়ে ।

অবাক কাণ্ড

বাউলের গুর—তাল কাহারবা

ভাব্ দেখি মন, কেমন ওস্তাদ সে,—

যে, এই দিন ছুনিয়া গ'ড়েছে ।

বলিহারি, কি বন্দোবস্ত !

অবাক্ হ'য়ে চেয়ে আছে, পণ্ডিত সব মস্ত ;

তারা হাঁ ক'রে ঐ দেখছে ব'সে রে,—

কি কাণ্ড হ'চ্ছে আকাশে !

চাঁদ করে, ভাই, মোদের প্রদক্ষিণ,

সূর্যি ঠাকুর বে'ড়ে ঘুরি আমরা রাত্রি দিন ;

(আবার) সূর্যি ধোরেন কার চারদিকে রে,—

জিজ্ঞেস্ কর্ বৈজ্ঞানিকে ।

সেই বা কেমন মজার ঘুরণ পাক,

পথ ছেড়ে এক ইঞ্চি যায় না, তার এমনি হাতের তাক্ ;

(আবার) পাকে পাকে রাস্তা এগোয় রে,—

তারো, সময় বেঁখে দিয়েছে ।

বল্ দেখি এই সৌর পরিবার,

এদের, খেলার প্রাক্ষণ ঈথার-সিন্ধু কয় যোজন বিস্তার ?

তবু, ওটা অসীম শূণ্যের ক্ষুদ্র অণু রে,

বল্, কার খবর বা কে রাখে ?

আলো, এক নিমেষে লক্ষ যোজন ধার ;
 আবার, আট মিনিটে সূর্য্য হ'তে ধরায় পৌঁছে ধার ;
 এমন, তারা আছে কত কোটী রে,
 যাদের, আলো আসে তিন মাসে !

আবার এমন তারা কতই আছে, ভাই,
 যাদের আলো, হাজার বছর রাস্তায় আছে,
 আজো পৌঁছে নাই !
 এখন, বলুন দেখি পণ্ডিতের গোষ্ঠী,
 তারা আছেরে কত দূরে !

কান্ত বলে, বুঝ'বি আর কিসে,—
 ভাব'তে গেলে মাথা ঘোরে হারিয়ে যায় দিশে ;
 প্রতি অণু হ'তে সূর্য্য-মণ্ডল রে,—
 কি স্মৃতোর সে গোঁথেছে !

আশার ছাই

মিঃ বামোরা—পড়'খেই

আমি ভেবেছিলাম তোমায় ডাকব পরে,
 আগে, প'ড়ে শুনে নিয়ে বুদ্ধি পাকাই ;
 আমি প'ড়লাম কত এই বয়সে,
 আছা, খরচ ক'রে বাবার কত টাকাই ।

আমি, খেতাব পেলাম মস্ত লস্বা,
জ্ঞান তো হ'ল অষ্টরজ্ঞা,
আমি, গিল্লাম কত ধর্মতত্ত্ব,

এ পেট ভ'রল না রে, সার হল শুধু চাখাই ।

আমি নিজের মনকে দিয়ে কাঁকি,
ভাব্লাম এবার তোমায় ডাকি,
(ঔগো) অম্নি বাবা দিলেন বিয়ে,

তখন, সুন্দর দেখি যখন যে দিকে তাকাই ।

তখন, বধু ব'স্লেন হৃদয় জুড়ে,
তোমায় ফেল্লাম কোথায় ছুঁড়ে,
তোমার আসন বউকে দিয়ে,

তার রাতুল পদে, কতই যে তেল মাখাই ।

তখন শুরু হ'ল জীবের জন্ম,
এঁটে গেল সংসার ধর্ম,
আর, খরচ চ'ললো বেজায় বেড়ে,

তবু মিথ্যে ক'রে যে কতই আসর জাঁকাই !

তখন ছেলের পড়া, মেয়ের বিয়ে,
ব'য়ে চ'ললো কল্কলিয়ে,
তাইতে ভেসে গেলো ধর্মের কোঠা,

সে তো পূ'রল না রে, র'য়ে গেল সেটা কাঁকাই ।

ভাবি, এই মেয়েটার বিয়ে হ'লে,
 গয়া, রাশী যাব চ'লে,
 ও বাবা, আবার একটি দিলেন দেখা !

কর্মের ফেরটা বোঝো, ঘু'রছে এমনি চাকাই ।

আর কত সয় তাড়াছড়ো,
 এখন তো অথর্ব বুড়ো,
 কেবল খুল্ল না, হরি, তোমার দিক্‌টে,

তুমি দেখ'ছ তো সব, র'য়ে গেল সেটা চাকাই ।

বিবিধ সমীচ

সাস্ত্রনা-পীঠি *

দ্বিজ গৌরী—বাঁপতাল

উদাস পরাণে কেন বিজনে বসিয়া আর ?
ছিল, আছে, হবে, বল কোন্ দ্রব্যে অধিকার ?
বিশাল জগতী তলে, প্রতি পলে অণুপলে,
কৌট হ'তে গ্রহরাজি—জন্মে, মরে, শতবার ।
কোন্ বিধানে জনমে, মরে বা সে কি নিয়মে,
জানে বা কে, বোধে বা কে, রোধে বা কে, সাধ্য কার ?
শুধু ভ্রাস্তি এ মমত্ব—কোথায় নির্বৃত্ত স্বত্ব ?
হৃদিনের তরে শুধু—স্থাসমাত্র বিধাতার ।
মোহ মুক্ত কর দৃষ্টি, তুমিতো করনি সৃষ্টি,
যার ধন সেই লয় তবে কেন হাহাকার ।
আজ্ঞা কর সমীরণে স্থির হ'তে সে কি শোনে ?
(চাহ) চাঁদে রৌদ্র, সূর্য্যে সুধা, কিংসুকে সৌরভভার !
একা আসে যায় একা, পথে হৃদিনের দেখা,
ছায়াতে বস্তুত্ব জ্ঞান, এ নহে পুরুষকার ।
মুছিয়া সজল-নেত্র, হের তব কৰ্ম্ম-ক্ষেত্র,
কেন হবে লক্ষ্যহারী, মহারাজ ! কে তোমার ?

* মহারাষ্ট্রা শ্রীল শ্রীকৃষ্ণ শর্মাশ্রমের শ্রী বাহাদুরের জাভাফু-বিরোধ উপলক্ষে রচিত ।

বিদ্যার সঙ্গীত

মিত্র বাবাজ—কাওরালী

প্রভাতে যাহারে হৃদয় মাঝারে
 আদরে বরিয়্যা আনি ;
 আধার নিশায় কোথা সে মিশায়
 ভাঙ্গিয়া হৃদয়খানি ;
 আশা নিরাশায় ব্যথিত পরাণ ;
 রুদ্ধকণ্ঠে বিদায়ের গান
 অশ্রুসিক্ত, বেদনালিপ্ত ;—

—হৃদে নাহি সরে বাণী ।

তোমার প্রতিভা, তব গুণপনা,
 এ জীবনে শ্রদ্ধ, কভু ভুলিব না,
 জানিনে আমরা তোমার আদর—
 —কেবল কাঁদিতে জানি ।

লহ এ মুক্ত হৃদয় অর্ঘ্য,
 ভুলো না তোমার সেবকবর্গ,—
 শুধু এ অভিনন্দনমালা—
 ছিন্ন ক'রো না টানি ।

[রাধাসাহী কলেজেরেট স্কুলের কোন শিক্ষকের বিদায় উপলক্ষে রচিত]

নব কবিতা

পুরবী—একতাল

দীন নিবর, ক্ষীণ জলধারা
 বরে বর বর গিরি-অরণ্যে ;
 কে করে সন্ধান, অতি ক্ষুদ্র প্রাণ,
 অতিশয় তুচ্ছ, অতি নগণ্যে !

অভিজন্মি' যবে পাখাণের স্তূপে,
 নেমে আসে ভীম-শ্রোতস্বতী-রূপে,
 প্লাবি' ছই কূল ;—এ বিশ্ব ব্যাকুল
 ছুটে আসে, ল'য়ে পিপাসা-দৈশ্বে ।
 ক্ষুদ্র বীজ যবে হয় অক্ষুরিত,
 ভঙ্গুর, পেলব, ক্ষুদ্র, সঙ্কচিত,
 ক্রমে মহাবৃক্ষে হ'য়ে পরিণত,
 ফল, পুষ্প, ছায়া, বিতরে অশ্বে ।
 যদিও এ বাহু নহে কৰ্ম্ম-ক্ষিপ্ত,
 তথাপি উত্তম অবিচল, তীব্র,
 বাধা পদে দলি', ধীরে যাও চলি',
 বিপদে, সম্পদে স্মরি' শরণ্যে ।

[পুষ্টিয়া বালিকা বিদ্যালয়ের পুরস্কার বিতরণ উপলক্ষে রচিত]

উৎসাহ

'দিগট কপট তু'হ কাম'—হর

সাঁখে, একি এ হরষ কোলাহল !
 নীল-গগন-তলে, তরল জ্যোতি অলে,
 চালি' এ হৃদয়ে, সুধা-সহরী-বিমল ।
 তন্দ্রা, ত্যজিয়া, উঠ অলসতা পরিহরি',
 তোরা না জাগিলে আর পোহাবেনা বিভাবরী,
 চাহি 'খণা', 'নীলাবতী', তাই তোরা হ'য়ে, সতি,
 স্তম্ভ-বিবেক পান করা অবিরল ।

লক্ষ্মী-রাপিণী তোরা, দেবতা তোরাই, মাগো,
 সেদিন ভাজিবে ঘুম, যেদিন বলিবি 'জাগো' ;
 তোদের প্রফুল্ল মুখ, দেখে ভ'রে ওঠে বুক,
 মনে হয়, নভো বৃষ্টি হ'ল নিরমল ।
 তোদের যতন শ্রম, শুধু আমাদেরি তরে,
 শৈশবে সুশিক্ষা দিয়ে, লইতে মানুষ ক'রে ।
 আহা, যেন তাই হয় ! হোক মা তোদের জয়,
 তোদের কুশলে হ'বে মোদের কুশল ।

[পুঠিমা বালিকা বিদ্যালয়ের পুরস্কার বিতরণ উপলক্ষে রচিত]

প্রীতি-অভিনন্দন

বেহাগ—একতালা

ব্রহ্ম দীর্ঘ উচ্চারণভেদে পের

শারদ-শশি-রুচির-বরণ, সজ্জন-চিত-কুমুদ-রমণ,
 সুন্দর, মনো-নন্দন, জন-বন্দন, অধিরাজ !
 বিকশিত-সুখ-কুসুম-পুঞ্জ-রাজিত-নব-প্রেম কুঞ্জ,
 যুগল-প্রণয়-অমৃত ভুঞ্জ, মুঞ্চ বিফল লাজ !
 আজি, জ্ঞান-ভকতি মিলিল সঙ্গে,
 সিদ্ধি মিলিল ভজন সঙ্গে,
 মিশিল তটিনী সুখ তরঙ্গে,
 শাস্ত-সিদ্ধ-মার,—
 প্রণয়ি-যুগল-কুশল-দাত্রী, প্রেম-গীতি-মুখর-রাত্রি !
 নব-জীবন-জলধি-যাত্রি, হরষে কর বিরাজ !

[পুঠিয়ার রাজা শ্রীলক্ষ্মীকুমারেশ্বরায়ণ মায় বাহাদুরের শুভ পরিণয় উপলক্ষে রচিত]

বিশ্বমঙ্গলীকৃত অক্ষয়প্রাণা

মিঃ রাবকেদি—কাওলা

বস্তু ! স্বাগত ! সুধি, অভ্যাগত, জ্ঞান-পরব্রত,
 পুণ্য-বিলোকন ;
 বিজ্ঞা-দেবী-পদ-সুগ-সেবী, লোকনিরঞ্জন,
 মোহ-বিমোচন ।
 লহ সবশাস্ত্র-বিশারদ বর্গ,
 দীন-কুটীরে শ্রীতির অর্থ্য ;
 দেব-প্রভাময়-অতিথি-সমাগমে, জীর্ণ উটজ, মরি,
 আজি কি শোভন !
 হে শুভ-দরশন, ভারত-আশা !
 মুগ্ধপ্রাণে নাহিক ভাষা ;
 ধন্য, কৃতার্থ, প্রসন্ন, বিমোহিত, দীন-হৃদয় লহ,
 হৃদয়-বিরোচন !

[১৩১৫ সালে ধর্মীর সাহিত্যসম্মিলনের রাজসাহী অধিবেশনে উপলক্ষে রচিত]

বাণী-সম্বন্ধনা

'নিপট কপট ভূঁহ শ্যাম'—হর

তিমিরনাশিনী, মা আমার !
 হৃদয়-কমলোপরি, চরণ কমল ধরি',
 চিন্ময়ীমুরতি অখিল-আধার !

নিন্দিত' তুমার-কুমুদ-শশি-শঙ্খ,
 স্তম্ভ-বিবেক-বরণ অকলঙ্ক,
 মুক্ত-শূন্য-ময়, শ্বেত রশ্মি-চয়,
 দূর করে তমঃ-তর্ক-বিচার ।

এই করিল করুণাময়ী দৃষ্টি,
সম্ভব হইল জ্ঞানময়ী সৃষ্টি ;
আদি-রাগ-ধর, বীণ-সুধা-স্বর,
জাগ্রত করিছে নিখিল সংসার ।

কালিদাস-ভবভূতি, মহাকবি,
বাণীকি, ব্যাস, ভাগবত ভারবি,
ও পদ-ধূলি-বলে, লভিল ধরাতলে,
অক্ষয় কীর্তি, পরম সংকার ।

জ্যোতিষ-গণিত-কাব্য-শুভ-হস্তে !
ভগবতি ! ভারতি ! দেবি ! নমস্তে !
দেহি বরপ্রদে ! স্থানমভয় পদে,
ঘরিতে দূর কর মোহ আধার ।

[১৩১৫ সালে বঙ্গীয় সাহিত্যসম্মিলনের রাজসাহী অধিবেশন উপলক্ষে রচিত]

জ্ঞান

‘হুঞ্জে হুঞ্জে পুঞ্জে পুঞ্জে’-স্বর

জ্ঞান শ্রেষ্ঠ, জ্ঞান সেব্য, জ্ঞান পুরুষকার,
জ্ঞান কুশল-সার ;
জ্ঞান ধর্ম, জ্ঞান মোক্ষ, জ্ঞান অমৃত-ধার ;
জড় জীবন যার, অলস অন্ধকার,
জ্ঞান বন্ধু তার ।

হুঃখ দৈন্য ভুলে ছিলাম,

ডুবে আনন্দ-সলিলে ;

(ওগো) হুদিন এসে দীনের বাসে,

আঁধার ক'রে আজ চলিলে ।

(মোদের) কাকাল দেখে দয়া ক'রে

নয়নধারা মুছাইলে,

(আমরা) জ্ঞান-দরিদ্র দেখে বুঝি,

হু'হাতে জ্ঞান বিলাইলে !

(এই) শ্রেষ্ঠ দানের বিনিময়ে,

কি পাইবে ভেবেছিলে ?

(ওগো) আমরা ভাবি দেবতা তুষ্ট,

প্রীতিভরা প্রাণ সঁপিলে !

পাওনি যত্ন পাওনি সেবা,

কষ্ট পেতে এসেছিলে !

(মোদের) প্রাণের ব্যাকুলতা বুঝে,

ক্ষমা ক'রো সবাই মিলে ।

কি দিয়ে আর রাখবো বেঁধে,

রইবেনা হাজার কাঁদিলে ;

(সুধু) এই প্রবোধ যে হর্ষবিষাদ,

চিরপ্রথা এই নিখিলে !

সম্মান

বাউলের স্বর-পড় খেঁচা

তোরা ঘরের পানে ডাকা ;

এটা কফ্ ভরা রুমালের মত,

বাইরে একটু আতর মাখা ।

বহুশাস্ত্র বারিধি, কালাটাঁদ বিচ্ছেনিধি,

নিবারণ মাইতির সঙ্গে কচ্ছেন তর্ককাঁকা,

মাইতি বলে, 'মুরগী ভাল', শাস্ত্রী বলে, 'ধর্ম গেল',

(আবার) আঁধার হ'লে ছজন মিলে,

হোটলে হ'লেন গা' ঢাকা !

অধর্ষ বুড়োর সনে, সাত বছরের ক'নে,

বিয়ে দেয় নিষ্ঠুর বাপে, হাতিয়ে কিছু টাকা ;

(আবার)

এমনি কিছু মোহ তঙ্কায়, যে ছ'শ শাস্ত্রী, বিদ্যালঙ্কার,

সেই বিয়ের মন্ত্র পড়ায়,

উড়িয়ে টিকি জয়-পতাকা !

না যেতে বাসিবিয়ে, মেয়ের যায় সব ফুরিয়ে,

মোছে কপালের সিঁদুর, ভাজে হাতের শাঁখা ;

(তখন)

মিলে সব শাস্ত্রীবর্গ, হেসে করান বৃষোৎসর্গ,

মেয়েটির একাদশীর সুব্যবস্থা করেন পাকা ।

সে একাদশীর রেতে, মরে জল-পিপাসাতে,

বোকা বাপ্ দাঁড়িয়ে দেখে, মাথার হাঁকায় পাখা ;

(আবার)

ব'লে সেই মেয়ের পাশে, অন্ন-গেলে গ্রাসে গ্রাসে,

সমাজের নাই চেতনা, অন্ধ, বধির, মিথ্যে ডাকা ।

পাড়াগায় দলাদলি, সুধু কানমলামলি,
 'ভাইপো'কে রাগের চোটে, শালা বলেন কাকা ;
 (আবার) পেলে একটু দোষের গন্ধ, অমনি ধোপা নাপিত বন্ধ,
 এঁরাই আবার সভায় বলেন, 'উচিত মিলে মিশে থাক!'

পুরোহিত পূজায় ব'সে মন্ত্র আওড়াচ্ছে ক'সে,
 গায়েতে নামাবলী, প্রাণে লুচির কাঁকা ;
 (আবার) বাইরে ব'সে নব্য হিন্দু, গণ্ডুষ কচ্ছেন মস্তসিঁদু,
 ধর্মে বিশ্বাস নাই একবিন্দু, সুধু কৌলিক বজায় রাখা ।

কান্ত কয় কইব কত, এরাই দেশহিতে রত,
 এটা যে গাড়ীর মত, কাদায় ডুবল চাকা,
 এরা, ঘুমিয়েছিল উঠলো জেগে,
 চাকা টানতে গেল লেগে,
 মরণের জন্তে যেমন কুস্তকর্ণের হঠাৎ জাগা !

পাণ্ডিত ব্রাহ্মণ

দ্বিতীয় ইমনকল্যাণ—একতাল।

আমরা ব্রাহ্মণ ব'লে নোয়ার না মাথা, কে আছে এমন হিন্দু ?
 আমাদেরই কোনও পূর্বপুরুষ গিলে ফেলেছিল সিঁদু ।
 গিরি গোবর্দ্ধন ধরে ছিল যেই, মেরেছিল রাজা কংসে,
 তার বন্ধে যে লাখি মারে, সে যে জন্মেছিল এ বংশে ;
 বাবা, এখনো রেখেছি গলার কুলিরে অমন ধোলাই পৈতে ;
 তোমরা মোদের সম্মান করিবে, সে কথা আবার কইতে ?

আগেকার মত মুখ দিয়ে আর বেরোয় না বটে আগুন,
 (কিন্তু) কথার দাপটে এ ছুনিয়া মারি, সাহস থাকেতো লাগুন !
 যদিও এখন অভিশাপ দিয়ে ক'ন্তে পারিনে ভয় ;
 (কিন্তু) হাওয়াই তর্কে গিরি উড়ে যায়, তোমরা আবার ক'ন্ত ?
 বাবা, এখনো রেখেছি গলায় ঝুলিয়ে ইত্যাদি ।

পৌরহিত্য ক'রে থাকি আর করি মোরা গুরুগিরি হে ;
 (আর) নরক হইতে ছ'হাত তুলিয়া দেখাই স্বর্গের সিঁড়ি হে ;
 অসুখার আর বিসর্গের যোগে বাজাই এমনি আখড়াই,
 (যে) মজমান, আর শিষ্যবর্গে, বেমালুমভাবে পাকড়াই ;
 বাবা, এখনো রেখেছি গলায় ঝুলিয়ে ইত্যাদি ।

যদিও করেছি চটির দোকান, ঠেলছি বেড়ি ও হাতাটা,
 (কিন্তু) টিকিটি সুন্দর বজায় রেখেছি মহর্ষি ব্যাসের মাথাটা ;
 মদটা আসূটা খাই, মাঝে মাঝে পড়েও থাকি গো খানাতে,
 (আর) ব্রাহ্মণ ব'লে চিনিতে না পেরে ধরেও নে যায় থানাতে ।
 কিন্তু এখনো রেখেছি গলায় ঝুলিয়ে ইত্যাদি ।

যদিও ভুলেছি সন্ধ্যা ও গায়ত্রী, জপ, তপ, ধ্যান, ধারণা,
 (কিন্তু) ব্রাহ্মণত্ব কোথা যাবে ? সোজা কথাটা বুঝিতে পার না ?
 টুক ক'রে চুকে চাচার হোটেল খাই নিষিদ্ধ পক্ষী,
 (আর) ভোরে উঠিয়া গীতা নিয়ে বসি, বাবা বলে 'ছেলে লক্ষ্মী' ;
 বাবা, এখনো রেখেছি গলায় ঝুলিয়ে ইত্যাদি ।

চুরী কি ডাকাতি, খুন কি জখম, যা'খুসী ছ'হাতে ক'রে যাই ;
 পক্ষীতো ভাল, রাস্তায় যদি আস্ত "—"টা ধরে খাই ;

আমরা হচ্ছি জেতের কর্তা, আমাদের জাত নিবে কে ?
 (এই) স্বার্থের পাকা-বেদীর উপরে গলা টিপে মারি বিবেকে ।
 বাবা এখনো বুল্ছে ব্রহ্মণ্য তেজের Leyden jar এ পৈতে ;
 তোমরা মোদের সম্মান করিবে সে কথা আবার কইতে ?

অব্যানন্দী

বেশ্যপ—একতাল

জেনে রাখ, ভায়া, নারী এল ভবে কি কাজ সাধিতে ;
 ওরা জমা বেঁধে নেয় সংসার জমি,

চষে নাক' কতু আধিতে ।

সৃজিতে নয়ন-সলিল-বহা,

প্রসব করিতে পুত্র-কন্যা,

(আর) শত বন্ধনে পুরুষ গরুকে

মায়ার খুঁটোয় বাঁধিতে ।

পরিতে পাসি সাড়ী, সিমলাই,

বোম্বাই, বারাণসী গো,

পরিতে সোণা ও হীরের গহনা,

গাঁথা বাহে তারা শশী গো ;

মোদের খরচে এ সব কার্য্য

সাধিতে হইবে, তা অনিবার্য্য ;

'জ্বাকুশুম' ও 'কুস্তলীনে'

চিকুর-কলাপ বাঁধিতে ।

বিগ্রহে, কাক-ময়ূর-কণ্ঠা,

সঙ্কিতে, পিক পাপিয়া ;

সঙ্কি-সমরে, খেতে ছোলাভাজা,

মোদের স্বন্ধে চাপিয়া ।

না হর আমরা ভাল বাসিব না,

করিতে আসেনি, ছি, ছি, দাসীপনা ;

খাইতে আসেনি মোদের বকুনি,

কিন্বা হেঁসেলে রাখিতে ।

কষ্ট করিয়া কোমল শরীরে,

কি হেতু শিখিবে বিছা ?

নিত্য মুখরা বাক্যবাদিনী

ওদের সহজ-সিদ্ধা ।

যামিনী-শরনে হ'লে বিলম্ব,

শয্যাপার্শ্বে বিষম লম্ব

হয়ে নিরুপায়, ও হতভম্ব,

পায়ে ধ'রে হয় সাধিতে ।

না করিতে এক পরস্য উপায়,

অনটন হোক হাজারি ;

না ধরিতে নিজ পুত্র কণ্ঠা,

মেয়ে যেন কোনও রাজারি ।

হাসিয়া করিতে মোদের ধম্ব,

রাগিয়া মলিতে মোদের কর্ণ,

(আর) ছুতোনাতা নিরে, অভিমান ক'রে,

মোদের মর্মে 'খা' দিতে ।

মোস্তফার

‘আমরা বিলেত ক্ষেত্র ক’ ভাই’—হর

আমরা, মোস্তফারি করি ক’জন,
এই, দশ কি এগার ডজন,
কিন্তু, সংখ্যার অল্পপাতে আমাদের
বড্ডই কম গজন ।

পরি, চাপকান তলে ধুতি,
যেন, যাত্রার বৃন্দেদুতী ;
আমরা, দৌত্য কর্ণে পটু তারি মত
জানি রসিকতা স্তুতি ।

যত, ভাইসাহেব মক্কেল,
তাদের কতই যে মাখি তেল,
আর, ছ’ আনা, চার আনা, ছ’ আনায়, করি
সরষে কুড়িয়ে বেল ।

যত, নিরঙ্কর চাষা গুলো,
প্রায় দিয়ে যায় কলা মূলো,
দেখ, ক’রে তুলিয়াছি প্রায় একচেটে
চাচার চরণ ধূলো ।

কত মিষ্টি কথায় মাতিয়ে,
আর, ধর্ম-কুটুম পাতিয়ে,
ঐ, লম্বা দাড়িতে হাতটি বুলিয়ে
যা থাকে নেই হাতিয়ে ।

করি, জামিনের কিস্ আদায়,
কড়ু, আসামীটে গোল বাধায়,
ঐ, বিচারের দিনে হাজির না হ'য়ে
হাসির দ্বিগুণ কাঁদায় ।

চের বাঁধা ঘর আছে বটে,
কিন্তু বলা ভাল অকপটে,
যে বছরের শেষে পূজোর সময়,
মাইনে চলেই চটে ।

ছ'টো ইংরেজী কথাও জানি,
সুধু ভুলেছি Grammarখানি,
এই 'I goes', 'he come', 'they eats' বেরোয়
ক'রে খুব টানাটানি ।

বলি, Your honour record see,
What, প্রমাণ against me ?
এই doubt's benefit all court give
হজুর not give কি ?

কারো টাকা যদি পড়ে হাতে,
বড় নগদ রয়না তাতে,
আমরা জমা খরচেই সব সেরে দেই
পণ্ডিত ধারাপাতে ।

বলি, "মা'স্তে দেখিনি কিরে ?
বেটা কান ছ'টো দেবো ছিঁড়ে,

বল, নিজের চক্ষে মা'স্তে দেখেছি
দশ-বারজনা ঘিরে” ।

(রাখি), জমা খরচটা মস্ত
তাতে এমনিতর অভ্যস্ত,
বাজেয়াপ্তিতে জলকেটে নেয়,
ছুকে পড়ে না হস্ত ।

এখন, ভার হইয়াছে বসত,
প্রায় বন্দ হয়েছ রসদ,
মক্কেল, হাকিম, গিমি, চাকর,
সব মনে করে অসৎ ।

গোপনে দিয়েছি খেয়েছি কত,
সাক্ষী শিখিয়েছি অবিরত,
(এ হাতে) দোষীর মুক্তি, নিরপরাধীর
জেল হ'য়ে গেল কত !

সদর খাজানা না দিয়ে
(ও সে) টাকাটা গোপনে হাতিয়ে,
নিলাম করিয়ে নিজে কিনে নেই
গরীব মালিকে কাঁদিয়ে ।

আর বেশী দিন কই বাকি ?
শুনেছি, সেখানে চলে না কাঁকি ;
আমরা শিখিয়েছি কত দোষীর জবাব,
মোদের জবাবটা কি ?

ডাক্তার

মিস ইমনকল্যাণ—একতারা

দেখ, আমরা হচ্ছি পাশকরা,
ডাক্তার মস্ত মস্ত ;
ঐ Anatomy, Physiologyতে
একদম সিদ্ধহস্ত ।
আমরা ছিলাম যখন students,
ঐ Medical Jurisprudence,
এই Poetryর মতন আউড়ে যেতাম ;
ভেবোনা impudence ;
And, that hellish cramming system,
was but all for good ends.
আমরা M.B. কিন্না M.D. কিন্না L.M.S.
V.L.M.S.
And as a rule, we take as medicine
Vinum galicia, more or less

আমরা, ব'লে দিতে পারি, তোমার,
দেহে কথানা হাড় ।
করি spinal cord আর wisdom tooth-এর
স্বস্থ বিচার ।
আর ঐ, পচা পোকাপড়া,
হাতে, ধেঁটেছি কত মড়া,
যখন দ'মে যেতাম, পে'খে, সেটা
কি সব জ্ববে গড়া',
তখন, এক peg whisky টেনে নিয়ে,
মেজাজ কর্তাম চড়া ।
আমরা M. B. কিন্না M. D. ইত্যাদি ।

যেমা ফেমা নাই আর আমাদের,
 হয়েছে মুচি নাকা,
 তোমার মূত্র বিষ্ঠা ধাঁটতে পারি, দাদা,
 পেলে নূতন টাকা ;
 রোগটা বুঝি বা না বুঝি,
 আগে, দর্শনী ট্যাকে গুঁজি,
 দেখ, stethoscope আর thermometer,
 আমাদের প্রধান পুঁজি ;
 রোগের, description শুনে, prescription করি,
 অম্নি সোজাসুজি ;
 আমরা M. B. কিম্বা M. D. ইত্যাদি ।

তোমার ছেলে অককা পেলে,
 আমার কি আর তাতে ;
 কিন্তু ওষুধের billটে আসবেই আসবে
 প্রত্যেক সঙ্ক্যায় প্রাতে,
 তুমি, হাজার মাথাঠোকো,
 আর, দেবো না ব'লে রাখো,
 Billটা, ভিন্নরুল-মাফিক তেড়ে ধ'রবে,
 জলে বা গর্ভে ঢোকো,
 তা, হওনা তুমি কিস্মত মওল,
 হওনা Admiral Togo ;
 আমরা M. B কিম্বা M. D. ইত্যাদি ।

Medical certificate এর জন্মে
 এলে ধনী কেহ,

ঐ, জলপানী কিঞ্চিৎ হাতিয়ে, ব'লে দেই,
 “অতি রুগ্নদেহ,
 আমার চিকিৎসার নীচে আছেন,
 জানিনে মরেন কিম্বা বাঁচেন,
 এঁর ব্যারাম ভারি শক্ত, ইনি
 হাই ভোলেন আর হাঁচেন ;
 আর, কষ্ট হলেই কাঁদেন, আর
 আছলাদ হলেই নাচেন ;”
 আমরা M. B. কিম্বা M. D. ইত্যাদি ।

দেখ্লে, compound fracture, simple fracture,
 tumour কিম্বা sore ;
 যা স্ফূর্তিতে, লেগে যাই, তখন
 দেখে নিও ছুরির জোর ;
 এই সিদ্ধ হস্তে কেটে,
 দি, আঙ্গুল দিয়ে ধেঁটে,
 আমরা পরের গায়ে ছুরি চালাই
 অতি ভয়ঙ্কর রেটে,
 আর ঐ operation ব্যাপার আমরা
 করেছি একচেটে ।
 আমরা M. B. কিম্বা M. D ইত্যাদি ।

শিল্পশাস্ত্র-অভিনন্দন

'ঐ ভৈরবে বাজিছে বিকট ভরাবহ'- হর

:(মধু) মঙ্গল-গোধূলি-পরিণয়-উৎসব
—দরশনে আকুল প্রাণ,
'আইল ঋতুপতি কুসুমমাল্য ল'য়ে
স্নিগ্ধমলয়, পিকতান ।

এ শুভ মধুর প্রদোষ,
(তব) ভাগ্যগগনে, আজি, উদিল শুভগ্রহ
পূর্ণবিমলপরিতোষ ;
আশীর্ব্বাদ করিছে মুহুঃ বরিষণ,
শিরে তুলি লহ দেবদান ।

দুঃখ দৈন্য সব দূর ;
লক্ষ্মীস্বরূপণী আন গৃহে, ধন
ধায়ে হইবে ভরপুর ;
বিশ্বনাথপদে প্রণম ভক্তিভরে,
বল "জয় করুণা-নিধান" !

শিলা-অভিনন্দন

'কেন বক্তিত হব চরণে'-হর

তুমি সত্য কি যাবে চলিয়া ?
পুত্রকল্প প্রিয়শিশুদলে
যেতেছ আজি কি বলিয়া ?

মোরা ভাসিতেছি আঁখিনীরে,
তোমার শুভ্র স্মৃতিটুকু ল'য়ে
যাব কি হে গৃহে ফিরে ;

তব উপদেশ সুধাবাগী,
তব সৌম্যমুরতিখানি,
আজি বিদায়ের দিনে, পুণ্যকিরণে
উঠিছে হৃদয় জ্বলিয়া ।

আজি, কি দিয়া শুধিব ঋণ হে,
মুকুপ্রাণের শ্রীতিটুকু ছাড়া,
কি আছে ? আমরা দীন হে !

তুমি কীৰ্ত্তিবিমানে চড়িয়া,
যশের মুকুট পরিয়া,
দীর্ঘজীবন লভ, সুখে থাক,
যেওনা মোদের ভুলিয়া ।

[কোন শিক্ষকের বিদায় উপলক্ষে রচিত]

সংস্কৃতভাষার পুনরুজ্জ্বলন

বঙ্গীধরী—আড়াঠেকা

চির-নিরানন্দ গেছে কি আনন্দ উপজিল !
বিশন্ন-আকুল প্রাণে কেবা শাস্তি ঢালি দিল !
নিরাশার ঘার খুলি', "উঠ মা, জাগো মা" বলি,
আনন্দ আহ্বানে কেবা জননীরে জাগাইল !

জ্ঞানের আলোক দিয়া, ভরিল আঁধার হিয়া,
 ছুখিনী মায়ের চির-আঁধি-বারি মুছাইল ।
 কে কোথা রয়েছ প'ড়ে, ছুটে এস ত্বর ক'রে,
 দেখ দয়াময় বিধি কিবা নিধি মিলাইল ।

সংস্কৃতভাষা

বেহাগ—আড়াঠেকা

শুনবে কি আর ?

আর্যের সে দেব ভাষা নিত্য সুধাসার ।
 চতুর্বেদ শ্রুতি স্মৃতি, গায় যার যশোগীতি,
 কবীন্দ্র বাল্মীকি ব্যাস, সুপুত্র যাহার ;
 যে ভাষায় রচি মন্ত্র, দর্শন পুরাণ তন্ত্র,
 ক'রে গেছে কত নব সত্য আবিষ্কার ।
 ভারতে জনম ল'য়ে, অশেষ লাঞ্ছনা স'য়ে,
 অনাদর অযতনে, কি দশা তাহার !
 দেববালা অঙ্গহীন, কি বিষন্ন কি মলিন !
 হেরিলে পাষণ প্রাণ কাঁদেনা তোমার ?
 অমৃত আনন্দ ভুলি', ধরেছ বিদেশী বুলি,
 বিদেশে চাহিয়া দেখ সম্মান তাহার ;
 তোমার নিজস্ব ল'য়ে, পরে যায় ধন্য হ'রে,
 ফিরিয়া না দেখ তুমি, হায় কি বিকার !

বিভঙ্গা—তেওড়া

অস্থিভূষণ মৃত্যুদানব
 ভীম-নহ-কপাল-মালী,
 রুদ্র নেত্রে কি রোষ পাবক,
 জলিছে তীক্ষ্ণ মরীচি-শালী !
 হুঃখ, দৈন্ত্য, বিষম বুড়ুকা,
 শ্রেত-শ্রেতিনী সঙ্গে,
 নাচে তাণ্ডবে, অট্ট হাসিছে
 ভীম কর্কশ কি করতালি !

—জাগো জাগো বিলাস পরিহর,
 ত্যজ সুকোমল শয়ন রে,
 দৈত্য নাশিতে ডাক জননীরে
 দৈত্য-হরণা শক্তি কালী ।

[উড়িয়া-হর্ষিক উপলক্ষে রচিত]

কোন বন্ধুর অকালমৃত্যু উপলক্ষে

বেহাগ—আড়াঠেকা

তবে কেন শোক,
 যদি রে আনন্দময়, পুণ্য পরলোক ?
 যে দেশে গিয়াছে ভাই, সে দেশে বিষাদ নাই
 চিদানন্দ সুখস্রোতে, চিরায়ুত যোগ ।

কার পূজা বা নব্য মতে, কার পূজা নেহাৎ সেকেলে ;
 এ দারুণ ছদ্মদিনে হ'লি অন্নপূর্ণা কার হেঁসেলে ?
 কে দিলে মা রেলির কাপড়, দিশি তাঁতের বস্ত্র ফেলে ;
 কোন্ পুরুত তিন বাড়ীর পূজা ক'রে বেড়ায় অবহেলে ?
 কোন্ পূজকের মুখে মন্ত্র, মন রয়েছে লুচির খালে,
 আর কিছু বলুক না বলুক, 'ভ্যো নম'টা বলেই বলে ।
 কান্ত বলে শোন মা, তারা, আসুছে বছর আবার এলে,
 নাও যদি মারিস্ প্রাণে, এই অম্বরগুলো পুরিস জেলে ।

অনোদ্যমিকা

ভাঙ্গা—ভালব একতারা

কোন্ অজানা দেশে আছ কোন্ ঠিকানায়,
 লুকিয়ে লুকিয়ে ভালবাস যে আমায় ;
 গোপনে যাওয়া আসা, ভালবাসা, চোখের আড়াল সব,
 লোক দেখান নয় হে তোমার করুণা নীরব ;
 নয়নের সাম্নে থাক, দেখা নাহি যায় !

অভ্যর্থনা

বিশ্ব খাষাক—ভালব একতারা

কোন্ সুন্দর নব প্রভাতে,
 তুমি উদিলে ধরা জাগিল হে !

ত্নিকমলয় বহিল মন্দ,

বনকুসুম—

ভদ বদনচূষ মাগিল হে !

হুখ নিমগনে, ধরাবাসিজনে,
 আনন্দকিরণে ভাসিল—
 মোহ-জ্বলদ সরিল,—সবারি হৃদয়-
 আধার টুটিল হে ;
 ‘জয়মঙ্গলরূপী নবরবি’ রবে
 সবে বন্দন গাছিল হে !
 আবার—সাক্ষ্যগগনে স্তিমিতকিরণে
 চলিলে, নিভিল উজ্বল ভাতি হে,
 অস্ত, নিখিল ব্যস্ত, দিয়ে গেলে
 হুখরাতি হে,
 সবে ডুবিল ঘোর অন্ধতিমিরে
 নিরাশায় চিত ভরিল হে !
 আর কি কভু এ ভাগ্যগগনে
 উদবে করুণা করিয়া,
 দাঁড়াও ! সৌম্য মুরতি হেরি, এ
 তৃষিত নয়ন ভরিয়া ;
 তবে মিলনের ভয়ে বিরহ ভীতি
 হৃদয় আকুল করিল হে ।

কোন প্রথিতনামা সাহিত্যসেবীর

পরলোকগমন উপলক্ষে

বি'কিট—একভালা

নিম্প্রভ কেন চন্দ্র তপন,
 স্তম্ভিত যুহু গন্ধবহন,
 ধীর তটিনী মন্দ গমন,
 স্তব্ব সকল পাথী ।

সন্ধ্যা কুমুম

চন্দ্র ও সূর্য

পূর্ণিমার সন্ধ্যাকালে চাঁদ উঠে পূবে,
পশ্চিমের আকাশেতে সূর্য যায় ডুবে ।
উঁকি মেরে চাঁদ কয় সূর্য পানে চেয়ে,
“ওগো সূর্যি মামা ! কোথা চলিয়াছ খেয়ে ?

এতক্ষণ জীবগণে পোড়াইয়া ধীরে,
শরীরের জ্বালা বুঝি নিভাইতে নীরে,
সাগরে ডুবিছ ? ভাল, উঠিও না আর,
আমি আসিতেছি, তাপ জুড়াতে ধরার ।

আমার শীতল জ্যোৎস্না পেয়ে জীবগণ,
হ'য়ে থাকে অবিরল আনন্দে মগন ।
অবোধ সরল শিশু মা'র কোলে থেকে,
‘আয় চাঁদ, আয় চাঁদ’ বলে মোরে ডেকে ।

সহস্র চকোর উড়ে মোর দেখা পেয়ে,
কি আনন্দ পায় তারা মোর সুখা খেয়ে !
‘সুখাকর’ নাম মোর, করি সুখা দান ;
‘তপন’ তোমার নাম, দক্ষ কর প্রাণ ।

‘শশধর’ নাম মোর কেমন সুন্দর ;
‘মার্জিত’ তোমার নাম অতি ভয়ঙ্কর !
তোমারে দেখিলে কেহ, চক্ষু হয় অন্ধ ;
আমার শীতল মুক্তি, দর্শনে আনন্দ ।

তোমার কিরণ-স্পর্শে অবিরত স্বর্ষ,
পিপাসায় প্রাণ যায়, দক্ষ হয় চন্দ্র ।
তোমারে দেখিয়া সবে গৃহেতে লুকায়,
ভাবে, কতক্ষণে এটা অস্ত্র যাবে, হায় !

যাইতেছ ডুবে যদি, যাও, নমস্কার ;—
একেবারে যাও, মামা, জালায়ো না আর ।”
সূর্য্য কহে ধীরে ধীরে রান্ধা মুখে হেসে,
“এমন পণ্ডিত আর আছে কোন্ দেশে ?

আমি আছি, তাই বাঁচে জীবের জীবন,
হাতে হাতে প্রাণ দেয় আমার কিরণ ।
পৌষমাসে যৎসামান্য দক্ষিণেতে সরি,
শীতে যুতপ্রায় জাব,—কম্প ধরধরি ।

আমার কিরণ পেয়ে বাঁচে যত তরু,
নতুবা এ ধরা হ'ত অক্ষুর্ধর মরু ।
ফল, ফুল, লতা, গুল্ম, শস্ত্র অগণন,
করি অকুরিত, করি বর্ধন, পালন ।

তাই খেয়ে, তাই পেয়ে, জীবের বড়াই,
আমিই মেঘের জল ধরায় ছড়াই ।
গিরি-শিরে অবিরত গলাই তুষার,
তাই প্রাণিগণ পায় শীত জলধার ।

আমি না উদিলে, আর নাহি চলে বায়,
মুহূর্ত্তে জীবের শেষ হ'রে যায় আয় ।

আরে মুর্খ ! কোন্ মুখে মোরে 'মামা' কহ ?
নাহি জান, আমি যে তোমার পিতামহ ?

সে দিনের শিশু তুমি, বয়স বা কত,
এরি মধ্যে ধরিয়াছ গুরুনিন্দা-ব্রত ?
নাম নিয়ে কেন কর এত কথা ব্যয় ?
নামের গৌরব বাড়ে গুণ যদি রয় ।

শাস্ত্র ছেলেটিকে যদি 'ছুষ্ট' ব'লে ডাকি,
ডাকিতে ডাকিতে ছেলে মন্দ হয় নাকি ?
পণ্ডিতের নাম যদি রাখি 'বোকারাম',
মুর্খ হ'য়ে যায় নাকি ? পায় না প্রণাম ?

বালকের নাম যদি রাখি 'বৃদ্ধ রায়',
শৈশবেই চুল তার সাদা হ'য়ে যায় ?
অন্ধপুত্রে যদি ডাকি 'পদ্মনেত্র' ব'লে,
দৃষ্টিশক্তি পায় সে কি সুধু তারি ফলে ?

গায়ের কলঙ্ক বুঝি দেখিতে না চাও ?
তাই নিফলকে নিন্দা ক'রে সুখ পাও ?
তুমি না থাকিলে চাঁদ কি বিশেষ ক্ষতি ?
আমা ভিন্ন এ ধরার কি হইত গতি ?

যে আলোর তুমি এত কর অহঙ্কার,
সে আলো তো মোর কাছে করিয়াছ ধার ।
যার ধনে ধনী তুমি, তারি নিন্দা কর ?
উদিত হ'য়ে না, শিশু, জলে ডুবে মর ।”

ଅମ୍ବ ଓ ଗାଢ଼ୀ

ହରିଦସ୍ତ ନାମେ ଧନୀ, ନବଗ୍ରାମବାସୀ,
 ଗୋଶାଳା ଓ ଅଶ୍ଵଶାଳା ଗଢ଼େ ପାଶାପାଶି ।
 ପ୍ରତ୍ୟହ ସାୟାଢ଼େ ସେହି ଧନୀର ନନ୍ଦନ,
 ଅଶ୍ଵଶାଳେ ଅଶ୍ଵ ଆନି' କରିତ ବନ୍ଧନ ।

ଗୋଶାଳାୟ ଗାଢ଼ୀ ଛିଲ ପରମ ଯତନେ,
 ବସିଯା ଥାକିତ ସାଞ୍ଜେ, ରତ ରୋମହ୍ଵନେ ।
 ଏକ ନିଶା ଦ୍ଵିପ୍ରହରେ ଅଶ୍ଵବର ଶୀରେ,
 ଘୁଞ୍ଚେର ନିଃଶ୍ଵାସ ଛାଡ଼ି' କହିଛି ଗାଢ଼ୀରେ,—

“ଶୁନ, ଗାଢ଼ୀ, ମମ ମମ ଘୁଞ୍ଚି କେହ ନାହି,
 କୋନ୍ ପାପେ ଅଶ୍ଵ ହ'ୟେ ଜନ୍ମ, ଭାବି ତାହି ।
 ଶତବାର ଦେହି ଆମି ଅଦୃଷ୍ଠେ ଧିକ୍କାର,
 ଲକ୍ଷ୍ମବାର ନିନ୍ଦି ମାନବେର ଅବିଚାର ।

ଭୋରେ ମୋରେ ଜୁଢ଼େ ଦେୟ, ଭାରି ଗାଢ଼ୀଧାନା,
 ସନ୍ଧ୍ୟାୟ ବିରାମ ମୋର ହୟ ଗାଢ଼ୀ-ଟାନା ।
 ମାଞ୍ଜେ ମାଞ୍ଜେ ରାତ୍ରିତେଓ ପାଇନେ ନିନ୍ତାର,
 ଅବିରତ କଷାଘାତ ଶ୍ରମ-ପୁରସ୍କାର ।

ଆସ୍ତିବଶେ ଏକଟୁକୁ ଥାମି ଯଦି କହୁ,
 କଠିନ ପ୍ରହାର କରେ ନିରଦୟ ପ୍ରହୁ ।
 ପିଠି କେଟେ ରକ୍ତ ବ'ୟେ ଯାଏ କତବାର,
 ତବୁ କଷାଘାତ କରେ, କେ କରେ ବିଚାର ?

বদনেতে রশ্মি দিয়া টানে এক জোরে,
জিহ্বা কেটে যায়, তবু টানে তাই ধংসে।
তথাপি উদর পূরে খাইতে না পাই,
পেটে খেলে পিঠে সয়, জাও মোর নাই।

আমার সহিস-প্রভু, মোর ছোলা থেকে,
অর্ধেক সরান, প্রাণ কেটে যায় দেখে।
আমাদের কথা যদি বৃষ্টিত মানব,
হ'তে পারিত না এত নিষ্ঠুর দানব।

মাঝে মাঝে কণ্ঠাগত হ'য়ে আসে প্রাণ,
ভাবি, বাঁচি অঞ্চলীলা হ'লে অবমান।
তুমি, গাভী, কত সুখে জীবন কাটাও,
বিনাশ্রমে, মহাযত্নে ব'সে ব'সে খাও।

প্রহারের পরিবর্তে পাও মহাদর,
তোমারে দেবতা জানে পূজা করে নয়।
কত ভক্তিভরে প্রভু করে তব সেবা,
পশুमध्ये তব সম স্থখী আছে কেবা-৭”

‘তুনি’ হুঃখে হানি’, গাভী করিছে উত্তর,
“আমার বেদনা সুধু জানেন ঈশ্বর।
তুমি কাঁদিতেছ, অথ, প্রহার-ব্যথার,
চিন্তে যদি সুখ থাকে, মার সহ্য যার।

অনাহার, প্রহার বা অতি পরিশ্রম,
এ হ'তে আমার হুঃখ দারুণ বিষম!

ঐ দেখ, অধবর, আমারি কুটারে,
বাঁধিরা রেখেছে মোর শিশু বৎসটিরে ।

আমি আছি তিন হাত মাত্র দূরে বাঁধা,
দিবস যামিনী মোর সার স্নুধু কাঁদা ।
স্নুধায় আকুল বাছা, জিজ্ঞাসে না কেহ,
বাঁট-ভরা হৃথ মোর, বুক-ভরা স্নেহ ।

সারা রাত্রি বাছা মোর 'মা, মা' বলে ডাকে,
স্নুধায় হৃর্কল হ'য়ে ভূমে প'ড়ে থাকে ।
হৃ'জনায় হৃ'জনায় মুখ পানে চাই,
বিফল রোদনে, অধ, যামিনী পোহাই ।

প্রত্যহ প্রভাতে পাই প্রভুর দর্শন,
সে দৃষ্টি এ প্রাণে করে গরল বর্ষণ ।
দক্ষিণে দোহন-পাত্র, বাম হাতে কেঁড়ে,
আসিয়া বাছারে দেয় একবার ছেড়ে ।

স্নুধায় ভৃক্ষায় বৎস পাগল হইয়া,
হৃথ খেতে আসে মোর বাঁটে মুখ দিয়া ।
হৃ'টি মাত্র টান দিতে সে পাম্বাণ প্রাণে
নাহি সহে, বাছার বদন ধ'রে টানে ।

তখনি সুরারে নিয়া ধ'রে রাখে কাছে,
তা' দেখে কি অভাগিনী মা'র প্রাণ বাঁচে ?
সব হৃথটুকু মোর টানিয়া দোহার,
জ্ঞাবি, হার, কেন কাল-যামিনী পোহার ?

কাছে দাঁড়াইয়া বাছা 'হায়, হায়' করে,
 'মা, মা' ব'লে ডাকে, আর আঁখিজল করে ।
 নিষ্ঠুর যখন দেখে ছুখ নাই বাঁটে,
 ছেড়ে দেয় তারে, বাছা শুক বাঁট চাটে ।

সবে চলে যায়, মোরা ছুইজনে কাঁদি,
 নীরবে সকলি সহি, বিধি প্রতিবাদী ।
 পূর্বজন্মে কার মা'কে দিয়েছিহু ক্লেশ,
 তারি এ কঠোর শাস্তি, জেনেছি বিশেষ ।”

রাজপুত্র ও ঋষিপুত্র

পুরাকালে ছিল এক রাজার নন্দন,
 মহিষীর একমাত্র আনন্দ-বর্দ্ধন ।

অতি আদরের ছেলে, শিশুকাল হ'তে,
 অঙ্গ ঢেলে দিয়েছিল বিলাসের স্রোতে ।
 কখনো ছিল না কোন সুখের অভাব,
 যেমন ঐশ্বর্য্য তার, তেমনি প্রতাপ ।

একদা প্রত্যাশে, পরি' যুগয়ার সাজ,
 সৈন্ধ্য ল'য়ে যুগয়ায় যান যুবরাজ ।
 গহনে যুগের পিছু ছুটি' অনিবার,
 পথ হারাইল সাঁঝে, রাজার কুমার ।

পরিভ্রান্ত অতিশয়, ভৃক্ষায় কাতর,
 অন্ধকার হ'য়ে আসে ক্রমে গাটতর ।

বিষয় বিহবল-চিত্ত নৃপের নন্দন,
ক্রতপদে করে এক ভরু আরোহণ ।

অনিচ্ছায় অনাহারে পোহাইল রাত্রি,
প্রভাতে বনের পাখী গাহিল প্রভাতী ।
অবরোধি' ভরু হ'তে, পথ-অন্বেষণে,
ভ্রমিতে লাগিল বনে চঞ্চল চরণে ।

হেনকালে দেখা এক ঋষিপুত্র সাথে,
সে যায় তুলিতে ফুল, ফুলসাজি হাতে ।
রাজপুত্র কহে ডাকি', "কে ? কোথায় যাও ?
প্রাণ যায়, এক বিন্দু জল মোরে দাও ।"

ঋষিপুত্র যত্নে ল'য়ে যায় সুবরাজে,
সুপবিত্রে, শাস্তিময় তপোবন-মাঝে ।
জল দিয়া সুবরাজে আদরে বসায়,
জিজ্ঞাসে, "কি নাম ধর, বসতি কোথায় ?"

রাজপুত্র নাহি দেয় কথার উত্তর,
ঋষিদের দশা দেখে' ব্যথিত অন্তর ।
অবশেষে কহে, ঋষিপুত্রেরে সজ্জাষি',—
"আজ্ঞা পেল, ছ'টি কথা তোমারে জিজ্ঞাসি ।

কি হেতু কঠোর শাস্তি হ'য়েছে তোমার ?
আলো ভাল নয় ? ভাল বনের আঁধার ?
গাছের পাতার ঢাকা একখানি কুঁড়ে,
ঝড়ে উড়ে যেতে পারে, যেতে পারে পুড়ে ।

সুখের নাহিক চিহ্ন, আছ কোন্ সুখে ?
 পায়স মিষ্টান্ন বুঝি নাহি যায় মুখে ?
 কটু তিস্ত ফল খেয়ে ক্ষুধা হয় দূর ?
 ওটা কি ? হায় রে দশা ! কুশের মাছর ?

ওই শয্যা ? পরিধান ক'রেছ বাকল ?
 বস্ত্র নাহি জুটে ? কিম্বা হ'য়েছ পাগল ?
 শত-ছিদ্র এ কুটির ; ঘোর বরষায়
 পড়ে না বৃষ্টির ধারা ? শুয়ে থাকা যায় ?

প্রজ্বলিত অগ্নি মাত্র শীতের সম্বল ?
 অশ্রু থাক্, একখানা জোটে না কঞ্চল ?
 এত ক্লেশ ক'রে যার কর আরাধনা,
 তার কাছে কিছুই কি চাহিতে পার না ?

আরো ভেবে দেখ, যদি মরণের পরে
 পরকাল নাহি থাকে ? পশুশ্রম ক'রে
 মিথ্যা আশা বুকে ল'য়ে সাধিতেছে কত
 ভয়ানক ক্লেশকর, সুকঠোর ব্রত ;

না খেলে মধুর খাণ্ড রসনা-তোষণ,
 না পেলে বিলাস-দ্রব্য, বসন-ভূষণ ।
 গীত, বাণ্ড, রসালাপ লেখেনি ললাটে,
 মানুষের জীবন কি এই ভাবে কাটে ?

পরকাল না থাকিলে হুঃখ মাত্র সার,
 নিষ্ফল জীবনে তব, সহস্র বিকার ।

কে দেখেছে পরকাল, আছে কি বিশ্বাস ?
মোর অঙ্ককার সব ফুরালে নিঃশ্বাস ।”

ধীরভাবে ঋষিপুত্র শ্লেষবাক্য শুনে’
বলে শেষে, “রাজা তুমি কহ কোন্ গুণে ?
যৌবনেই যার হেন বুদ্ধি-বিপর্যায়,
সুশাসন তার ভাগ্যে নাহিক নিশ্চয় ।

যে সব বিলাস-দ্রব্য কভু নাহি চাই,
তাহার অপ্রাপ্তি-হেতু হুঃখ কিছু নাই ।
মানবের সুখ হুঃখ জনমে অন্তরে,
সেই হুঃখী, সদা যে অভাব বোধ করে ।

বসন, ভূষণ কিম্বা খাণ্ড সুরমাল,
যে না চাহে, তার বল কিসের জঞ্জাল ?
আমি যদি সুখী হই বনফল খেয়ে,
কি ফল, এ কাণে মিষ্টামের গুণ গেয়ে ?

পরকাল আছে কি না দেখে নাই কেহ,
যদি বল সে বিষয়ে বিশেষ সন্দেহ ;
না-ই যদি থাকে, তাতে মোর হুঃখ নাই,
যদি থাকে, তোমার কি গতি হবে, ভাই ?

প্রজার বৃকের রক্ত করিয়া শোষণ,
শত শত দরিদ্রেরে করায় রোদন,
শত মিথ্যা, প্রবঞ্চনা, শত অবিচারে,
যে অর্থ তুলিছ তুমি রাজ-ধনাগারে,—

তাই দিয়া কিনিয়াছ এ ক্লেশিক সুখ,
বৃথা অহঙ্কারে ফুলে উঠিয়াছে বুক ।
যে দিয়াছে এই সুখ, বিলাস, সম্পদ,
ভ্রমে চিন্তা নাহি কর তাঁহার শ্রীপদ ।

পরকাল যদি থাকে তবে কোথা যাবে ?
সমস্ত পাপের শাস্তি একে একে পাবে ।
তাই বলি, নৃপসুত, তুমিই নির্বোধ,
কোথায় তোমার শাস্তি, কোথায় প্রবোধ ?

পাপে ডুবে' যেই নিজে সুখী মনে করে,
ক্লেশিক বিলাসে ম'জে না ডাকে ঈশ্বরে,
তারে কভু বুদ্ধিমান বলা নাহি যায়,
ভাব গিয়া, কি প্রভেদ তোমায় আমায় !”

গুরু ও শিষ্য

গুরুগৃহে করি' শাস্ত্রপাঠ-সমাপন,
বন্দিয়া বনিক-পুত্র গুরুর চরণ,

ধীরে ধীরে, সবিনয়ে কহে যুহুভাষে,
“অনুমতি হয় যদি, যাই নিজ বাসে ;
কিন্তু এক ভিক্ষা আছে, চরণের দাস
সামান্য দক্ষিণা দিতে করে অভিশাষ ।”

গুরু হাসি' কহে, “বৎস, দক্ষিণা কি হবে ?
আমার অভাব কিছু নাহি এই ভবে ।”

শিষ্য বলে, “কাস্তি তব কাঞ্চন-সন্নিভ,
তু’গাছি সোণার বালা পরাইয়া দিব ।

সোণার শরীরে সোণা মানাইবে ভাল,
রূপের ছটার হবে তপোবন আলো ।”
গুরুদেব বলে, “বৎস, তাই যদি সাধ,
দিয়ে যেয়ো, বাসনার না সাধিব বাদ ।”

কিছুদিন পরে সেই বণিক-নন্দন,
স্বর্ণবালা ল’য়ে করে চরণ-বন্দন ;
স্বহস্তে গুরুর হাতে দিল পরাইয়া,
হেরিল দেহের শোভা নয়ন ভরিয়া ।

শেষে কহে, “গুরুদেব, তু’গাছি বলয়,
হারাইয়া ফেল যদি, এই মম ভয় ।”
গুরু কহে, “বৎস, আমি প্রতিজ্ঞা না করি,
হারাইতে পারে, কেহ নিতে পারে হরি’ ;

তুমি তো সকলি জান, আমি উদাসীন,
সর্ববিধ ধনরত্নে বাসনা-বিহীন ।
তথাপি শিষ্যের দান গুরুর নিকটে,
যথাযোগ্য যত্ন, আর আদরের বটে ।

সাধ্যমত যত্ন করি’ রাখিব বলয়,
তথাপি জানিও, দৈব কারো বশে নয় ।”
আনন্দে বণিক-পুত্র প্রণমিয়া পদে,
কিরি’ গেল নিজ গৃহে, কাননের পথে ।

কিছুদিন পরে, পুনঃ গুরু-সন্দর্শন-
অভিলাষে, বনে আসে বণিক-নন্দন ।
চরণে প্রণমি' দেখে দাঁড়াইয়া কাছে,
এক হাতে বালা নাই, এক হাতে আছে ;

বিষাদে কহিল, “প্রভু, বালা কি করিলে ?”
গুরু কহে, “প’ড়ে গেছে সরসী-সলিলে ।
স্নান-হেতু নেমেছি সুরোবর-জলে,
অকস্মাৎ বালাগাছি প’ড়ে গেল তলে ।”

বণিক-নন্দন কহে জোড় করি' কর,
“সুন্দর বলয় সে যে, মূল্যও বিস্তর ।
কোন স্থানে পড়িয়াছে দেহ দেখাইয়া,
খুঁজে দেখি একবার জেলে নামাইয়া ।”

অনুরোধে যান গুরু অনিচ্ছায় ধীরে,
উভয়ে দাঁড়ান গিয়া সুরোবর-তীরে ।
শিশু কহে, “কোন স্থানে পড়েছে বলয় ?”
অবশিষ্ট বালাগাছি গুরু খুলে লয়,—

“ওই স্থানে পড়িয়াছে” ধীরে গুরু ব’লে,
সে গাছিও ছুঁড়ে ফেলে সুরোবর-জলে ।
হু’গাছি বালা-ই গেল, ভাবে শিশু ছখে,
হু’গাছি বালাই গেল, ভাবে গুরু সুখে ।

কৃষ্ণদাস ও দেবদুত

পরম বৈষ্ণব এক কৃষ্ণদাস নামে,
বসতি করিত নবকৃষ্ণপুর গ্রামে ।

প্রতিদিন ন্যূন-কল্পে একটি অতিথি
ভোজন করা'ত,—তার ছিল চিররীতি ।
অভুক্ত রহিত নিজে অতিথি না পেলে,
নিজে খে'ত, অতিথি আহার ক'রে গেলে ।

এই ব্যবহার তার ছিল আজীবন,
ভ্রমেও হ'ত না কভু নিয়ম-লঙ্ঘন ।
বিধাতার ইচ্ছা কিবা বলা নাহি যায়,
একদিন কৃষ্ণদাস অতিথি না পায় ।

যারে পথে দেখে, তারে কহে কর-জোড়ে,
“একবার মম বাসে এস দয়া ক'রে ;
দরিদ্রের হু'টি অন্ন মুখে দিয়ে যাও,
অনাহারে আছি আমি, জীবন বাঁচাও ।”

এরূপে সমস্ত দিন যাচি' প্রতিজনে,
সহ্যায় একাকী গৃহে ফিরে ক্ষুণ্ণমনে ।
কেহ বলে, “কাজ আছে, বড় তাড়াতাড়ি,”
কেহ বলে, “নাহি খাই বৈষ্ণবের বাড়ী ;”

কেহ বলে, “এখনি এলাম ভাত খেয়ে,”
কেহ নিরুত্তর, ব্যস্ত, চলিয়াছে ধেরে ।
সম্মুখে প্রস্তুত অন্ন, ভাবে কৃষ্ণদাস,
“প্রভু আজ দিরাছেন মেরে উপবাস ।”

রাত্রি দ্বিপ্রহরে যবে নীরব অবনী,
ছয়ারে শুনিল স্পষ্ট করাঘাত-ধ্বনি ।
ব্যস্ত হ'য়ে কৃষ্ণদাস খুলে দেয় দ্বার,
ক্ষুধার্ত অতিথি এক মাগিছে আহার ।

ভাবে, “প্রভু এতক্ষণে ক'রেছেন কৃপা,
জুড়ারে গিয়াছে অন্ন, খাওয়াইব কিবা !”
সমাদরে অতিথিরে বসায় আসনে,
অন্ন আনি' দিল তারে পরম যতনে ।

সন্মুখে যেমন অন্ন রাখে কৃষ্ণদাস,
অতিথি বদনে দেয় বড় বড় গ্রাস ।
ইষ্টদেবে নিবেদন করিল না দেখে',
কৃষ্ণদাস একেবারে অগ্নিশর্মা রোগে ;

বলে, “তুই কোথা হ'তে আইলি ? আ-মর ।
দেখি নাই তো'র মত পাষণ্ড পামর ।
তো'র মত ধর্মহীন, পাতকী, পাগল
খাওয়াইলে, কিছুমাত্র নাহি হবে ফল ।

ধীর করুণায় এই ক্ষুধার সময়
পাইলি আহার, তাঁরে মনে নাহি হয় ?
ওঠ্ তুই, তো'র আর খেয়ে কাজ নাই,
অভুক্ত রহিব আমি, অতিথি না চাই ।”

এত কহি', এক চড় মারে তার গালে,
উঠিল অতিথি, ভাত প'ড়ে র'ল ধালে ।

অভিমাণে চ'লে গেল, ফিরিল না আর,
কৃষ্ণদাস ক্রোধ-ভরে রুদ্ধ করে দ্বার ।

এমন সময়ে, এক দেবদূত এসে,
দাঁড়াল সম্মুখে, সাধু-উদাসীন-বেশে ।
দূত কহে, “কৃষ্ণদাস, কি করিলে হায় !
ক্ষুধার্তের অন্ন নাকি কেড়ে নে'য়া যায় ?

পাঠাইল প্রভু মোরে তোমার সকাশে,
ব'লে দিল, 'সাবধান কর কৃষ্ণদাসে ;
পূর্বকৃত সুবিমল পুণ্য করি' নাশ,
গভীর পাপের পক্ষে ডুবে কৃষ্ণদাস ।’

যে প্রভুর অন্ন, পাপী করিছে ভোজন,
কোন দিন করে নাই তাঁরে নিবেদন,
তথাপি দয়াল তার আহার যোগান,
দয়া ক'রে চিরকাল ক্ষমা ক'রে যান ।

কেন বিপরীত বুদ্ধি হইল তোমার ?
এ অন্নে তোমার, বল, কোন অধিকার ?
তুমি প্রতিনিধি মাত্র দয়াল প্রভুর,
তুমি তাড়াইলে কেন ক্ষুধা-তৃষ্ণাতুর ?

দয়ালের অন্ন এ যে, তোমার তো নয় ;
তাঁর চিরকাল সহে, তোমার না নয় ?
চিরকাল ক্ষমা তিনি করিছেন এ'রে ;
তুমি দিলে তাড়াইয়া, গালে চড় মেরে ?

তবু তুমি ভৃত্য মাত্র,—মালিক তো নহ ;
 একদিন মাত্র, তাই তোমার হুঃসহ ?
 শীঘ্র যাও, ক্ষুধিতেরে আন ফিরাইয়া,
 আহার করাও তারে আদর করিয়া ।

অসীম দয়াল প্রভু, ক্ষমার নিবাস,
 হেরি', ক্ষমা শিক্ষা কর, ভ্রাস্ত কৃষ্ণদাস !”
 লজ্জা পেয়ে, অহুতাপে, কৃষ্ণদাস ধায়,
 অতিথি ফিরায়ে এনে আহার করায় ।

শিতা ও পুত্র

রামদাস প্রতিদিন গিয়া পাঠশালে,
 পড়া হইত না ব'লে, চড় খে'ত গালে ।
 বিশেষতঃ ঠেকে যে'ত কড়ায় গণ্ডায়,
 প্রমাদে পড়িত বড়, অঙ্কের ঘণ্টায় ।

নিত্য হারাইত তার অঙ্ক-কষা খাতা ;
 অঙ্কের সময়, নিত্য ধরে তার মাথা ।
 শিক্ষকেরে মাঝে মাঝে মিথ্যা কথা ক'রে,
 ছুটি নিয়ে যে'ত রাম, প্রহারের ভয়ে ।

আজ তার পেট-ব্যথা, কাল মাথা-ধরা ;
 ছুতো ধ'রে, কোন মতে চাই স'রে পড়া ।
 স্কুলে যেতে পথে যদি কড়ু বৃষ্টি হয়,
 ভিজাইয়া নিত গাত্র-বস্ত্র সমুদয় ।

ভিক্ষে বস্ত্র দেখি' দিত শিক্ককেরা ছুটি ;
 বাহিরে আসিয়া রাম হেসে কুটি কুটি ।
 কড়ু বা বলিত, “আজ মা'র বড় ছুর,
 বলোছেন ছুটি নিয়ে যাইতে সত্বর ।”

পিতার অসুখ ব'লে কড়ু ছুটি নিত ;
 বাড়ীতে না ফিরি', পথে খেলে বেড়াইত ।
 কোন দিন, “ভাত খেয়ে আসি নাই” ব'লে,
 ছুটি নিয়ে রামদাস বাড়ী যে'ত চ'লে ।

এইরূপে বেড়ে গেল ছুটি-নেয়া রোগ ;
 কিন্তু কয় দিন রয় হেন শুভ-যোগ ?
 একদিন রামদাস শুক, নত-মুখ,
 শিক্ককেরে কহে, “আজ বাবার অসুখ ;

হ'য়েছেন শয্যাগত ভয়ঙ্কর জ্বরে,
 যেতে হবে বৈজ্ঞ-বাটী ঔষধের তরে ।”
 এমন সময় কোন গুরুতর কাজে,
 পিতা তার উপনীত পাঠশালা-মাঝে ।

হেরি' ক্রোধভরে কাঁপে গুরুমহাশয়,
 রামের গুণের কথা কহে সমুদয় ।
 গুণধর পুত্রে, পিতা ডেকে লন কাছে ;
 রাম ভাবে, “হায়, আজ অদৃষ্টে কি আছে !”

বেত্রগাছি দিয়া পিতা শিক্ককের হাতে,
 বলেন, “মারুন ওরে, আমার সাক্ষাতে ।”

পৃষ্ঠে বেত পড়ে, রাম কঁাদে 'ভেউ ভেউ' ;
চীৎকার করিছে, 'আহা' বলে না'ত কেউ ।

সমপাঠিগণ 'মিথ্যাবাদী' ব'লে হাসে,
কাণ ধ'রে উঠায় বসায় রামদাসে ।
অবশেষে মাথায় গাধার টুপি দিয়া,
পাঠশালে প্রতি ঘরে আনে ঘুরাইয়া ।

আধমরা রামদাস লাজে, অপমানে,
বদন তুলিয়া নাহি চাহে কারো পানে ।
পিতা বলে কাছে এনে, কাণ ধ'রে নিজের,
"বল, 'আর এ জীবনে কহিব না মিছে' ।"

রামদাস বলে কেঁদে, "করহ মার্জ্জনা,
এ জীবনে আর কভু মিথ্যা কহিব না ।"
সেই দিন হ'তে রাম পাঠে দিল মন,
মিথ্যা কহিত না আর ভ্রমেও কখন ।

শাকুন্তলা ও নাতি

প্রবল-প্রতাপ রাজা ছত্রধর রায়,
ছিল না দয়ার লেশ,
কৃপণের একশেষ,
কেঁদে মরে ছঃখী প্রজা, বিচার না পায় ।

গিরি-উচ্চ অট্টালিকা, শত পুষ্পোদ্ভান ;
 স্ননির্মল সরোবর,
 শোভিতেছে মনোহর,
 চতুর্দিকে স্তরে স্তরে প্রস্ফুর সোপান ।

নৃপতির বৃদ্ধ পিতা হতভাগ্য অতি ;
 রাজার প্রাসাদে তার
 নাহি ছিল অধিকার,
 কুটীরে সরসী-তীরে, করিত বসতি ।

রাজ্য পেয়ে, রাজা তারে করে নির্বাসিত ;
 একটি প্রস্ফুর-পাত্র
 তারে দিয়াছিল মাত্র,
 সেই এক বাটি চা'ল রোজ তারে দিত ।

পেট না ভরিত, বৃদ্ধ কাঁদিত প্রত্যহ ;
 নীরবে, নিৰ্জনে, একা,
 ভাবিত, বিধির লেখা,
 কহিত না কারো কাছে যাতনা হঃসহ ।

রাজার কুমার ছিল নবম-বর্ষীয়,
 মাঝে মাঝে সে কুটীরে
 আসিয়া বসিত ধীরে,
 স্নন্দর, তেজস্বী শিশু, পিতামহ-প্রিয় ।

বসিয়া বৃদ্ধের কোলে, একদা কুমার
 জিজ্ঞাসিল সকৌতুকে,
 “বল দাদা, কোন্ হুখে
 কুঁড়ে ঘরে থাক ? কেন এ দশা তোমার ?

তুমি তো পিতার পিতা, শুনি সবে কয় ;
 সুন্দর দালানে, খাটে,
 আমাদের রাত কাটে,
 তোমার ও হেঁড়া কাঁথা, শুঁয়ে ঘুম হয় ?

দই, হুধ, ক্ষীর, ছানা, মিষ্টান্ন, মিঠাই,
 মোরা খাই পেট ভ’রে,
 কি হেতু তোমার তরে
 আসে না সে সব ? দাদা, কহ মোর ঠাই !”

বৃদ্ধের নয়ন-জল নাহি মানে বাঁধ,
 বালকেরে বরি’ বৃকে,
 চুমো খায় কচি মুখে,
 বলে, “রে দয়াল শিশু ! করি আশীর্ব্বাদ ।

আমার হুঃখের কথা শুধারো না, ভাই,
 নিরদয় পিতা তোর,
 এ দশা ক’রেছে মোর,
 একদিন পেট ভ’রে খাইতে না পাই ।

এই পাথরের বাটি দিয়েছে আমার,
 রোজ এই বাটি ভ’রে,
 বেপে আধ পোরা ক’রে,
 চাঁল দেয়, ভাত্তে কি পেটের ক্ষুধা বার ?

কত পাপ করেছিছ, তারি শান্তি পাই,
 হইরা রাজার বাপ,
 হায় ! এত মনস্তাপ,
 ভাবি, এত লোক মরে, মোর মৃত্যু নাই ?”

শুনিয়া বালক-চিত্ত গলিল দয়ায় ;
 বৃদ্ধেরে ধরিয়া গলে,
 ভাসে নয়নের জলে,
 বলে, “দাদা, তোর দুঃখ দেখা নাহি যায় ।

আমি ঘুচাইব তোর সকল বেদনা ;
 কুঁড়ে তোর ঘুচে যাবে,
 পেট ভরে ভাত পাবে,
 কথা রাখ, দাদা, আর কখনো কেঁদ না ।

আমি আর পিতা, আজ সন্ধ্যার সময়,
 এই পুকুরের তীরে,
 বেড়াইব ধীরে ধীরে,
 বাঁধা ঘাটে তোর সনে যেন দেখা হয় ।

পাথরের বাটি হাতে, বসে থেকে তথা ;
 হঠাৎ মোদের দেখে,
 ফেল দিও হাত থেকে,
 বাটি যেন ভেঙ্গে যায়, রেখে মোর কথা ।”

বৃদ্ধ বলে, “শিশুবুদ্ধি কত হবে আর !
 আমি যদি ভাদি বাটি,
 নিশ্চয় এ মুণ্ড কাটি’
 কেলিবে পুকুরে, তোর পিতা হরাচার ।”

শিশু কহে, “না, না, দাদা, কিছু ভয় নাই ;
কিছু না বলিবে কেহ,
হও তুমি নিঃসন্দেহ,
পায়ের ধরি, বালকের কথা রাখ, ভাই !”—

বলিয়া বালক হরা প্রবেশে প্রাসাদে ;
বৃদ্ধ ভাবে, “এ কি দায়,
শিশুর বুদ্ধিতে, হায়,
না জানি, পড়িব কোন্ দারুণ প্রমাদে ।”

বহু চিন্তা করি’, শেষে স্থির করে মন,
সঙ্ঘ্যায় সোপানোপরি,
বসে ইষ্টদেবে স্মরি’,
হাতে পাথরের বাটি, মনে দৃঢ় পণ ।

ভ্রমিতেছে পিতা পুত্র, আনন্দ অপার !
যেমন এসেছে কাছে,
আর কি বিলম্ব আছে ?
কেলে দিল বাটি, ভেঙ্গে হ’ল চুরমার ।

‘হেরি’ ক্রোধে অগ্নিশর্মা হ’ল ছত্রধর ;
বলে, “জুড়ে দে রে বাটি,
নতুবা মারিব লাঠি,
পাজি, হতভাগা,—নাই মরণের ডর ?

ভেবেহিস্, ওই বাটি ভাঙ্গা যদি যায়,
বড় বাটি জুটে যাবে,
পেট ভ’রে ভাত খাবে ?

‘ভাল চা’স্, ভাঙ্গা বাটি জুড়ে নিয়ে আর ।”

হা নিষ্ঠুর কৰ্মফল ! হায়রে কপাল !
 শুনি' যার অহুরোধ,
 ছিল না কর্তব্য-বোধ,
 সে শিশুও মারিবারে ধায়, পাড়ে গাল !

রোষে শিশু কহে, “বুড়ো, বাটি জুড়ে আন ;
 কাঁদিলে কি হবে আর ?
 জানিস্, ও বাটি কার ?
 নিমক্‌হারাম, পাজি, ধূর্ত, সয়তান !

বুঝিস্‌নি ক'রেছিস্‌ কত বড় ক্ষতি ;
 বৃদ্ধ হ'লে মোর বাপ,
 কি দিয়ে হইবে মাপ
 তার আহারের চা'ল ? পাষণ্ড, তুর্ন্যতি !

তোর মত তারেও তো রাখিব কুটারে ;
 ঐ বাটি-মাশা চা'ল,
 সেও পাবে চিরকাল,
 তুই কেন ভেঙ্গে দিলি সেই বাটিটিরে ?”

শুনি' শিহরিল দেহ, পাষণ্ড রাজার ;—
 'বালক বুঝেছে তথ্য,
 নির্ভীক, বলেছে সত্য,
 বার্তাক্যে আমিও পাব এই ব্যবহার !”

সেই দিন হ'তে রাজ-অট্টালিকা 'পরে
 হইল বৃদ্ধের স্থান,
 কত সমাদর, মান,
 শিশু কোলে ল'য়ে, বৃদ্ধ ডাকেন ঈশ্বরে ;
 বিমল আনন্দ-অশ্রু ঝর ঝর ঝরে !

রাম ও ভূতো

মিথ্যাবাদী ভূতনাথ, সত্যবাদী রাম,
 ছই ভাই বসতি করিত বেদগ্রাম ।
 ছ'জনা প্রবোধ' এক মালীর বাগানে,
 রাত্রিকালে পাকা আম চুরি ক'রে আনে ।

প্রাতে টের পেয়ে পিতা, ডাকি' ছ'জনায়,
 জিজ্ঞাসেন, “পাকা আম, পাইল কোথায় ?”
 ভূতো বলে, “কোথা হ'তে আনিয়াছে রাম,
 আমি নাহি জানি, প্রাতে দেখিতেছি আম ।”

রাম বলে, “ছ'জনা মালীর গাছে চ'ড়ে,
 চুপে চুপে রাত্রিতে এনেছি চুরি ক'রে ।”
 পিতা ক'ন, “রাম, তুমি করেছ স্বীকার ;
 সাবধান, হেন কাজ করিও না আর !

চুরির মতন আর নীচ কর্ম্ম নাই ;
 আর যেন হেন কথা শুনিতে না পাই ।”
 ভূতোরে বলেন রেগে, “অতি ছুঁই ছুঁই,
 'চুরি' আর 'মিথ্যে',—তোর অপরাধ ছই ।

প্রহারটা রামের উপর দিয়া থাক্,
এই ভেবে, সত্য কথা বলা দূরে থাক্,
নিজে বাঁচিবার ভরে, রামে অপরাধী
করেছিস্, হতভাগা, চোর, মিথ্যাবাদী !”—

বলিয়া, ভূতাকে ধরি’ করেন প্রহার,
‘ভেউ ভেউ’ কাঁদে ভূতো, বহে অশ্রুধার ।
অবশেষে আমগুলি কাপড়ে বাঁধিয়া,
ভূতোর মাথায় তুলি’, দেন পাঠাইয়া ।

আম পেয়ে মালী বলে, “ভয়ের সন্তান,
তোমরা করিলে চুরি থাকে কি সম্মান ?”

পুরন্দর ও বেলাসাম

আহম্মদগঞ্জ এক প্রশস্ত বন্দর,
তথায় দোকান করে সাহা পুরন্দর ।

কিছুমাত্র মূলধন ছিল না তাহার ;
কেবল সততা মাত্র সহল সাহার ।
ছিল সে কর্তব্যনিষ্ঠ, সত্যপরায়ণ,
ধারে তারে টাকা দিত, যত মহাজন ।

বাকী ক’রে ধান চাল কিনিয়া বেচিত,
টৈত্রী মাসে সব টাকা শোধ ক’রে দিত ।
কলিকাতা নগরীতে ব্যবসায়িগণ,
পুরন্দরে অবিস্থান করে না কখন ।

সুখে ও সম্মানে দিন কাটে পুরন্দর,
ব্যবসায় লাভ তার হইত বিস্তর ।
বেচারাম নামে ছিল গঞ্জের দালাল,
মিষ্ট মুখ, প্রাণে বিষ, সুন্দর মাকাল ।

দালালী করিয়া ছুট হ'য়েছিল ধনী ;
ষোর প্রবঞ্চক সেই শঠ-শিরোমণি ।
একদিন বেচারাম কহে পুরন্দরে,
“তোমার সমান মুর্থ নাহি এ বন্দরে ।

তুমি চ'লে যেতে চাও সত্ততার বলে,
সত্য মিথ্যা না হ'লে কি কারবার চলে ?
বিশেষতঃ তোমার নাহিক মূলধন,
ধার ক'রে চালাইবে সমস্ত জীবন ?

মূলধন বিনা কতু হয় না উন্নতি ;
কি করিবে, একবার হয় যদি ক্ষতি ?
কি দিবে করিবে শোধ বাজারের ঋণ ?—
একথা কি ভাবিয়াছ ভ্রমে কোন দিন ?

সুখে সুখী সবে, ছুখে বলে নাক' 'আহা' ;
আমার বচন শুন, পুরন্দর সাহা !
এইবার চৈত্রে সব হিসাব মিটায়,
বর্তমান কারবার দাও হে উঠায় ।

বৈশাখের মাঝে গিরা কলিকাতাধাম,
বাকী ক'রে তুলো আন, লক্ষ টাকা দাম ।

ভুলোর ব্যাপারী মাড়োরারী চাঁদমল,
তোমার উপরে তার বিশ্বাস অটল ।

বাকীতে তোমারে ভুলো দিবে সে নিশ্চয় ;
এখানে গুদামে আনি' করহ বিক্রয় ।
আশী হাজারের ভুলো বেচা হ'রে গেলে,
রাজিবোগে গুদামে আগুন দাও ছেলে ।

কুড়ি হাজারের ভুলো যাইবে পুড়িয়া ;
বেশ ক'রে ব'সে থাক, পাগল সাজিয়া ।
যে যাহা জিজ্ঞাসা করে যখন তোমারে,
কৈদে, হাত নেড়ে, সুধু 'ভুঃ' বলিবে তারে ।

স্বন্দ পাইয়া, ব্যস্ত হ'রে মাড়োরারী,
কলিকাতা হইতে আসিবে তাড়াতাড়ি ।
জিজ্ঞাসিবে, 'কি হয়েছে ? কেমনে হইল ?'
ভুলোর গুদামে কবে, কে, আগুন দিল ?'

এইরূপে চাঁদমল যত প্রশ্ন করে,
হাত নেড়ে 'ভুঃ' বলিবে ক্রন্দনের স্বরে ।
সকল প্রশ্নের ওই একই উত্তর,
পাগলের মত ভদ্রী, পাগলের স্বর ।

উন্মাদ হ'রেছ দেখে, হতাশ হইয়া,
মনোহুঃখে চাঁদমল যাইবে ফিরিয়া ।
তারপর কর কিছু তৈল ব্যবহার,
রোগ শান্তি হবে, মাথা হবে পরিষ্কার ।

আমি এসে দেখা দিব রাত্রিতে, গোপনে,
নির্জনে বসিয়া যুক্তি করিব হু'জনে ।
তুলো বিক্রয়ের টাকা, সে আশী হাজার,
আধেক লইও তুমি, আধেক আমার ।

এইরূপে প্রচুর হইবে মূলধন,
স্বাধীন হইয়া দাও ব্যবসায়ে মন ।
বান্ধবের হিত-বাক্য ঠেল যদি পায়,
এ জনমে ঘুচিবে না কভু ঋণ-দায় ।”

পাপ প্রলোভনে পড়ি' সাধু পুরন্দর,
অতিশয় বিচলিত হইল অন্তর ।
বহু চিন্তা করি' শেষে কহে, “বেচারাম !
চিরদিন-তরে, ভাই, হারা'ব সুনাম ।

তিলার্ক বিশ্বাস আর কেহ না করিবে ;”
বেচারাম কহে, “লোকে কেমনে ধরিবে ?
সব তুলো পুড়ে নাই, বুঝিবে কেমনে ?
অথচ বিস্তর লাভ হইবে গোপনে ।”

উত্তরিল পুরন্দর চিন্তি' বহুক্লণ,
“আজ বড় অস্থির হ'য়েছে মোর মন ।
কাল তুমি এস, দিব ইহার উত্তর ;”
“বেশ” ব'লে বেচারাম উঠিল সত্বর ।

পুরন্দর সারা রাত্রি কাটে অনিদ্রায় ;
কি করিলে ভাল হয়, বুঝে উঠা দায় ।

পাপ-অর্থলোভ, আর বিবেক প্রথর,
মনোমধ্যে আরঞ্জিল বিষম সমর ।

পরিশেষে পুরন্দর দৃঢ় করে মন,
পরদিন বেচারাম দিল দরশন ।
পুরন্দর কহে, “ভাই, পারিব না আমি ;
টাকা হ’তে যশ মোর ঢের বেশী দামী ।”

প্রবঞ্চক পুনঃ পুনঃ ফেলে পাপ-জাল ;
এইরূপে কেটে গেল দুই মাস কাল ।
হৃজ্ঞনের প্রলোভন অতি ভয়ঙ্কর ।
বিলম্বে পড়িল জালে সাধু পুরন্দর ।

প্রস্তাব করিবা মাত্র, চাঁদমল তারে,
লক্ষ টাকা মূল্য লিখি’, তুলো দিল ধারে ।
বিধিমতে পালিল শঠের উপদেশ ;
না রহিল দ্বিধা, কিম্বা অহুতাপ লেশ ।

অবশেষে পাগল সাজিল পুরন্দর,
সকল শ্রমের এক ‘ভুঃ’ মাত্র উত্তর ।
অগ্নি-নির্বাণের ছলে শূন্যে দেয় ফুঁ ;
যে যাহা জিজ্ঞাসা করে, শুধু কয় ‘ভুঃ’ ।

কহিতে লাগিল সবে, “হার কৰ্মকল !
এমন সজ্জন সাধু হইল পাগল !”
চাঁদমল পার যবে দারুণ সংবাদ,
হইল তাহার শিরে অশনি-সম্পাত ।

আহম্মদগঞ্জে আসি' নামে ভাড়াভাড়া ;
 পুরন্দর-বাসে উপনীত মাড়োয়ারী ।
 বলে, “ভাই পুরন্দর, কেমনে কি হ'ল ?
 সব তুলো পুড়ে গেছে ? শীত খুলে বল ।”

অর্ধ-ক্রন্দনের স্বরে, পাগলের মত,
 পুরন্দর হাত মুখ নেড়ে অবিরত,
 শুধু বলে ‘ভুঃ’ সব কথার উত্তর ;
 ফিরে গেল চাঁদমল শিরে ‘হানি’ কর ।

একদিন রাত্রিযোগে বেচারাম এসে,
 “চল্লিশ হাজার মোর দাও,” বলে হেসে ;
 “আর কোন ভয় নাই, হ'য়ে গেছ ধনী,
 আমার টাকাটি ভাই, দাও মোরে গণি’ ।”

হেসে পুরন্দর হ'ল পাগলের মত,
 শঠের সন্মুখে হাত নাড়ে অবিরত,
 বৃদ্ধাঙ্গুষ্ঠ দেখাইয়া, শুধু ‘ভু’ ‘ভু’ করে ;
 দালাল ব্যাকুল হ'য়ে ধরে পুরন্দরে ;

বলে, “ভাই, সে কি কথা ? আমাকেও ‘ভুঃ’ ?”
 হেসে পুরন্দর সাহা শুধু কয় ‘হ’ !

উপদেশ

গুরুবাক্য শিরে ধর,
 সজ্ঞনের সঙ্গ কর,
 সদালাপে কাল হয়,

অবশ্য কুশল হবে ।

নিজ ধর্মে মতি রেখ',
 সাধুর জীবন দেখ,
 সে জীবনী প'ড়ে শেখ,
 তোমারেও সাধু কবে ।

বিষধর সর্পসম
 কুসঙ্গ বর্জন করি',
 পাপ-রিপু শ্রবণনা,
 পরপীড়া পরিহরি',

বিধাতার প্রেম-বলে,
 বিশ্বপ্রেমে যাও গ'লে,
 বাধা বিশ্ব পদে দ'লে,
 “জয় জগদীশ” রবে ।

অচলা ভকতি রেখ',
 জনক-জননী-পদে ;
 পিতামাতা ক্রবতারা
 কুটিল জীবন-পথে ;

ভাই বোনে ভালবেসো,
 হুখে কেঁদো, সুখে হেসো,
 ভুল' না বিভুর পদ
 ধরণীর কলরবে ॥

শেষ দাল

দক্ষিণ বিচার

আমায়, সকল রকমে কাল কামে
 গর্ব করিতে চুর,
 যশঃ ও অর্থ, মান ও স্বাস্থ্য,
 সকলি করেছে দুর ।

ওইগুলো সব মায়াময় রূপে-
 ফেলেছিল মোরে অহমিকা-কূপে,
 তাই সব বাধা সরিয়ে দয়াল
 করেছে দীন আত্মর ;

আমায়, সকল রকমে কাল করিয়া
 গর্ব করিছে চুর ।

যায়নি এখনো দেহাজ্জিকা মতি,
 এখনো কি মায়ী দেহটার প্রতি,
 এই, দেহটা যে আমি, সেই ধারণায়
 হ'য়ে আছি ভরপুর ;

তাই, সকল রকমে কাল করিয়া
 গর্ব করিছে চুর ।

ভাবিতাম, “আমি লিখি বৃষ্টি বেশ,
 আমার সঙ্গীত ভালবাসে দেশ,”
 তাই, বৃষ্টিয়া দয়াল ব্যাধি দিল মোরে,
 বেদনা দিল প্রচুর ;
 আমার, কত না যতনে শিক্ষা দিতেছে
 গর্ব করিতে চুর !

হাসপাতাল

প্রাণের ডাক

তুমি কেমন দয়াল জানা যাবে,
 তুমি কি আসবে না ?
 কান্নাল ব'লে হেলা ক'রে
 হৃদি-মাঝে এসে হাসবে না ?

যে নিয়েছে তোমার শরণ
 তারে দিলে অভয়-চরণ ;
 আমি ডাকতে জানিনে ব'লে
 আমার কি ভাল বাসবে না ?
 তুমি কি আসবে না ?

রুদ্ধ হৃদয়

আমি, রুদ্ধ হৃদয়ে কত করাঘাত করিব ?
 “ওগো, খুলে দাও,” ব'লে আর কত পারে ধরিব ?

আমি লুটিয়া কাঁদিয়া ডাকিয়া অধীর,
 হায় কি নিদয়, হায় কি বধির !
 বুঝি, দেখিতে চায় গো, ছয়ার-বাহিরে,
 মাথা খুঁড়ে আমি মরিব !
 হায়, রুদ্ধ ছয়ারে কত করাঘাত করিব ?

ঐ কন্টকযুত বন্ধুর পথে,
 ছিন্ন রুধির-আপ্নত পদে,—
 আহা, বড় আশা ক'রে এসেছি, আমার
 দেবতারে প্রাণে বরিব ।
 “ওগো, খুলে দাও,” ব'লে কত আর পায়ে ধরিব ?

ঐ, ওপারে আলোক ঝিকিমিকি করে,
 কি মধু-সঙ্গীত আসে বায়ু-ভরে,
 আমি, এ পারে বসিয়া বিফল রোদনে,
 আর কত কাল হরিব ?
 আমি, রুদ্ধ ছয়ারে কত করাঘাত করিব ?

হাসপাতাল

১লা জুলাই, ১৯১০

তৈরবী মিত্র—ব্রহ্ম একতাল

‘মুক্ত প্রাণের দৃপ্ত বাসনা
 তৃপ্ত করিবে কে ?
 বন্ধ বিহগে মুক্ত করিয়া
 উর্দ্ধে ধরিবে কে ?

রক্ত বহিবে মর্শ কাটিয়া,
 তীক্ষ্ণ অসিতে বিষ কাটিয়া,
 ধর্ম-পক্ষে শর্ম্ম-লক্ষ্য

মৃত্যু বরিবে কে ?
 অক্ষয় নব কীর্ত্তি-কিরীট
 মাথায় পরিবে কে ?

(ছাত্র) — বলিয়া সেদিন হৃদয় ছাড়ি
 ছিন্ন করিহু পাশ,
 ধর্ম্মের শিরে নিজেই বসায়
 করিহু সর্বনাশ !

(আমি) চেয়ে দেখি, কেহ নাহি অনুচর,
 মোর ডাকে কেহ ছাড়িবে না ঘর,
 আমার ধ্বনির উত্তরে শুধু
 মানবের পরিহাস ;
 ধর্ম্মের শিরে নিজেই বসায়
 করেছি সর্বনাশ !

এই অন্ধ, মস্ত উচ্চমে আমি
 বাড়াতে আপন মান,
 সিদ্ধিদাতারে গণ্ডী-বাহিরে
 করিহু আসন দান ;
 তাই বিধাতার হইল বিরাগ,—
 ভেঙ্গে দিল মোর শিবহীন যাগ,
 সকল দস্ত খুলায় ফেলিয়া
 আজ ডাকি, গুগবান্ ।

হে দয়াল, মোর কাম' অপরাধ
কর তোমাগত প্রাণ !

হাসপাতাল

চিন্তানন্দ

ওগো, মা আমার আনন্দময়ী,
পিতা চিদানন্দময় ;
সদানন্দে থাকেন যথা,
সে যে সদানন্দালয় ।
সেথা, আনন্দ শিশির-পানে
আনন্দ রবির করে,
আনন্দ-কুসুম ফুটি'
আনন্দ-গন্ধ বিতরে ।
আনন্দ-সমীর লুটি'
আনন্দ-সুগন্ধরাশি,
বহে মন্দ, কি আনন্দ পায়
আনন্দ-পুরবাসী ।
সস্তান আনন্দ-চিত্তে,
বিমুক্ত আনন্দ-গীতে,
আনন্দে অবশ হ'য়ে,
পদ-মুগ্ধে পড়ে রয় ;
সে যে সদানন্দালয় ।

আনন্দে আনন্দময়ী
শুনি সে আনন্দ-গান,
সস্তানে আনন্দ-সুখা
আনন্দে করান পান ।

পাপ-ভাপ, রোগ-শোক,
 সেখানে জানে না কেহ
 সে যে চিরানন্দ-লোক ।
 লইতে আনন্দ-কোলে,
 মা ডাকে, “আয় বাছা” ব’লে,
 ভাই, আনন্দে চ’লেছি, ভাই রে,
 কিসের মরণ-ভয় ?
 ওগো, মা আমার আনন্দময়ী,
 পিতা চিদানন্দময় ।

হাসপাতাল

৩ই আষাঢ়, ১৩১৭ রাত্রি

অস্তুর্ঘ্যানী

স্বাখ্ দেখি, মন, নয়ন মুদে ভাল ক’রে,
 ওই আলো ক’রে ব’সে কে আছে রে,
 তোর ভাঙা ঘরে ?

কত যে ধুলো মাটি ছাই—
 খাট-বিছানা দুয়ের কথা, আসনখানাও নাই ;
 তবু, করে নিকো অভিমান,
 হুখী দেখে ওর ঝরে ছনয়ান,
 এম্নি দয়াল প্রাণ, এম্নি কোমল প্রাণ—
 ওরে ছুই করু নিবেদন প্রাণের বেদন
 প্রাণ বিলায়ে পারে ধ’রে ।

ওরে, ওর কাঙ্গাল-সখা নাম,
 কাঙ্গাল-বেশে দেয় দেখা, আর পুরায় মনস্কাম ;
 প্রেম, দয়া, আর বরাভয়
 দিয়ে, হেসে হেসে কত কথা কয়,
 আর কি ছঃখ রয়, আর কি ব্যথা রয় ?
 যদি তুই প্রেম কুড়াবি, প্রাণ জুড়াবি
 অভয়-পদে থাক প'ড়ে ।

হিসাব-নিকাশ

(ওরে) ওয়াশীল কিছু দেখিনে জীবনে,
 শুধু ভূরি ভূরি বাকি রে ;
 সত্য সাধুতা সরলতা নাই,
 যা আছে কেবলি কাঁকি রে !

তোর অগোচর পাপ নাই, মন,
 যুক্তি ক'রে তা ক'রেছি ছ'জন ;
 মনে কর দেখি ? আমাদের মাঝে
 কেন মিছে ঢাকাঢাকি রে ?

কত যে মিথ্যা, কত অসঙ্গত
 স্বার্থের তরে ব'লেছি নিয়ত ;
 (আজ) পরম পিতার দেখিয়া বিচার
 অবাক হইয়া থাকি রে !

রুদ্ধ ক'রেছে আগে গল-নাগী,
 ভীষ বেদনা দেছে তাহে ঢালি,
 করি কণ্ঠরোধ, বাক্যজ পাতক
 হ'রেছে,—খোল্ না জাঁধি রে !

এম্নি মনোজ, কায়জ পাতক
 ক্রমে লবে হরি' পাপ-বিষাতক ;
 নিশ্চল করিয়া, 'আয়' ব'লে লবে
 স্মৃশীতল কোলে ডাকি রে !

হাসপাতাল

স্বাক্ষরের ভবন

এই দেহটা ত নই রে আমি,
 নইলে, 'আমার দেহ' বলি কেমনে !
 তবে দেহ ছাড়া কিছু তো আছে,
 ও, যা যার না পুড়ে, দেহ-নিধনে ।

আমার আমিডটুকু, এই দেহের সনে ভাই,-
 চিরকালের মত যদি পুড়ে হ'তো ছাই,
 (তবে) এত আকুল অসীম আশা,
 এ অনন্ত প্রেম-পিপাসা,
 সবি বিফল ; এ অবিচার কেনই হবে
 স্থায়ের ভবনে !

দেখ্তে পাচ্ছি আপন চোখে,
 প্রমাণ চাইনে তার ;
 হেথা হয় না সকল পাপের শান্তি,
 পুণ্যের পুরস্কার ;

না হয় যদি এ জীবনে,
 আর হবে না, ভাবছ মনে ?
 হবেই হবে, হ'তেই হবে, কঁাকিজুকি
 চলে না তার সনে ।

বেলাশেষে

সে ব'সল কি না ব'সল তোমার শিয়রে,—
 তুমি মাঝে মাঝে মাথা তুলে,
 সেই খবরটা নিয়ো রে ।
 (ও সে ব'সল কি না)

সে তো তোমার সাথেই ছিল,
 কড়ায়-গণ্ডায় বুঝিয়ে দিল
 তোমার স্মার্য পাওনা,
 বাকি নাই একটিও রে ;
 একটু পায়ের ধুলো বাকি আছে,
 একবার মাথায় দিয়ো রে ।
 (এই ষ্ঠাবার বেলায়)

চাওনি তারে একটি দিন,
 আজ হ'য়েছ দীন-হীন !
 সে ছাড়া, আর সবাই ছিল প্রিয় রে ;
 আর খাসনে রে বিষ, পায়ে ধরি,
 (তার) প্রেম-সুখা পিও রে !
 (দিন ফুরাল)

হাসপাতাল

অবোধ

ও মন, এ দিন আগে কেমন যেত ?
 এখন কেমন যায় রে ?

গদির উপর গভীর নিদ্রা,
 টানা পাখার হাওয়ায় রে ।
 আর ভোরে উঠেই নূতন টাকা,
 আর ভোরে কে পায় রে !

আমার সাথেই ছেলে-মেয়ে
 হেসে চুমো খায় রে !
 আজ কেন লাগছে না ভাল ?—
 ভাবছ এ কি দায় রে !

মনের সুখে পাখীর মত
 গাইতে যখন, হায় রে,
 তখন “হরি হরি” বলতে বটে—
 (কিন্তু) পোষা পাখার প্রায় রে ?

• সুখের দিন ত ফুরিয়ে গেছে,
 —তবু মন কি চায় রে !
 হাঁ রে নিলাজ, চক্ষু মুদে,
 দেখ্ আপন হিয়ার রে !

তুই ক'রেছিস তারে হেলা,
 সে তোর পাছে ধায় রে ;
 আর ভুলিসুনে, পায়ে ধরি,
 মজাসুনে আমার রে !

হাসপাতাল

দুঃখাল আশ্রয়

মিশ্র কি' বিট—মলদ একতলা

যেখানে সে দয়াল আমার
 ব'সে আছে সিংহাসনে,
 সেখানে তো হয় না যাওয়া
 পাপ-কবিকা নিয়ে মনে ।

আছে ভাল-মন্দ ছেলে,
 কারুকে সে দেয় না ফেলে ;
 শুধু প্রেমের আগুন জ্বলে,
 পুড়িয়ে নেয় সে আপন জনে ।

আগুন জ্বলে, মন পুড়িয়ে
 দেয় গো পাপের খাদ উড়িয়ে,
 ঝেড়ে ময়লা-মাটি, ক'রে খাঁটি,
 স্থান দেয় অভয়-শ্রীচরণে ।

সেই আনন্দ-মন্দির মাঝে,
 আনন্দ-সঙ্গীত বাজে,
 নাহি ব্যথা, অশ্রু, বিষাদ,
 (সে) সদানন্দ নিকেতনে ।

দেখ্ কেমন তার ভালবাসা,
 মিটায় আনন্দ-পিপাসা,
 আগে, না পোড়ালে খাদ র'য়ে যায়,—
 সে আনন্দ পাবে কেমনে ?

হাসপাতাল
 ৩০শে জ্যৈষ্ঠ, ১৩১৭

অস্থিরনে

মিশ্র ভৈরবী—কাওয়ালী

(মোরে) এ উৎকট ব্যাধি দিয়ে,
 এ সঙ্কটে ফেলে নিয়ে,
 বুঝাইয়া দিলে যবে
 সকল চিকিৎসাতীত,

না হইলে নিরুপায়,
 নিলাজ ফেরে না যায় ;
 তাই শরণ লইতে হ'লো
 তোমারি চরণে পিতঃ ।

যার যেটা এ সংসারে
 ভীতভয়ম আকর্ষণ,
 তাই আগে ছিন্ন করি'
 কিরাইয়া লহ মন ;
 নতুবা সংসারে মজি'
 তোমারে ভুলিয়া থাকি,
 ধূলো নিয়ে খেলা করি—
 তোমায়ে ত নাহি ডাকি !

মধুরে ডেকেছ তবু
 চেতনা হয়নি প্রভু,
 অবিশ্রান্ত কশাঘাত
 না হ'লে কি জাগে চিত ?

দীর্ঘ দিবা রাজি পেয়ে
 বেত্রাঘাত অনিবার,
 বুঝিলাম যবে পিতঃ
 এ শুধু স্নেহের মার ;—

এটুকু সহিতে হবে,
 নতুবা কি হতে পারি
 অনশ্বর সে অনন্ত
 আনন্দের অধিকারী ?

ভিক্ত ভেষজের মত
 রোগের যন্ত্রণা যত,
 ব্যাধিমুক্ত ক'রে, সখা
 খেতে দিবে প্রেমামৃত ।

শরণাগত

কত বন্ধু, কত মিত্র, হিতাকাজকী শত শত
পাঠায়ে দিতেছ, হরি, মোর কুটীরে নিয়ত ।

মোর দশা হেরি তারা
ফেলিয়াছে অশ্রুধারা ;
(তারা) যত মোরে বড় করে, আমি তত হই নত ।

(তারা) একান্ত তোমার পায়,
এ জীবন ভিক্ষা চায়,
(বলে) “প্রভু, ভাল ক’রে দাও তীর গলক্ষত ।”

শুনিয়া আমার, হরি,
চক্ষু আসে জলে ভরি,
কত রূপে দয়া তব হেরিতেছি অবিরত ।

এই অধমের প্রাণ,
কেন তারা চাহে দান ?
পাতকী নারকী আর কে আছে আমার মত ?

তুমি জ্ঞান, অন্তর্যামী,
কত যে মলিন আমি,
রাখ ভাল, মার ভাল, চরণে শরণাগত ।

কল্পনাপূর্ণ দৃশ্য

তীব্র বেদনা যবে

ঢেলে দিলে মোর গলে,
কত যে দিয়েছি গালি,
নির্ম্মম নিদয় ব'লে ।

তখন বুঝিনি আমি,

দয়াল হৃদয়স্বামী
পাঠায়েছে শুভাশিষ
দারুণ বেদনা-ছলে ।

অভ্রান্ত বিচারপতি

দিবে না যে অব্যাহতি,
বুঝিয়া, বুঝানু মনে,
আর যেন নাহি টলে ।

কিছু দিন পরে, হরি,

বুঝিহু অতীতে স্মরি',
জ্ঞানকৃত পাপরাশি
যায় কি শাস্তি না হ'লে ?

অনৃত অসরলতা

যায় কি—না পেলে ব্যথা ?
হয় কি সরল ফণী,
যষ্টি-আঘাতে না ম'লে ?

ভারপরে ভেবে দেখি,
 এ যে তাঁরি প্রেম ! এ কি !
 শাস্তি কোথা ?—ওধু দয়া,
 ওধু প্রেম—প্রতিপলে !

হাসপাতাল

শব্দাশ্রয়

আজি বিশ্বশরণ, রাখ পায় হে !
 ঐ ভৈরবে গরজে প্রভঞ্জন বায় হে !

আমি ক্লিষ্ট ভীত নিরুপায় হে—
 এই জীর্ণ তরণী ডুবে যায় হে—
 মরণ-সিন্ধু-তরঙ্গমালায় হে ;
 চমকি' চাহি দীননাথ হে
 তপ্ত বিষয়-মরুভূমি-মাঝে
 তব করুণা-বারি পাত হে !

যবে মোহ-জ্বলদ করি ভেদ
 বিমল জ্ঞান-সুধাকর তব
 দূর করে অবসাদ হে,
 নিষ্ঠুর দৈব অভিশাপ-মাঝে
 হেরি যুক্ত কুশল আশীর্বাদ হে !

জীবন-ভঙ্গী

আরে মনোয়া রে, কর লে আভি
 দরিয়া-বিচমে নঙ্গর ;
 দিন্নাত-ভরু কিস্তি চলায়া ;
 মিলানে কোই বন্দর ।

আরে জ্ঞান-ভক্তি দোনো ধারা
 বহে, কহে বেদ-তন্তর,
 তোমকো নয়্য রাস্তা কোন্ বতায়্য,
 কোন্ দিয়া তুম্নে মন্তর ?

কিস্তি ভরুকে লয়া কেত্না
 লাখ্ রুপেয়া হন্দর ;
 সব গামাকে বহৎ ভুখা হো,
 আজি জলতা অন্দর ।

আরে খেয়াল কর লে দাঁড় হাল সব্
 খর্যাব হর্য্য যন্তর,
 তিন বরুখা পার হর্য্য, আউর
 ফুটা হর্য্য অন্তর ।

আরে ডুবনে লাগা কিস্তি,
 পানিমে হৈ হাজর ;
 আরে কেত্না ফুটা বন্দ করোগে,
 মুখে বোলো শিও-শব্দর ।

॥ ২ ॥

উক্তিভ

তবু ভাঙ্গে না ঘুমের ঘোর,
 ছাখ্ হয়েছে যামিনী ভোর ।
 ওই নবীন তপন মহা জাগরণ
 আনে না নয়নে তোর !

শিয়রে গগনে-চুম্বি-শির,
 (ও সে) অচল সৌম্য ধীর—
 কোটি নিঝর ঝর ঝর ঝরে—
 কোটি নয়ন লোর ;
 দেখায় নীরবে ইন্দ্রপ্রস্থ পানিপথ চিতোর ।

ওই নীল-সিঁদু-জল,
 চির-গর্বিত-চঞ্চল—
 ভাব আবেগে করিছে প্রহত
 বধির ছয়ার তোর ;
 বলে 'জাগ জাগ', নতুবা ডুবে যা
 অন্তল গর্ভে মোর ।

উদ্ভোধন

পিন্—কাপতাল

ক'টা যোগী বাস করে আর
 তোদের সাথের হিমালয়ে ?
 ক'জন করে ব্রহ্মচিন্তা,
 ওহার সমাধিস্থ হ'য়ে ?

ক'জন বোঝে মিথ্যে কারা ?
 ক'জন কাটে ভবের মায়া ?
 হরি বলতে ক'টা চক্ষু
 যায় গো প্রেমের ধারা ব'য়ে ?

ক'জন শোনে শাস্ত্র-কথা ?
 ক'জন বোঝে পরের ব্যথা ?
 দেশের চিন্তা ক'জন করে—
 স্বার্থ ত্যাগের মন্ত্র জানে ?

ওনেহিস্ গাণ্ডীবের কথা,
 আর সেই ভীমের ভীষণ গদা ;
 শক্তিশেল আর আগ্নেয়াস্ত্র
 থাকতো কাদের অস্ত্রালয়ে ?

ক'খানা বাণিজ্য-তরী
 গৃহজাত পণ্য ভরি',
 ভারত-জলধি-জলে,
 ভাসে গো অকুতোভয়ে ?

ধনী ছিলি যে সব ধনে,
 স্বপ্ন ব'লে হয় রে মনে ;—
 তোরা কি সেই পূজ্য জাতি ?
 জন্ম তোদের সে অদ্বয়ে ?

সোণার ভারত

কোন্ দেশের উত্তরের সীমায়

ধরার মাঝে শ্রেষ্ঠ গিরি ?

কোন্ দেশের আর তিন পাশেতে

রয়েছে সমুদ্র ঘিরি ?

কোথায় শ্যামল মাঠে ফলে

থোকা থোকা সোণার ধান ?

—সে আমাদের সোণার ভারত

আমাদেরি হিন্দুস্থান ।

কোন্ দেশে যমুনা গঙ্গা

সিন্ধু গোদাবরী বয় ?

কোন্ দেশের সুগন্ধি ফুলে

মিষ্ট ফলে জগৎ-জয় ?

কোথায় বনে বনে দোয়েল

পিক পাঁপিয়া করে গান ?

—সে আমাদের সোণার ভারত,

আমাদেরি হিন্দুস্থান ।

কোথায় জন্মেছিল রাজা

হরিশ্চন্দ্র বৃধিষ্ঠির ?

ধনঞ্জয় আর ভীষ্ম দ্রোণ

জন্ম কোথায় শিবাজীর ?

কোন্ দেশের অব্যর্থ লক্ষ্য—

ভয়শূন্য বীরের বাণ ?

—সে আমাদের সোণার ভারত,

আমাদেরি হিন্দুস্থান ।

কোন্ দেশেতে আছে চিতোর,

পানিপথ আর হল্দিয়াট ?

কোন্ দেশেতে বনে বনে

ক'রুত ঋষি বেদপাঠ ?

কোথায় স্বামীর সনে সতী

চিতায় উঠে স্বর্গে বান ?

—সে আমাদের সোণার ভারত,

আমাদেরি হিন্দুস্থান ।

সুপ্রভাত

গৌরী—একতারা

জাগো, জাগো, ঘুমায়ে না আর ।

নব রবি জাগে,

নব অহুরাগে,

ল'য়ে নব সমাচার ।

সুরভি-দিক্ গন্ধ-বহন

হরষ অলস মন্দ গমন

সুপ্ত চক্রে আনি জাগরণ,

(কহে) “ভ্যক্ত আলস্য-ভার ।”

মৌন বিহগ প্রভাত-সঞ্জে
জাগি', বিলাইছে সুর ডরজে,
নব মঙ্গল শুভ্র বারতা—
আশিষ দেবতার ।

এস ছুটে এস কৰ্মক্ষেত্রে,
চেরো না মুষ্ক অলস নেত্রে,
এত দিন পরে, শুক অধরে
হেসেছেন মা আমার ।

ফুল্ল-কুশল-কমলাসনা,
শুভ্র-পুণ্য-কৌম-বসনা,
এসেছেন ফিরে, এস নতশিরে
চরণ-সুগলে নমি তাঁর !

সংকল্পতা

ভৈরবী—কান্দীরী খেট্টা

আজকে তোদের আশার গাছে
ফল ধ'রেছে ভাই !
ভেবেছিলি এক মুঠির জন্মে
কান্ন বা ঘারে যাই ।

আর কি তোদের হুখে আছে,
ক'ল্প সোপা তু'তের গাছে,
কোমর বেঁধে উঠেপ'ড়ে
লাগ দেখি সবাই ।

পুঁথি নে' কেউ পড়্ না ক'সে
 তাঁত নিয়ে কেউ যা' না ব'সে,
 সোণার সূত্র ওই উঠেছে,
 ভাবনা কিছুই নাই ।

অন্নপূর্ণা এলেন ঘরে,
 সোণার মালা হাতে ক'রে,
 হাসিমুখে জয়-মালিকা
 আয় গলে দোলাই !

অঙ্ক

সেই চন্দ্র সেই তপন সেই উজ্জল তারা ।
 সেই হিমাত্রি সেই গঙ্গা সেই সিন্ধু-ধারা ॥

সেই ডীম্ব অতল জলধি—নাহি যার কুল-কিনারা ।
 সেই কুঞ্জ কুম্ভপুঞ্জ অলিকুল-মাতোয়ারা ॥

সেই হলদিঘাট—যার মোছেনি রক্তধারা ।
 সেই পানিপথ চিতোর করিছে সবে ইসারা ॥

পরপদতল-লেহনপট্ট স্বজন বন্ধু যারা ।
 দৈন্ত-হৃৎখ আনিল গেছে—এমনি লক্ষ্মীছাড়া ॥

জাগ জাগ

মোহ-রজনী ভোর হইল, জাগ নগরবাসী,
 পূর্ব গগনে সূর্য্য-কিরণ, দুঃখ-তিমির-নাশী !
 আর্ঘ্যকীৰ্ত্তি—মধুর গান,
 বিহগ ঢালিছে অমিয়-প্রাণ,
 যশ-পরিমল-পূর্ণ-পবনে কুসুম উঠিছে হাসি ।

পাশরি সকল দুঃখ দ্বন্দ্ব,
 প্রাণে প্রাণে মিলনানন্দ,
 জাগ জাগ, হের জগৎ উৎসব অভিলাষী ।
 কত মরকত কাঞ্চনমণি,
 জ্ঞান ধরম নীতির খনি,
 কুণ্ঠিত নহ লুণ্ঠিত হেরি অতুল বিভব-রাশি ।

অলসে ঘুমায়ে রহিও না আর,
 উৎসবে ঢালো প্রাণ তোমার,
 হাসিছে বিশ্ব হেরি তোমারে কণিক স্নেহ-বিলাসী !

উদ্দেশ্য

জেগে ওঠ, দেখি মা সকল !
 হের নব শ্রমভাণ্ডার নব তপন উজল,
 তন জন-কোলাহল ভরা আজি ধরাভল ।

এত বলরবে যদি না ভাবিবে ঘুম,
 (যদি) এ উষায় না ফুটিবে শকতি-কুসুম,
 তবে জননি গো বল, (আর) কোথা পাব বল ?

সীতা, সতী, চিন্তা, দময়ন্তী, লীলা, ধনা,
সাবিত্রী, অহল্যাবান্ধ, দ্রৌপদী, জনা,
মা গো, কোন্ দেশে আছে বল্ হেন মণি নিরমল ?

কেশ কেটে দিস্নি কি ধনুকের ছিলা ক'রে ?
'মেরা ঝালি নেহি দেগা'—মনে কি পড়ে ?
মা গো, কোন্ দেশে বল্ সতী প্রবেশে অনল ?

শক্তিরাপিণী তোর আত্ম-বিশ্ব্বতা হায় ;
এই নব ব্রত ধর, বর মাগো দেব-পায় ;
ঐ শক্তি-সম্বল ল'য়ে হইব সফল ।

কিসের সাড়া ?

নিরানন্দ-ভরা ভারতে আজি কেন এ হরষ-চিহ্ন ?
এলো কি রে, সে দিন ফিরে, যেদিন ধর্মকথা ভিন্ন
আর ছিল না আলোচনা, পাপ অনাচার ছিল ঘৃণ্য !

(যেদিন) হ'ত বেদের জয়ধ্বনি, সত্য ছিল মাথার মণি,
এ সংসার অনিত্য গণি' মায়া-বন্ধন ক'রে ছিন্ন,
ভোগবিলাসী বনে আসি' অনশনে হ'য়ে শীর্ণ,
কাতর প্রাণে ভগবানে ডেকে ডেকেই হ'ত ধন্য !

মুক্তি ছিল জীবের লক্ষ্য, সর্বভূতে সম সখ্য,
(সদা) জরযুক্ত ধর্মপক্ষ, ছিল না পাপের মালিন্য ;
ধান্যে ভরা বশুন্ধরা, নাহি ছিল দেশে দৈন্য ;
ভক্তের পাশে দেবতা এসে হতেন নিজে অবতীর্ণ ।

আশা

কবে অবশ এ হৃদয় জাগিবে—
 প্রাণে স্মৃতি-সমীরণ বহিবে ?
 ত্যজিয়ে আত্মকলহ, মিলেমিশে অহরহ,
 প্রাণ শুধু আনন্দে ভাসিবে !

কবে হবে ধর্মভীত, নীতিপথের অধীন,
 প্রাণ-শশি-উপদেশে হইব কলুষহীন,
 পরমেশ পদে মতি হবে ?
 আজি উষা-আগমনে আশা জাগিয়াছে মনে,
 বুঝি অন্ধজনে নয়ন পাইবে !

শুভ যাত্রা

অনন্ত কল্লোলাকুল কাল-সিন্দু-কূলে
 উত্তরিল স্বর্ণতরী, অব্যাহত গতি,—
 অত্রান্ত অচল লক্ষ্য । হের ফুল ফুলে
 তরুণ প্রভাত করে মঙ্গল-আরতি—
 মধুপ-গুঞ্জে, বন-বিহঙ্গের গানে,
 আরক্ত অরুণ-দীপে । অজ্ঞাত নগর
 হ'তে দিল সাজাইয়া, কেবা সাবধানে,
 বিচিত্র বিপুল পণ্য ? ভারকা-নিকর
 দিয়া বিধি লিখি দিল ধীরে উড়াইয়া
 অপূর্ব পতাকা ওই তরুণীর গায় !

সৌম্য ধীর কণ্ঠধার কহিছে ডাকিয়া,
 'সাগর-তীরে'র যাত্রি, যাবি যদি আয়
 নবীন উৎসাহ ল'য়ে, বৃকে বাঁধি বল,
 ভাসাব' সোণার তরী, চল্ তোরা চল্ !'

নবীন উচ্চর

অস্তহীন জ্ঞান-গগনে নবীন তপন ভাতি রে ।
 এস এস সব বন্ধু মিলিয়া নবীন পুলকে মাতি রে ॥

কর্ম্ম অসীম, বিপুল বিশ্ব,
 আমরা মলিন ক্ষুদ্র নিঃশ্ব,
 দীন-হীন-বন্ধু করুণা-সিদ্ধ
 কেবল সাধি রে ।

দ্বेष-হিংসা-দূষিত চিত্ত
 পদে পদে বাধা ছড়াবে নিত্য,
 স্থির লক্ষ্যে যাইব চলিয়া
 চরণে দলি' অরাতি রে ।

সকলেরি যিনি পরম সহায়
 জীবনে কখনো ভুলিব না তাঁয় ;
 মঙ্গলময় স্নেহ-আশীষ
 লব নত শির পাতি রে !

কাব্যকবি-রচনাগুণ্ডার .

শান্তিনন্দক সংগ্রহণ্য।

ইমদ কল্যাণ—একতাল।

আজি এ শারদ-সাঁঝে,
ঐ শোন দূরে পল্লী-মুখর কঁাসর ষণ্টা বাজে !

দিনমণি যায়—“বিদায় বিদায়”
বিহগ-কণ্ঠে দিশি দিশি ধায়,
উদ্দাম বেগে মরম আবেগে
মন্তু ভটিনী চলিছে ;
ধীরে ধীরে তীরে তীরে, প্লথ মধুর বীচি-মালা কিরে
গাহিয়া সবান্নি কাছে ।

পবনে গগনে জনে জনে বনে
ঐ কল্লোলময়ী গীতি—
নিখিল বিধে একই রাগিণী
ধ্বনিতেছে নিতি নিতি ;
একই মন্ত্রে একই সাধনা একই আরাতি রাজে,
মনোমন্দির মাঝে !

শ্রীকল্যাণসংস্কৃত

সংখ্যা-সমীরে, ধীরে ধীরে,
একটি দিবস পলার রে
অত্যন্ত তিমিরে, সিদ্ধু-গভীরে
একটি জীবন শিশায় রে ।

নব নব আশা, নূতন ভরসা—

জাগিছে হৃদয়ে রে ।

নব শক্তি-বলে সঁপিব সকলে

(জীবন) স্বদেশ-সেবায় রে ।

আজি শুভ দিনে শুভ সম্মিলনে .

কত সুখ কত শ্রীতি রে ।

ভাই ভাই মিলি, (দেহ) শ্রীতি কোলাকুলি,

ভুলি সব অন্তর রে ।

সঁপি সব আশা, ছুঃখ-পিয়াসা,

দেব' পরম চরণে রে ।

আজি যেই ভাবে, মিলেছিহু সবে,

বিধি যেন এমনি মিলায় রে ।

অসম্ভব

আমরা ভূম্যধিকারী বঙ্গে,
সদা এয়ার-বন্ধু-সঙ্গে
কত কুস্তিতে করি সমর-হত্যা,
তাস, পাশা, চতুরঙ্গে ।

মোদের highly furnished room,
তাতে দিন-রাত 'দেরে ভূম্'—
ঐ তব্‌লার চাঁটি, 'বাহবা'র চোটে
নাই পড়শীর ঘুম ।

চল্ছে সুন্দর টানাপাখা,
তার ঝালরে আভর মাখা,
আর হৃদয় পান-তামাক চল্ছে,
গল্প চল্ছে কঁাকা ।

আছে ডজন চারেক চাকর,
ব'সে মারছে মাছি ও মাকড়,
(দেখ) তাদেরো মাথার আলবার্ট টেরী
(ছুঁড়িটিও বেশ ডাগর)
তারাত্ত রসিক নাগর ।

মোদের আছে পেয়ারের হৃত্য,
তারাত্ত জোগার মেজাজ নিত্য ;
আর উদর পুরিয়া প্রসাদ পাইয়া—
'বা ! খুসী' তাদের চিত্ত ।

বাইরে সমাজের ধারও ধারি,
 বাড়ীতে পূজোর জমক ভারি ;
 আবার half a score বাবুচ্ছি আছে,
 রেঁধে দেয় চপ, কারি ।

রোজ ছানা ও মাখন চলে,
 আমরা রোদে গেলে যাই গ'লে,
 ওই কল্লুরী দিয়ে দাঁত মাজি, আর
 আঁচাই গোলাপ জলে ।

দেশে কত ছুখী ভাতে মরে,
 তাদের দিইনে পয়সাটি হাতে ক'রে ;
 তারা গেট থেকে পেয়ে অর্ধচন্দ্র
 রাস্তায় প'ড়ে মরে ।

কিন্তু D.M., D.S., D.J.
 এলে, ভয়ে ঘেমে উঠি ভিক্ষে,
 তাদের খানা দিই আর বুট চাটি
 (আহা) নতুবা জনম মিছে ।

খেয়ে, স্কুলে severe beating,
 ওই First Book of Reading,
 হাঁ, প'ড়েছিছ বটে, এখনও ভুলিনি—
 “The blind man is bleating.”

যত সাহেব-সুবোর সনে,
 বলি ইংরাজি প্রাপপণে,
 ওই কাস্ট' বুকের বিত্তের চোটে,
 তারাও প্রমাদ গণে ।

Brainএ সরনাক গুরু চাপ্টা
 আর প'ড়েই বা কোন লাভটা ?
 'Yes' 'No' আর 'Very good' দিয়ে—
 বুঝালেই হ'ল ভাবটা ।

আমরা এত যে আরামে থাকি,
 তবু কোন রোগ নাই বাকী—
 Dyspepsia, Debility, আর
 কিছু কিছু ঢেকে রাখি ।

ক'রে প্রজার রক্ত শোষণ,
 করি মোসাহেবের দল পোষণ
 আর প্রজার বিচার আম্ণারা করে,
 কোথায়-আপীল মোশন ?

করি হাতীতে চড়িয়া ভিক্ষে,
 কেহ না দিলে পায় সে শিক্কে,
 তারা ভিক্ষে-খরচা দিতে, জমি ছেড়ে
 উঠেছে অন্তরীক্ষে ।

তবু ঘোচে না ঋণের দায় ;
 ওই খেরালেই 'তো মাথা খায় !
 দেখ, সুবিধা ঘটিলে, হুঁচার হাজার
 এক রেতে উড়ে যায় ।

ঋণ-শোধের উপায় কুজ ?
 শুধু অধঃপাতের সূত্র ।
 বাবা ক'রেছিল, আমি উড়ালাস,
 বাবার যোগ্য পুত্র !

ঠিক ব'লেছিল Darwin,
 We are very sanguine,
 মোদের জীবনটা এক চির বঁাদরামি
 সম্মুখে শুধু ruin !

এই ছোট Autobiography
 প'ড়ে, কে কি ভাবে তাই ভাবি—
 কমলা গো ! তুমি কার হাতে দিলে
 তোমার কাঁপির চাবি ?

স্বপ্নির-কোশল

ওরে মন, তোর জ্যোতিষে হারায় দিশে—
 অবাক্ চেয়ে আকাশ-পানে,
 ওরে ঐ কোটি বছর, রবির ভিতর
 পুড়ছে কি তা মালিক্ জানে !

এত কাঠ কোথায় থাকে, কে দেয় তাকে,
 কোথা থেকে হুগিরে আনে ?
 চিরদিন সমান জ্বলে, বিনা তেলে,
 যায় না নিভে কোন্ বিধানে ?

আলাময় কিরণ রেখা, এম্নি চোখা,
 যায় না দেখা স্থির নয়নে,
 সেই আলো চাঁদে প'ড়ে, বল্ কি ক'রে,
 ঠাণ্ডা হ'রে ধরার নামে ?

ঢেলে দেয় সুখার ধারা, এম্নি ধারা
 কোটি তারা রয় বিমানে ;
 এম্নি ঠাণ্ডা গরম, শঙ্কু নরম
 কত রকম কত স্থানে !

ভেবে দেখ সত্যাসত্য এদের তত্ত্ব
 নাই বিজ্ঞানে, বেদ কোরাণে ।
 মাথা তো একটুখানি, কতই জানি
 ব'লে মরি অভিমানে ।—
 কাস্ত কয়, জ্ঞানের মালিক জ্ঞান না দিলে
 জ্ঞান আসে কি ভেসে বানে ?

বিশ্ব-যন্ত্র

এম্নি ক'রে চাবি দিয়ে—
 দিয়েছে এই বিশ্ব-যন্ত্র ঘুরিয়ে,
 কোটি কোটি বছর যাচ্ছে,
 তবু চাবির দম যায় নাক' ফুরিয়ে !

বলিহারি, বাহবা, ওস্তাদের কেলামৎ !
 (স্মার) অয়েল কস্তে হয় না, কস্তে হয় না মেরামৎ,
 হোক না অহ্ন, কি কাণা,
 সে পথের এম্নি ঠিকানা ;
 বাঁকা সোজা রাস্তার ওস্তাদ
 কেমন ক'রে দিলে শূণ্ডে উড়িয়ে !

কোটি যোজন লম্বা ওই ধুমকেতুর পুচ্ছটি ;
 (আবার) কত লক্ষ পৃথিবীর সমান ওই সূর্য্যটি ;
 (ওটা) কি দিয়ে ভাই' ছেলেছে ?
 (আর) কতই আগুন ঢেলেছে ?
 (কত) কোটি বছর, সমান জ্বলেছে,
 তাপ কমে না, যার নাক' ভাই জুড়িয়ে !

(সেখ) কত তাহার ধ্বংস হ'চ্ছে প্রতি মুহূর্ত্তে,
 (আবার) কত তৈরী হ'চ্ছে, নীচে মধ্য আর উর্ধ্বে,
 নাইক' আদি কি অস্ত,
 জড় কোথা ?—সব জীয়াস্ত !
 কোথা থেকে কল টিপেছে,
 কারিগরের কেমন লুকোচুরি এ !

১০ই আষাঢ় ১৩১৭, রাত্রি
 হাসপাতাল

মধুমাংস

নীল নভঃতলে চন্দ্র তারা অলে,
 হাসিছে ফুলরাগী ফুলবনে ।
 হরষ-চঞ্চল সমীর স্ত্রীতল
 কহিছে শুভ কথা জনে জনে ।

মধুর মধুমাংসে, আকুল অভিলাষে
 ধরণী-নিশাকাশে প্রকৃতি যুত্ব হাসে,
 কুজিছে পিক-বধু ছড়ারে প্রাণমধু,
 আজি কি হবে বসি নিরঞ্জে ?

বন্ধে বাঁধি' আশা, হরষ ল'য়ে প্রাণে,
 লক্ষ্যে রাখি' আঁধি, চলিবে সাবধানে ;
 হের এ উৎসব বাঁহার করুণায়—
 তিনি ত উৎসাহ-প্রদান-বাসনার
 মোদের সনে স্মখে মিলিত হাসিমুখে,
 জ্ঞানের মধু-কল বিতরণে !

হান্না-নিধি

জনম-জনম-ভরি গিরি নদী কানন,
 চুঁড়ই জীবন-নিধিয়া হারে !
 যব হাম ধরশীপর, নীল গগন-তল
 চলত মরীচিত বঁধুয়া হারে !

গেহ তেরাগস্থ, দিবস গোয়ায়স্থ
 অনশনে বহুত পিয়াসে হারে !
 আজু মিলল সখি, হৃদয়কী রাজা,
 আর নাহি ছোড়ব জিয়াসে হারে !

শিবরহ

কি মধু-কাকলি ওরে পাখী,
 তোরে হৃদয়-মাঝারে ধ'রে রাখি ।
 আমি যে উদাসী, চির-পরবাসী,
 সেই মুখ-চেয়ে ব'লে থাকি !

(ତୋର) ମଧୁମାଧା ଗାନେ, (ତାରେ) ସେନ କାଢ଼େ ଆନେ,
 ବସାୟେ ତାହାରେ ପ୍ରାଣେ ;
 (ଆମି) ପୁଲକେ ସେନ ରେ ମରେ ଥାକି !

ରେ ବିହଗ-ସନ୍ଧା, ଆମି ସେ ଅଭାଗା,
 ମୋର ତରେ (ତୋର) ପ୍ରାଣ କାଁଦେ ନା କି ?

ଅଭିସାରିକା

ଭିକ୍ଷକ କାମୋଦ—ରୀପତାଳ

ନୟନ-ମନୋହାରିକେ ! ଗହନ-ବନଚାରିକେ !
 ନବ-ବକୁଳ-ମାଳ-ଊରେ, ପ୍ରେମ-ଅଭିସାରିକେ !
 ନୂପୁର ପଦ-ଚଞ୍ଚଳେ, ଚପଳା ଖେଳେ ଅଞ୍ଚଳେ,
 ହରି-ମିଳନ-ତ୍ରସ୍ତ-ହ୍ରଦି—ପ୍ୟାରୀ-ଅହୁକାରିକେ !

କୁକୁମ-ସୁଦିକ୍ଷ ତହୁ ଚଞ୍ଚିତ ସୁଚନ୍ଦନେ,
 ମାଳତୀ ସୁଗନ୍ଧ ଚୁଟେ ପୀନକୁଚ-ବନ୍ଧନେ ;
 ଦଳିତ ପଦେ ବଲ୍ଲରୀ, ହ୍ୟାତ କୁସୁମ-ମଞ୍ଜରୀ,
 ମଧୁର-ସୁହ-ଗୀତି ଚିର-ମୁକ ଶୁକ-ଶାରୀକେ !

ପ୍ରେମେର ଡାକ

ଐ ଶୋନ କାରେ ଡାକେ ?
 ଓଗୋ କେ ସେ ? ଓଗୋ କେନ ଡାକେ ?
 ଓଗୋ କୋଥା ହ'ତେ ଡାକେ ? କୋଥା ଥାକେ ?

কোথা গুনেছি যেন সে গান !
 চির-বিদায়ের সুর বীধা যেন
 পথহারা মধুভান ;—
 কি যেন কি সব—মনে পড়ে না তো !—
 গান গুনে (এই) প্রাণে জাগে !

সে যে হাত ছুটি দিল বাড়ায়,—
 করে টেনে নিতে হিয়া-মাঝে—
 গেল আঁখির পলকে হারায়,
 গেল ! সে যে গেল !—ধর গো, তোমরা ধর গো,
 ওগো ধর তাকে !

ওগো যেও না, ফেলে যেও না,
 আমি একাকিনী (বনে) ভয় পাব ।
 তুমি অমন করিয়া চেও না,
 ফেলে যেও না, তোমার পায়ে ধরি,
 ওগো, কাঁদাতে কি (বড়) ভাল লাগে ?

আহা পেয়ে যেন তবু পাইনে,
 কি যেন পেলে সব পাওয়া হয়,—
 আর যেন কিছু চাইনে !
 (আমি) বনে বনে ঘুরি, ছুটে-ছুটে মরি,
 তুমি কাছে থাক তবু ফাঁকে ফাঁকে !
 ঐ শোন করে ডাকে ?

আশাঙ্কিত

বেহাগ—একতালা

চল ফিরে চল, তারে পাওয়া যাবে না !

(এই) আঁকা বাঁকা ঘুরো পথ যে আর ফুরাবে না !

তারে নিয়ে গেছে পরীর দেশে,

ধরার সনে আর কি মেশে !

ধরার আঁখি নিয়ে তারে

দেখতে পাবে না !

আমার যে আর পা চলে না—

(তবু) ‘আহা’ ‘বাছা’ কেউ বলে না ;

সে ছাড়া আর নয়ন-বারি

কেউ মোছাবে না !

কত দূরে কিসের মত,

আলো-আঁধার ছুটছে কত !

রইল ছায়া, গেল কায়ী

ফিরে আসবে না !

শব্দগল্প-অক্ষয়

মা, তোর স্নেহ-গগনে উদ্ভিল

আজি কুল্ল বুগল চাঁদ গো,

অবিরল ধারে বহিছে সুধা

নাহি মানে কোন বাঁধ গো ।

লহ, মুক্ত হৃদয়ের ভক্তি-জল, লহ
 প্রীতি-ফুল-সুখ-চন্দন ;
 লহ, দীন-সম্বল, প্রেম-বিরচিত
 এ অভিনন্দন হে !

বন্দনা

(বল) কি দিয়ে পৃথিব ও-চরণ !
 দীন অকিঞ্চন মলিন হৃদয় ল'য়ে
 কেমনে করিব, দেব, তব আবাহন !

সৌম্য মধুর তব শাস্তোজ্জল দেহ,
 বদনে নীতি-কথা, নয়নে প্রীতি-প্নেহ,
 বিপুল শাস্ত্ররাশি, মোহধ্বাস্ত নাশি',
 বিতরিছ দিশি দিশি পুণ্য-কিরণ ।

বরষে বরষে, গুরো, কত না আদর করি',
 ধর্মনীতি দিয়ে যাও এ দীন হৃদয় ভরি' ;
 ছিয়া কি পাষণ হয়, রেখা নাহি পড়ে তার !
 কি হবে উপায় ? দেব, কর নিরূপণ ।

বন্দনা

গৌরী—কাপতাল

(আজি) দীন নয়ন সজল করুণ, কেন রে পরাণ কাঁদে—
 লুটাইয়া অবসাদে ?
 সোণার স্বপন ভাঙিল নিয়তি
 নিষ্ঠুর চরণাঘাতে !

মরমের কোণে সুকাইল জ্বল,
 কেবলকে ঝরিল কুসুম সুবাস,
 তপ্ত বেদনা বহিরা বাতাস,
 মূরছি পড়ে বিষাদে !

অন্ধ তিমির উজ্জলি' কিরণে,
 আনি' জাগরণ সুপ্ত নয়নে,
 উদিল অরুণ পূর্ব গগনে,—
 ডুবে গেল পরভাতে !

দেখ রে জ্ঞান-সাগর-যাত্রী,
 উষ্ম তোদের আসিল রাত্রি ;
 কে আর অকূলে লয়ে যাবে তরী—
 কে আর যাইবে সাথে ?

* * *

আজি শায়দ মিলনে কেন রে
 এত বাজিছে বেদনা পরাণে,
 কেন ঝরিছে কুসুম অধীরে
 কেন মুদিত তারকা গগনে ?

ব্যাকুল বেদনে ফিরিছে রোদন
 আজি রে নয়নে নয়নে ;
 কি যেন ছিল রে হিয়ার মাঝারে,
 কে যেন মিশাল' পবনে !

কৃপণের ধনে কে লইল কাড়ি,
 কেন হেন অকারণে ;
 স্নেহমাখা তার শিববাণী আর
 শুনিব না কভু কাণে ।

সেবকে কে আর তুমিবে সাদরে
 অমৃত মদিরা দানে,—
 হাসিমুখে সদা কে ডাকিবে আর
 আঞ্জ নিশি-অবসানে !

* * *

হৃদয়-কুশুমাঞ্জলি লহ, দেব, উপহার !
 কি দিব তোমার মত, বল কিবা আছে আর !
 তুমি যে যাইবে প্রভু, স্বপনে জানিনে কভু,
 তোমার বিদায়-কথা—শোক শেল ছর্নিবার ।

জ্ঞান-মঞ্চে বসি' উঠে, হেলা করনিক' তুচ্ছে,
 দীন-ধনী-নির্ঝিংশেষে সবে সম ব্যবহার ।
 সঙ্কল্প-পালনে রত, ধর্মবীর সত্যব্রত,
 নিষ্কলঙ্ক সমুজ্জল কি দৃষ্টান্ত চমৎকার ।

অসহায় প্রাণ কাঁদে, হৃদে না ধৈর্যধ বাঁধে,
 না পারি গাহিতে গান, ছিঁড়িছে মরম-তার ।
 শত অপরাধ ভুলি', দাও ও-চরণ-খুলি,
 যেথা থাক লভ চির-আশীর্ব্বাদ দেবতার ।

উপদেশ

গুরুবাক্য শিরে ধর,
 সজ্জনের সঙ্গ কর,
 সদালাপে কাল হর,
 অবশ্য কুশল হবে ।

নিজ ধর্মের মতি রেখ,
 সাধুর জীবন দেখ,
 সে জীবনী পড়, শেখ,
 তোমারেও সাধু ক'বে ।

বিষধর সর্প সম
 কুসঙ্গ বর্জন করি',
 পাপ-রিপু, প্রবঞ্চনা,
 পরগীড়া পরিহরি',

বিধাতার প্রেম-বলে
 বিশ্বপ্রেমে যাও গ'লে,
 বাধা বিহ্ন পদে দ'লে
 “জয় জগদীশ” রবে ।

অচলা ভকতি রেখ'
 জনক-জননী-পদে,
 পিতামাতা ক্রবতারা
 কুটিল-জীবন-পথে ;—

ভাই-বোনে ভালবেসো,
 হুখে কেঁদো, সুখে হেসো,
 ভুল' না বিড়ুর পদ
 ধরণীর কলরবে ।

ছিন্নমুকুল

ফুল যে ঝরিয়া পড়ে, কথা নাহি মুখে ।
 তার ক্ষুদ্র জীবনের বিকাশ, বিনাশ,—
 তার ক্ষুদ্র আনন্দের তুচ্ছ ইতিহাস
 র'য়ে গেল কি না এই মর মর্ত্য-বুকে,—
 সে কি তা দেখিতে আসে ? হেসে ঝ'রে যায় ।

বনদেবী তার তরে নীরব সঙ্ক্যায়,
 প্রশান্ত প্রভাতে, বসি' একান্তে নিৰ্জনে,
 নিৰ্মল স্মৃতির উৎস নয়নের নীর—
 ফেলে যায় প্রতিদিন—পবিত্র শিশির,
 অতি জীর্ণ পত্রাবৃত সমাধি-শিয়রে ।

ভ্রমর ফিরিয়া যায় নিরাশ হইয়া ।
 শেষ মধুগন্ধটুকু কুড়ারে যতনে
 ব্যথিত সমীর ফিরে আকুল ক্রন্দনে
 লুপ্তপ্রায় জনশ্রুতি সমাধির পাশে ।

কভু যদি কোন পাছ পথ ভুলে আসে,
 কহে তারে কাণে কাণে বিষাদ-স্পন্দনে,

“তোমরা এলে না আগে, দেখিলে না ভারে,
ছোট ফুল, ঝরে গেল নৌরভের ভারে।”

* * *

অফুটন্ত মন্দার-মুকুল ;

সে কেন ফুটিবে হেথা ?—বিধাতার ভুল ।

কোন অভিশাপ-ভরে, ধরায় পড়িল ঝরে,
শতীর কুস্তল-রূপী বিলাসের ফুল ?

দেবতার উপভোগ্য, এ ধরা কি তার যোগ্য ?
সুকাল,—হ’দিন দিয়ে সুরভি অফুল ।
হায় হায়, কেন এলে ? কেন বা চলিয়া গেলে,
আত্মীয়-বান্ধব-হৃদে হানি’ শোক-শূল ?

কিছু তো জানিনে সখা, আর যে হবে না দেখা,
উৎসাহের আশা আজ(ই) হইবে নির্মূল !
সাহিত্য-গগন-তীরে নব রবিরূপে, ধীরে
উঠেছিলে বিস্তারিয়া আলোক বিপুল ।

কি করাল কাল-মেঘে ফেলিল তোমারে ঢেকে,
ডুবিলে ;—ডুবালে চির আঁধারে অকুল !
তবে যাও দেবাকাশে, হৃদিভরা অভিলাষে
হইয়ে উদয়, তুষ্ট কর দেবকুল ।

যেখানে গিয়াছ ভাই, মরণের মেঘ নাই,
নাহি হুঃখ, নাহি অশ্রু বিচ্ছেদ-আকুল ;
অরণের জল-বায়ু, দিবে শুভ্র চির আয়ু,
সকল দেবতা, সখা, হবে অফুকুল !

তোমরা ও আমরা

আমরা রা'বিয়া বাড়িয়া আনিয়া দেই গো,
 আর তোমরা বসিয়া থাক ;
 আমরা ছ'বেলা হেঁসেলে ঘামিয়া মরি গো,
 আর (খেয়ে দেয়ে) তোমরা নিদ্রা যাও ।
 আজ এ-বিপদ, কাল ও-বিপদ করি' গো,
 হাতের ছ'খানা গহনা ও টাকাকড়ি গো,
 "না দিলে পরম প্রমাদে, প্রেয়সি, পড়ি গো !"
 বলি', ল'য়ে চম্পট দাও ।

স্বাধীনচিন্ত নিত্য রাত্রে ঘুরিবে,
 কত পায়ে ধরি, শুনিবে না ;
 মদিরে অচিরে সাজ পাইবে, বলিবে,—
 "সবি তোমাদেরি তরে দেনা !"
 সুদিনে যেসিয়া গায়েতে পড়িয়া ঢলি' গো,
 "চন্দ্রবদনি, আর কি !" মোহাগে গলি' গো,
 "জীবিতেশ্বরি" "প্রিয়তমে" "সখি" বলি' গো,
 স্বর্গে তুলিয়া দাও ।

যখন যা আসে শ্রীমুখে বলিয়া যাও গো,
 শুনে আমরা স্তব্ব রই ;
 রক্ত-বর্ণ এমনি চাহনি চাও গো,
 দেখে ভয়ে জড়সড় হই ।
 কথায় কথায় ধরণী ফাটাও রাগি' গো,
 আমরাই যেন সব নিমিস্তের ভাগী গো,
 পায়ে ধরি' সাধি অপরাধ-ক্ষমা-লাগি' গো,
 তবু লাধি মেরে চ'লে যাও ।

আমরা মাহুরে পড়িয়া নিজা যাই গো,
 আর তোমাদের চাই গদি ;
 আমাদের শাক-পাতাটা হ'লেই চলে গো,
 আর তোমরা পোলাও দধি !
 তথাপি যদি বা কোন কাজে পাও ক্রটি গো,—
 স্বাস্থ্যে হালুয়া-জুচি ও ব্যাধিতে রুটি গো,
 না হ'লে—আ মরি ! কর কি সুন্দরুটি গো,
 কিংবা চড়্‌চাপড়্‌টা দাও ।

আমরা একটি চুলের বোঝার ভারে গো
 সদা জ্বালাতন হ'য়ে মরি,
 তোমরা, সে জ্বালা সহিতে হ'য় না, থাক গো
 সদা এলবার্ট টেরি করি' ।
 আমরা ছ'খানা শাঁখা ও লোহার খাড়ু গো
 পেলেই তুষ্ট, কষ্ট হয় না কারু গো,
 তোমাদের চটী, চুরুট ও চেন চারু গো,—
 তবু খুঁতখুঁতি মেটে নাও ! *

॥ ৪ ॥

প্রভাতে

প্রভাতে যখন পাখী গাহিল প্রভাতী—

আলোকে বসুধা ভরপূর ;
পূর্বাকাশে পরাকাশে তপনের ভাতি
স্নিগ্ধ, ধীর, সমীর মধুর ।

মঙ্গল-আরতি শঙ্খ বাজে ঘরে ঘরে,
অবিরত তব স্তুতি-গান,
কোথায় লুকালে, প্রভু ! মুক্ত চরাচরে ?
ব'লে দাও তোমার সন্ধান !

অকস্মাৎ খুলে গেল মরমের দ্বার,
মুদিয়া আসিল ছ'নয়ন ;
দেবতা কহিল ডাকি', 'মানসে তোমার
আন পূজা, করিব গ্রহণ ।'

হাসপাতাল

সঙ্ক্যার

সঙ্ক্যার উদার মুক্ত মহা ব্যোম-ভলে
সুগভীর নীরবতা-মাঝে,
কুল শশী কোটি কোটি দীপ্ত গ্রহদলে
আলোকের অর্ঘ্য ল'রে সাজে ।

তোমারি কুপার দান দিবে তব পদে—

চন্দ্র তারা সবারি বাসনা ;
কিন্তু সে চরণ কোথা ? গেলে কোন্ পথে
সিদ্ধ হবে দীন উপাসনা ?

কোটি কোটি প্রহলোকে পারনি খুঁজিয়া,
আরাধনা হ'য়েছে বিকল ;
বিক্ষিপ্ত হৃদয় ল'য়ে নয়ন মুদ্রিয়া
ব'লে থাকি, মন রে, কি ফল ?

হাসপাতাল

নিকীর্ষণ

নিকীর্ষণে গগন শুদ্ধ, ধরা সুপ্তি-কোলে,
গভীর, সুধীর সমীরণ ;
জলেহলে মধুগন্ধি কত ফুল দোলে,
ডুবে যায় চাঁদের কিরণ ।

আমি যুক্ত করে—“এস, পূজা লও প্রভু !”
ব'লে কত ডাকিনী কাতরে,
মায়াময় ! লুকাইয়া রহিলে যে তবু ?
খুঁজে কি পাব না চরাচরে ?

হৃৎকল এ ক্ষীণ দেহ ব্যাধির কবলে
কীদে নাথ ! এ বেদনাতুর ;
দেখা দিবে, পূজা নিবে, রাখ পদতলে,
চাও নাথ ! বিরহ-বিধুর ।

হাসপাতাল

রক্তা-

বিমল আনন্দ ল'য়ে গিরি হ'তে নেমে আসে
কল্যাণ-রাপিণী নদী ; এ ধরা আনন্দে ভাসে ।
যে নগরী পাদমূলে, বারি ঢালে তার কূলে,—
ফুটে উঠে নব শোভা, নব প্রাণ পেয়ে হাসে ।

বিলায় মঙ্গল-রাশি, পিয়াসীর তৃষ্ণা নাশি'
অশাস্ত্র আবেগে ছুটে চলে সাগরের পাশে ;
তরঙ্গিণী ক্ষুদ্র, তাই সাগরে এসেছে ভাই !
অগাধ আনন্দ-মাঝে মিশিবারে মহোজ্বাসে ।

যার যা অভাব আছে, প্রাণ আন তার কাছে,
আসিরাছে রত্নাকর, রত্ন পাবে অনায়াসে ;
হৃদয়ের পুণ্য-তীর্থ ! কি গভীর ! কি পবিত্র !
সাগর-সঙ্গম-যাত্রী, এস মোক্ষ-অভিলাষে ।

যোপী

বিশাল-বিমুক্ত-শূন্য-চন্দ্রাতপ-তলে,
চপলা প্রকৃতি-মাঝে, অচঞ্চল, ধীর,
মৌনী, নিমিলিত-নেত্র, জ্ঞান-যোগ-বলে
(বীরাসনে উপবিষ্ট) বিশ্বজয়ী বীর !

ভীষণ পিঙ্গল জটা ; জীর্ণ, রুক্ষ দেহ,
ভীম অনলের কুণ্ড যোগায় বিভূতি ;
ক্ষুধা, ঘৃণা, লজ্জা, ভয়, আকাজকা, সন্দেহ,
বিলাস, সম্পদ—কুণ্ডে দিয়াছে আছতি ।

ধ্বংসশীল জগতের শত আবর্তন
সমাধি-আসন-তলে সত্যোলুটায় ;
সুখের সামগ্রী নহে আনন্দ-বর্জন,
নাহি হেন হ্রঃখ, যা'তে সমাধি টুটায় ।

স্বপ্নহীন-শীতাতপসিদ্ধ, নির্বিবকার,
ভেদজ্ঞান-বিবর্জিত, নিরুদ্ধ-ইন্দ্রিয় ;
বৃষ্টি নাই, চেষ্টা নাই, দীর্ঘ নিরাহার,
অপ্রিয় নাহিক কিছু, নাহি কিছু প্রিয় ।

সুপ্ত কি জাগ্রৎ ? রুদ্ধ, নিভৃত গহ্বরে
ইচ্ছাশক্তি, অহুভূতি, ধৃতি, অহমিকা
চির-লুকায়িত, কিংবা সুপ্ত চিরতরে,—
জানি না, বুঝি না এই গুঢ় প্রহেলিকা ।

কি পেয়েছে, কি দেখেছে—কিছু নাহি বলে ;
প্রশ্ন ল'য়ে উৎকণ্ঠিত জীব, পদতলে ।

স্রষ্টি-স্থিতি-ক্ষয়

উত্তুঙ্গ শিখর-শ্রেণী প্রসারি' গগনে,
সুবিশাল গিরি ওই অটল গম্ভীর,
ফল-পুষ্প-তরুলতা-ভুষার-কাননে,
প্রকৃতির চিরশাস্ত্র পবিত্র মন্দির ।

লীলাময়ী নিব'রিত্তী কর ঝর ঝরে,
বিহগের কলকণ্ঠে মিলায়ে সঙ্গীত,

গৈরিকের রক্তরাগ মুকুতা অধরে,
নেমে আসে মাতৃরূপে জগতের হিত ।

সমতলে দয়াময়ী রাখি' স্ত্রীচরণ,
কল্যাণ-তরঙ্গ তুলি' আনন্দে নাচিয়া,
ছই কূলে ফুটাইয়া মন্দার-কানন,
চ'লে যায় স্নেহ-নীর-ক্ষীর পিয়াইয়া ।

অকূলে অর্ণব-কোলে কালের বিধানে,
মিশাইয়া প্রাণময়ী সুধা-নীর-ধারা,
আবার বাষ্পীয় রথে আরোহি' বিমানে
পিতৃকূলে কন্যারূপে হয় আত্মহারা ।

চিন্তাশীল নর ! ইথে নাহি মনে হয়,
ব্রহ্মাণ্ডের চিরস্তন সৃষ্টি-স্থিতি-লয় ?

মহাকাব্য

প্রহেলিকাময় চিরস্তন !

নিত্য বৃক্ষ—চিরসুগন্ধ,

স্বপ্রকাশ, চিরসুগন্ধ ;

অবিজ্ঞেয়, অহুভূত, ভীম নিরঞ্জন !

তোমারি প্রবাহ ধরি'

নিখিল বৈচিত্র্য-তরী

ভেসে যায়, কোথা যায় নাহি নিরূপণ ।

জীবন, মরণ, স্থিতি,
 হর্ষ, শ্রীতি, হুঃখ, ভীতি,
 আনন্দ, উৎসব-গীতি, শোকের ক্রন্দন,—
 হে অনন্ত গরীয়ান্ !
 হে অখণ্ড, হে মহান্ ।
 সকলি ও নির্বিকার বক্ষের স্পন্দন !
 প্রহেলিকাময় চিরন্তন !

জ্ঞানময় ওহে চিরন্তন !
 অগণ্য গ্রহের মেলা
 কবে কি করিবে খেলা,
 কোন্ পলে কোন্ পথে করিবে ভ্রমণ,
 কে কোথা পড়িবে বাঁধা,
 কে কোথা পাইবে বাধা,
 কোন্ কোন্ গ্রহে কোথা হ'বে সংঘর্ষণ,
 কারণে হইবে কার্য্য,
 বিধিলিপি অনিবার্য্য,
 উর্ধ্বরতা, অনাবৃষ্টি, ভূকম্প, প্লাবন,
 চেয়ে আছ স্থিরলক্ষ্যে !
 সকলি ও মুক্ত চক্ষে
 প্রতিভাত ; যেন স্তম্ভ নখর-দর্পণ !
 জ্ঞানময় তুমি চিরন্তন !

প্রাণময় ওহে চিরন্তন !
 বিশ্ব-সজীবতা মাগি'
 যে দিন উঠিলে জাগি'
 অনন্তের প্রান্তে, ল'য়ে অনন্ত জীবন ;

সে হ'তে নিখিল ভবে,
 অবিশ্রান্ত কলরবে,
 অক্ষুরি' উঠিছে প্রাণ মুহূর্তে নূতন ;
 উজ্জ্বল সুষমা-ভরা,
 চির-প্রাণময়ী ধরা
 মধুরাস্ত্রে, মধুহাস্ত্রে ভাসায় ভুবন ;
 আনন্দ, উৎসাহ, বল,
 আশা, প্রীতি, কোলাহল
 ল'য়ে নিরন্তর করে চরণ-বন্দন !
 প্রাণময় তুমি চিরন্তন !

মৃত্যুময় তুমি চিরন্তন !
 ভবিষ্য মুহূর্তগুলি
 উৎকণ্ঠিত নেত্র তুলি'
 বর্তমানে হয় লীন ; কে করে বারণ ?
 আঁখির পলকে হায়,
 বর্তমান হ'য়ে যায়
 অতীতে অপুনর্লভ্য, চির অদর্শন !
 কস্মের সমীর-ভরে,
 মহাসিন্ধু-বক্ষ'পরে
 জীবন-বুদ্ধ দ-শ্রেণী উঠে অগণন ;
 মুহূর্তে অকূলে ভাসি'
 মিলায় যে বিশ্বরাশি
 তব বক্ষে, সর্বগ্রাসী ওহে বিভীষণ !
 মৃত্যুময় তুমি চিরন্তন !

ক্লান্তিক এ সুখতুঃখ

পরিত্রাণ যদি মোর, ভগবান্, নাহি কর তুমি,
 তুঃখ নাই ; গরলে কি ভীত হয় গরলের ক্রিমি ?
 দীনবন্ধু, তুঃখ এই, পরিত্রাতা বলে তোমা সবে,—
 সেই চিরনিষ্কলঙ্ক যশোরাশি মলিন যে হবে !

তোমার পৃথিবী, নাথ, করিয়াছ সুখ-রঙ্গালয় ;
 দেখেছি দাঁড়িয়ে দূরে, করি নাই কভু অভিনয় ;
 পলে পলে পটক্ষেপ, আশঙ্কায়—আকাজকায় তুখ,
 পদে পদে পদচ্যুতি, তবু প্রেম দাও—এই সুখ !

আজীবন সুখতুঃখ এ ভীষণ তরঙ্গ-মাঝারে,
 এ দৌনের ক্ষীণ প্রাণ আকুলিত অকুল পাথারে ;
 ক্লান্তিক এ সুখতুঃখ লহ, প্রভু, চাহি না যে আর,
 চিরানন্দ ক'রে দাও এ হৃদয় তনয় আমার !

স্বিন্দাহস্ত-লিপি

একস্টেম্পোর পত্র পেয়ে
 হ'য়েছি অবাক !
 হাজার হ'লেও, দাদা,
 মরা হাতী লাখ ।

তোমার মঙ্গল-ইচ্ছা
 হ'ল না সফল,—
 জীবন কুরায়ে গেল,
 ভেঙ্গে যায় কল ।

আর তো হ'ল না দেখা ;
 কর আশীর্ব্বাদ—
 এড়িবে সমস্ত ছুঃখ,
 বেদনা, বিষাদ ।

বড় যে বাসিতে ভাল,
 শিখাইতে কত,
 ছাপা'ল কবিতা ভাই,
 সে “নব্যভারত” ।

বিদায় বিদায়, ভাই,
 চিরদিন তরে,
 মুমূর্ষুর হিতাকাঙ্ক্ষা
 রেখ মনে ক'রে ।

একান্ত নিভ'ন্ন ভাসি
 কল্লোছি দক্ষাঙ্গে,
 মানে সেই রাখে সেই—
 মা থাকে কপালে ।

শ্রীতি দিও তথাকার
 প্রিয় বন্ধুগণে,
 ভক্তি দিও তথাকার
 নমস্ত সৃজনে । *

হাসপাতাল

* মৃত্যুর কয়েক দিন পূর্বে কবিরের পরম বন্ধু এখিতবশ্যঃ শ্রীমুক্ত অক্ষয়কুমার মৈত্রেয় মহাশয়ের উজ্জ্বলিত কবিতার লিখিত পত্রের উত্তরে রচিত ।

শ্রেয়স দান

দাও, ভেসে যেতে দাও তারে ।
 ওই শ্রেয়স পরমেশ-পাদোদক !
 তাহার চরণামৃত ছুটেছে যে অশ্রু-রূপে,
 তারে দিও না গো বাধা ।

যেতে দাও !

আমার মরাল-মন ঐ চ'লে যায় কার গান গেয়ে,
 শোন । ঐ স্রোতোবেগে, মধুর তরঙ্গ তুলি',
 যেতে দাও !

মুছিও না, ওটিও চলিয়া যাক্
 আসিয়াছে যেথা হ'তে,—
 সে চরণে ফিরে চ'লে যাক্ ।

দিয়ে যাক্ এ তৃষায় কাতর
 পৃথিবীর সুলীতল সুমধুর ধারা,—
 অমর করিয়া যাক্ বহি ।

ঐ অশ্রুটুকু এ জীবন-মরালের পাথয়ে মধুর,
 সে-টুকু নিও না কেড়ে,
 দিতে চাই তারি পদতলে—
 যে দিয়েছিল অশ্রু-ভিক্ষা ।

আমান্ন দক্ষাল অই—
 ব'সে আছে নিরাকরমে !
 আমান্নে দিও না বাধা,—
 ভেসে যাই একরমে ! •

হাস্যাত্মক

• এই কবিতাটি বঙ্গসাহিত্যে কবিতার শ্রেয়স দান ; কয়েক দিন পরেই তাহার লেখনী চির-
 বিদায় লভ করিয়াছিল ।